

ი. ანთელავა

**XVIII საუკუნის საქართველოს
სოციალურ-ეკონომიური
განვითარების ხასიათის
საკითხისათვის**

(სოფლის მასალების მიხედვით)

გამომცემლობა „მეცნიერება“

თბილისი

1977

9 (C 41)
9 (47.922)
ა 657

ნაშრომში, ნარატიული თუ დოკუმენტური, გამოქვეყნებული თუ გამოუქვეყნებული, სამართლის ძეგლებისა და სხვა ხასიათის წყაროების ფართოდ გამოყენებით, შესწავლილია XVIII საუკუნის საქართველოს, სოფელში მიმდინარე ცვლილებები, მათი ხასიათი. ავტორის აზრით, მიუხედავად მძიმე და რთული საგარეო პოლიტიკური ვითარებისა, საკვლევი ხანის საქართველოში, მის სამეურნეო და საზოგადოებრივ ცხოვრებაში, მაინც მიმდინარეობდა გარკვეული ძვრები (სასაქონლო წარმოების განვითარება, მანუფაქტურის ჩანასახები, ფეოდალური საკუთრების საფუძვლების შეარყევა, ფულადი რენტის ხვედრითი წონის ზრდა, კლასობრივი ბრძოლის ახალი ფორმების გაჩენა და სხვ.), რომლებიც ნიადაგს ამზადებდნენ ძველი ფორმაციის დასამზობად და ახლის გასამარჯვებლად მომავალში. აქედან გამომდინარე, ნაშრომში გაკრიტიკებულია თვალსაზრისი XVIII საუკუნის საქართველოს სოციალ-ეკონომიური ცხოვრების დაჩიხულობის შესახებ, ისე როგორც უარყოფილია ქვეყნის განვითარების საერთო დონის გადაჭარბებულად წარმოდგენის ყოველგვარი ცდა.

ისტორიოგრაფია

XVIII საუკუნის საქართველოს სოციალ-ეკონომიური განვითარების ხასიათით არაერთი ისტორიკოსი და ეკონომისტი დაინტერესებულა. ზოგი გაცვრით შეხებია მას, ზოგს კი სპეციალური კვლევა უწარმოებია. მიუხედავად ამ მიმართულებით მოპოვებული გარკვეული წარმატებისა, არსებული მდგომარეობა მაინც არ შეიძლება ჩაითვალოს დამაკმაყოფილებლად. დღემდე სათანადოდ არ არის შესწავლილი ჩვენთვის საინტერესო პრობლემის ბევრი მნიშვნელოვანი ასპექტი. კერძოდ, დადგენილი არ არის იგრძნობოდა თუ არა XVIII საუკუნის საქართველოს სოციალურსა და ეკონომიურ ცხოვრებაში რაიმე საყურადღებო ძვრები, ხომ არ იყო შეჩერებული საწარმოო ძალთა განვითარება და ქვეყნის წინსვლა, ხომ არ ემუქრებოდა რაიმე საფრთხე მაშინ გაბატონებულ საზოგადოებრივ ურთიერთობას და ა. შ. ამ საკითხებზე გამოთქმულია სრულიად სხვადასხვა, ერთმეორის გამომრიცხველი აზრები, რომლებიდანაც ჭერჯერობით არც ერთი არ არის საბოლოოდ მიღებული და დამკვიდრებული მეცნიერებაში.

ერთ-ერთი პირველთაგანი, ვინც აქ დასმულ საკითხებს შეეხო, იყო ფილიპე გოგიჩაიშვილი, შემდგომში ცნობილი მეცნიერი, ეკონომისტი, თბილისის სახელმწიფო უნივერსიტეტის პროფესორი. მან ჯერ კიდევ 1902 წელს „კვალში“ დაბეჭდა სტატია სათაურით „საქართველოს ეკონომიური მდგომარეობა XIX საუკუნეში“, რომელშიც არასპეციალურად, სხვათა შორის ჩვენთვის საინტერესო საკითხსაც შეეხო. მან კითხვაზე, თუ რას წარმოადგენდა ჩვენი ქვეყანა XVIII საუკუნის ბოლოსა და XIX საუკუნის დასაწყისში, როგორც საქართველოს ძლიერი ჩამორჩენილობა ხაზგასმითაა აღნიშნული. საქართველო მაშინ, ფ. გოგიჩაიშვილის სიტყვით, კარჩაკეტილი მხარე იყო, „ძალიან, ძალიან სუსტად“ დაკავშირებული სხვა ქვეყნებთან¹. არ იყო „განვითარებული ვაჭრო-

¹ ფ. გოგიჩაიშვილი, რჩული ნაწერები (აკად. პ. გუგუშვილის რედაქციითა და წინასიტყვაობით), ტ. I, თბ., 1974, გვ. 154.

ბა, არ იყო გასპეციალებული მრეწველობა². ცოტა მოგვიანებით, 1904 წელს, იმავე ავტორმა ჟურნალ „მოამბეში“ გამოაქვეყნა წერილი „შინაური მიმოხილვა“, რომელშიც უარყოფილია ვაქრობის, მრეწველობის, ქალაქებისა და ქალაქური ცხოვრების არსებობა არა მარტო XVIII საუკუნის, არამედ საგლეხო რეფორმის წინარე ხანის საქართველოშიც. „არ უნდა დავივიწყოთ, — ნათქვამია დასახელებულ წერილში,—რომ ამ 40—50 წლის წინათ—ჩვენში ნატურალური მეურნეობა არსებობდა და თითქმის ნასახიცი არ იყო მოქალაქეობრივის ცხოვრებისა... ქალაქი და ქალაქური ცხოვრება მაშინ ქართველისათვის არ არსებობდა. ვაქრობა და მრეწველობა მცირედ იყო განვითარებული“³.

როგორც მოტანილი ადგილებიდან ჩანს, ფ. გოგიჩაიშვილი XVIII საუკუნის მიწურულის საქართველოს წარმოგვიდგენს როგორც ნატურალური მეურნეობის ქვეყანას, სადაც უბრალო ნასახიც არ არსებობს ქალაქისა და ქალაქური ცხოვრებისა. კიდევ უფრო ნაკლები მნიშვნელობისა იყო მისი სავაჭრო-ეკონომიური კავშირები უცხო ქვეყნებთან. ასეთია ის დასკვნები, რომლებსაც აკეთებს დასახელებული წერილების ავტორი. სამწუხაროდ, იგი სათანადო მასალით ვერ ამაგრებს თავის დასკვნებს, რის გამოც ისინი დამაჯერებლობას მოკლებული არიან.

1912 წელს ოდესაში გამოვიდა სიმონ ავალიანის ოთხტომიანი ნაშრომის „Крестьянский вопрос в Закавказье“ პირველი ტომი, რომელშიც შესულია გამოკვლევები საგლეხო რეფორმების შესახებ თბილისისა და ქუთაისის გუბერნიებში. მონოგრაფიაში, როგორც მოსალოდნელი იყო, თითქმის არაფერია ნათქვამი XVIII საუკუნის საქართველოს სოციალურ-ეკონომიური განვითარების ხასიათზე, მაგრამ XIX საუკუნის პირველი ნახევრის გლეხის შრომისა და ცხოვრების პირობების დახასიათებისას ავტორი გაკვრიტ. ძალიან ზოგადად, ჩვენთვის საინტერესო საკითხსაც ეხება: „უშეცდომოდ შეიძლება ვამტკიცოთ, რომ რეფორმამდელი ხანის მთელი ამიერკავკასია, აღმოსავლეთი და დასავლეთი კი განსაკუთრებით,

² ფ. გოგიჩაიშვილი, რჩეული ნაწერები (აკად. პ. გუგუშვილის რედაქციითა და წინასიტყვაობით), ტ. I, თბ., 1974, გვ. 154.

³ ფ. გოგიჩაიშვილი, „შინაური მიმოხილვა“, ჟურნ. „მოამბე“, 1904, № 11, გვ. 103. რჩეული ნაწერები, ტ. 1, გვ. 332. ზაზასმა აქაც და ქვემოთაც თუ კი საგანგებოდ აღნიშნული არაა, ყველგან ჩვენია.

ცხოვრობდა ნატურალური მეურნეობის ტიპური ფორმების ფარგლებში⁴. ამ კონტექსტში, როგორც აღვნიშნეთ, უშუალოდ გასული საუკუნე იგულისხმება, მაგრამ ჩავთვალეთ, რომ იქ გატარებული აზრი კიდევ მეტი საფუძვლიანობით შეიძლება გავრცელდეს ჩვენს საკვლევ ხანაზე. XVIII (ნით უმეტეს XIX) საუკუნის საქართველოს ტიპური ნატურალური მეურნეობის ქვეყნად გამოცხადება კი, რასაც ს. ავალიანი ყოველგვარი დასაბუთების გარეშე აკეთებს, მცდარია და ფაქტიური მასალით არ დასტურდება.

ჩვენთვის საინტერესო საკითხები დაწვრილებითაა განხილული სარგის კაკაბაძის შრომებში. ამათგან განსაკუთრებულ ყურადღებას იმსახურებენ შემდეგი წერილები: „საქართველოს ეკონომიური ვითარების შესახებ მე-18 საუკუნეში“ (1924 წ.), „Крестьянский вопрос и крестьянские движения в Восточной Грузии в XVIII веке“ (1930 წ.) და რეცენზია დ. გვრიტიშვილის წიგნზე „სოციალური ურთიერთობის ისტორიიდან ფეოდალურ საქართველოში“ (1936 წ.).

პირველ წერილში ლაპარაკია საქართველოს ეკონომიურ აღორძინებაზე XVIII საუკუნის მეორე ნახევარში, მოტანილია სათანადო ფაქტიური მასალა მრეწველობის, კერძოდ, სამთამადნო დარგისა და ვაჭრობის. ქალაქებისა და საქალაქო ცხოვრების, სახელმწიფო ბიუჯეტისა და საერთოდ საფინანსო საქმის წარმატების შესახებ. „რუსეთთან ეკონომიური ურთიერთობის განვითარებას (1750 წლიდან — ი. ა.), — წერს ს. კაკაბაძე, — მოჰყვა ტფილისის სავაჭრო მნიშვნელობის ზრდაც. ამ თვალსაზრისით საინტერესოა, რომ მაშინ როდესაც 1705 — 1709 წლებში ტფილისში 200 სავაჭრო დუქანი ირიცხებოდა, 1786 წელს უკვე 500 დუქანი იყო, ხოლო 1803 წელს, მიუხედავად ტფილისის მიერ ალა-შაჰმად-ხანის შემოსევის დროს განვლილ საშინელ... აოხრებისა, ქართლ-კახეთის დედაქალაქში მაინც 574 სავაჭრო დუქანი არსებობდა. ამრიგად, ჩვენ ვხედავთ, რომ XVIII საუკუნის მეორე ნახევარში რუსეთთან საქარავენო გზის გახსნის შემდეგ ქართლ-კახეთის ეკონომიურ ცხოვრებას ეტყობა თვალსაჩინო გამოცოცხლება⁵“.

⁴ С. А в а л и а н и. Крестьянский вопрос в Закавказье, т. I, Одесса, 1912, გვ. 179.

⁵ ს. კაკაბაძე, საქართველოს ეკონომიური განვითარების შესახებ მე-18 საუკუნეში, ეურნ. „მნათობი“, 1924 წ., № 3, გვ. 272 (წერილის დასაწყისი დაბეჭდილია იმავე ეურნალის იმავე წლის მეორე ნომერში).

ცოტა ქვემოთ იმავე საკითხებზე სულ სხვა თვალსაზრისია განვითარებული. აქ უკვე ავტორი, არამც თუ არაფერს ამბობს ქვეყნის ეკონომიურ აღორძინებაზე XVIII საუკუნის მეორე ნახევარში, არამედ, პირიქით, ლაპარაკობს საწარმოო ძალების განვითარების შეუძლებლობაზე, ქართლ-კახეთის დაჩიხულობაზე. „მაუხედავად რუსეთთან საქარავნო გზის გახსნისა და მამასადამე ეკონომიური განვითარებისათვის ახალ შესაძლებლობათა მიღებისა, — ვკითხულობთ დასახელებულ წერილში, — ქართლ-კახეთი (მაინც) ჩ ი ხ შ ი ი ყ რ მ ო მ წ ყ ვ დ ე უ ლ ი და ვერ ახერხებდა თავისი ეკონომიური მდგომარეობის თვალსაჩინოდ გამაგრებას“⁶.

ეს დასკვნა არა მარტო ეწინააღმდეგება ზემოთ ციტირებულ პირველ დასკვნას, არამედ, ჩვენი აზრით, საერთოდ არ შეესაბამება ვანსახილველი წერილის შინაარსს; ეს უკანასკნელი, ჩვენი ღრპა რწმენით, არ იძლევა იმის საფუძველს, რომ ვილაპარაკოთ ქვეყნის დაჩიხულობაზე, მისი სოციალურ-ეკონომიური განვითარების შეუძლებლობაზე.

ასეთი მსჯელობის საფუძველს არც მისი მეორე სტატია — „Крестьянский вопрос и крестьянские движения в Восточной Грузии в XVIII веке“, — იძლევა. აქ, ავტორი სხვადასხვა ხასიათის მასალაზე დაყრდნობით, ასაბუთებს დებულებას XVIII საუკუნის მეორე ნახევრის საქართველოს (ქართლ-კახეთის) ეკონომიური ცხოვრების საგრძნობი აღორძინების შესახებ. თანაც ეს აღმავლობა, როგორც წერილიდან ჩანს, იგრძნობოდა სახალხო მეურნეობის ყველა დარგში—ვაჭრობაში, მრეწველობაში, სოფლის მეურნეობაში. ენება რა კერძოდ ვაჭრობის სფეროში მომხდარ ძვრებს, ავტორი განაზავს საბაზრო კავშირ-ურთიერთობათა შესამჩნევ ზრდას. მისი მიახლოებითი გამოანგარიშებით 1760—1770 წლებში საქონელბრუნვა თბილისში მარტო საგარეო ვაჭრობის ხაზით 160 ათასი მანეთიდან 400 ათას მანეთამდე გაზრდილა⁷; ე. ი. აღნიშნულ ათწლეულში საქონლის ბრუნვის მასშტაბი 2,5-ჯერ გადიდებულა.

⁶ ს. კაკაბაძე, საქართველოს ეკონომიური განვითარების შესახებ მე-18 საუკუნეში, ჟურნ. „მნათობი“, 1924 წ., № 3, გვ. 272 (წერილის დასაწყისი დაბეჭდილია იმავე ჟურნალის იმავე წლის მეორე ნომერში).

⁷ С. Н. К а к а б а д з е, Крестьянский вопрос и крестьянские движения в восточной Грузии в XVIII веке, დაბეჭდილია კრებულში «История классовой борьбы в Закавказье» (ИКБЗ) 1930, გვ. 179.

ს. კაკაბაძის ამ წერილში (ისე როგორც 1924 წელს დაბეჭდილში) არ არის დაყენებული და სპეციალურად განხილული საკითხი იმის შესახებ, თუ რა მიმართულებით მიდიოდა საქართველოს ეკონომიური ცხოვრების განვითარება, რა შედეგები მოჰყვა ვაჭრობა-მრეწველობასა და სოფლის მეურნეობაში არსებულ წარმატებებს. ხომ არ განაპირობებდა ის ფეოდალურ-ბატონყმური ურთიერთობის საფუძვლების შერყევასა და ახლის აღმოცენებას? მართალია, დასახელებულ წერილებში ამ კითხვებზე პირდაპირი პასუხები არაა გაცემული, მაგრამ მათი საერთო შინაარსი, ავტორის მსჯელობის ხასიათი (ცალკეული გამოხატვის გარდა) და სხვა, საშუალებას გვაძლევს დავასკვნათ, რომ ისტორიკოსი XVIII საუკუნის საქართველოს არ თვლიდა ტიპური ნატურალური მეურნეობის ქვეყნად. მისი აზრით, მრავალი დამაბრკოლებელი გარემოების არსებობის მიუხედავად, იმდროინდელი ქართლ-კახეთის სოციალურ-ეკონომიურ ცხოვრებაში ადგილი ჰქონდა გარკვეულ ძვრებს, რომლებიც ერთგვარ საფრთხეს უქმნიდნენ ფეოდალურ ურთიერთობას, უპირისპირდებოდნენ მას. ს. კაკაბაძემ ეს დასკვნა, რომელიც პირდაპირ არსად არ ჰქონია ჩამოყალიბებული, 1956 წელს მკაფიოდ ფორმულირებული დებულების სახით წარმოადგინა ჟურნალში „Вопросы истории“ დ. გვრიტიშვილის ზემოთ დასახელებულ მონოგრაფიაზე დაწერილ რეცენზიაში. რეცენზენტი აქ არა მარტო გახაზავს ჩვენთვის საინტერესო ხანის საქართველოს სოციალურ-ეკონომიურ ცხოვრებაში მიმდინარე ძვრებს, არამედ ლაპარაკობს ფეოდალურ-ბატონყმური ურთიერთობის რღვევაზე, კაპიტალისტური წყობის არსებობაზე და აკრიტიკებს დ. გვრიტიშვილს, რომელიც ამას ვერ ხედავს იმდროინდელ ქართლ-კახეთის სახელმწიფოში⁸: „Его автор (ე. ი. გვრიტიშვილი — ი. ა.) не замечает, что во второй половине XVIII века в Восточной Грузии существовал капиталистический уклад“⁹. ამის შემდეგ ავტორს მოაქვს სტატისტიკური მასალა, რომელიც ადასტურებს ქალაქების მოსახლეობისა და თავისუფალი სამუშაო ძალის ხვედრითი წონის ზრდას XVIII საუკუნის 80—90-იან წლებში წინარე ხანასთან შედარებით¹⁰.

⁸ დ. გ ვ რ ი ტ ი შ ვ ი ლ ი, სოციალური ურთიერთობის ისტორიიდან ფეოდალურ საქართველოში, თბ., 1955, გვ. 36.

⁹ С. Н. К а к а б а д з е, რეცენზია დ. გვრიტიშვილის წიგნზე «Вопросы истории», 1956, № 10, გვ. 176.

¹⁰ ი ქ ვ ე,

აქ, როგორც ვხედავთ, სავსებით სამართლიანად უარყოფილია თვალსაზრისი იმდროინდელი საქართველოს ტიპური ნატურალური მეურნეობის ქვეყნად გამოცხადების შესახებ. მაგრამ უნდა შევნიშნოთ, რომ მისი სოციალური და ეკონომიური ცხოვრების კაპიტალისტური წყობის დონემდე აყვანა გადაქარბებულად მიგვაჩნია. მართალია, XVIII საუკუნის მეორე ნახევრის საქართველოში ანგარიშგასაწევი მასშტაბით არსებობდა ახალი ურთიერთობის დამახასიათებელი ნიშნები, მაგრამ რთული პოლიტიკური ვითარების წყალობით ამ ნიშნების წყობად ჩამოყალიბება ხსენებული საუკუნის ქრონოლოგიურ ჩარჩოებში ვერ მოხერხდა. გარეშე მტრების მოძალებამ საგრძნობლად შეაფერხა უკვე დაწყებული ეს პროცესი, თუმცა მთლიანად ვერ მოსპოის და ვერ ააცლინა ქვეყანა განვითარების ამ მაგისტრალურ ხაზს.

ჩვენს საკვლევ თემას სპეციალური ნაშრომი მიუძღვნა გრიგოლ ნათაძემ. მან 1930 წელს კრებულში „История классової борьбы в Закавказье“ გამოაქვეყნა საკმაოდ ვრცელი გამოკვლევა „К вопросу об экономическом положении Грузии в конце XVIII столетия“, რომელშიც ლაპარაკია სასაქონლო წარმოების განვითარებაზე, საბაზრო კავშირ-ურთიერთობათა გაფართოებაზე, მიწების ყიდვა-გაყიდვის გაძლიერებაზე, მამულების დამრგვალებაზე, რაციონალურ საფუძვლებზე მოწყობილ მეურნეობებზე, შესავალ-გასავლის ზუსტ აღრიცხვაზე მსხვილ ეკონომიებში და ა. შ. აქ ჩამოთვლილი მოვლენებიდან, ავტორის აზრით, ზოგი საერთოდ სიახლეს წარმოადგენდა XVIII საუკუნის მეორე ნახევრის საქართველოში, ზოგს კი, მართალია, ადრეც ჰქონდა ადგილი, მაგრამ მცირე მასშტაბითა და მოცულობით. გრ. ნათაძის შეხედულებით, XIX საუკუნის დამდეგს, როდესაც-საქართველო რუსეთს შეუერთდა, ქვეყნის სოციალურ-ეკონომიურ განვითარებაში არავითარი თვისებრივი ცვლილებები არ მომხდარა, გაგრძელდა მხოლოდ ადრე, XVIII საუკუნის მეორე ნახევარში დაწყებული პროცესები. «Конечно, в этом схематическом обзоре рукописного материала.. нельзя рассчитывать на полную убедительность аргументации. Но традиционный взгляд, в силу которого начало XIX века... вносит в жизнь этой страны (იგულისხმება საქართველო — ი. ა.) крутой перелом, убеждение, будто присоединение Грузинского царства к России внесло в жизнь Грузии нечто совершенно новое и чуждое ей, можно считать поколебленным и требующим пересмотра... Экономическое развитие Грузии в XIX веке можно рассмотреть

ვათ როგორც უკვე აღვნიშნავთ, ყველაფერი უწყვეტად ვითარდება, როგორც წინა პერიოდში, უფრო მოქმედუნარავე, უფრო დაინტენსიფიცირებულია, უფრო სწრაფად ვითარდება, უფრო მსოფლიო გარემოში უფრო მტკიცედ იკმარება, უფრო მეტად ვითარდება. და ეს ყველაფერი არის საზოგადოების მოძვლების შედეგად. აქვე უნდა აღვნიშნავთ, რომ სოციალური უწყვეტობის დასაბუთებელი არის საზოგადოების განვითარების უწყვეტობის ფაქტი. აქვე უნდა აღვნიშნავთ, რომ საზოგადოების განვითარების უწყვეტობის დასაბუთებელი არის საზოგადოების განვითარების უწყვეტობის ფაქტი. აქვე უნდა აღვნიშნავთ, რომ საზოგადოების განვითარების უწყვეტობის დასაბუთებელი არის საზოგადოების განვითარების უწყვეტობის ფაქტი.

ჩვენ არ ვფიქრობთ, რომ XVIII საუკუნის ბოლოს საქართველოში ფეოდალური ურთიერთობის საფუძვლები უკვე შერყეული იყო, მაგრამ არც იმას ვფიქრობთ, რომ ამ საფუძვლებს შერყევას საფრთხე არ ემუქრებოდა. მთლიანად ვიზიარებთ გრ. ნათაძის მოსაზრებას პრინციპული განსხვავების არარსებობის შესახებ XVIII საუკუნის მიწურულისა და XIX საუკუნის დამდეგის საქართველოს სოციალურ-ეკონომიურ ცხოვრებაში მიმდინარე პროცესებს შორის. სწორია ავტორის დებულება, რომ საქართველოს რუსეთთან შეერთებას არ შეუძლებია ქვეყნის განვითარების ხასიათი და მიმართულება, მხოლოდ უფრო მეტი სიღრმე და სისწრაფე მისცა მას. სამწუხაროდ, ეს მართებული დებულება წერილში სათანადო დამაჯერებლობით ვერაა დასაბუთებული.

წინამდებარე მონოგრაფიაში აღძრულ საკითხებზე საინტერესო მუშაობა აქვს ჩატარებული ნიკოლოზ ბერძენიშვილს. ჯერ კიდევ 1934 წლის 20 მაისს თბილისის სახელმწიფო უნივერსიტეტის საქართველოს ისტორიის კაბინეტის ღია სხდომაზე მან წაიკითხა მოზსენება „სამღებროთა შესახებ XVIII საუკუნის საქართველოში“. მოხსენება, რომელშიც მეცნიერმა თავისი შედარებით ხანგრძლივი დაკვირვების შედეგები წარმოადგინა, პირველად გამოქვეყნდა 1937 წელს სერიაში „მასალები საქართველოსა და კავკასიის ისტორიისათვის“ (ნაკვ. VI), ხოლო მეორედ—1967 წელს „საქართველოს ისტორიის საკითხების“ მეოთხე ტომში. დასახელებულ გამოკვლევაში, ღიდალ ფაქტიურ მასალაზე დაყრდნობით, საფუძვლიანადაა შესწავლილი სამღებრო საქმის მდგომარეობა, რომელიც, როგორც ჩანს, საკმაოდ მნიშვნელოვან როლს ასრულებდა ქვეყნის სამეურნეო ცხოვრებაში. აღნიშნული დარგის გულდასმით შესწავლამ ნ. ბერძენიშვილი მიიყვანა დასკვნამდე, რომ განსახილველი ხანის საქართველოს სამღებრო საქმეში საშუალსაუკუნეობრივი ხელოსნური წარმოების გვერდით, არსებობდა მანუფაქტურული წარმოებაც. მართალია, რადენობრივი უპირატესობა პირველის მხარეზე იყო, მაგრამ, განვითარების პერსპექტივის

¹¹ Г. Я. Н а т а д з е. К вопросу об экономическом положении Грузии в конце XVIII столетия, ИКБЗ, Тифлис, 1930, гл. 148.

თვალსაზრისით, მეორე ბევრად უსწრებდა. ეხება რა ამ უკანასკნელს, ნ. ბერძენიშვილი წერს: „ჩვენთვის გაცილებით საინტერესოა სამღებროს ექსპლოატაციის ის სახე, როცა ოსტატი თვით არის დაქირავებული სამღებროს მოიჯარადრის მიერ. აქ უკვე პრინციპულად განსხვავებული მდგომარეობაა, მეურნეობის სულ სხვა ტიპია მოცემული. ასეთ პირობებში ოსტატ-შეგირდის ურთიერთობა სრულიად განსხვავებულია. ასეთ ოსტატს არც შეუძლია შეგირდი ჰყავდეს ძველის გაგებით. და როცა ოსტატი დაქირავებულია, სხვებიც — ქარგალი, შეგირდი — ასევე დაქირავებულნი უნდა იყვნენ. მაგრამ ეს უკვე მანუფაქტურაა და არაა საშუალო საუკუნეების სახელოსნო“¹².

რომ ზოგი სამღებრო თავისი ხასიათით შედარებით მსხვილი საწარმო იყო და არა წვრილი სახელოსნო, ამას ნ. ბერძენიშვილი სხვადასხვაგვარი მონაცემებით ამტკიცებს. ერთ-ერთი მათ შორის არის საიჯარო ფასი. დარეჯან დედოფლის თბილისის სამღებროს საიჯარო ფასი 500—700 თუმანს უდრიდა თურმე წელიწადში¹³. მარიამ დედოფლის მოწმობითაც 1799—1801 წლებში, თბილისის სამღებროს წლიური საშუალო საიჯარო ქირა 520 თუმანი ყოფილა¹⁴.

ნ. ბერძენიშვილის ზემოთ განხილულ წერილში, როგორც მოსალოდნელი იყო, ლაპარაკია სახალხო მეურნეობის მხოლოდ ერთ დარგზე და ამიტომ, ცხადია, ამ დარგის შესახებ გაკეთებული დასკვნა არ შეიძლება მთელი ქვეყნის სოციალურ-ეკონომიურ ცხოვრებაზე გავრცელდეს. არსად, არც წერილში სამღებროების შესახებ და არც სხვა უფრო მოგვიანებით დაწერილ შრომებში, მეცნიერი არაფერს ამბობს წარმოების მანუფაქტურული წესის რამდენადმე საგრძნობი მასშტაბით გავრცელებაზე XVIII საუკუნის მეორე ნახევრის საქართველოში. არაფერს ამბობს ისეთ მოვლენებზე, როგორცაა ფეოდალურ-ბატონყმური ურთიერთობის ინტენსიური რღვევა, კაპიტალისტური წყობის გაჩენა და ა. შ. ერთი სიტყვით, ნ. ბერძენიშვილის აზრით, ჩვენთვის საინტერესო ხანის საქართველოში მიმდინარე ძვრებს თუმცა არ გამოუწვევია რადიკალური ხასიათის ცვლილებები და არ შეუქმნია უშუალო საფრთხე იმ დროს არსებული წყობილებისათვის, მაგრამ ისინი მაინც

¹² ნ. ბერძენიშვილი, საქართველოს ისტორიის საკითხები, IV, თბ., 1967, გვ. 319—320.

¹³ იქვე, გვ. 321.

¹⁴ იქვე; შტრ. AKAK, 1, გვ. 214.

წინ სწევდნენ ქვეყანას, ემსახურებოდნენ პროგრესის საქმეს და აზ-
ზადებდნენ ნიადაგს ახალი, უფრო მოწინავე სოციალური სისტემის
გამარჯვებისათვის მომავალში¹⁵.

1937 წელს გამოქვეყნდა დოროთე უჩანეიშვილის საინტერესო
გამოკვლევა „К вопросу об экономическом развитии Восточной
Грузии во второй половине XVIII века“. ავტორი, ჩვენი აზრით,
ჯეროვნად ვერ აფასებს XVIII საუკუნის საქართველოს სოციალურ-
ეკონომიური განვითარების დონეს. საქმარისია ითქვას, რომ ის იმ-
დროინდელ საქართველოს განიხილავს როგორც ნატურალური მე-
ურნეობის ქვეყანას, სადაც საბაზრო კავშირ-ურთიერთობანი ას-
რულებდნენ სრულიად უმნიშვნელო როლს¹⁶. მართალია, უჩანეი-
შვილს დ. უჩანეიშვილი, ჩვენთვის საინტერესო საუკუნის ბოლოს
ოდნავ გაიზარდა სავაჭრო ბრუნვა, მაგრამ ეს მოხდა სატრანზიტო
ვაჭრობის ხარჯზე, რომელსაც არ შეეძლო „сколько-нибудь заме-
тно поколебать господствующее в то время в Грузии натураль-
ное хозяйство¹⁷“. მკვლევარი უარყოფს კომუტაციის თვით ცალ-
კეულ შემთხვევასაც და წერს: „В документах этого периода (მხე-
დველობაშია XVIII საუკუნე—ი. ა.) не видим ни случаев перево-
да крепостных на денежные оброк, ни организации барщины в
крупных размерах¹⁸“. ასეთი განცხადება ცოტა არ იყოს მოულოდ-
ნელია ისეთი სპეციალისტისაგან, როგორც არის დოროთე უჩა-
ნეიშვილი.

ავტორის საბოლოო დასკვნა განსახილველ წერილში შემდეგ-
ნაირადაა ჩამოყალიბებული: «Резимируя все сказанное, можно
с уверенностью сказать, что во второй половине XVIII века в
Грузии мы еще не видим сколько-нибудь заметной интен-
сификации сельского хозяйства, смены натурального хозяй-
ства товарным производством, тем более зарождения и роста

¹⁵ აქამებს რა თავის მსჯელობას ერეკლე II-ის ღონისძიებათა შესახებ, ნ. ბერძენი-
შვილი წერს: „ყოველივე ეს, რა თქმა უნდა, ფეოდალურ-თავადურ ქვეყანას აღარ
ეგუებოდა და აზადებდა პირობებს იმ პოლიტიკური (და ეკონომიური — ი. ა.) ნახ-
ტომისათვის, რომელსაც მხოლოდ ერთს შეეძლო საქართველოს სახელმწიფოებრივი
არსებობა გაქრობას გადაერჩინა“ (ნ. ბერძენიშვილი, საქართველოს რუსეთ-
თან შეერთების ისტორიული მნიშვნელობა, სის, ტ. V, თბ., 1971, გვ. 177).

¹⁶ Д. У ч а н е и ш в и л и, К вопросу об экономическом развитии Восточной Грузии во второй половине XVIII века, მსკი, ნაკვ. V, 1937, გვ. 386.

¹⁷ ი ქ ე ე, გვ. 389.

¹⁸ დ. უ ჩ ა ნ ე ი შ ვ ი ლ ი, დასახ. ნაშრომი, მსკი, ნაკვ. V, 1937, გვ. 412.

აგრარული კაპიტალიზმისა და მისი გავრცელების ადგილები და მათი მნიშვნელობა აგრარული კაპიტალიზმისა და მისი გავრცელების ადგილები და მათი მნიშვნელობა აგრარული კაპიტალიზმისა და მისი გავრცელების ადგილები და მათი მნიშვნელობა

ნატურალური მეურნეობის სასაქონლო წარმოებით მთლიანად შეცვლაზე XVIII საუკუნის საქართველოში, რა თქმა უნდა, ლაპარაკი არ შეიძლება, მაგრამ უკანასკნელის საგრძნობი მასშტაბით განვითარების აღნიშვნელობაც არაფრით არ არის გამართლებული. ასევე ნაადრევია ლაპარაკი აგრარული კაპიტალიზმისა და გაბურჯუების გზაზე შემდგარი თავადაზნაურობის შესახებ, მაგრამ ბაზართან მჭიდროდ დაკავშირებული ახალი ტიპის „პომეზიკების“ (მანუქარ თუმანიშვილი და სხვ.) არდანახვა ან მათი შეუფასებლობა, ცხადია, ასევე შეცდომაა.

პაატა გუგუშვილი XVIII ს. ქართლ-კახეთში ხედავს მანუფაქტურული წარმოების ნიმუშებს. მის ნაშრომში „კაპიტალიზმის წარმოშობა და განვითარება საქართველოსა და ამიერკავკასიაში“, რომელიც 1941 წელს გამოქვეყნდა, ნათქვამია: „საქართველოსა და ამიერკავკასიაში მანუფაქტურული წარმოების თავდაპირველი სახეები შეიძლება მოიძებნოს XVIII საუკუნეშიც. XVIII საუკუნის დასაწყისშივე თბილისში დაარსებულ იქნა სტამბა, სადაც ჩვენ საქმე გვაქვს შრომის მანუფაქტურულ დანაწილებასთან, შემდეგ თოფხანა, ზარაფხანა და სხვა“²⁰ ახასიათებს რა აღნიშნულ საწარმოთა სოციალურ-ეკონომიურ ბუნებას, მკვლევარი შენიშნავს რომ მამინდელ საქართველოში ისინი „მხოლოდ სახელმწიფო სარეწავეების სახით შეიძლებოდა წარმოშობილიყო, რამდენადაც კაპიტალისტური თაოსნობისა, საერთოდ, და განსაკუთრებით კერძო კაპიტალისტური სარეწავის წარმოქმნა იმ დროს ჩვენში... შეუძლებელი იყო“²¹. აქედან გამოდის, რომ სახელმწიფო სარეწი საერთოდ თავისი ხასიათით არ შეიძლება იყოს კაპიტალისტური და რომ XVIII საუკუნის საქართველოში გამოირიცხული იყო კაპიტალისტური ტიპის საწარმოს წარმოშობა. აქ, ვფიქრობთ, რაღაც ტექნიკურ უზუსტობასთან უნდა გვქონდეს საქმე, მით უმეტეს, რომ აკად. პ. გუგუშვილი არც ციტირებული ნაშრომის სხვა ადგილას და არც უფრო მოგვიანებით გამოქვეყნებულ გამოკვლევებში მსგავს მოსაზრებას არ გამოთქვამს²².

¹⁹ ი ქ ვ ე, გვ. 427.

²⁰ პ. გუგუშვილი, კაპიტალიზმის წარმოშობა და განვითარება საქართველოსა და ამიერკავკასიაში, თბ., 1941, გვ. 209.

²¹ ი ქ ვ ე.

²² П. Г у г у ш в и л и, Развитие промышленности в Грузии и Закавказье в XIX—XX вв., I, 1957, გვ. 240—241.

1954 წელს საქართველოს სსრ მეცნიერებათა აკადემიის აკად. ი. ჯავახიშვილის სახელობის ისტორიის ინსტიტუტმა მოაწყო დისკუსია თემაზე „საქართველოს სოციალურ-ეკონომიური განვითარების ხასიათის საკითხისათვის XIX საუკუნის რეფორმამდელ პერიოდში“. აღნიშნულ საკითხზე მოხსენებით გამოვიდნენ შამია ღუმბაძე და ზურაბ ანჩაბაძე. მართალია, სადისკუსიო თემის ქრონოლოგიური ჩარჩოები XIX საუკუნის რეფორმამდელი ხანით იყო შემოფარგლული, მომხსენებლებმა, როგორც მოსალოდნელი იყო, XVIII საუკუნესაც ვერ აუარეს გვერდი და ისიც მიმოიხილეს. მათ თავიანთი შეხედულება იმდროინდელი საქართველოს სოციალურ-ეკონომიური განვითარების შესახებ საგანგებოდ ჩამოაყალიბეს და მოხსენების თეზისებში შეიტანეს პირველ და მეორე მუხლად. აი, ეს ადგილიც: „მე-18 საუკუნეში საქართველო წარმოადგენდა ცალკეულ სამეფო-სამთავროებად დაქუცმაცებულ ფეოდალურ-ბატონყმურ ქვეყანას, სადაც ჯერ კიდევ არ იყო შექმნილი სათანადო პირობები სოციალურ-ეკონომიური განვითარებისათვის. კაპიტალისტურმა ელემენტებმა ამ დროს სათანადო განვითარება ვერ ჰპოვეს, სოციალურ-ეკონომიური და პოლიტიკური „ჩიხიდან“ ქვეყნის საკუთარი ძალებით გამოყვანა შეუძლებელი იყო და მისი რუსეთთან შეერთება 1801 წელს ისტორიულად აუცილებელი მოვლენა გახდა. ქართლ-კახეთის რუსეთთან შეერთებით დაიწყო მტრული გარემოცვის გარღვევის პერიოდი და არსებული „ჩიხიდან“ ქვეყნის დაქვარის ხანა“²³.

რა თქმა უნდა, XVIII საუკუნის რთულ საშინაო და საგარეო სიტუაციაში კაპიტალისტური ურთიერთობის ელემენტები სათანადოდ ვერ განვითარდებოდნენ, მაგრამ ვანა ეს იძლევა იმის საფუძველს, რომ უარვყოთ, არ დავინახოთ სოციალურ-ეკონომიურ ცხოვრებაში მიმდინარე ძვრები და დავხატოთ წინსვლა-წარმატების შეუძლებლობისა და ქვეყნის სრული დაჩიხულობის სურათი? ეტყობა, ეს უხერხულობა იგრძნო მ. ღუმბაძემ და, განსხვავებით ზ. ანჩაბაძისაგან²⁴, მნიშვნელოვანწილად შეიცვალა შეხედულება. ამის ნათელი დადასტურებაა 1966 წელს დასტამბული მისი სტა-

²³ მ. ღუმბაძე, ზ. ანჩაბაძე, საქართველოს სოციალურ-ეკონომიური განვითარების ხასიათის საკითხისათვის XIX საუკუნის რეფორმამდელ პერიოდში (თეზისები).

²⁴ იხ. მისი «Генезис капиталистических отношений (по материалам Грузии) (тезисы доклада), „მაინე“, 1968, № 2, გვ. 234.

ტია „თავისუფალ გლეხთა ფენის საკითხისათვის XVIII საუკუნის საქართველოში“. „თავისუფალი ფენა, — ვკითხულობთ იქ, — საერთო გლეხურ მასებში შედარებით მცირერიცხოვანი იყო, მაგრამ მას ერეკლეს დროს ზრდა-განვითარების პერსპექტივები იჭმონდა. იგი ახალისებდა ფეოდალური ჩაგვრის წინააღმდეგ მებრძოლ ყმა გლეხობას და ბატონყმობის რღვევის პროცესზე, ისევე როგორც ახალი საზოგადოების წინამძღვარ მოვლენებზე, მიუთითებდა“²⁵. ეს ადგილი სიტყვასიტყვით შეტანილია საქართველოს ისტორიის ნარკვევების მეოთხე ტომის იმ ნაწილში, რომელიც მ. დუმბაძეს ეკუთვნის²⁶. აქ კი, როგორც ვხედავთ, უკვე არაა ლაპარაკი ქვეყნის განვითარების უპერსპექტივობაზე, მის დაჩიხულობაზე. უფრო მეტიც. ციტირებული სიტყვების ავტორი შესაძლებლად მიიჩნევს ილაპარაკოს ფეოდალურ-ბატონყმური ურთიერთობის რღვევის პროცესზე, ისევე როგორც „ახალი საზოგადოების წინამძღვარ მოვლენებზე“. ეს კი, ცხადია, გამორიცხული იყო ნატურალური მეურნეობის განუყოფელი ბატონობისა და ქვეყნის დაჩიხულობის ვითარებაში.

XVIII საუკუნის საქართველოს სოციალ-ეკონომიური განვითარების მაღალი დონის დამცველად დიდი ხანია გამოდის აპოლონ როგავა. მან მხარი დაუჭირა მოსაზრებას, განსახილველი ხანის საქართველოში მტკიცედ და საბოლოოდ ჩამოყალიბებული, კაპიტალისტური წყობის არსებობის შესახებ. ეს თვალსაზრისი განავითარა თავის სადოქტორო დისერტაციის ავტორეფერატში, რომელიც დაისტამბა 1956 წელს სათაურით „Обзорение Грузии по части прав и законовдения“ Давида Георгиевича Багратиони“. უფრო დაწვრილებით ეს საკითხი ავტორმა განიხილა წერილში „კაპიტალიზმის ჩანასახი საქართველოში და ერეკლე II-ის პოლიტიკა“ (ქურნ. „მაცნე“, 1964 წ., № 6) და მონოგრაფიაში „Зачатки капитализма в Грузии и политика Ираклия II“ (1974 წ.). ჩვენ მხოლოდ ამ უკანასკნელზე შევჩერდებით, რადგან მასში, ვითარცა განმარტავადებელ გამოკვლევაში, შესულია ავტორის ადრინდელ შრომებში წამოყენებული ყველა მოსაზრება და დებულება.

²⁵ მ. დუმბაძე, თავისუფალ გლეხთა ფენის საკითხისათვის XVIII საუკუნის საქართველოში, კბს, 1966, გვ. 398.

²⁶ საქართველოს ისტორიის ნარკვევები (სინ), ტ. IV, 1973, გვ. 559.

ამ ნაშრომში აბ. როგავა დაბეჭილებით იმეორებს და იცავს დებულებას XVIII საუკუნის მეორე ნახევრის საქართველოში კაპიტალისტური წყობის არსებობის შესახებ. ფიქრობს, რომ უკანასკნელმა ხსენებული საუკუნის ქრონოლოგიურ ფარგლებში მთლიანად და სრულად მოასწრო ჩამოყალიბება-გაფორმება და იმდენად მომაგრა, რომ ძლიერად შეუტია ფეოდალურ-ბატონყმურ სისტემას, რის შედეგადაც დაიწყო და თითქმის შეუჩერებლად მიმდინარეობდა რღვევა მაშინ გაბატონებული სოციალ-ეკონომიური ფორმაციისა. «Как мы уже убедились, — ვკითხულობთ განსახილველ ნაშრომში, — во второй половине XVIII века в Грузии, в особенности в Картли-Кახети, во всех ведущих областях хозяйственной жизни ясно видны зачатки капитализма, оформившиеся с 70 годов в капиталистический уклад (но не строй); к тому времени он уже подрос в лоне феодального экономического строя, против которого он уже выступает, как отрицающий и разлагающий фактор»²⁷ (პირველი ხაზგასმა აბ. როგავასია—ი. ა.). მეორე ადგილას ავტორი კიდევ უფრო დაბეჭილებით მიუთითებს, რომ მაშინ „ქართული ფეოდალური საზოგადოება უკვე ორსულად იყო კაპიტალისტური წყობითო“²⁸ (ხაზი აბ. როგავასია—ი. ა.). „В условиях объединения Картли и Кахети,—წერს მესამე ადგილას აბ. როგავა,—в условиях полной политической независимости от иностранных государств и рациональных действий правительства Ираклия II эти капиталистические элементы, в результате внутреннего развития уже к середине XVIII века (если не раньше) представляли в феодальном обществе новое качественное явление в виде зачатков (зародыша) капитализма, переросших с 70 годов в капиталистический уклад»²⁹. (ხაზი აბ. როგავასია—ი. ა.).

შეიძლებოდა კიდევ მრავალი მსგავსი ადგილის მოტანა³⁰, მაგრამ მოტანილიც, ვფიქრობთ, სავსებით საკმარისია იმისათვის, რომ წარმოდგენა ვიქონიოთ აბ. როგავას შეხედულებათზე.

²⁷ А. А. Р о г а в а, Зачатки капитализма в Грузии и политика Ираклия II, Тбилиси, 1974, стр. 163.

²⁸ აბ. როგავა, დასახ. ნაშრომი, გვ. 199 (სქოლიო).

²⁹ იქვე, გვ. 204

³⁰ იხ. მაგალითად, გვ. 25, 72, 77—78, 85, 87, 105, 110—111, 138—139, 168, 169, 203, 205.

როგორც ვხედავთ, აბ. როგავა რადიკალურად უპირისპირდება ყველა იმათ, ვინც XVIII საუკუნის მეორე ნახევრის სოციალ-ეკონომიურ ცხოვრებაში ვერ ხედავს ახალ მოვლენებს, პროგრესული ხასიათის ძვრებს. საკითხისადმი ასეთი მიდგომა სწორია და სრულ მხარდაჭერას იმსახურებს. მაგრამ აქვე უნდა აღინიშნოს აშკარა გადაჭარბების ტენდენცია, რომელსც იჩენს მკვლევარი ჩვენი ქვეყნის განვითარების დონის განსაზღვრისას. ვფიქრობთ, გადაჭარბებულია განსახილველი ხანის საქართველოს ფეოდალური საზოგადოების კაპიტალისტური წყობით ფეხმძიმედ გამოცხადება. ნაადრევია ლაპარაკი წარმოებების ბურჟუაზიული წესის არსებობაზე სახალხო მეურნეობის მთელ რიგ დარგებში³¹, კაპიტალისტური წყობის საბოლოოდ შექმნა-ჩამოყალიბებაზე და ფეოდალური ურთიერთობის მეტად ინტენსიურ რღვევაზე. მხოლოდ ასეთი დასკვნა გამომდინარეობს აბ. როგავას წიგნიდან, რომელსაც, სამწუხაროდ, საბუთიანობა არ ჰყოფნის. ავტორი თავისი დებულების არგუმენტირებას უპირატესად ზედნაშენური მოვლენების, საკანონმდებლო ძეგლების მოშველიებით ცდილობს და სრულიად არასაკმარისად მიმართავს ფაქტებს ბაზისის სფეროდან. მკვლევარი, რომელიც უყოყმანოდ წერს კაპიტალისტური ურთიერთობის განვითარებაზე XVIII საუკუნის სოფლის მეურნეობასა და მრეწველობაში, არაფერს ამბობს ფეოდალური საკუთრების მოშლაზე, ბურჟუაზიული საკუთრების ფორმირებაზე, მსხვილი „პომეშჩიკური“, საბაზრო პროდუქციის მწარმოებელი მეურნეობების წარმოშობაზე, ბატონყმობიდან გლეხთა თავდახსნის პროცესზე, სოფლის მშრომელი მოსახლეობის კლასობრივ დიფერენციაციაზე, დაქირავებულ შრომაზე, მანუფაქტურაზე და ა.შ. მართალია, ზოგ აქ ჩამოთვლილ მოვლენაზე წიგნში არის საუბარი, მაგრამ გაკვირვებით, არადამაჯერებლად. ეს ითქმის, მაგალითად, დაქირავებულ შრომაზე, რომლის არსებობის დასამტკიცებლად დასახელებული ფაქტები არ არის საკმარისი. იქ ლაპარაკია, თავისუფალ მუშათა შრომის გამოყენებაზე სამხედრო (არტილერიის) წარმოებაში ერეკლეს დროს³², არხის მშენებლობაზე 1790 წელს³³. ეს და მათი მსგავსი მაგალითები, ცხადია, ყურადღებას იმსახურებენ, მაგრამ პრინციპში ცოტას ამბობენ. მართო მათი მოშველიებით გაჭირდება ამა თუ იმ საწარმოს კაპიტალის-

³¹ აბ. როგავა, დასახ. ნაშრომი, გვ. 138.

³² იქვე, გვ. 96.

³³ იქვე, გვ. 65.

ტური ბუნების ჩვენება, რადგან კაპიტალიზმი, პირველ ყოვლისა, სასაქონლო ურთიერთობაა, პროდუქციის საბაზროდ დამზადებაა, ხოლო ზარბაზნების წარმოება და არხის მშენებლობა კი სულ სხვა დანიშნულების, ბაზართან საერთოდ დაუკავშირებელი ობიექტებია.

შენიშვნას იმსახურებს აბ. როგავას მეორე დებულებაც, რომელიც ერეკლე II-ს კაპიტალისტური ურთიერთობის გამარჯვებისათვის თავდადებულ მებრძოლად აცხადებს. ქართლ-კახეთის მეფის ყველა ღონისძიება, მიმართული სოფლის მეურნეობის, ვაჭრობის, მრეწველობის, ქალაქებისა და ქალაქური ცხოვრების განვითარებისაკენ, განხილულია როგორც ფეოდალიზმის საფუძვლების მოშლისა და კაპიტალიზმის ღანერგვის შეგნებული, წინასწარდაგეგმილი ცდა. ნათქვამის დასადასტურებლად მოვიტანოთ რამდენიმე ადგილი აბ. როგავას მონოგრაფიიდან: «Законами для царевичей в уделах нового типа он (ერეკლე II — ი. ა.) ставит целью развитие капиталистического производства и буржуазных отношений в сельском хозяйстве, промышленности и торговле»³⁴. «Вместе с тем, царь заботился не только о внедрении капиталистического уклада в хозяйстве крупных помещиков, но и оказывал широкое содействие дворянам, мелким помещикам в деле создания буржуазных форм хозяйственной и культурной жизни. С целью развития зачатков капитализма в хозяйстве и быту грузинских помещиков, царь Ираклий II... всесторонне способствовал ответственному изменению их сознания»³⁵... «Из всего сказанного можно прийти к заключению, что в Грузии второй половины XVIII века, особенно в Картли-Кახети, прогрессивная общественно-политическая «даси», действовавшая под главенством Ираклия II, — в противовес защищавшей систему сатавадо реакционной тавадской «даси»... и родственному ей по духу реакционному церковному кружку Захария Габашвили, — ставила своей целью достигнуть постепенной переделки и перерастания феодального социально-экономического и политического строя в помещичье-капиталистический строй... прусским, а не революционным (американским) путем»³⁶. (ბაზი აბ. როგავასია — ი. ა.).

³⁴ აბ. როგავა, დასახ. ნაშრომი, გვ. 14.

³⁵ იქვე, გვ. 30.

³⁶ აბ. როგავა, დასახ. ნაშრომი, გვ. 147. შტა. გვ. 28, 34, 35, 182, 232—233, 234, 237, 241, 242 და სხვ.

ერეკლე II-ის ბევრი ღონისძიება, როგორც ქვემოთაც ვნახავთ (იხ. თავი I), მართლაც ხელს უწყობდა სოფლის მეურნეობის, ვაჭრობის, მრეწველობის, ქალაქებისა და ქალაქური ცხოვრების განვითარებას, რაც, თავის მხრივ, ჩვენთვის საინტერესო ხანაში თანდათანობით წყალს უყენებდა გაბატონებულ სოციალ-ეკონომიურ სისტემას და გზას უთავისუფლებდა ახალ ურთიერთობას, მაგრამ ეს იყო ამ ღონისძიებათა ობიექტური, მთავრობის ნება-სურვილისაგან სრულიად დამოუკიდებელი შედეგი. არც ისაა სწორი, თითქოს ქართული ფეოდალური საზოგადოების მეთაურის ერეკლე II-ის მთავარი საზრუნავი ამ საზოგადოების ბურჟუაზიულ ან. ავტორის ტერმინოლოგიით „პომეშიკურ“-ბურჟუაზიულ წყობილებაში გადაზრდა ყოფილიყო. ასეთი მიზანი მას არ ჰქონდა, არც შეეძლო ჰქონოდა და კიდევ რომ ჰქონოდა, საეჭვოა ისეთი წარმატებით ემოქმედა, როგორც ეს აბ. როგავას აქვს წარმოდგენილი. ეს პიროვნების როლის გადაჭარბებული შეფასებაა.

აბ. როგავას წიგნს სხვა სუსტი მხარეებიც გააჩნია, მაგრამ მათზე არ შევჩერდებით, რადგან უშუალო კავშირი არა აქვთ განსახილველ საკითხთან.

დასასრულ, სამართლიანობა მოითხოვს აღინიშნოს ის დიდი მონღოლება, პრინციპულობა და საქმისადმი ზიკვარული, რომელიც აბ. როგავამ გამოამყდავენა XVIII საუკუნის საქართველოს სოციალურ-ეკონომიური განვითარების ხასიათის შესწავლა-დადგენის პროცესში. თავი რომ დავანებოთ მრავალგვარ დაბრკოლებას, იგი ერთსულოვან წინააღმდეგობას წააწყდა თავის კოლეგებში, რომლებიც საერთოდ ვერაფერს ხედავდნენ დადებითსა და რაციონალურს მის შეხედულებებში. აბ. როგავა ამას არ შეუშინდა, განაგრძო დაწყებული საქმე და სცადა დაემტკიცებინა დებულება ჩვენთვის საინტერესო ხანის საქართველოში კაპიტალისტური წყობის არსებობის შესახებ. და თუმცა მკვლევარმა, როგორც უკვე ვთქვით, ვერ შეძლო დასახული მიზნის წარმატებით განხორციელება, იმას მაინც მიაღწია, რომ ბევრ სპეციალისტს, მათ შორის ამ სტრიქონების ავტორსაც, შეეცვალა თავისი აღრინდელი შეხედულება XVIII საუკუნის საქართველოს სოციალური და სამეურნეო ცხოვრების სრული კონსერვაციის შესახებ.

1966 წელს გამოვიდა დ. გოგოლაძის ნაშრომი „სამთამადნო, სამთო-საქარხნო მრეწველობა საქართველოში და კაპიტალიზმის გე-

ნეზისის ზოგიერთი საკითხი“. ეხება რა კერძოდ ნ. ბერძენიშვილის საქმიანობას ამ მიმართულებით, ავტორი წერს, რომ მან სათანადო კვლევითა და მსჯელობით, სამღებრო დარგში, პირველმა დაადანტურა წარმოების კაპიტალისტური წესის არსებობა³⁷. და რაკი, როგორც კონტექსტიდან ჩანს, დ. გოგოლაძეს ეს მეცნიერის დიდ დამსახურებად მიაჩნია, ცხადია, თვითონაც ამ თვალსაზრისის იზიარებს. წიგნში ისეთი ადგილებიც არის, რომლებშიც მოცემულია ავტორის აზრი არა მარტო წარმოების ამა თუ იმ დარგის შესახებ კონკრეტულად, არამედ ჩვენთვის საინტერესო პერიოდის საქართველოს განვითარების დონისა და ხასიათის შესახებ საერთოდ. აცნობს რა მკითხველ საზოგადოებას ს. კაკაბაძისა და გრ. ნათაძის შეხედულებას აღძრულ საკითხზე, დ. გოგოლაძე წერს: „როგორც ვხედავთ, პროფ. ს. კაკაბაძეს და პროფ. გ. ნათაძეს უეჭველად სწორად ესმით ის გარემოება, რომ XVIII საუკუნე საქართველოსათვის ეს არის გარდატეხის ხანა, რომ ქვეყნის ეკონომიურ აღმავლობას უნდა გამოეწვია სოციალ-ეკონომიური ძაღრები — უნდა დარღვეულიყო ფეოდალური ურთიერთობა და ახალი ხანა შემოსულიყო“³⁸. ამრიგად, დ. გოგოლაძეს, ს. კაკაბაძესა და გრ. ნათაძესთან ერთად, XVIII საუკუნე ფეოდალურ-ბატონყმური სისტემის რღვევის ხანად შიანია, იგი იზიარებს ამ თვალსაზრისს, ოღონდ უსაყვედურებს დასახელებულ ავტორებს „კაპიტალისტური ურთიერთობის ჩასახვის საილუსტრაციოდ“ კონკრეტული მასალის მოუტანლობას, მის არასაკმარისობას³⁹.

ჩვენთვის საინტერესო თემაზეა ლაპარაკი ნ. ბერძენიშვილის, ვ. დონდუას, მ. დუმბაძის, გ. მელიქიშვილის, შ. მესხიასა და პ. რატიანის მიერ დაწერილ „საქართველოს ისტორიის“ დამხმარე სახელმძღვანელოშიც (თბ., 1958 წ.). წიგნის იმ ნაწილში, რომელიც

³⁷ დ. გოგოლაძე, სამთაბანო სამთო-საქარხნო მრეწველობა საქართველოში და კაპიტალიზმის გენეზისის ზოგიერთი საკითხი, თბ., 1966, გვ. 168.

³⁸ დ. გოგოლაძე, დასახ. ნაშრომი, გვ. 166.

³⁹ იქვე.

აქვე უნდა შევნიშნოთ, რომ დ. გოგოლაძემ მოგვიანებით ეს შეხედულება შეიცვალა. მან თავის ნაშრომში „საქართველოს სოციალ-ეკონომიური განვითარება გვიანფეოდალურ ხანაში (1800—1864 წწ.)“, რომელიც 1970 წელს გამოვიდა, ექვის ქვეშ დააყენა ფეოდალური ურთიერთობის რღვევის მაჩვენებელი მოვლენების არსებობა არა მარტო XVIII საუკუნის მეორე ნახევრის საქართველოში, არამედ XIX საუკუნის რეფორმამდელი ხანის საქართველოშიც კი.

XVIII საუკუნის მეორე ნახევრისადრე მიძღვნილი და შ. მ ე ს ხ ი ა ს ეკუთვნის, მკითხველი ნახავს აღნიშნული პერიოდის ზოგადს, მაგრამ სწორ დახასიათებას. აქ ლაპარაკია თოფ-ზარბაზნების წარმოებაზე, ზარაფხანაზე, სტამბაზე, მინის სარეწზე, სამღებროებზე, საპნის, მარილისა და თოფის წამლის დამზადებაზე და ა. შ.⁴⁰ ჩამოთვლილის უმეტესობა, ავტორის სიტყვით, მეფისა და მისი ოჯახის წევრების კუთვნილებას შეადგენდა იჯარით გაიცემოდა კერძო პირზე — დიდვაჭრებსა და შეძლებულ ოსტატებზე. ისინი აქ დაქირავებულ შრომას იყენებდნენ⁴¹. ავტორი ხაზს უსვამს არა მარტო სამრეწველო, მანუფაქტურის დონემდე ასულ საქმიანობას, არამედ წარმატებებს სოფლის მეურნეობაში, სადაც განსახილველ ხანაში შედარებით დიდი მნიშვნელობა მიეცა საბაზრო პროდუქციის წარმოებას და დაქირავებული შრომის გამოყენებას როგორც სამეფო და საბატონო, ისე გლეხურ მეურნეობაში⁴².

XVIII საუკუნის მეორე ნახევრის საქართველოს სოციალ-ეკონომიური მდგომარეობის დამხმარე სახელმძღვანელოში მოცემული ეს შოკლე დახასიათება არსებითად სწორია და რაიმე სერიოზულ შენიშვნას არ იმსახურებს. მაგრამ, სამწუხაროდ, წიგნში არ ჩანს, თუ რა ცვლილებები გამოიწვია ვაჭრობის, მრეწველობის, ქალაქებისა და ქალაქური ცხოვრების განვითარებამ, მანუფაქტურული წარმოებისა და დაქირავებული შრომის შედარებითმა გავრცელებამ ფეოდალურ-ბატონყმურ ეკონომიკასა და სტრუქტურაში.

ამაზე პირდაპირი პასუხი არც შ. მ ე ს ხ ი ა ს მონოგრაფიაშია გაცემული, რომელიც გამოვიდა თბილისში 1959 წელს სათაურით «Города и городской строй феодальной Грузии». ამ ფუნდამენტურ გამოკვლევაში, დიდძალ ფაქტიურ მასალაზე დამყარებით, განხილულია ქალაქურ ცხოვრებასთან დაკავშირებული მრავალი საკითხი, მათ შორის: მოსახლეობის დინამიკის, ხელოსნური თუ სხვაგვარი წარმოების, ვაჭრობის, ქალაქის კეთილმოწყობის, კლასობრივი ბრძოლის და ა. შ. ყურადღებაა გამახვილებული XVIII საუკუნის მეორე ნახევარში წარმოშობილ ქალაქებზე, ამ დროს განსაკუთრებული მნიშვნელობის მქონე სავაჭრო გზებზე.

⁴⁰ ნ. ბერძენიშვილი, ვ. დონდუა, მ. დუმბაძე, გ. მელიქიშვილი, შ. მესხია, პ. რატიანი — საქართველოს ისტორია, თბ., 1958, გვ. 363—364.

⁴¹ იქვე.

⁴² იქვე, გვ. 362.

საერთო შთაბეჭდილება, რომელიც წიგნის მკითხველს რჩება ჩვენთვის საინტერესო ხანის საქართველოს ეკონომიური განვითარების დონეზე, რადიკალურად განსხვავებულია, ვთქვათ, გოგიჩაიშვილისა და ავალიანის თვალსაზრისისაგან. მონოგრაფიის მიხედვით, XVIII საუკუნის მეორე ნახევრის საქართველოს ქალაქები თავისი ხასიათით ფეოდალური ქალაქები იყვნენ და ამ წყობილებას ემსახურებოდნენ, მაგრამ, მეორე მხრივ, პირიქით, იქ მიმდინარე პროცესები (მანუფაქტურული წარმოების წარმოშობა, ვაჭრობის გაფართოება, თავდახსნილ გლეხთა რიცხვის გამრავლება, ვაჭარ-მოქალაქეთა მემკვიდრეობითი უფლებების გაფართოება, საერთოდ მათი ინტერესების დაცვა ხელისუფლების მიერ და სხვ.) უპირისპირდებოდნენ მას და ხელს უწყობდნენ ახალი ურთიერთობის განვითარებას.

ჩვენთვის საინტერესო საკითხებზეა ლაპარაკი 1959 წელს გამოშულ ვასილ ჩანტლაძის წიგნშიც „სულხან-საბა ორბელიანის ეკონომიური შეხედულებები“. როგორც ნაშრომის სათაურიდან ჩანს, XVIII საუკუნის საქართველოს სოციალურ-ეკონომიური განვითარების საკითხების კვლევა ავტორის მიზანს არ შეადგენდა. მაგრამ მან გვერდი მაინც ვერ აუარა ამ საკითხს და ზოგადად, საგანგებოდანსაბუთების გარეშე (ეს ავტორს არც მოეთხოვებოდა) გამოთქვა თავისი შეხედულებები. ვ. ჩანტლაძის აზრით, საქართველოში ფეოდალიზმის დაშლის წინამძღვრები და „თვით დაშლის ელემენტები“ წარმოიშვა „XVII საუკუნის მიწურულიდან და XVIII საუკუნის დასაწყისიდან, უფრო გამოკვეთილად კი XVIII საუკუნის მეორე ნახევრიდან“⁴³. ფეოდალურ-ბატონყმური ფორმაციის დაშლის წინამძღვრების შექმნის მაჩვენებლად იგი მიიჩნევს სასაქონლო-ფულადი მეურნეობის განვითარებას, ფულადი რენტის ხვედრითი წონის ზრდას, სოფელსა და ქალაქს შორის შრომის დანაწილების პროცესის გაღრმავებას, მიწების „აღებმციემობის საგნად გადაქცევას“, საკუთრების წოდებრივი ხასიათის შეცვლას, მანუფაქტურების წარმოშობას⁴⁴ და ა. შ.

როგორც ვხედავთ, ვ. ჩანტლაძის თვალსაზრისი პრინციპულად უპირისპირდება იმათ შეხედულებებს, ვინც XVIII საუკუნის საქართველოს სოციალ-ეკონომიურ ცხოვრებაში ვერ ხედავს პროგ-

⁴³ ვ. ჩ ა ნ ტ ლ ა ძ ე, სულხან-საბა ორბელიანის ეკონომიური შეხედულებები, თბილისი, 1959, გვ. 11.

⁴⁴ ი ქ ვ ე, გვ. 11—14.

რესულტატებს, ვერ ხედავს ფეოდალიზმის საფუძვლების შერყევასა და ახალი ურთიერთობის დამახასიათებელი ნიშნების გაჩენა-განვითარების პროცესს.

XVIII საუკუნის მეორე ნახევრის საქართველოს სოციალ-ეკონომიური განვითარების საკითხს ეხება მ ი ხ ე ი ლ ს ა მ ს ო ნ ა ძ ე ც. იგი იმდროინდელ საფეიქრო მრეწველობას განიხილავს როგორც საკმაოდ დაწინაურებულ დარგს, რომელშიც წარმოების ბურჟუაზიული (მანუფაქტურული) წესია ფეხმოკიდებული. „შეიძლება დაბეჭდვით აღვნიშნოთ, ნათქვამია 1968 წელს გამოხულ მის მონოგრაფიაში, — რომ მე-18 და მე-19 საუკუნეების მიჯნაზე საქსოვი და კერძოდ ბამბეულის საქსოვი წარმოება მთელს აღმოსავლეთ საქართველოში განვითარების მაღალ დონეზე იდგა. განვითარების მაღალი დონე კი გვიკარნახებს მასში წარმოების მაღალი, მანუფაქტურული, ფორმები ვეძიოთ, რადგან ამქრულ-ხელოსნურ, ანდა საოჯახო წარმოებას არ შეეძლო მოეცა იმდენი ნამატი, რომ ადგილობრივი ბაზარიც დაეკმაყოფილებინა და ასე ფართო მასშტაბით ეწარმოებინა გატანა საგარეო ბაზარზე“⁴⁵.

მ. სამსონაძის მონოგრაფია, რომელიც თბილისის სამრეწველო განვითარების შესწავლისადმი მიძღვნილი, ბუნებრივია, ვერ იძლევა პასუხს ჩვენთვის საინტერესო ყველა საკითხზე, მაგრამ ავტორის დასკვნა XVIII — XIX საუკუნეების მიჯნაზე აღმოსავლეთ საქართველოს საფეიქრო მრეწველობის მანუფაქტურულ დონემდე დაწინაურების შესახებ, უსათუოდ საყურადღებოა და ანგარიშგასაწევი, მით უმეტეს, რომ ეს დასკვნა სათანადო ფაქტიური მასალითაა დასაბუთებული. მ. სამსონაძის მონოგრაფია არ უჭერს მხარს ზოგი მეცნიერის მიერ გაზიარებულ ქვეყნის დაჩიხულობის თვალსაზრისს.

1965 წლის ივნისში მოსკოვში მოეწყო დისკუსია, მიძღვნილი ფეოდალიზმიდან კაპიტალიზმში გადასვლის პრობლემისადმი, რომელშიც ჩვენც მივიღეთ მონაწილეობა. სხვა საკითხებთან ერთად შედარებით ვრცლად შევჩერდით საქართველოში კაპიტალიზმის გენეზისის პრობლემაზე და ქვეყნის სოციალ-ეკონომიური განვითარების საკმაოდ დამუქებული სურათი წარმოვადგინეთ. ჩვენს გამოცვლაში არ ს ე ბ ი თ ა დ უარყოფილია რაიმე მნიშვნელოვანი ხასიათის ძვრები საკვლევი ხანის საქართველოში:

⁴⁵ მ. სამსონაძე, თბილისის სამრეწველო განვითარება მეცხრამეტე საუკუნის რეფორმამდე ხანაში, თბ., 1968, გვ. 61, გვ. 82, 219.

«Факты, характеризующие социально-экономическое положение Грузии второй половины XVIII века, недвусмысленно говорят о неизбежности феодально-крепостнических отношений, о незначительности явлений, составляющих основу новой жизни. Не видно прежде всего процесса разрушения феодальной собственности и формирования буржуазной... Источники... не позволяют говорить и о сужении сферы феодальных отношений, о сколько-нибудь заметном процессе высвобождения сельских трудящихся от крепостной зависимости. Правда, бывали случаи, когда крестьяне тем или иным путем получали личную свободу, но они, вследствие неблагоприятной общей ситуации названной эпохи, снова попадали в ярмо крепостничества»⁴⁶.

ამ დისკუსიის შემდეგ დაგროვილი და წინამდებარე ნაშრომში გამოყენებული მასალა ექვის ქვეშ აყენებს აქ გამოთქმულ მოაზრებას. ახლა ჩვენ აღარ ვფიქრობთ, რომ XVIII საუკუნის მეორე ნახევრის საქართველოში არ მიმდინარეობდა ფეოდალური საკუთრების მოშლის თუნდაც საწყისი პროცესი, არ მცირდებოდა ფეოდალურ-ბატონყმური ურთიერთობის სოციალური საფუძველი და სხვ.

შესასწავლი ხანის საქართველოში ფეოდალიზმის რღვევის ნიშნების არსებობაზე მითითებული აქვთ შ. მეზხიას და ვ. გუჩუას საშუალო სკოლის მოწაფეებისათვის დაწერილ „საქართველოს ისტორიის“ სახელმძღვანელოში (1971 წ.). იქ ნათქვამია: „XVIII საუკუნის მეორე ნახევრიდან მდგომარეობა შედარებით გამოსწორდა. ქართლ-კახეთი ერთ სამეფოდ გაერთიანდა და დამოუკიდებლობა მოიპოვა. ქვეყანა ეკონომიური აღმავლობის გზაზე შედგა: გამოცხლდა საქალაქო ცხოვრება, ვაჭრობა-ხელოსნობა, გაჩნდა ახალი საწარმოები, სადაც დაქირავებულ შრომას იყენებდნენ; გახშირდა ყმობიდან გლეხობის თავდახსნა. სამეფო კარზე მზადდებოდა ბატონყმობის გაუქმების პროექტებიც კი. ყველაფერი ეს იმას ნიშნავდა, რომ ფეოდალიზმი მისი განვითარების ახალ, გვიანდელ პერიოდში შედიოდა. მაგრამ XVIII ს. 80-იანი წლებიდან დამპყრობელთა შემოსევებმა კვლავ შეაფერხეს განვითარების პროცესი. ამიტომ მხოლოდ XIX საუკუნის 30—40-იანი წლებიდან გახდა საგ-

⁴⁶ იხ. კრებული «Переход от феодализма к капитализму», (материалы Всесоюзной дискуссии), Москва, 1969 г., стр. 293—294.

И. Г. Антелава, Э. А. Орджоникидзе и Э. В. Хоштария, К вопросу о генезисе капитализма в сельском хозяйстве и промышленности Грузии, Тб., 1967, стр. 4—5.

რძნობი ფეოდალური ურთიერთობის რღვევისა და მის წიაღში კაპიტალისტური ურთიერთობის ჩასახვა-განვითარების პროცესი⁴⁷.

80-იანი წლების რთულმა საგარეო პოლიტიკურმა ვითარებამ, რა თქმა უნდა, ნამდვილად შეაფერხა იმდროინდელ საქართველოში მიმდინარე პროგრესული სოციალ-ეკონომიური პროცესები, მაგრამ მთლად ვერ შეაჩერა, ვერ მოსპო და ამიტომ, ვფიქრობთ, არ იქნება სწორი ვთქვათ, რომ ფეოდალური ურთიერთობის რღვევის ნიშნები „მხოლოდ XIX საუკუნის 30—40-იანი წლებიდან გახდა საგრძნობი“.

XVIII საუკუნის საქართველოს სოციალურ-ეკონომიური განვითარების საკითხებს არაერთი ნაშრომი მიუძღვნა გ. აკოფაშვილმა. მაგრამ ჩვენ შევეხებით მხოლოდ საქართველოს ისტორიის ნარკვევების მეოთხე ტომისათვის დაწერილ მეთერთმეტე თავს (ორიოდე პარაგრაფის გამოკლებით), რომელშიც განხილულია ჩვენთვის საინტერესო პრობლემები. აჯამებს რა თავის დაკვირვებას XVIII საუკუნის 40—80-იან წლებში მიმდინარე ძვრების შესახებ, გ. აკოფაშვილი წერს: „XVIII ს. 40—80-იან წლებში აღმოსავლეთ საქართველოში ადგილი აქვს ეკონომიური ცხოვრების გამოცოცხლებას, ხ დ ე ბ ა მ ის ი ა ხ ა ლ ი შ ი ნ ა ა რ ს ი თ გ ა მ დ ი დ რ ე ბ ა. მიმდინარეობს შრომის დანაწილების შემდგომი გაღრმავება, ვითარდება ხელოსნური წარმოება, ფართოვდება საშინაო და საგარეო ვაჭრობა და საქალაქო ცხოვრება, მრეწველობაში ისახება კაპიტალისტურ ურთიერთობათა ელემენტები. მართალია, ახალი ურთიერთობა ამ დროს ქვეყნის ეკონომიკაზე თვალსაჩინო გავლენას ჯერ კიდევ ვერ ახდენს, ვინაიდან საერთო წარმოებაში შედარებით მცირე ადგილი უკავია, მაგრამ მისი ჩასახვა იმის საწინდარი იყო, რომ ხელსაყრელი ვითარების პირობებში იგი სულ უფრო და უფრო მეტ ადგილს დაიკავებდა ქვეყნის საწარმოო ურთიერთობაში“⁴⁸.

ავტორი ასევე ჩამოთვლის წარმატებებს სოფლის მეურნეობის დარგში. გლებთა ქონებრივი ღიფერენციაციის შემდგომი გაღრმავება, თავისუფალ მწარმოებელთა რიცხვის ზრდა, ფულადი გადასახადების ხვედრითი წონის გადიდება, კლასობრივი ბრძოლის გამწვავება, საბატონო მეურნეობის შემდგომი გაფართოება და ა. შ., იმის მაჩვენებელი იყო, რომ „აღნიშნულ პერიოდში ქართლ-კახეთის

⁴⁷ შ. მ ე ს ხ ი ა, ვ. გ უ ჩ უ ა, საქართველოს ისტორია (VII—X კლასებისათვის), თბ., 1971, გვ. 145.

⁴⁸ სინ, ტ. IV, 1973, წ., გვ. 553.

ეკონომიური ცხოვრება შეუჩერებელი აღმავლობის გზით მიდიოდა“⁴⁹.

XVIII საუკუნის მეორე ნახევრის საქართველოს სოციალ-ეკონომიური განვითარების გ. აკოფაშვილის მიერ წარმოდგენილი სურათი ძირითადად სწორია, თუმცა ციტირებული ადგილებიდან არ ჩანს, თუ რას გულისხმობს მკვლევარი კაპიტალისტური ურთიერთობის ელემენტების ქვეშ. იმას, რაც იოლად ჩნდებოდა და უკვალოდ ქრებოდა, თუ, პირიქით, იმას, რაც სიცოცხლეს ინარჩუნებდა და, მოუხედავად მომდევნო ხანის (90-იანი წლების) არახელსაყრელი პირობებისა, არსებობას მაინც განაგრძობდა? ნარკვევის კონტექსტის მიხედვით ავტორი მეორე პასუხის მომხრედ უფრო გამოიყურება, ვიდრე პირველის, თუმცა, შეიძლება, ჩვენი ვარაუდი მცდარი იყოს.

როგორც ამ ისტორიოგრაფიული მიმოხილვიდან ჩანს, მეცნიერებაში აზრთა სხვადასხვაობა XVIII საუკუნის, ან ამ საუკუნის მეორე ნახევრის საქართველოს სოციალურ-ეკონომიური განვითარების დონის შესახებ. სპეციალისტთა ერთი ნაწილი თითქმის მთლიანად უარყოფს პროგრესული ხასიათის ძვრებსა და პროცესებს განსახილველ პერიოდში, მეორე კი, პირიქით, გადაჭარბებული მასშტაბით წარმოგვიდგენს ამ ძვრებს და ლაპარაკობს ფეოდალური ურთიერთობის ინტენსიურ რღვევაზე. საბოლოოდ ჩამოყალიბებულ კაპიტალისტურ წყობაზე. ჩვენი აზრით, სრული ჭეშმარიტება არც ერთის მხარეზეა და არც მეორის. ვფიქრობთ, მართალი არიან ისინი, ვინც კარგად ხედავენ ახალ მოვლენებს XVIII საუკუნის საქართველოს სინამდვილეში, მაგრამ გადაჭარბებულ შეფასებას არ აძლევენ და არ მიიჩნევენ მათ მაშინ გაბატონებული წყობილების სწრაფი და გარდაუვალი დაღუპვის მაჩვენებლად.

⁴⁹ სინ, ტ. IV, გვ. 554.

**XVIII საუკუნის მეორე ნახევრის საქართველოს
საერთო მდგომარეობის ზოგადი დახასიათება.
ცენტრალური ხელისუფლების სამხედრო და
სოციალურ-ეკონომიური პოლიტიკის ხასიათი**

ის მეტად რთული საგარეო პოლიტიკური ვითარება, რომელშიც მოექცა საქართველო XVIII საუკუნეში, თავისთავად ცხადია, ბოჭავდა ხალხის შემოქმედებით საქმიანობას, საწარმოო ძალთა განვითარებას და ხელს უშლიდა ქვეყნის ეკონომიურ პროგრესს. ეს განსაკუთრებით ითქმის სსენებული საუკუნის მეორე მეოთხედზე (1723—1735 და 1735—1747 წლები), როდესაც ქართლსა და კახეთში ჭერ თურქ-ოსმალები და შემდგომ ირანელები ბატონობდნენ. აგრესორთა საფინანსო-ეკონომიური პოლიტიკა, რომლის მიზანს ხარკის გადიდებული რაოდენობით აღება შეადგენდა, არ ითვალისწინებდა ხარკის გადამხდელთა რეალურ შესაძლებლობას და უზომოდ ბეგრავდა მათ, ამით კი ართმევდა სტიმულს შრომა-საქმიანობისადმი. ამ უხეირო პოლიტიკის წყალობით, მეურნეობის თითქმის ყველა დარგი წამგებანი გახდა, ხალხმა მათ თავი ანება, დასახლებულ-ათვისებული ადგილები დატოვა, დაიფანტა. გაჩნდა (განსაკუთრებით ქვემო ქართლში) ბევრი „ნამოსახლარი“, „ნასოფლარი“, „ნაქალაქარი“.

ისტორიკოსი პაპუნა ორბელიანი მოგვითხრობს რა ირანელების ბატონობაზე, კერძოდ 1741 წელს მათ მიერ განხორციელებულ ქართლის აღწერასა და მის შედეგებზე, წერს: „იმავე ქრონიკონსა (ე. ი. 1741 წელს — ი. ა.) მოვიდა მუმეიზი (ე. ი. აღმწერი—ი. ა.)... აღწერად ქართლისა ...რაც ძველი ნასოფლარი სადმე იყო ყველგან ზომეს მიწები საბლით, ზრევი დასდევს. ეგრეთვე ამ სახით შენობა სადმე იყო დიდი ზრევი დასდევს... სოფელსა და ბაღსა შინა რაც ხე ნახეს თითო შაური დასდევს, კაცს ორი მინალთუნი, ყმაწვილსა ასაკოვანსა ხუთი აბაზი და შემდგომი ამისი ათს წლამდის ხარჯი დაი-

წერეს, ყმაწვილზე, პირუტყვზე, ყოველს ზედა განაწესეს, ბოსტანსა, წინაქვილსა, ყოველს ფერს შენობას ანუ ოხერს ადგილს. ასეთი ხარჯი დასდევს, რომ ყოვლის კაცისაგან დიდად შეუძლებელი იყო¹. ყოველივე ამის შედეგად, იმავე თანამედროვის სიტყვით, „მრავალი სული აიყარა, ბევრი ადგილი ...აოხრდა, მრავალი კაცი ვენახსა და ბაღებსა თავისის ხელით კაფიდის და აოხრებდის“². ამ მოვლენების ბუნებრივი თანამგზავრი მეურნეობის მოშლა, არსებობის საშუალებათა მკვეთრი შემცირება და გაძვირება იყო. პაპუნა ორბელიანის მოწმობით, მაგალითად, ქართლში ირანელთა ბატონობის დროს პურის ისეთი სინაკლებე ყოფილა, რომ ხალხი თურმე ბალახის კურკას ახმობდა, ფქვავდა, პურად აცხობდა და იმას სჭამდა³. უფრო მეტიც, „თუ პურს სადმე გასასყიდს იშოვიდენ (შშობლები) თავისის ხელით შვილებს აძლევდენ“⁴.

1747 წელს საქართველომ თავი დააღწია ყიზილბაშობას. დადგა შედარებით მყუდრო ცხოვრების ხანა (50—80-იანი და 90-იანი წლების პირველი ნახევარი). ჩვენ ვამბობთ შედარებით მყუდროებაზე, რადგან სრული სიმშვიდე ქართველ ხალხს არც ამ წლებში ჰქონია. ლეკ ფეოდალთა პერმანენტული თავდასხმები იძულებულს ჰხდიდა მას მუდმივად იარაღასხმული ყოფილიყო, რომ ამ გზით დაეცვა საკუთარი თავი, ოჯახი და უძრავ-მოძრავი ქონება. ისტორიკოსი ომან ხერხეულიძე, აღმწერი ერეკლე II-ის ცხოვრებისა და მოღვაწეობისა, დაწვრილებით ლაპარაკობს იმ დიდი მატერიალური და სხვაგვარი ზიანის შესახებ, რომელსაც ლეკიანობა აყენებდა ზოლმე ჩვენს ქვეყანას. ყველაფერი ეს გადმოცემული აქვს ქრონოლოგიური თანმიმდევრობის დაცვით, წლიდან წლამდე მომხდარი შემოსევების აღწერით: „ლეკებმა ჯავახეთი მოარბიეს და მრავალი ქრისტიანი დაატყვევეს“⁵ (1760 წ.), „წამოვიდა დალისტინის ჯარი საქართველოსა საოხრებლად“ (1761 წ.), „შიგნით კახეთს ახმეტას ლეკის ჯარი მივიდა და ამათ მყის თან მიუხდა მეფე ერეკლე“ (1762 წ.), „მოვიდა სამაჩაბლოში ...ლეკის ჯარი“ (1763 წ.), „დახვდა

¹ პაპუნა ო რ ბ ე ლ ი ა ნ ი, საქართველოს ცხოვრება, იხ. „ქართლის ცხოვრება“, II, პეტერბურგი, 1854, გვ. 345.

² ი ქ ვ ე, შტრ. „გიულდენშტედტის მოგზაურობა საქართველოში“, ტ. I, თბ., 1962, გვ. 49, 51, 55, 79, 241, 259; ტ. II, თბ., 1964, გვ. 177, 179.

³ პაპუნა ო რ ბ ე ლ ი ა ნ ი, საქართველოს ცხოვრება, გვ. 347.

⁴ ი ქ ვ ე.

⁵ ო მ ა ნ ხ ე რ ხ ე უ ლ ი ძ ე, ცხოვრება ირაკლი მეორისა, „ქართლის ცხოვრება“, II, 1854, გვ. 490.

მეფე ირაკლი ლეკის ჯარს მრავალ წყაროზედ გაიმარჯვა და მრავალი მოსწყვიტეს“ (1764 წ.), „ლეკის ჯართა გორი დაარბივეს და ტყვენი წარასხნეს. დაუხვდა მეფე ირაკლი სამგორის შინდორში... ლეკის ჯარიც სრულად მოსწყვიტეს და ტყვენიცა გაანთავისუფლეს“⁶ (1765 წ.), „დალისტინის ჯარი გარდავიდა იმერეთს, რაჭის სოფლები მოარბიეს, სამასამდის ქრისტიანე ტყვე იშოვეს და წარმოვიდნენ“⁷ (1767 წ.). მის ცნობებს, ლეკიანობასთან დაკავშირებით, ქვეყანაში შექმნილ მეტად მძიმე მდგომარეობის შესახებ, აღმატურებენ გიულდენშტედტი⁸ და იესე ბარათაშვილი⁹. ორივე თანამედროვე ხაზგასმით ლაპარაკობს იმ დაძაბულ ვითარებაზე, რომელსაც თურმე ადგილი ჰქონდა XVIII საუკუნის საქართველოში მტრული შემოსევების შედეგად.

პაპუნა ორბელიანი, აჯამებს რა თავის მსჯელობას ლეკიანობის შედეგების შესახებ, 1767 წლის თარიღით წერს: „დაიცალა საბარათაშვილო სომხითი, ორბელიანთ მამული ..ზოგი გავიდა კახეთს, ზოგნი ავიდნენ ზემო-ქართლში და საერისთოებში, არღარა დარჩა შენობა იმ მხარეს... იყო ცემა ლეკთაგან მარადის და ოხრება საქართველოსა შინა“¹⁰.

ასეთი ვითარება, ცხადია, ვერ შეუწყობდა ხელს ქვეყნის დაწინაურების საქმეს. ხალხი, რომელიც პერმანენტულად იყრებოდა და იხიზნებოდა, საწარმოო საქმიანობას თავს არ აკლავდა, რადგან მეურნეობის წარმოების სტიმული მნიშვნელოვნად დაქვეითებული ჰქონდა. ეს განსაკუთრებით ითქმის ყველაზე მეტად დაზარალებულ ქვემო ქართლზე, სადაც კატასტროფულად შემცირდა მოსახლეობის რაოდენობა და გაქრა ინტენსიური (კულტურული) მეურნეობა¹¹.

როგორც ვხედავთ, თვით XVIII საუკუნის 50—80-იან წლებშიც კი, როდესაც ქართლ-კახეთში შედარებით მყუდროება სუფევდა, არ იყო ნორმალური პირობები საწარმოო ძალების განვითარე-

6 ო მ ა ნ ხ ე რ ხ ე უ ლ ი ძ ე, ცხოვრება ირაკლი მეორისა, „ქართლის ცხოვრება“, II, 1854, გვ. 490.

7 ი ქ ე ე, გვ. 491.

8 „გიულდენშტედტის მოგზაურობა საქართველოში“, ტ. I, 13, 27, 31, 79; ტ. II, გვ. 137, 138, 143, 145, 151, 155.

9 ი ე ს ე ბ ა რ ა თ ა შ ვ ი ლ ი, ცხოვრება-ანდერძი, 1950, გვ. 18, 22, 37, 69.

10 პაპუნა ო რ ბ ე ლ ი ა ნ ი, დასახ. თხზულება, ქართლის ცხოვრება, II, 1854, გვ. 473.

11 ნ. ბ ე რ ძ ე ნ ი შ ვ ი ლ ი, საქართველოს ისტორიის საკითხები, VI, გვ. 490—491.

ბისათვის, შრომითი საქმიანობის გაშლა-გაფართოებისათვის, სამეურნეო ცხოვრების დაწინაურებისათვის. და მაინც ხალხი გულზე ნელბდაკრეფილი არ იქდა, შრომობდა და იბრძოდა, დოვლათსაც ქმნიდა და მტერსაც უმკლავდებოდა, ქვეყანასაც იცავდა და საკუთარ თავსაც. ქართველი გლეხი, სოფლის თუ ქალაქის მშრომელი მოსახლეობა, ეფექტურად იყენებდა მშვიდობიანი ცხოვრების მოკლე მონაკვეთებსაც კი მტრის მიერ მოშლილი მეურნეობის აღსადგენად. საწარმოო საქმიანობის გასაშლელად. ასევე იქცეოდნენ ვაჭარ-მრეწველებიც და მსხვილი მემამულე რაციონალიზატორებიც, რაშიც, როგორც ქვემოთ ვნახავთ, მთავრობის ენერგიული მხარდაჭერა ჰქონდათ.

გიულდენშტედტის მოწმობით, სოფლები ლომისციხე და ვეფხისციხე (კახეთი), აოხრებული, დარბეული და გაუკაცრიელებული ლეკ ფეოდალთა მიერ, აღუდგენია ერეკლე II-ს XVIII საუკუნის 60-იანი წლების დასაწყისში, უფრო ზუსტად 1762 წელს. შეუგროვებია გადარჩენილი მოსახლეობა, დაუმკვიდრებია აღნიშნულ სოფლებში¹², რითაც მათ ცხოვრებაში დაწყებულა ახალი, შედარებით მყუდრო შრომა-საქმიანობის პერიოდი. მშვიდობიანობის წლები დანგრეულ-გაპარტახებულის აღსადგენად, როგორც ჩანს, ყველაზე უკეთ დედოფალ დარეჯანს გამოუყენებია. მოხსენებაში, რომელიც დედოფალმა 1801 წლის აპრილის დამლევეს რუსეთის მმართველობას წარუდგინა¹³, ასახელებს არაერთ მის მიერ აღდგენილსა და მოწყობილ სოფელს. კუქატანი, სანაევარდო, ველისციხე, კუკია, ქოლაგირი — აი იმ ადგილებს არასრული სია, რომელთა ნაწილი დედოფალს საერთოდ თავიდან აუშენებია¹⁴. ნაწილი კი უფრო კეთილმოუწყვია და მოსახლეობით გაუმდიდრებია¹⁵. შრომასა და გარ-

¹² გ ი უ ლ დ ე ნ შ ტ ე დ ტ ი ს მოგზაურობა..., ტ. I, გვ. 31.

¹³ ექვ. თ ა ყ ა ი შ ვ ი ლ ი, საქართველოს სიძველენი (სს), ტ. III, გვ. 295—300, საბ. 31..

¹⁴ ასეთების რიცხვს ეკუთვნის, მაგალითად, სოფ. კუქატანი, რომლის შესახებ დედოფალი თავის მოხსენებაში წერს: „კუქატანი... გახარაბებული იყო, ოცდახუთი წელიწადი იქნება, რომ მე ამიშენებია, კაცნი მომიკრეფია და დამისახლება“, (სს. III, გვ. 295). იგივეა ნათქვამი სანაევარდოს შესახებ. „სანაევარდოც, — მოახსენებდა დედოფალი მეფის მთავრობას, — გახარაბებული იყო. მეთექვსმეტე წელიწადია მე ავაშენე, ტყე იყო, გავაკაფიინე, კაცები აქა-იქ მოვკრიფე, დავასახლე“ (ი ქ ე ე).

¹⁵ ასეთი იყო, მაგალითად, კუკია. დარეჯანი წერს: „წინწყარო სოფელი ხარაბა (იყო). ამის ხალხი აქა-იქ დაფანტულნი შამიკრეფთა და კუკიას დამისახლება“ (იქ-ვე, გვ. 299).

ჯას შეჩვეული ხალხი თავის საცხოვრებელ ადგილებსა და საწარმოო საქმიანობას დიდი კატასტროფების შემდეგაც უბრუნდებოდა, თუ კი მას მომავალში მშვიდობიანი ცხოვრების მოწყობის სულ მცირე იმედი მაინც ჰქონდა. ნათქვამის საილუსტრაციოდ საკმარისია დავასახელოთ თბილისის შედარებით სწრაფი აღდგენა 1795 წლის ღარბევის შემდეგ. „მეც ეს მიხარია, — წერდა ბატონიშვილი ალექსანდრე დარეჯან დედოფალს 1797 წელს, — რომ რა ქალაქს გაიხელ, არც კაცი იყო და არც ბოლი სდიოდა, ღვთით და თქვენის ბედნიერებით, (ის) თანდათანობით ივსება, მუდამ დღე მილი მილზე უზევს და ხიზანი შემოდის“¹⁶.

მსგავსი მაგალითების მოტანა, ცხადია, კიდევ შეიძლებოდა, მაგრამ მოტანილიც, ვფიქრობთ, საკმარისია იმის ნათელსაყოფად, თუ როგორ ნაყოფიერად იყენებდა მშრომელი კაცი ხშირ საომარ მოქმედებაში თვით მცირე შესვენებასაც კი თავისი მოშლილი სამეურნეო ცხოვრების აღსადგენად, მის ხელახლა მოსაწყობად და წინ წასაწევად. სწორედ ეს, უშუალო მწარმოებლის დაუცხრომელი ენერჯია და სიყვარული შრომისადმი, იყო ერთ-ერთი მთავარი მიზეზი იმისა, რომ განსახილველი ხანის რთულმა და მძიმე საგარეო ვითარებამ, დროის გარკვეულ მონაკვეთებში კი უცხოელ დამპყრობთა ბატონობამ და მათ მიერ დამყარებულმა რეჟიმმა, მაინც ვერ შესძლეს ქვეყნის სოციალ-ეკონომიური განვითარების სრული დამუხრუჭება. აღნიშნულმა გარემოებამ, რა თქმა უნდა, ძალიან შეაფერხა საქართველოს წინსვლა, მაგრამ პროცესი მთლიანად მან მაინც ვერ შეაჩერა. ამ საქმეში, გარდა ხალხისა, ჩანს, დიდი დამსახურება მიუძღვის მთავრობას, ცენტრალურ ხელისუფლებას, თეიმურაზ II-სა და განსაკუთრებით ერეკლე II-ს. მათ მიერ გატარებული სამხედრო, სოციალურ-ეკონომიური და პოლიტიკური ღონისძიებები მიზნად ისახავდნენ ძლიერი ფეოდალურ-ბატონყმური საქართველოს შექმნას, მაგრამ მათი ობიექტური შედეგები უფრო შორს მიდიოდა, სცილდებოდა აღნიშნული მიზანდასახულობის ფარგლებს და ხელს უწყობდა ისეთი მოვლენების განვითარებას, როგორებიც, საბოლოო ჯამში, უპირისპირდებოდნენ არსებული წყობილების საფუძვლებს.

¹⁶ სს, ტ. III, გვ. 226—227, საბ. 240.

ქვეყნის თავდაცვისუნარიანობის გაძლიერება და მისი ეკონომიური დაწინაურება ერთიმეორესთან მჭიდროდ დაკავშირებული მოვლენები იყო. მშვიდობიანობას მოკლებული ხალხი მეურნეობას ნორმალურად ვერ გაშლიდა, ხოლო მეურნეობამოშლილი ხალხი მტერს ვერ გაუმკლავდებოდა. ყოველივე ეს ძალიან კარგად ესმოდა ერეკლე II-ს, იცოდა, თუ რაოდენ დიდი მნიშვნელობა ჰქონდა მშვიდობას ქვეყნის ეკონომიური, პოლიტიკური და კულტურული პროგრესის საქმეში და შეეცადა კიდევ მიეღწია მიზნისათვის.

როგორც ზემოთ აღვნიშნეთ, XVIII საუკუნის მეორე ნახევრის საქართველოს საერთო კეთილდღეობას დიდ ზიანს აყენებდა ლეკ ფეოდალთა რაზმების განუწყვეტელი თარეში. ამ მეტად არასასიამოვნო და მძიმე შედეგების მქონე მოვლენის წინააღმდეგ იყო მიმართული ერეკლე II-ის მიერ მორიგე ყარაულების გამოყოფის წესის შემოღება. ამ წესის თანახმად, დასაცავი ტერიტორიის მტრის შემოსევისაგან დაცვა პირველ კაცს — თავადს ევალებოდა. მას მოკრიგეობით გამოჰყავდა საყარაულოდ თავისი ხელქვეითი აზნაურები და გლეხები. ქვეყნის დაცვის ეს სისტემა, მიუხედავად ზოგი დაღუბითი მხარეებისა, მაინც არ იყო საიმედო და ვერ პასუხობდა იმ მთავარ ამოცანას, რომელიც დაკისრებული ჰქონდა. ყველაფერი იმაზე იყო დამოკიდებული, თუ როგორი ურთიერთობა არსებობდა თავადსა და მეფეს შორის, იყო თუ არა პირველი მეორის ერთგული და მის დავალებათა შემსრულებელი. რაკი ასეთი ერთგული თავადი ერთობ იშვიათად ან საერთოდ არ იყო, ცხადია, მორიგე ყარაულის გამოყვანის ერეკლეს მიერ შემოღებული სისტემა არასაიმედო აღმოჩნდა და ქვეყნის მტრისგან დაცვაც ვერ შესძლო¹⁷.

უშიშროების უზრუნველყოფის კეთილშობილსავე საქმეს ემსახურებოდა ერეკლეს მეორე ღონისძიებაც — ციხე-სიმაგრეების აშენება. ომან ხერხეულიძის მოწმობით, მას ქართლ-კახეთში 160-მდე ციხე-გალავანი აუშენებია¹⁸. სწორედ ამან შეაძლებინა მეფეს ლეკ-

¹⁷ ნ. ბერძენიშვილი, საქართველოს ისტორიის საკითხები, VI, გვ. 434.

¹⁸ ომან ხერხეულიძე, დასახ. თხზულება, ქართლის ცხოვრება, ტ. II, 1854, გვ. 499.

იონან ხელაშვილიც წერს, რომ ერეკლე მეფემ „მრავალნი სოფლები აღაშენა, და ეკლესიანი, და ზღუდენი და უფროსლა მქისისყსა მოსდვა ზღუდე დიდი“ (იხ. მისი „რონიანი“, თბ., 1959, გვ. 94—95. რედაქტორ-გამომცემელი ს. კაკაბაძე).

თა არაერთი ძლიერი შემოსევის მოგერიება. მაგრამ თავდაცვის არც ეს საშუალება იყო უნაკლო და ლეკიანობის მომსპობი, რადგანაც მწარმოებელი საზოგადოება, როგორც სამართლიანად შენიშნავს ნ. ბერქენიშვილი, „დიდი ხნით ციხე-გალავანში ვერ ჩაიკეტებოდა“¹⁹.

მთავრობა, ქვეყნის უშიშროების უზრუნველყოფის მიზნით, მეზობელ ხალხთა რაზმების („როქის ჯარის“) დაქირავებასაც ფიქრობდა, მაგრამ ის დიდ ხარჯებთან აღმოჩნდა დაკავშირებული და მისი დაფინანსება შეუძლებელი შეიქნა²⁰. რეალური არც ადგილობრივი ჯარის დაქირავება („ნოქარი“) აღმოჩნდა, რადგან ისიც ძვირი ჯდებოდა. ხოლო ხაზინას დიდი თანხის გაღება არ შეეძლო²¹. სახელმწიფო მხოლოდ მცირერიცხოვანი რაზმის შენახვის ხარჯებს თუ აიღებდა თავზე, მაგრამ ეს საქმეს არ შეელოდა, რადგან ლეკიანობის მოსპობა რთული პრობლემა იყო და „ძალების სრულ მობილენაციას მოითხოვდა“²².

• ქვეყნის სამხედრო-პოლიტიკური მდგომარეობის გაძლიერების ყველაზე უკეთესი საშუალება იყო ეგრეთ წოდებული მორიგე ჯარის სისტემის შემოღება ქართლ-კახეთში 1774 წელს. დამტკიცებული დებულების თანახმად²³, მორიგე ჯარში გადიოდა ფიზიკურად ჯანსაღი ყველა მამაკაცი ერთი თვის ვადით, რომლის შემდეგ მათ სხვები სცვლიდნენ. სამხედრო ვალდებული თავისუფლდებოდა სახელმწიფოსა და სურსათის გადასახადისაგან, სამაგიეროდ საკუთარ ხარჯზე უნდა შეიარაღებულიყო და მომზადებულიყო. მატერიალურად ხელმოკლე გლეხებს თავიანთი ბატონები ამარაგებდნენ, ბატონებივე აგებდნენ პასუხს გლეხის გამოუცხადებლობაზე, ჯარის ნაწილების მეთაურებს მეფე ნიშნავდა. როგორც ამ მოკლე დახასიათებიდან ჩანს, მორიგე ჯარი რეგულარული ჯარის პროტოტიპი იყო და განსხვავდებოდა ფეოდალთა უფროსობით მოქმედი ფეოდალური რაზმისაგან. მორიგე ჯარის შემოღებამ მალე გამოიღო თავისი დადებითი შედეგები. შეწყდა ლეკების თარეში, დამკვიდრდა მშვიდობიანი, ნორმალური ცხოვრება, მიტოვებულ სახლ-კარს დაუბრუნდა დახიზნული მოსახლეობა, მშრომელ კაცს საშუალება

¹⁹ ნ. ბერქენიშვილი, საქართველოს ისტორიის საკითხები, VI, გვ. 435.

²⁰ იქვე.

²¹ იქვე.

²² იქვე.

²³ სს. ტ. I, გვ. 177—187.

მიეცა საფრთხის გარეშე ემუშავა ველზე და ა. შ.²⁴ მაგრამ თავადებს არ აწყობდათ მორიგე ჯარის სისტემა და ყველაფერი გააკეთეს მის გასაუქმებლად. მართალია, ოფიციალურად ის არასოდეს გაუქმებულა, მაგრამ დროთა განმავლობაში, თავადური რეაქციის წყალობით, მან თანდათანობით დაკარგა აღრინდელი ძალა და მნიშვნელობა²⁵. ამ ფრიად სასარგებლო საქმეს დიდი ზიანი მიაყენა მისი ფაქტიური მეთაურისა და ენერგიული ხელმძღვანელის ბატონიშვილ ლევანის მოულოდნელმა სიკვდილმა 1781 წელს²⁶.

აგრესიის მძიმე შედეგების ლიკვიდაციას ცენტრალური ხელისუფლება, თეიმურაზ II და ერეკლე II, კლასობრივი თვალსაზრისით გამართლებული გონივრული სოციალური პოლიტიკის გატარებითაც ცდილობდნენ. მამამ და შვილმა (განსაკუთრებით კი უკანასკნელმა) ყურადღება გლახთა საკითხზე გაამახვილეს, რადგან შესანიშნავად იცოდნენ, რომ ძირითადი მწარმოებელი კლასის შრომა-ცხოვრების მეტ-ნაკლებად ნორმალურ პირობებში ჩაყენების გარეშე შეუძლებელი იყო სახელმწიფოს ეკონომიური საფუძვლების განმტკიცება, მისი ფინანსური მდგომარეობის გაუმჯობესება. საჭირო იყო გლახს შრომის სტიმული ჰქონოდა. ამის მიღწევა კი მხოლოდ იმ შემთხვევაში შეიძლებოდა, თუ მშრომელი კაცი დაცული იქნებოდა ძალადობისაგან, თავისი ნაღვაწ-ნაამაგარის, უძრავი თუ მოძრავი ქონების სხვათა მიერ მიტაცებისაგან. ფეოდალურ-ბატონყმურ ურთიერთობათა ვითარებაში ეს ძნელი საქმე იყო, მაგრამ ერეკლე სიძნელეს არ შეუშინდა. გაბედულად შეება მას და მის დასაძლევად რიგი მნიშვნელოვანი ღონისძიება გაატარა.

გლახის სამეურნეო საქმიანობას სერიოზულად აბრკოლებდა ეგრეთ წოდებული ბეითალმანობა. იგი „მიწის ფეოდალური მფლობელობის პირობებში შემუშავებული ძველი წესი იყო და იმ პრინციპს ემყარებოდა, რომ მამული პატრონისაა, ხოლო ყმა მამულის „მჭერავია“ და პატრონს ამ მამულით „ემსახურება“²⁷. ბეითალმანო-

²⁴ ნ. ბერძენიშვილი, ი. ჯავეახიშვილი, ს. ჯანაშია; საქართველოს ისტორია, ნაწ. I, თბილისი, 1946 წ. გვ. 397—398.

²⁵ იქვე, 398.

²⁶ იქვე.

²⁷ ნ. ბერძენიშვილი, საქართველოს ისტორიის საკითხები, VI, გვ. 402—403.

ბის წესის თანახმად²⁸, უმემკვიდრეოდ გარდაცვლილი გლეხის უძრავ-მოძრავი ქონება მისი ბატონის განკარგულებაში გადადიოდა. კანონი, რომელიც მემკვიდრის ქვეშ მხოლოდ ვაჟიშვილს გულისხმობდა, არც გარდაცვლილის ქვრივს და არც მის ქალიშვილს არაფერს უტოვებდა. ასე რომ, გლეხს, რომელსაც ვაჟი არ ჰყავდა, „ყოველ წამს თვალწინ ედგა მისი ნაჭირნახულების მიტაცებისა და მისი ოჯახის განადგურების საშინელი სურათი“²⁹. ეს, ცხადია, უკარგავდა ინტენსიური მეურნეობის მოწყობის სტიმულს. ერთი სიტყვით, ბეითალმანობის წესი აფერხებდა გლეხური მეურნეობის განვითარებას და განვლილი ეტაპისკენ ექაჩებოდა მას.

ამ წესის უარყოფით შედეგებს კარგად ხედავდნენ არა მარტო უშუალო მწარმოებელნი, არამედ თვით ფეოდალური კლასის ჯანსაღად მოაზროვნე ნაწილიც. ბეითალმანობა ყველაზე ადრე ალავერდელმა ეპისკოპოსმა ნიკოლოზმა მოსპო. მან, 1749 წელს დამტკიცებული სიგელით, თავის სამფლობელოში აკრძალა უმემკვიდრეოდ გარდაცვლილ ყმათა მამულების ხსენებული წესის მიხედვით გადაცემა. ალავერდელმა უძეო გლეხის ქონების კანონიერ მემკვიდრედ მისი ქვრივი და ქალიშვილი გამოაცხადა. „რომელსა ჩვენს საყმომში კაცი მოკუდეს, — ნათქვამია განსახილველ დოკუმენტში, — ჩვენი ყმა და ქვრივი დარჩეს, და ვაჟი არ დაუშოვს, და იმ ქვრივს იმ მამულზე დგომა უნდოდეს, ვინც იმას ვენახი, აგარაკი მიწა და საქონელი წაართოს, შეჩვენებულმც არს“³⁰. და კიდევ. „ჩვენს მამულში, სადაც კაცი მოკუდეს და დედაკაციც, და მათ ერთი გინა ორი ქალი დარჩეს, თავისი მამული ნუ მოეშლება; ნურც თავის მამის და დედის საქონელი გამოერთმევა; იმ მამულმა და საქონელმა გაზარდოს, შეინახოს და დააქორწილოს“³¹.

მალე, ალავერდელის შემდეგ, ბეითალმანობის წესი ერეკლე მეორემაც შეეცალა თავის სახასო მამულებში, კახეთში. მეფის მიერ დამტკიცებულ განჩინებაში აღიარებულია გლეხის ქვრივისა და ქა-

²⁸ ქართლში XVII საუკუნის შუა წლებიდან საყოველთაოდ შემოსული, ხოლო XVIII საუკუნის დასაწყისს საბოლოოდ დაკანონებული ბეითალმანობის წესი თანდათანობით კახეთშიც ვრცელდება (ნ. ბერძენიშვილი, საქართველოს ისტორიის საკითხები, VI, გვ. 403).

²⁹ ნ. ბერძენიშვილი, საქართველოს ისტორიის საკითხები, VI, გვ. 403.

³⁰ ი. დოლიძე, ქართული სამართლის ძეგლები (ქსძ), ტ. III, გვ. 811.

³¹ იქვე, გვ. 811—812.

ლიშვილების უფლება გარდაცვლილი ქმრისა და მამის ნაკირნახუ-
ლევზე³².

მართალია, არც ალავერდელი ეპისკოპოსისა და არც ერეკლეს განწესებას არ ჰქონდა მთელი ქვეყნის მასშტაბით მომქმედი კანონის ძალა და ხასიათი—ხსენებული წესები სავალდებულო იყო მხოლოდ მათ (მეფე-ეპისკოპოსის) საყმო სამფლობელოებში. მაგრამ კახეთის სხვა ფეოდალებიც იძულებული ხდებოდნენ ანგარიში გაეწიათ მომხდარი ცვლილებებისათვის, მიებაძათ ზემოთ დასახელებული ორი უდიდესი სასულიერო და საერო ფეოდალისათვის და თვითონაც იგივე გაეკეთებინათ.

მწარმოებელი კლასის ეკონომიური მდგომარეობის ერთ-ერთი განმსაზღვრელი სახელმწიფო თუ საბატონო გადასახადების რაოდენობა იყო. განსახილველი ხანის საქართველოში კი საგლეხო გადასახადი, როგორც ეს მასალებიდან ჩანს, ხშირად იზრდებოდა, რაც შრომის ხალისს უკარგავდა გლეხს, აბრკოლებდა ქვეყნის ეკონომიურ პროგრესს და, რაც არანაკლებ მნიშვნელოვანია, ამწვავებდა კლასობრივ ბრძოლას. ერეკლე მეორემ ყურადღება მიაქცია ამ საკითხს და სცადა მისი მოგვარება, პირველ რიგში, კახეთის საქმეო და სადედოფლო მამულებში. მან მოიძია ძველი საგადასახადო წიგნები, შეადარა თავისდროინდელ დაეთრებს და სადაც გადასახადი გადიდებული ნახა — შეამცირა, ადრინდელი ნორმები აღადგინა³³.

XVIII საუკუნის 70-იანი წლების ბოლოს ერეკლემ კიდევ ერთი ფრიად მნიშვნელოვანი კანონი გაატარა — კატეგორიულად აკრძა-

³² ქსძ, II, გვ. 412—413; ნ. ბ. ე. ნ. ი. ვ. ი. ლ. ი. საქართველოს ისტორიის საკითხები, VI, გვ. 403.

ქალიშვილის მემკვიდრეობით უფლებებზე. მაგალითად, განჩინებაში ნათქვამია: „თუ ქალი დარჩეს, მამულიც იმისია და საქონელიც. თუ სხვაგან არ გათხოვდა. და თუ სხვაგან გათხოვდა, საქონელი იმისია და მამული ბატონისა არის“ (ქსძ, II, გვ. 413).

³³ „ჩვენ, — ნათქვამია ერეკლეს ამ განჩინებაში, — რაც ძველთაგან დაეთრები ან წიგნები იყო კახეთისა, ყველა გავსინჯეთ, რაც ჩვენი სამეფო, სახასო, ან სადედოფლო სოფლები იყო, და ანელებისა, ასე გავაჩინეთ და გავარიგეთ, რომ რა ც ზო გ ი ს ა მ ო ს ა კ ლ ე ბ ე ლ ი ი ყ ო, მ ო უ კ ე ლ ი თ, და ზოგი, რ ო გ ო რ ც ძ ვ ე ლ თ ა გ ა ნ ყ ო ფ ი ლ ი ყ ო, ა გ რ ე ვ ე გ ა ვ ა რ ი გ ე თ“ (ქსძ, II, გვ. 410; სს, III, საბ. 160,). საბუთს ზუსტი თარიღი არ უზის, თარიღდება 1744—1762 წლებით, რადგანაც მასში ერეკლე მხოლოდ კახეთის მეფედ ჩანს და არა მთელი აღმოსავლეთ საქართველოს.

ლა გლეხის უმიწოდ გაყიდვა³⁴, რაც, ნ. ბერძენიშვილის სამართლიან-ნი შენიშვნით, არსებითად ძველი, XIV საუკუნის მომდევნო ხანაში მებატონეთა მიერ დარღვეული კანონის აღდგენა იყო. ამიერიდან არა მარტო გლეხი კარგავდა თავისი ნება-სურვილით ბატონის მიწის დატოვების უფლებას. არამედ ამ უკანასკნელსაც ეკრძალებოდა მისი იქიდან აყრა-გაქევა. ამ გარანტიას მოკლებული გლეხი მიწაზე დასმულ მონას უფრო ემსგავსებოდა, ვიდრე ნახევრად თავისუფალ მწარმოებელს და ამიტომ, ცხადია, მეტად უმნიშვნელო იყო მისი სამეურნეო საქმიანობის ეფექტურობა. ერეკლეს მიერ გატარებული ღონისძიება კი სწორედ ამ უარყოფითი შედეგების თავიდან აცილებას, ქართული ბატონყმური ურთიერთობის ნორმალიზაციას, მისი ჩიხიდან გამოყვანას ისახავდა მიზნად³⁵.

ზემოთ განხილულ კანონთან მჭიდროდ იყო დაკავშირებული ერეკლეს ღონისძიება, რომლის მიხედვით აიკრძალა გლეხის ოჯახის წევრების ცალ-ცალკე გაყიდვა. ამიერიდან ბატონი მოვალე იყო ყმა, თუ კი მისი გაყიდვა-გასხვისება აუცილებელი და გარდაუვალი იყო, მთელ ოჯახთან ერთად გაეყიდა და არ დაეშვა მათი ერთიმეორისაგან გათიშვა. ეს კანონი, ნ. ბერძენიშვილის სიტყვით რომ ვთქვათ, „ზემორე კანონს (მხედველობაშია კანონი გლეხის უმიწოდ გაყიდვის აკრძალვის შესახებ — ი. ა.) ავსებდა და ორივე ერთად გლეხის ოჯახის აღდგენას, მონაღქცეული მიწის მუშის კვლავ გლეხად გადაქცევას გულისხმობდა“³⁶.

³⁴ ამ კანონის შესახებ თვით ერეკლე წერდა (1787 წ.): „ჩვენ კარგა ხანია ხელი ავიღია. რომ უკანულო კაცი აღარავის გავასყიდვინოთ“ (ს ს ც ი ა, ფ. 1450, დაე. 5, საბ. 92. მომყავს საქ-ის ისტორიის ნარკვევების (სინ) მიხედვით, IV, გვ. 526).

³⁵ ერეკლეს ამ კანონის არსისა და მნიშვნელობის შესახებ საერთოდ, იხ. ნ. ბერძენიშვილი, საქართველოს ისტორიის საკითხები, VI, გვ. 405; ს. კ ა კ ა ბ ა ძ ა ძ ი, Крестьянский вопрос..., გვ. 180.

³⁶ ეფიქრობთ, ინტერესობა გლეხი არ იქნება იმის აღნიშვნა, რომ XVIII საუკუნის მეორე ნახევრის მოწინავე რუსი მოაზროვნეები მოითხოვდნენ გლეხის ოჯახის წევრების ცალ-ცალკე გაყიდვის აკრძალვას და თვლიდნენ მას სოფლის მშრომელი მოსახლეობის ეკონომიური და უფლებრივი მდგომარეობის გაუმჯობესების ერთ-ერთ მნიშვნელოვან ღონისძიებად. მაგალითისათვის შეიძლება აღვქვი იაკობის ძე პოლენოვი (1738—1816). ცნობილი რუსი განმანათლებელი დავისახელოთ, რომელიც ამჟამად ჩვენთვის საინტერესო საკითხზე წერდა: „თუ ვინმე გადაწყვეტს ყმის გაყიდვას, გაყიდოს, მაგრამ არა ცალ-ცალკე, არამედ მიწასთან და ოჯახის წევრებთან ერთად — მშობლები არ უნდა დააშორონ ბავშვებს, ძმები — დებს, მოყვრები — მოყვრებს. მათ ცალ-ცალკე გაყიდვას, სხვას რომ თავი დაეხრებოთ, შედეგად მოსდევს ხალხის გაგადაჯვარება და მიწათმოქმედების მკვეთრი დაკლება“ («Избранные произведения

რთული საგარეო მდგომარეობა, აგრესორთა ხშირი თავდასხმე-
ბი და ფეოდალურ-ბატონყმური ექსპლოატაციის გაძლიერება განა-
პირობებდნენ სახელმწიფოებრივი თვალსაზრისით ისეთი არასასია-
მოვნო და საშიში მოვლენის გავრცელებას, როგორც იყო ადგი-
ლობრივი მოსახლეობის უცხოეთში გადახვეწა. მწარმოებელი კლასის
რაოდენობის შემცირება საქართველოს ტერიტორიაზე საფრთ-
ხეს უქმნიდა ქვეყნის ეკონომიურ განვითარებას, მის სამხედრო-პო-
ლიტიკურ პოტენციალს და საერთოდ ფრიად არასახარბიელო პერს-
პექტივას სახადა. ამიტომ, ცხადია, გაქცეული ხალხის უკან დაბ-
რუნებას და ამ გზით მოსახლეობის რიცხვის გაზრდა-გადიდებას
პირველხარისხოვანი მნიშვნელობა ენიჭებოდა. ასეთ მნიშვნელობას
ანიჭებდა მას, კერძოდ, ერეკლე II, რომელმაც სათანადო კანონე-
ბიც კი გამოსცა ამ მიმართულებით. საქმარისია დავასახელოთ
1765 წლის დებულება ტყვეობიდან საკუთარი სახსრებით სამშობ-
ლოში დაბრუნებულ ყმათა თავისუფლების შესახებ და კანონი
უცხო ქვეყნიდან მოყვანილი კაცის მომყვანის საკუთრებად აღიარ-
ების შესახებ³⁷ (XVIII ს. მეორე ნახევარი). პირველ მათგანზე
ჩვენ უკვე გვქონდა ლაპარაკი და ამიტომ აქ სიტყვას არ გავაგრძე-
ლებთ³⁸; რაც შეეხება მეორეს, მის შესახებ ბატონიშვილი დავითი
თავის „ობოზრენიეში“ წერს: «Помещикам не возбраняется
приобретать людей за границую и селить на своих землях.
Люди остаются за тем, кто склонит их поселиться в Грузии,
на общем о переселенцах положении». Строго запрещается
переманивать и склонять их на свою сторону»³⁹.

მოსახლეობის გამრავლების საქმეს ემსახურებოდა ერეკლეს კანონიც
საქართველოში ჩამოსულ უცხო ქვეშევრდომობის პირთა შე-

русских мыслителей второй половины XVIII века», т. II, 1952, გვ. 15; ი. ანთელავა, რუსეთის საზოგადოებრივი აზრის განვითარების ისტორია, თბ., 1971, გვ. 6—7).

³⁷ ნ. ბერძენიშვილი, საქართველოს ისტორიის საკითხები, VI, გვ. 407.

³⁸ დაწერილებით ამაზე იხ. ი. ანთელავა, ერეკლე II-ს 1765 წლის კანონი ტყვედყოფილთა უფლებრივი მდგომარეობის შესახებ. იხ. ივ. ჭავჭავაძის დაბადების 100 წლისთავისადმი მიძღვნილი საიუბილეო კრებული, თბ., 1976.

³⁹ ბატონიშვილი დავითი, Овозрение Грузии по части прав и законоождения, (ტექსტი შესავალი წერილით გამოსცა აპ. როგავამ), თბ., 1959, გვ. 267, მუხ. 874; ნ. ბერძენიშვილი, საქართველოს ისტორიის საკითხები, VI, გვ. 407.

სახებ, რომლის შინაარსი გადმოცემულია ბატონიშვილ დავითის „რობორენიუს“ რადენიმე მუხლში. ხსენებული კანონი ნებას აძლევდა ადგილობრივ მებატონეებს უცხოეთიდან ჩამოსული გლეხები მიეღოთ თავიანთ ხელქვეითობაში⁴⁰ და მიეცათ მათთვის მიწა, ბაღი და საერთოდ ყველაფერი ის, რაც აუცილებელი იყო მეურნეობის მოსაწყობად და გასამართავად⁴¹. ახლად ჩამოსულს უფლება ჰქონდა ხუთი წლის განმავლობაში დაეტოვებინა მისი ბატონი, შეძენილი ქონება და გადასულიყო მეორესთან ან საერთოდ თავის ქვეყანაში დაბრუნებულიყო. აღნიშნული ვადის გასვლის შემდეგ კი იგი კარგავდა ამ უფლებებს და სამუდამოდ მემამულის განკარგულებაში რჩებოდა⁴². ის უცხოელი კი, რომელიც საქართველოში ჩამოსვლისას მეურნეობის გასამართავად არ მიიღებდა არც მიწას და არც ზხვა სავარგულებს, გაორკეცებული ვადით, ე. ი. 10 წლით, რჩებოდა არაყმურ, თავისუფალ მდგომარეობაში⁴³.

სამეცნიერო ლიტერატურაში სამართლიანადაა მითითებული⁴⁴, რომ XVI — XVIII საუკუნეების საქართველოს სამხედრო-პოლიტიკურსა და ეკონომიურ მდგომარეობას ცოცხალი ადამიანებით ვაჭრობამ უფრო მეტი და საგრძნობი ზიანი მიაყენა, ვიდრე გარეშე მტრების შემოსევებმა. ეს ანტიხალხური მოვლენა, რომელიც განსაკუთრებით დასავლეთ საქართველოში გავრცელდა, გადაგვარებით ემუქრებოდა ქართველ ხალხს, დიდ საფრთხეს უმზადებდა მის ფიზიკურ არსებობას. მთელი ხალხი, მისი მოწინავე ადამიანები თავიდანვე აღდგნენ აღნიშნული სიმახინჯისა და მისი ცხოვრებაში გამტარებელი თავდაზნაურობის გადაგვარებული ნაწილის წინააღმდეგ. XVI საუკუნეში დაწყებული ბრძოლა მომდევნო საუკუნეებშიც გაგრძელდა. საკმაო სიმძაფრით მიმდინარეობდა იგი XVIII საუკუნეშიც. მას სათავეში ედგა ცენტრალური საერო და სასულიერო ხელისუფლება. რომლებიც ენერგიულად უტევდნენ ტყვეებით მოვაჭრე ფეოდალებს და აიძულებდნენ ხელი აეღოთ ამ სამარ-

⁴⁰ ბატონიშვილი დავით, *Обозрение Грузии по части прав и законовдения*, (ტექსტი შესავალი წერილთ გამოცემა აბ. როგავამ), თბ., 1959, გვ. 267, მუხ. 874; ნ. ბერძენიშვილი, საქართველოს ისტორიის საკითხები, VI, გვ. 273.

⁴¹ ი ქ ვ ე, მუხ. 274.

⁴² ი ქ ვ ე, მუხ. 275.

⁴³ ი ქ ვ ე, მუხ. 276.

⁴⁴ ნ. ბერძენიშვილი, ივ. ჯავახიშვილი, ს. ჯანაშია, საქართველოს ისტორია, 1946, წ., გვ. 355.

ცხვინო კომერციაზე. მაგალითად, ასეთი იძულების შედეგად იმერელმა ბურჯანაძეებმა პირობა მისცეს აფხაზეთის კათალიკოს გრიგოლს ამიერიდან არ გარეუღიყვნენ ტყვის ყიდვა-გაყიდვასა და მოპარული კაცის გადაშალვაში⁴⁵. მოგვიანებით, სახელდობრ 1747 წელს, ავალიშვილების მიერ კათალიკოს ანტონ I-სადმი მიცემულ პირობის წიგნში ნათქვამია: „ჩვენს ოჯახში, მამულსა და ადგილში მრავალი უკეთურობა და სიბოროტე იყო: ტყვის სყიდვა, კაცის კვლა, მრუშობა, კაცთა ცარცვა და მრავალი (სხვა)... აწე მობრძანდით ჩვენს ოჯახში... გეასწავეთ, გვიბძანეთ და დაგვმწყსევით. ჩვენც ეს პირობა მოგახსენეთ და აღთქმა დავევით... რომ დღეს ამას იქით არ გავერიოთ ტყვის სყიდვაში, არც კაცის კვლასა და რაც ჩვენში... აქამომდე უკეთურობა და სიბილწის ჩვეულება იყო, ხელიც ავიღოთ... თუ ჩვენს საბატონოში, ყმასა და მამულში ტყვე გაყიდოს ვინმე(მ), თუ შევიძლოთ დავიჭიროთ, ის ტყვეცა და ტყვის გამყიდველიც ორივე თქვენ მოგართვათ და თუ ვერ მოვერივნეთ, ისიც თქვენ მოგახსენოთ“⁴⁶.

იმერეთის მეფის სოლომონ I-ის შეუხნელებელმა და უკომპრომისო ბრძოლამ ამ სოციალური უკულმართობის წინააღმდეგ დასავლეთ საქართველოს მთავრები და ფეოდალური კლასის სხვა წარმომადგენლები აიძულა უარი ეთქვათ ცოცხალი ადამიანებით ვაჭრობაზე. მათ 1759 წელს „მტყიცე“ პირობა მისცეს მეფეს, რომ ღლიდან ხსენებული დოკუმენტის გაფორმებისა, მათს სამფლობელოებში არ გაიყიდებოდა არც ერთი ტყვე⁴⁷. ოსმალეთის მთავრობამ, რომლის სავაჭრო ინტერესებსაც დიდ ზიანს აყენებდა აღნიშნული დადგენილება, კატეგორიულად მოსთხოვა სოლომონ I-ს გაეუქმებინა იგი, მაგრამ მიზანს ვერ მიაღწია — მეფე ბოლომდე ერთგული დარჩა მიღებული გადაწყვეტილებისა⁴⁸.

დავით ბატონიშვილის მოწმობით, ქართლ-კახეთის სამეფოში, მისი არსებობის ბოლო ხანებში, მონებით მოვაჭრე ადამიანების წინააღმდეგ შემდეგი წესი ყოფილა დადგენილი: ტყვის გამყიდველს, დანაშაულის დადასტურების შემთხვევაში, ევალებოდა მისი უკან

⁴⁵ სს, ტ. I, 1920, გვ. 47, საბ. 19. საბუთი შედგენილია არა უადრეს 1707 და არა უგვიანეს 1710 წლისა.

⁴⁶ ნ. ბ ე რ ძ ე ნ ი შ ვ ი ლ ი, დოკუმენტები საქართველოს სოციალური ისტორიიდან (დსსი), I, 1940, გვ. 333, საბ. 470.

⁴⁷ АКАК, I, გვ. 56—57.

⁴⁸ И. Г. А н т е л а в а, Очерки по истории Абхазии XVII—XVIII веков, Сухуми, 1951, 74—76.

გამოსყიდვა, დიდი ფულადი ჯარიმის გადახდა სახელმწიფოს სასარგებლოდ და ცოდვების მონანიება ეკლესიაში⁴⁹. თუ კი გაყიდულის უკან დაბრუნება რაიმე გარემოების გამო შეუძლებელი იქნებოდა, მამნი დამნაშავე ისჯებოდა როგორც მკვლელი⁵⁰. ეს ამბები იმავე ავტორის მიერ შემუშავებულ მეორე იურიდიულ ძეგლში ასეა ჩამოყალიბებული: „ვინცა ვინ სარწმუნოებისა ჩვენისა... ანუ შვილი მამულისა ჩვენისა გაყიდოს, უკეთუ შეიძლებოდეს, ტყვე იგი უკანვე დაახსნევიონ და იგიცა მძიმისა სამეფოსა ჯურუმითა განიჯურუმოს და შემდგომად ამისა ეკლესიურითა კანონითა განიკანონოს. ხოლო უკეთუ ვერღარა დაიხსნებოდეს უკან ტყვე იგი, თვინიერ შეწყალებისა სიცოცხლესა მოაკლდეს გამსყიდველი მისი“⁵¹.

ხელისუფლებისა და საზოგადოების მოწინავე ადამიანების ინტენსიური ბრძოლა აქ განხილული სოციალური უკუღმართობის წინააღმდეგ, რა თქმა უნდა, ძირფესვიანად ვერ აღმოფხვრიდა⁵² ქვეყნის სამხედრო-ეკონომიური და პოლიტიკური ძლიერების შემაფერხებელ ამ ერთ-ერთ მთავარ მიზეზს, მაგრამ იგი მის შემდგომ გაფართოებასაც შეუძლებელს ხდიდა.

ცენტრალური ხელისუფლება, კერძოდ ერეკლე II, შეუენელებლად იღწვოდა სამეფო (სახასო) ყმა-მამულების გასამრავლებლად.

⁴⁹ ბ ა ტ ო ნ ი შ ვ ი ლ ი დ ა ვ ი თ ი, Обозрение..., მუხ. 867.

⁵⁰ ი ქ ვ ე.

⁵¹ „სამართალი ბატონიშვილის დავითისა“, თბილისი, 1964, გვ. 94. ტექსტი გამოსცა და გამოკვლევა დაურთო დავით ფურცელაძემ.

⁵² რომ ეს სოციალური ბოროტება XVIII საუკუნის მიწურულსთვისაც არ იყო საბოლოოდ აღმოფხვრილი, ჩანს ტყვეებით ვაჭრობის წინააღმდეგ ასევე ენერგიულად მებრძოლის, იმერეთის მეფის სოლომონ II-ის 1786 წლის წერილიდან გენერალ პავლე პატრონიჩისადმი. იქ ნათქვამია: „ეშმაკის მანქანამ და ხელოვნებამ ჩვენის დიდი კაცების გულში საძაგული საქმე დასთესა და ტყვეთ გაყიდვის ეამი შემოიღდეს. ჩვენის ქვეყნიდამ ოთხი ქრისტიანე ტყვე ახალციხის ფაშას გაუგზავნეს... მრავალი რიგად ვეცადენით..., რომ ამ რიგი საქმეები არ ექნათ, მაგრამ მათს გულში არც სიყვარული, არც მოთმინება და სიკეთე ინებეს და იმდენი ფიცი და პირობის გამოლება უარყვეს და აღუდგნენ ამდენს ქვეყანას. ჩვენ ეს ვეღარ მოვიტმინეთ... და მყის ერთხმობით ჩვენ, დაღიანი და გურბელი და ყოველი საიმერეთოს თავადნი და აზნაურნი ერთად შეეკრბით და ერთობით მოგახსენებთ და გვედრებთ. რომ ამათის მიზეზით დიდებული ხელმწიფის წყალობა და საფარველი არ მოგველოს... თუ საუკუნოდ შეინანებენ ამ... შეცოდებას, ჩვენც ვაპატიებთ და მიუტყვევებთ და თუ არ შეინანეს — ბრალი ამათი... ამათთანა კაცებით ჩვენს ქვეყანას არ წავახსენებთ“ (Центральный государственный военно-исторический архив в Москве — ЦГВИАМ, ф. 52, оп. 194, д. 20, л.т. 34—35).

1767 წელს ერეკლემ ქართლში მეფის სახასო ყმები „მოიკითხა“. გაირკვა, რომ ბევრი მათგანი ოსმალთა-ყიზილბაშობის დროს კერძო მებატონეებს მიეთვისებინათ. დაიწყო მათი უკან დაბრუნების პროცესი. არაერთი ფეოდალი გამოეთხოვა დიდი ხნის წინათ მიტაცებულ ყმა-მამულს და განსაკუთრებით დაზარალდნენ, რადგან შექმნილ ვითარებაში „ყოფილ სამეფო ყმებად თავი გამოაცხადა მრავალმა საბატონო ყმამ“⁵³. ამ ღონისძიების ცხოვრებაში გატარება ზელს უწყობდა არა მარტო სამეფო ხელისუფლების ეკონომიური საფუძვლების განმტკიცებას, არამედ საერთოდ ქვეყნის სოციალურსა და სამეურნეო პროგრესს. სამეფო გლეხებს, როგორც ცნობილია, შედარებით უკეთესი უფლებრივი და საყოფაცხოვრებო პირობები ჰქონდათ. ამიტომ, ბუნებრივია, ისინი უფრო ადრე და უფრო იოლად ემბებოდნენ ახალი ურთიერთობისათვის დამახასიათებელ მოვლენებში, ვიდრე საბატონო და საეკლესიო ყმები.

ბრძოლა „ბატონყმობის რიგის“ დაცვისათვის წითელი ზოლივით გასდევს ერეკლე II-ის მთელს საგლეხო პოლიტიკას. ამის შესახებ ჩვენ სხვაგანაც გვქონდა საუბარი და აქ აღარ გავიმეორებთ, ვიტყვით მხოლოდ, რომ მეფის კატეგორიული ბრძანებები, გლეხებისათვის უღების დაუდებლობისა⁵⁴ და მათი აყრა-გაქცევის პასუხისმგებლობის მებატონეებისათვის დაკისრების⁵⁵ შესახებ, გარკვეულ ჩარჩოებში აყენებდა პრივილეგიური წოდების თვითნებობა და ინტენსიური მეურნეობისაკენ უბიძგებდა სოფლის მშრომელ მოსახლეობას, „მოკლედ,—წერს ნ. ბერძენიშვილი,—ერეკლეს საგლეხო პოლიტიკა მიმართული იყო აყრილ-დაკარგულთა, ხიზან-ბო-

⁵³ ნ. ბერძენიშვილი, საქართველოს ისტორიის საკითხები, VI, გვ. 408.

⁵⁴ აი ეს ბრძანება: „რომელიც ამითი ღებულემა არ არის და არ სღებიათ, იმას გარდა თუ მეტი რამე მოინდომეთ. ჩუენგან მოსაკითხი იქნება. ამათ სამართლიანის საქმით მოექვეით, თორემ თუ კიდეე ამათ ჩუენთან გიჩიულესთ, იცოდეთ რომ გიწუენთ“ (მოპყაეს, ნ. ბერძენიშვილი, იხ. მისი — საქართველოს ისტორიის საკითხები, VI, გვ. 407).

⁵⁵ „თუ რომ თქვენი მამულიდან მემკვიდრე კაცი აიყარა, და წავიდა საღმე, ერთი კაცი რომ აიყაროს, იცოდეთ, დიად ავად მოგვეპყრობით და გარდაგახდევინებთ“ (იქვე, გვ. 408).

საბუთები „ბატონყმური რიგის“ დაცვის აუცილებლობის შესახებ იხ. Д. П. у-целадзе, Грузинские церковные граммы, [ГЦГ], გვ. 99; მისივე, ГКГ, გვ. 27 — 28, 38 — 39; ნ. ბერძენიშვილი, დსსი, 1, გვ. 351, საბ. 496; სტია ფონდი 1448, საბ. 414, 447, 492, 499, 644, 1145, 1828, 1829, 3029; საქ. მეცნ. აკად. ხელნაწერთა ინსტიტუტი — სმსხი, ფონდი საბ. 14789 და სხვ.

განოთა შემცირებისაკენ, სამშობლოს დამცველ მემკვიდრე გლეხთა, შეძლებულ გამოძღვებ მიწის მუშათა გამრავლებისაკენ, ბატონყმობის გაჯანსაღებისაკენ, მისთვის განვითარებისა და ნაყოფიერების უნარის დაბრუნებისაკენ, საქართველოს ხსნისაკენ⁵⁶. ყოველივე ეს კი, ერეკლეს ნებისა და სურვილის გარეშე, წარმოშობდა ისეთ მოვლენებს, რომლებიც არსებულ წყობილებას ვერ უთავსდებოდნენ და თანდათანობით სახიფათო მდგომარეობას უქმნიდნენ.

ერეკლე II-ის სოციალური და ეკონომიური პოლიტიკა მარტო გლეხის მოლონიერებასა და სოფლის მეურნეობის განვითარებას არ ისახავდა მიზნად. სამეფო ხელისუფლება, გამომდინარე ქვეყნის სამხედრო და ფისკალური ინტერესებიდან, მთელი სახალხო მეურნეობის საიმედო საფუძვლებზე დაყენებას ცდილობდა; ჩატარდა არაერთი მნიშვნელოვანი ღონისძიება ვაჭარ-ხელოსანთა სასარგებლოდ, მათი საქმიანობის გასაძლიერებლად. მათ რიცხვს განეკუთვნება, მაგალითად, საკუთრების ქალაქური წესის მიღება 1770 წელს, რომლის მიხედვით, უშვილოდ გარდაცვლილი მოქალაქის ქონება მეფეს კი არ რჩებოდა, არამედ ამ მოქალაქის თუნდაც შორეულ ნათესავს⁵⁷. იგივე ითქმის ერეკლეს ისეთ ღონისძიებაზე, როგორცაა თვითნება, ვაჭრების მძარცველ-შეურაცხმყოფელი ფეოდალების დატუქსვა⁵⁸. საბაჟო ცხოვრება-ნორმების გადასინჯვა⁵⁹ და სხვ.

ცენტრალური ხელისუფლების გაძლიერებული ყურადღების საგანს წარმოადგენდა მრეწველობა საერთოდ, განსაკუთრებით კი მისი ისეთი დარგები, როგორც იყო ზარბაზნებისა და ყუმბარების ჩამომსხმელი წარმოება და სამთამადნო მრეწველობა. 1774 წ. ოსმალეთიდან ჩამოყვანილი ბერძენი ოსტატების მეშვეობით ახტალის, ალავერდისა და შამბლულის წარმოებებში საქმე სწრაფად და კარგად წავიდა წინ. მარტო ახტალის „ქარხანა“ ზოგ „იღბლიან“ წელს

⁵⁶ ნ. ბ ე რ ძ ე ნ ი შ ვ ი ლ ი, საქართველოს ისტორიის საკითხები, VI, გვ. 409.

⁵⁷ ნ. ბ ე რ ძ ე ნ ი შ ვ ი ლ ი, საქართველოს ისტორიის საკითხები, II, გვ. 224; ტ. VI, გვ. 443. შდრ. სინ. IV, 527.

⁵⁸ ი ქ ვ ე, VI, გვ. 442.

⁵⁹ ი ქ ვ ე.

ვაჭრებს მფარველობას არც თეიმურაზ II აკლებდა. მას, როგორც კათალიკოს ანტონის ერთი სიგელიდან ჩანს, ვაჭარი ვინმე ბაღდასარა კალუანთშვილი გაუთავისუფლება გადასახადისაგან მცხეთის ეკლესიის სასარგებლოდ. კათალიკოსს უცნია აღნიშნული დოკუმენტის ძალა და 1769 წელს თავის მხრივ მისთვის დასტური მიუცია (Л. П у р ц е л а д з е, Грузинские крестьянские грамоты—ГКГ, стр. 22).

90 ფუთამდე წმინდა ვერცხლს იძლეოდა⁶⁰. ამან საგრძნობლად გაზარდა სახელმწიფო შემოსავალი⁶¹. ერეკლე ცდილობდა საქართველოში გაეხსნა შაქრის (მოლაპარაკება ინდოელ სომეხ დიდებულ შაჰპირ აღასთან), მინისა და მაუდის დამამზადებელი წარმოებები, რათა ამ გზით მოლონიერებული ქვეყანა მტკიცე ეკონომიურ საფუძველზე დამდგარიყო.

* * *

ჩვენ შევჩერდით ცენტრალური ხელისუფლების, უპირატესად ერეკლე II-ის მიერ გატარებულ სხვადასხვა ხასიათის ღონისძიებებზე, რომელთაც ერთნაირი წარმატება არ ჰქონიათ, მაგრამ არც ერთს უშედეგოდ არ ჩაუვლია. მათ მნიშვნელოვანწილად შეუწყვეს ხელი მწარმოებლური ძალების ამოქმედებას, მშრომელი მოსახლეობის ფიზიკური არსებობის შენარჩუნებას, მისი საქმიანობის გაშლას, ქვეყნის სოციალ-ეკონომიურ წინსვლას. რთული საგარეო-პოლიტიკური ვითარება დიდ საფრთხეს უქმნიდა, ამუხრუჭებდა საქართველოს პოლიტიკურ და კულტურულ-სამეურნეო პროგრესს, მაგრამ აგრესორთა ვარაუდი საერთოდ ჩაიშალა, რაშიც უსათუოდ დიდი როლი ითამაშა XVIII საუკუნის მეორე ნახევრის საქართველოს მთავრობის გონივრულმა პოლიტიკამ. მისი წყალობით, როგორც ამას ქვემოთ ვნახავთ, მოხერხდა მტრის მიერ მიყენებული ზიანის საგრძნობი მასშტაბით კომპენსირება.

დასკვნები

ამ თავიდან გამომდინარე დასკვნები შეიძლება შემდეგნაირად ჩამოვყალიბოთ:

I. რთული საგარეო პოლიტიკური ვითარება, რომელშიც მოექცა საქართველო. XVIII საუკუნეში, თავისთავად ცხადია, ბოჭავდა ხალხის შემოქმედებით (სამეურნეო) საქმიანობას, საწარმოო ძალთა განვითარებას, ქვეყნის ეკონომიურ პროგრესს, მის დაწინაურებას. განსაკუთრებით ითქმის ეს ხსენებული საუკუნის მეორე მეოთხედზე (უფრო ზუსტად 1723—1735 და 1735—1747 წლებზე), როდესაც ქართლსა და კახეთში ზედიზედ თურქ-ოსმალე-

⁶⁰ ნ. ბერძენიშვილი, საქართველოს ისტორიის საკითხები, VI, გვ. 442.

⁶¹ მისი მეხუთედი მადნებზე მოდიოდა (ნ. ბერძენიშვილი, საქართველოს ისტორიის საკითხები, VI, გვ. 441).

ბი და ირახელები ბატონობდნენ. აგრესორთა საფინანსო-ეკონომიური პოლიტიკა, რომლის მიზანს მხოლოდ ხარკის გადიდებული რაოდენობით აღება წარმოადგენდა, არ ითვალისწინებდა გადამხდელთა რეალურ შესაძლებლობას, უზომოდ ბეგრავედა მათ და ამით შრომა-საქმიანობის სტიმულს ართმევდა. ამ უხეირო პოლიტიკის წყალობით, მეურნეობის თითქმის ყველა დარგი წამგებიანი გახდა, ხალხმა მათ თავი ანება, ათვისებული ადგილები დატოვა, დაიფანტა. გაჩნდა (განსაკუთრებით ქვემო ქართლში) ბევრი „ნამოსახლარი, „ნასოფლარი“, „ნაქალაქარი“.

2. 1747 წელს საქართველომ თავი დააღწია ყიზილბაშობას. დაღვა შეეძარებით მყუდრო ცხოვრების ხანა, რომელმაც მოიცვა მთელი 50—80-იანი და 90-იანი წლების პირველი ნახევარი. ჩვენ ვლაპარაკობთ შედარებით მყუდროებაზე, რადგან სრული სიმშვიდე ქართველ ხალხს არც ხსენებულ წლებში ჰქონია. ლეკ ფეოდალთა პერმანენტული თავდასხმები იძულებულს ხდიდა მოსახლეობას მუდმივად იარაღსხმული ყოფილიყო, ამ გზით დაეცვა საკუთარი თავი, ოჯახი და უძრავ-მოძრავი ქონება. წყაროებში დაწვრილებითაა აღწერილი ის დიდი მატერიალური ზიანი, რომელსაც ლეკიანობა აყენებდა ხოლმე მაშინ ჩვენს ქვეყანას. ასეთი ვითარება, ბუნებრივია, ვერ შექმნიდა ხელსაყრელ პირობებს მეურნეობის განვითარებისა და აყვავებისათვის. ამრიგად, თვით XVIII საუკუნის 50—80-იან წლებშიც კი, როდესაც ქართლ-კახეთი თავისუფალი იყო უცხო დამპყრობთა ბატონობისაგან და ქვეყანაში შედარებით მყუდროება სუფევდა, არ იყო ნორმალური პირობები საწარმოო ძალების განვითარებისათვის, სამეურნეო ცხოვრების დაუბრკოლებელი წინსვლისათვის.

3. და მაინც ხალხი გულხელდაკრეფილი არ იჯდა, იგი შრომობდა და იბრძოდა, დოვლათსაც ქმნიდა და მტრსაც უმკლავდებოდა, ქვეყანასაც იცავდა და საკუთარ თავსაც. ქართველი გლეხი, სოფლის თუ ქალაქის მშრომელი მოსახლეობა ეფექტურად იყენებდა მშვიდობიანი ცხოვრების მოკლე მონაკვეთებსაც კი მტრის მიერ მოშლილი მეურნეობის აღსადგენად, საწარმოო საქმიანობის გასაშლელად (ასევე იქცეოდნენ ვაჭარ-მრეწველებიც და მსხვილი რაციონალიზატორი მემამულეებიც). უშუალო მწარმოებლის ეს დაუტბრომელი ენერჯია და შრომისადმი სიყვარული იყო ერთ-ერთი მთავარი მიზეზი იმისა, რომ განსახილველი ხანის რთულმა და მძიმე საგარეო ვითარებამ, დროის გარკვეულ მონაკვეთებში კი უცხოელ

დამპყრობთა ბატონობამ და მათ მიერ დამყარებულმა რეჟიმმა, ვერ შეძლეს ჭევეყნის სოციალ-ეკონომიური განვითარების სრული დამუხრუჭება. აღნიშნულმა გარემოებამ, რა თქმა უნდა, ძალიან შეაფერხა საქართველოს წინსვლა, მაგრამ პროცესი მთლიანად მან მაინც ვერ შეაჩერა.

4. ამ საქმეში, გარდა ხალხისა, დიდი მნიშვნელობა ჰქონდა მთავრობის, ცენტრალური ხელისუფლების პოლიტიკას. თეიმურაზ II-ისა და ერეკლე II-ის (განსაკუთრებით კი უკანასკნელის) მიერ გატარებული სამხედრო და სოციალ-ეკონომიური ღონისძიებები (ძორივე ჯარის დაწესება, ბრძოლა სათავადოების წინააღმდეგ, „ბატონყმობის რიგის“ დაცვა, კანონი ბეითალმანი მამულისა და ვაჭართა მესაკუთრული უფლებების შესახებ, გლეხების უმიწოდ გაყიდვის ანკრძალავი ძველი კანონის აღდგენა, მათი საგადასახადო ტვირთის რეგულირება-შემსუბუქების ცდა და სხვ.) მიზნად ისახავდნენ ძლიერი ფეოდალურ-ბატონყმური საქართველოს შექმნას, ხალხის სამეურნეო საქმიანობის გაშლა-გაფართოებას, აგრესიის უარყოფითი შედეგების ლიკვიდაციას, ზარალის კომპენსირებას. ამ უკანასკნელს მთავრობა, როგორც ქვემოთ ვნახეთ, მართლაც აღწევდა თუ მთლიანად არა, მნიშვნელოვანწილად მაინც. მაგრამ მისი პოლიტიკის ობიექტური შედეგები უფრო შორს მიდიოდა, სცილდებოდა აღნიშნული მიზანდასახულობის ფარგლებს და ხელს უწყობდა ისეთი მოვლენების განვითარებას, რომლებიც, საბოლოო ჯამში, უპირისპირდებოდნენ არსებული წყობილების საფუძვლებს.

სასაქონლო წარმოებისა და საბაზრო კავშირურთი-
ერთობათა განვითარება XVIII ს. მეორე ნახევრის
საქართველოში

შეიქლება გადაუქარებლად ითქვას, რომ XVIII საუკუნის არც ერთ მონაკვეთში, თვით ძნელბედობის ხანის, ე. ი. ოსმალებისა და ყიზილბაშების ბატონობის პერიოდის (1723—1735 და 1735—1747 წწ.) ჩათვლითაც კი, სასაქონლო ურთიერთობა არ ჩამკვდარა, ქვეყანა ნატურალური მეურნეობის ნორმებს არ დაბრუნებია. სწორედ პირიქით. ჩვენს ხელთ არსებული ფაქტობრივი მასალა ექვემო-უტანლად ადასტურებს, რომ განსახილველი ხანის საქართველოში, მიუხედავად მრავალი დამაბრკოლებელი გარემოებისა, მაინც მიმდინარეობდა გარკვეული სოციალურ-ეკონომიური პროგრესი, რომლის ერთ-ერთ გამოხატულებას სასაქონლო წარმოებისა და საბაზრო კავშირურთიერთობათა განვითარება წარმოადგენდა. ეს კი არღვევდა ფეოდალურ-ბატონყმური სისტემის ერთ-ერთ საფუძველს — ნატურალურ მეურნეობას.

ჩვენთვის საინტერესო საკითხზე უხვ საყურადღებო მასალას იძლევა ეგრეთ წოდებული დანახარჯების ნუსხები, შედგენილი მსხვილი საერო თუ სასულიერო ფეოდალების მიერ. აღნიშნული ტიპის საბუთების ანალიზს მივყავართ იმ დასკვნამდე, რომ XVIII საუკუნის საქართველოს ბაზრებზე იყიდებოდა თითქმის ყველაფერი—ტყემლიდან დაწყებული და ადგილობრივი თუ უცხოური წარმოშობის ძვირფასი ნივთებით დამთავრებული. სანიმუშოდ რამდენიმე მათგანზე შევჩერდებით.

პირველია გორჯასპი მდივნის (თუმანიშვილის) 1751 წლის დანახარჯის ნუსხა, რომელსაც თავში დედნის ხელით აწერია: „ქალაქს ჩემის სასახლს აშენებაზე რაც დამიხარჯავს იმისი დავთარი არის“¹.

¹ გ. ბ. ბ. ე. ნ. ი. შ. ვ. ი. ლ. ი., მასალები საქართველოს ეკონომიური ისტორიისათვის, (მსეი), I, თბ., 1938, გვ. 6.

საბუთში, რომელსაც ტიპოგრაფიული წესით დაბეჭდილი 19 გვერდი უჭირავს, ჩამოთვლილია რა დღეს, რაში და რამდენი დაიხარჯა, კონკრეტულად, მითითებულია, რომ მშენებლობის საჭიროებისათვის წლის განმავლობაში — სხვადასხვა დროს, სხვადასხვა რაოდენობით, ნაღდ ანგარიშზე უყიდიან: აგური, გაჯი, ლურსმანი, რკინა, ხე-ტყის მასალა, კირი, ტივი, ბარი, ნიჩბები, წყლის საზიდი ჩაფები, კალათები და საქმელ-სასმელი². თუ რა იგულისხმება ამ უკანასკნელის ქვეშ, საბუთიდან არ ჩანს, მხოლოდ ერთგან არის აღნიშნული, რომ ოსტატების გამოსაკვებად უყიდიან „ღვინო და პური“³. ცხადია, „სასმელ-საქმელში“, რომელიც გასარჩევ ნუხხაში არაერთგზის არის მოხსენებული⁴, იგულისხმება სხვა სურსათიც, ვთქვათ, ხორცი, ყველი, მწვანილი და ა. შ. სულ 1751 წელს მშენებლობაზე, მუშა-ოსტატების ხელფასის ჩათვლით, დახარჯულა 560 მანეთი, 4 მიწნალთუნი და 10 შაურნი⁵.

ჩვენს ხელთაა იმავე გორჯასპი მდივნის (თუმანიშვილის) დანახარჯის მეორე ნუსხა, დათარიღებული 1757 წლით⁶. მასში აღნუსხულია სეიდაბადის ბალის მშენებლობასთან დაკავშირებით პატრონის მიერ გაწეული ხარჯები. აქაც, ისე როგორც წინა შემთხვევაში, წერილადაა ჩამოთვლილი ბაზარზე შეძენილი სამშენებლო მასალა და სურსათი. მათ შორის: მილი, მილის მოსახურავი სპილენძის ქაფქირი, ხე-ტყე, ნიჩბები, კირი, ბარები, ძეძვი, კარჩხა, სარი, ლობიოს ფიჩხი, პური, „ნიორი თესლად“⁷, ნიორი საქმელად, „ხახვი ნერგათ“⁸, „ხახვის თესლი“⁹, პრასის თესლი, კარხლის თესლი, ქონდარი, ქინძი, ნესვი, საზამთრო, კიტრი, ბოლოკი, ნიახური, რეჰანი, წიწმატი, ბადრიჯანი, კომბოსტო, სტაფილო, ლობიო, „კახური ლობიო“¹⁰ და ა. შ. სულ ხსენებულ მშენებლობაზე, მუშა-ოსტატთა ხელფასის ჩათვლით, დახარჯულა 340 მანეთი, 4 მიწნალთუნი და 2 აბაზი¹¹. ამ ჩამოთვლაში ყურადღებას იქცევს სასოფლო-სამეურნეო

² მსეი, I, გვ. 6—25.

³ ი ქ ვ ე, გვ. 7.

⁴ ი ქ ვ ე, გვ. 7, 8, 9, 10, 11, 12, 13, 14, 15, 16, 18, 23, 24, 25.

⁵ ი ქ ვ ე, გვ. 25.

⁶ ი ქ ვ ე, გვ. 29—44.

⁷ ი ქ ვ ე, გვ. 43.

⁸ ი ქ ვ ე, გვ. 44.

⁹ ი ქ ვ ე.

¹⁰ მ ს ე ი, I, გვ. 44.

¹¹ ი ქ ვ ე.

პროდუქციის მდიდარი ასორტიმენტი და, რაც არანაკლებ მნიშვნელოვანია. ერთი და იმავე პროდუქტის სხვადასხვა სახეობის გაყიდვის ფაქტი. ნუსხის თანახმად, მაგალითად, თბილისის ბაზარი მომხმარებელს სთავაზობდა ხახვის ნერგს და ხახვის თესლს, ნივრის თესლსა და საჭმელ ნიორს, ლობიოს საერთოდ და კახურს — კერძოდ და ა. შ.

XVIII საუკუნის 50-იანი წლების სასაქონლო-საბაზრო ურთიერთობაზე წარმოდგენას გვაძლევს აგრეთვე 1753 წლის ტაშისკარის ბაჟების ნუსხა¹². ამ საბუთის თანახმად, საქართველოს ბაზრებზე იყიდებოდა: ფარჩა, აბრეშუმი, ბამბა, მაუდი, ლანდრა, ზეთისხილი, ბრინჯი, მარლი და სხვ. ყველა ამათზე დაწესებული იყო ბაჟი, რომლის სიდიდეს შემოტანილი საქონლის რაოდენობა განსაზღვრავდა. მაგალითად, სახეღრით (მაშასადამე, მეტი რაოდენობით) შემოტანილ ფარჩაზე დადგენილი ყოფილა 5 აბაზი ბაჟი, ხოლო ზურგით შემოზიდულზე — 2 აბაზი¹³, ბამბაზე (შესაბამისად) — ათი შაური და აბაზი¹⁴.

აქ მოტანილი მასალიდან ნათლად ჩანს, რომ 50-იან წლებშიც კი სასაქონლო-საბაზრო კავშირურთიერთობა საკმაოდ განვითარებულყოფილა და არ არის რაიმე საფუძველი ვილაპარაკოთ ნატურალური მეურნეობის მოქმედების ასპარეზის გაფართოებაზე.

XVIII საუკუნის 70-იანი წლები მშვიდობიანობის თვალსაზრისით ბევრად უკეთესი პერიოდია, ვიდრე იმავე საუკუნის 20—40-იანი წლები. და თუმცა ქვეყნის ეკონომიურ განვითარებას არაერთი დაბრკოლება ეღობება წინ, ის მაინც ვითარდება. უფრო საგრძნობი ხდება სასაქონლო წარმოების მასშტაბი, მოსახლეობის კავშირი ბაზართან. იზრდება საბაზრო პროდუქციის ასორტიმენტი. მყიდველ-გამყიდველთა კონტინგენტი. ამას მკაფიოდ ადასტურებს ერთი უცნობი პირის ქორწილთან დაკავშირებით გაწეული ხარჯების ნუსხა, დათარიღებული 1779 წლით¹⁵. საბუთში ჩამოთვლილია ყველაფერი, რაც ბაზარზე შეუძენიათ: არაყი, ღვინო. ძროხა, ცხვრის ხორცი, ქათამი, ბატი, ორაგული, ზურგეილი, ხრამული, ქიშკიში, შაქარი, თაფლი, ნუში, ბრინჯი, მუხუნდო, ღარიჩინის ყვავილი, ერბო, ქო-

¹² ქსძ, II, გვ. 403—404.

¹³ „ფარჩის საპალნეზედ, ერთზედ აბაზი ხუთი... ზურგით ფარჩა ვისაც მოქონდეს — ორი აბაზი“ (ქსძ, II, გვ. 403—404).

¹⁴ „ბანბის საპალნეზედ — შაური ათი... ზურგით ბანბა ვისაც მოქონდეს — ერთი აბაზი“ (იქვე)

¹⁵ მსეი, I, გვ. 69—75.

ნის სანთელი, წმინდა სანთელი, ხახვი, ნიგოზი, ხოხობი, ჩაი, კანკუ-
რი, ჯონჯოლი, ისპანახი, სხვა მწვანილი, ზეთისხილი, კვერცხი, ყვე-
ლი და სხვ¹⁶. ამას გარდა, შეუძენიათ აგრეთვე ხე-ტყის მასალა, შე-
წა, ნახშირი, სასარჩულე მატერია, შალითა, ძაფი, ბეწვეული, გაჯი,
კოვზები და ა. შ.¹⁷.

სასოფლო-სამეურნეო პროდუქციის ასეთივე მრავალფეროვნე-
ბა დადასტურებული თუმანიშვილთა სახლის 1788 წლის დანახარ-
ჯის ნუსხაში¹⁸. ამ ნუსხის მიხედვით, თუმანიშვილებს სახლის საჭი-
როებისათვის ბაზარზე უყიდიან: ღვინო, ძროხის ხორცი, ყველი,
მწვანილი, ორაგული, ხიზილალა, ცხვრის ხორცი, ბატყის ხორცი,
კვერცხი, ერბო, ხახვი, მაწონი, ზეთისხილი, ფქვილი, მარილი, ზაფ-
რანა, ბრინჯი, ზეთი, ხილი, თეთრი სანთელი, წმინდა სანთელი, საყ-
მელი, გუნდრუკი და სხვ. სულ დასახელებულ წელს თუმანიშვი-
ლებს ოჯახისთვის საჭირო სასოფლო-სამეურნეო პროდუქციის შე-
საძენად დაუხარჯავს 280 მანეთი, 3 მინალთუნი, ერთი შაური და
ორი ფული¹⁹. ეს, როგორც ჩანს, გაწეული ხარჯების მხოლოდ ნაწი-
ლია, რადგან ნუსხაში შეტანილია მხოლოდ სურსათზე დახარჯული
თანხა და უყურადღებოდაა დატოვებული სხვა სახის დანახარჯები.
ნუსხიდან ისეთი შთაბეჭდილება იქმნება, თითქოს თუმანიშვილების
ოჯახს 1788 წელს არ შეუძენია არც ტანსაცმელი, არც ფეხსაცმე-
ლი, არც თეთრეული და არც სახლის რამე ავეჯი, სამშენებლო მა-
სალა ან ძვირფასი ლითონი. ეს ცოტა არ იყოს დაუჩერებელია. ნუს-
ხა კი ამ „საიდუმლოს“ გახსნის საშუალებას არ იძლევა.

XVIII საუკუნის 80-იანი წლების საქართველოში საშინაო ბაზ-
რის განვითარების დონის შესახებ საინტერესო მონაცემებს შეი-
ცავს „ქალაქის მოურავის სარგო“ (1784—1790 წწ.). აქ ყურადღე-
ბას იქცევს ერთი და იმავე პროდუქტის ნაირსახეობა. საბუთის მი-
ხედვით, მაგალითად, თბილისის ბაზარზე იყიდებოდა ექვსი სხვადა-
სხვა სახეობის თევზი — ზუთხი²⁰, ორაგული²¹, ღოში²², ხრამული²³,

¹⁶ მსეი. I, გვ. 69—75.

¹⁷ ი ქ ვ ე.

¹⁸ ი ქ ვ ე, გვ. 89—96.

¹⁹ ი ქ ვ ე, გვ. 96.

²⁰ ქსძ, II, საბ. 136, მუხ. 23.

²¹ ი ქ ვ ე, მუხ. 22.

²² ი ქ ვ ე, მუხ. 27.

²³ ი ქ ვ ე, მუხ. 24.

„ხველი თევზი“²⁴ და ზურგიელი²⁵. იმავე დოკუმენტში დასახელებულია სხვა საქონელიც, რომელსაც მოსახლეობა დედაქალაქში ეზიდებოდა გასასყიდად. „ქალაქში რაც ღვინო შემოვა, — ნათქვამია იქ, — ურემზედ ორი თუნგი მოურავისა არის და საპალნეზედ ნახევარი თუნგი“²⁶. „ზეით, დიღმის კარზედ, კოჯრის კარზედ და წყლისკარზედ რაც შეეშა შემოვა, ურემზედ ორსა და სამს შეშას გამოართმევენ მოურავისათვის, აგრეთვე ნახშირზედ, აგრეთვე ფინიზედ“²⁷. გარდა ამისა, ბაზარზე იყიდებოდა ბევრი ხილი, მათ შორის სამხრეთ საქართველოდან (ახალციხიდან) ჩამოტანილი²⁸, ნესვი²⁹, ზეთი³⁰, შაქარი³¹, ღორის ქონი³², ყურძენი³³ და სხვ.

სანამ დავამთავრებთ საუბარს 70—80-იან წლებზე, მკითხველს უურადლებას შევაჩერებთ კიდევ ერთ საბუთზე. ეს არის კაცხის არქიმანდრიტის ნაღვაწის ანგარიში, დათარიღებული 1782 წლით. მასში ნათქვამია: „ერთი ფილონი (სასულიერო პირის შესამოსელი — ი. ა.) შევაკერინე ბატჯანა ოცხელს და 100 მარჩილი მიეცე. ოთხმოცი ჩემი ალალი იყო და ოცი საყდრისა. ერთი ფარჩა აქ დამიხვდა და შევაკერინე სტიხრად და ამაშიდ დამეხარჯა თუთხმეტი (15) მარჩილი. ერთი კიდევ სტიხარი შევაკერვინე და სამოცდაცამეტი (73) მარჩილი გამოვიდა. ჩემი ალალი ...ერთი ძველი შანდალი იყო და ტრაპეზზე სასვენნი (?) სანაწილე (?) გავაკეთებინე... (ამაში) დამეხარჯა თორმეტი (12) მარჩილი... ერთი სახლის ადგილი ვიყიდე მორგვეთს (?)... ოთხმოცი (80) მარჩილი გამივიდა... ორი გლეხი შრომას ამოვიყვანე ჩემის საცადით და ოცი (20) მარჩილი იმაზე დამეხარჯა. დავთრები იყო სიძველისაგან მეტად გაჭირვებული და ოსეს გადავაწერინე ხუცურად და ათი (10) მარჩილი მას მივართვი. ვუმბათის ყავარი დედოფალმა მიბოძა, შევანურვინე და ათის (10) მარჩილის რკინა მას უნდა ჩემი ნასყიდი. ერთი სამოციანი და ორმოციანი ჭური ჩავაგდე, ერთი მიყიდნია ოთხ მარჩილად და ერთი“³⁴...

²⁴ ქსძ, II, საბ. 36, მუხ. 27.

²⁵ იქვე.

²⁶ იქვე, მუხ. 6.

²⁷ იქვე, მუხ. 7.

²⁸ იქვე, მუხ. 30.

²⁹ იქვე, მუხ. 31.

³⁰ იქვე, მუხ. 30.

³¹ იქვე, მუხ. 12.

³² იქვე, მუხ. 16.

³³ იქვე, მუხ. 26.

³⁴ ამის მომდევნო ერთი სიტყვა ვერ წავიკითხეთ.

ამილია. ამათ კირშიდ და წყაროს ამოკირვაშიდ ხელფასიანად დამხარჯვია ათი (10) მარჩილი. ორი სამოციქულო შევკაეებინე და ამათშიდ დამეხარჯა ხუთი (5) მარჩილი, ხელფასი თუ სამოსი. ტრაპეზის საფარებელი ტილო გამოვიდა ხუთი (5) მარჩილი. საწისქვილე ვიყიდე კაცხურაზედ ექვს (6) მარჩილად. ათი მარჩილი ჯვარის ბუდეშიდ მივეცი... ოთხი მარჩილი სახაბაზოშიდ მივეცი... კროკისაგან ყანა ვიყიდე ოცდაოთხ (24) მარჩილად. ას სამოცი (160) მარჩილი ამ სახლშიდ დამიხარჯავს ჩემი ალალი და ამას გარდა თუთხმეტი (15) მარჩილის მიყიდნია ხორცი და ოცი (20) მარჩილის ღვინო და ამას მოსდომებია აქაურს პურსა და ღვინოს გარდა“³⁵.

როგორც ამ საბუთიდან ჩანს, კაცხის ეკლესია ბევრ პროდუქტს საკუთარის ყმების ძალებით აკეთებდა, მაგრამ ბაზართან მაინც მკიდროდ იყო დაკავშირებული და სასაქონლო-ფულად ურთიერთობაში ჩაბმული.

1795 წელს, როგორც ცნობილია, საქართველოს და კერძოდ თბილისს დიდი უბედურება ატყდება თავს. ირანის შაჰი ალა-მამკად-ხანი დიდ ზიანს აყენებს ჩვენს ქვეყანას, მის კულტურასა და ეკონომიკას. მაგრამ ხალხი მაინც არ ჰყრის ფარ-ხმალს. უბრუნდება თავის მშვიდობიან სამეურნეო საქმიანობას, მიწას ამუშავებს, ხელსაქმობს, ვაჭრობს. სულ მალე იგრძნობა დანგრეულ-დაზარალებული ქალაქებისა და ბაზრების აღორძინება: ასეთი დასკვნის გაკეთების საშუალებას იძლევა XVIII საუკუნის 90-იანი წლების მეორე ნახევრის ჩვენამდე მოღწეული დანახარჯის ნუსხების ანალოზი. ავიღოთ, მაგალითად, მეფის ოჯახის მიერ 1797 წ. მახლობლად თელავში გაწეული ხარჯების ნუსხა³⁶. ერეკლეს ოჯახს შეუძენია როგორც სურსათი: პური, ღვინო, ხორცი, ფრინველი, ბრინჯი, ხიზილალა, ერბო, ყველი, ლობიო, თევზი, ნიგოზი, ხახვი, კვერცხი, სანთლის ქონი, ისე სამრეწველო პროდუქტია: სტამბოლის ტილო, ქუდი, ლეიბი, საკაბე, ლეიბის პირი, ჩექმის ძირი, ჩექმის საპირე, საწულე მასალა, ლაინი, ტყავი, ქოშები, ნაბადი, წამოსასხამი ნაბადი, ხამი და სხვა.

ჩვენს ხელთაა იმავე 1797 წლის წილკნის ეკლესიის ერთი საბუთი, რომელიც ადასტურებს მის კავშირს ბაზართან. მიუხედავად იმისა, რომ ეკლესიას ჰყავდა თავისი ყმები, რომლებიც სხვადასხვა

³⁵ ს ს ც ი, ფონდი 1448, საბ. 3281.

³⁶ მ ს ე ი, I, გვ. 139—154.

ნატურალურ გადასახადებს უხდიდნენ მას, როგორც ჩანს, ბაზართან კავშირი მაინც გარდაუვალი და აუცილებელი ყოფილა. 1797 წელს, წერს წილკნელი. ვიყიდე ოთხი ცხენი, ორი ურემი ღვინო, „სახლის მოფენილობა და სახლისთვის ჭურჭელი, რომელიც რომ სულ ყველა საქმეში არის მოსახმარებლად“³⁷.

ბაზარზე უპირატესად ადგილობრივი საქონელი იყიდებოდა, მაგრამ არც იმპორტული საქონლის ნაკლებობა იგრძნობოდა. უცხო ქვეყნებთან კავშირი განსაკუთრებით XVIII საუკუნის მეორე ნახევრიდან ძლიერდება. დარიალს ანუ „ოსეთის გზის“ გახსნით 1750 წელს საქართველომ სავაჭრო ურთიერთობა გააბა რუსეთთან და ამ უკანასკნელის მეშვეობით — ევროპასთანაც. ხსენებული დროიდან მოყოლებული საბუთებში მუდმივადაა ლაპარაკი რუსეთიდან, საფრანგეთიდან, ესპანეთიდან და ევროპის სხვა ქვეყნებიდან ჩამოტანილ საქონელზე. მაგალითად, მანუჩარ თუშანიშვილის ტანისამოსის ნუსხაში, რომელსაც თარიღად 1788 წელი უზის, დასახელებულია „ერთი მწვანე ფრანგის ატლასის კაბა“³⁸, „ერთი ფრანგის შალის იოპა“³⁹, „ერთი თეთრი ფრანგის შალის ჩოხა“⁴⁰, „ერთი წყვილი ესპანის წიდა“⁴¹, „ერთი რუსული ჩითის ახალუხი შესაკერავი“⁴² და „ერთი რუსული ჩითის ახალუხი“⁴³ შეკერილი.

1795 წლის ახლო საბუთში ლაპარაკია რუსულ სტამბაზე⁴⁴, რუსულ ყუთზე⁴⁵, რუსულ კლიტეზე⁴⁶, რუსულ ხელსახოცზე⁴⁷, რუსულ ჩითზე⁴⁸, რუსულ ზიარიან ფარჩაზე⁴⁹, რუსულ ვარაყის ქალაღზე⁵⁰, ესპანურ სარკეზე⁵¹, ესპანურ შაქარზე⁵² და ა. შ.

³⁷ სმხი, ფონდი Qd, საბ. 1616.

³⁸ მსგი. III. გვ. 326.

³⁹ ი ქ ვ ე, გვ. 327.

⁴⁰ ი ქ ვ ე.

⁴¹ ი ქ ვ ე.

⁴² ი ქ ვ ე.

⁴³ ი ქ ვ ე.

⁴⁴ ი ქ ვ ე, გვ. 257.

⁴⁵ ი ქ ვ ე, გვ. 258.

⁴⁶ ი ქ ვ ე, გვ. 259.

⁴⁷ ი ქ ვ ე, გვ. 266.

⁴⁸ ი ქ ვ ე, გვ. 267.

⁴⁹ ი ქ ვ ე, გვ. 270.

⁵⁰ ი ქ ვ ე, გვ. 271.

⁵¹ ი ქ ვ ე, გვ. 265.

⁵² ი ქ ვ ე, გვ. 270.

XVIII საუკუნის მიწურულის საქართველოშიც სისტემატურად იყიდებოდა რუსულ-ფრანგული საქონელი. იყიდებოდა, მაგალითად, რუსული „შლაპა“⁵³, რუსული „ბოდნოსი“⁵⁴, ფრანგული დამბაჩა⁵⁵, ფრანგული თოფი⁵⁶, გარნიტური⁵⁷ და სხვ.

საქართველოს ადრეც ჰქონდა სავაჭრო ურთიერთობა ირანთან, ოსმალეთთან, ინდოეთთან, ამიერკავკასიისა და ჩრდილოეთ კავკასიის: ქვეყნებთან. განსახილველ ხანაში კი ის კიდევ უფრო საგრძნობი გახდა. საბუთების მიხედვით, XVIII საუკუნის 80—90-იან წლებში თბილისის ბაზარზე იყიდებოდა თურმე გილანის (ირანი) „უზარო წიკვაკრავი“⁵⁸, „თავრიზის თავთა“⁵⁹, „თავრიზის ბალიში“⁶⁰, „ოსმალის შალის დირის პირი ჭრელი“⁶¹, „ინდური ჩაის კოლოფი“⁶², „ინდური თეთრი ხელახოცი“⁶³, „ინდური ლეინი ლილის ფერი“⁶⁴ და ა. შ. პეისონელის ცნობით, XVIII საუკუნის 60-იანი წლების თბილისში ყოველწლიურად მოდიოდნენ საქონლით დატვირთული ქარავენები თავრაზიდან, ერზერუმიდან და ამიერკავკასიის ქალაქებიდან — განჯიდან, შემახიიდან, ერევნიდან⁶⁵. თბილისიდანაც დასახელებული ადგილებისაკენ ყოველწლიურად მიემართებოდა 150—200 ურემი⁶⁶. საქართველოს ამ და სხვა ქვეყნებში უმთავრესად გაჰქონდა მატყლი, ტყავი, ერბო, ღვინო, სპილენძი, ხოლო შემოჰქონდა, ბევრი სხვა დასახელების საქონელთან ერთად, თევზი (განჯიდან) და აბრეშუმი (შემახიიდან).

⁵³ ი ქ ე ე, გვ. 276; სს. I. გვ. 406.

⁵⁴ ს ს I. გვ. 407.

⁵⁵ მ ს ე ი, III, გვ. 275.

⁵⁶ ი ქ ე ე.

⁵⁷ ი ქ ე ე, II, გვ. 300.

⁵⁸ ი ქ ე ე, III, გვ. 227.

⁵⁹ ი ქ ე ე, გვ. 232.

⁶⁰ ი ქ ე ე, გვ. 258.

⁶¹ ი ქ ე ე, გვ. 271.

⁶² ი ქ ე ე, გვ. 247.

⁶³ ი ქ ე ე.

⁶⁴ ი ქ ე ე, გვ. 248.

⁶⁵ Ш. А. М е с х и а. Города и городской строй феодальной Грузии, Тб., 1959. გვ. 134.

კერძოდ, ერევანთან ვაჭრობის შესახებ ერთ 1798 წლის საბუთში ნათქვამია: „დღეს ხვალ ერევნის ქარავანია მოსასულელი“ (სს, III, საბ. 356).

⁶⁶ ს. კ ა კ ა ბ ა ძ ე, საფრანგეთის სავაჭრო კაპიტალი, ქუთაისის პედაგოგიური ინსტიტუტის შრომები, I, 1940, გვ. 121; შ. მ ე ს ხ ი ა, დასახ. ნაშრ., გვ. 134.

XVIII საუკუნის მეორე ნახევრიდან, დარიალის გზის გახსნის შემდეგ, როგორც ზემოთაც აღვნიშნეთ, გაიზარდა საქართველოს სავაჭრო ურთიერთობა ჩრდილოეთ კავკასიის ქვეყნებთან. ქალაქებთან. ოსები, ყაბარდოელები, ლეკები სავაჭრო მიზნით ჩამოდდიოდნენ თბილისში, ცხინვალში, ახალგორში, დუშეთში, თელავში, ყვარულსა და სიღნაღში. აქ ისინი იძენდნენ უპირატესად პირველი მოხმარების საგნებს, პურეულს, ხელოსნურ ნაწარმს⁶⁷. ხოლო თვითონ შემოქმონდათ შალეული, მეცხოველეობის პროდუქტები და ადგილობრივი შინამრეწველობის საგნები⁶⁸.

ქართველი ვაჭრები ხშირი სტუმრები ჩანან ჩრდილოეთ კავკასიაში. 1780 წლის 20 თებერვლის ერთ დოკუმენტში ლაპარაკია, მაგალითად, თბილისელ ვაჭარ ვინმე იაგორა ბორისაშვილზე (ბორისოვ). რომელიც ყიზლარიდან მოზდოქს მიდიოდა და თან მიჰქონდა: «2 топы бумаги пищевой, 20 пудов сала топленного, 4 пуда веревок пеньковых, 3 пуда бумаги хлопчатой, в 2-х боченках 14 пудов масла посного, 300 трубок глиняных, в 7 мешках 7000 орехов грецких»⁶⁹. იმავე 1780 წელს მოზდოქს ჩასულა თბილისელი პეტრე ოსიპოვი, რომელიც 5 ურმისაგან შემდგარი ქარაენით იქიდან ყიზლარს მიემართებოდა და სომეხი ვაჭრისათვის მისასყიდად მიჰქონდა: „шелку 80 пудов, порешены 150, бязи буляжной белой 500 концов⁷⁰“. 1791 წლის საბუთში კი ლაპარაკია ვინმე იმერელ ანტონ ელიზბარაშვილზე, რომელსაც ასტრახანიდან მოზდოქს გაუგზავნია: „три тысячи аршин холста бельного узкого, три пуда краски брусковой, три пуда сахара головного, десят дюжен зеркал малых, пятнадцать дюжен ножей складных, две тысячи шкур кошачьих, одиннадцать кож сафьянных»⁷¹.

საქართველოს საგარეო ვაჭრობის განვითარების მაჩვენებელია თბილისის საბაჟოს მონაცემებიც, რომელთა თანახმად, მარტო დედაქალაქის სავაჭრო ბრუნვა 1760—1770 წლებში 160 ათასი მანეთიდან 400 ათას მანეთამდე გაზრდილა. სხვანაირად რომ ვთქვათ, საქონელბრუნვა აღნიშნულ ათწლეულში 2,5-ჯერ გადიდებულა⁷².

⁶⁷ სიბ, IV, 544.

⁶⁸ იქვე, 545.

⁶⁹ В. Н. Гамрекели, Документы по взаимоотношениям Грузии с Северным Кавказом в XVIII в., Тбилиси, 1968, стр. 69.

⁷⁰ იქვე, გვ. 222.

⁷¹ იქვე, გვ. 246.

⁷² ИКБЗ, стр. 178—179.

ყველაზე მნიშვნელოვან სავაჭრო ცენტრს XVIII საუკუნის მეორე ნახევრის საქართველოში თბილისი წარმოადგენდა (20-ათასიანი მოსახლეობით⁷³—1772 წელს; 500 დუქნით — ოთხმოციანი წლებისთვის)⁷⁴. იგი იყო არა მარტო მნიშვნელოვანი სატრანზიტო პუნქტი კონსტანტინოპოლიდან, სმირნადან, ალექოდან ირანში და ირანიდან ამ ქალაქებში მიმავალი საქონლისათვის, არამედ იქ თავს იყრიდა ადგილობრივი მშრომელი კაცის ხელებით შექმნილი სასოფლო-სამეურნეო თუ სამრეწველო ხასიათის პროდუქციაც. თბილისში, — წერს გიულდენშტედტი, — „ბევრი არიან ვაჭრები, ანუ უფრო უკეთ წვრილი მედახლეები, რომლებთანაც შეიძლება შეიძინოს კაცმა გასავლიანი საქონელი, წვრილმანი საქონელი, სურსათი, სანელებელი და სხვა რამეები. არიან სხვადასხვა (ხელოსნები): მეტყევეები, მღებავები, მქსოველები, მკედლები“⁷⁵. ამას მოსდევს იმ საქონლის სია, რომელიც ბაზარზე იყიდებოდა თითოეული მათგანის ფასის ჩვენებით. ამ სიაშია: პური, საქონლის ხორცი, ცხვრის ხორცი, ყველი, ბრინჯი, ღვინო, კარაქი და ბევრი სხვა⁷⁶. იოანე ბატონიშვილის „კალმასობაში“ მოცემული⁷⁷ თბილისის ბაზრის აღწერა მკაფიოდ მეტყველებს მის ფართო მასშტაბზე, საქონლს სიუხვეზე, ასორტიმენტის მრავალფეროვნებაზე. იგი სასაქონლო ურთიერთობის განვითარება-დაწინაურების ექვემოთნაწილი მოწმობაა.

XVIII საუკუნის მეორე ნახევრის საქართველოს მნიშვნელოვანი სავაჭრო პუნქტი იყო ქალაქი თელავიც. მის კედლებს გარეთ. გიულდენშტედტის სიტყვით, დუქნები ყოფილა განლაგებული, სადაც სომეხი ვაჭრები უხეში ბამბისა და აბრეშუმის ქსოვილებს ყიდდნენ, ხოლო ლეკები — სხვადასხვა, უპირატესად, ალბათ, შინამრეწველობის საგნებს⁷⁸. განსახილველი ხანის საბუთებში ხშირადაა ლაპარაკი თელავის ბაზარზე, როგორც საყურადღებო სავაჭრო ადგილზე⁷⁹. იგივე ითქმის სიღნაღის შესახებაც. XVIII საუკუნის პირველ ნახევარში ის ჯერ კიდევ არ იყო ქალაქი. ქართლ-კახეთის ქალაქების

⁷³ გ ი უ ლ დ ე ნ შ ტ ე დ ტ ი ს მოგზაურობა საქართველოში, I, გვ. 87.

⁷⁴ С. Д. Б у р н а ш е в, Картина Грузии, 1896, стр. 3.

⁷⁵ გიულდენშტედტის მოგზაურობა საქართველოში, I, გვ. 93.

⁷⁶ ი ქ ე ე.

⁷⁷ იოანე ბატონიშვილი, კალმასობა, 1936, გვ. 193—195.

⁷⁸ გიულდენშტედტის მოგზაურობა საქართველოში, I, გვ. 35.

⁷⁹ Г К Г, გვ. 20—21. აქავე რეკლ II-ის ბრძანება თელავის შესახებ (1768 წ.).

სიაში სიღნაღი 1770 წ. შეიტანეს⁸⁰. უფრო მოგვიანებით, სახელ-
დობრ 1784 წელს, ერეკლე II-ის ბრძანებით ქალაქის რანგში აყვა-
ნო იქნა დუშეთიც. ამ დროისთვის უკვე ცნობილი თავისი სავაჭ-
რო-კომერციული ოპერაციებით⁸¹. ცხოველი ვაჭრობა მიმდინარეობ-
და ქუთაისში⁸², გორში. ცხინვალში, სურამში. ანანურში, ახალგორ-
ში, ახალდაბაში, წილკანში, ონში, ხონში და სხვა. ამ უკანასკნელის
შესახებ გიულდენშტედტი წერს: „17 აგვისტო (1772 წლისა)
კვლავ ხონში გავათეთ. ხონში ეკლესიის გვერდით არის დიდი
მოედანი ცაცხვით და აღმოსავლური ჭადრით.. ეს მოედანი 2 ვერ-
სის ფართობს მოიცავს; როგორც ყოველ პარასკევს ამ ხეების ჩრდი-
ლში შეკრებილიყვნენ ორივე სქესის მყიდველ-გამყიდველნი და
(გაეჩაღებინათ) ბაზრობა. იყიდებოდა შემდეგი საქონელი: რუხი და
შავი მაუღის ჩოხები და ნაბღები, რომლებიც შემოაქვთ ბასიანიდან
და დუგორიდან, ონის გზით. ბამბის წითელი და ცისფერი უხეში
ქსოვილები შარვლებისათვის, პერანგებისათვის და ქალთა ზედატა-
ნისათვის და სახიანი ბამბის ქსოვილები ქვედატანისათვის თბილი-
სს ფაბრიკებიდან... ჭრელი არშიები ევროპული ტილოსი.. ადგი-
ლობრივი რუხი მაუღის ქუდები... ერთვედროიანი სპილენძის ქვა-
ბი..., ზღვის მარილი ყირიმიდან..., დამარილებული ზურგიელი.. სა-
ლიანიდან და თბილისიდან..., ცხვრები პატარა კუდებით, ურქე-
ბოღ..., კანაფის თოკი და ხის ჭამები. ამას გარდა, აქაური ცხენები...
და ზოგი სხვა საქონელი. ბაზარში მყოფ ხალხში იყვნენ მეგრულე-
ნიც“⁸³.

ჩანს, ხონს საქართველოს საერთო ბაზრის მნიშვნელობა ჰქო-
ნია, რომ იქ მყიდველ-გამყიდველი ჩვენი ქვეყნის სხვადასხვა კუთ-
ხიდან იყრიდა თავს. იგი ასორტიმენტითაც მდიდარი სავაჭრო ადგი-
ლი ყოფილა.

ბაზარზე გლეხობა მყიდველიც იყო და გამყიდველიც... ყიდდა
არა მარტო ზედმეტს, ე. ი. იმას, რაც რჩებოდა ოჯახის მოთხოვნი-
ლებათა დაკმაყოფილების შემდეგ, არამედ წინასწარ საბაზროდ დამ-
ზადებულ პროდუქციასაც. ამას ადასტურებს 1804 წლის კამერა-
ლური აღწერის მასალები. სოფელ კურდღელაურის 14 კომლი გლე-

⁸⁰ Ш. А. М е с х и а, Города..., გვ. 108—109. სიღნაღი ძველი ხორნაბუჯის
ნანგრევებზე აღმოცენდა.

⁸¹ ი ქ ვ ე, გვ. 115.

⁸² А. Ц а г а р е л и, Грамоты и другие исторические документы XVIII
столетия, относящиеся к Грузии, I, с. Петербург, 1891, стр. 29.

⁸³ გიულდენშტედტის მოგზაურობა საქართველოში, I, გვ. 153—155.

ხის შესახებ, რომლებიც გარსევან ჭავჭავაძეს ეკუთვნოდნენ. დასახლებულ წყაროში ვკითხულობთ: „თავს ირჩენენ... ხენა-თესვითა. და აგრეთვე ხალიჩებისა და მატყლის ტომრების დამზადებით“⁸⁴. ზუსტად იგივეა ნათქვამი იმავე სოფელში მცხოვრებ ხელქვეით 6 კომლ გლეხზეც. ისინი ცხოვრობდნენ ხენა-თესვითა, აგრეთვე ხალიჩებისა და მატყლის ტომრების დამზადებით⁸⁵. ალავერდელის ყვარლელი ყმები კი, პურის მოყვანისა და მევენახეობა-მელვინეობის გარდა, აბრეშუმის წარმოებასაც ეტანებოდნენ⁸⁶. იმავე საქმიანობას ეწეოდნენ ყვარელში მცხოვრები გრიგოლ და პაატა ჭავჭავაძეები-სა⁸⁷ და თელავის კარის ეკლესიის გლეხებიც⁸⁸. საეკვეო არაა, რომ ხალიჩებს, ტომრებსა და აბრეშუმს სოფლის მშრომელი მოსახლეობა თავიდანვე საბაზროდ ამზადებდა. იგი ამ პროდუქციის მხოლოდ მცირე ნაწილს იტოვებდა ოჯახის საჭიროებისათვის, ხოლო დანარჩენს ყიდდა, რათა აღებული ფულით გადაეხადა ხაზინის თუ ბატონის გადასახადი, შეეძინა ჩასაცემლ-დასახურავი. მეურნეობის გასამართავი იარაღები, პირუტყვი და ა. შ.

მსგავს სურათს წარმოგვიდგენს 1813 წლით დათარიღებული ერთი უწყისი, რომელშიც თავმოყრილია ცნობები საქართველოს სხვადასხვა კუთხის სახაზინო გლეხთა ეკონომიური მდგომარეობის შესახებ. იგი აშუქებს ჩვენთვის საინტერესო საკითხსაც. ახასიათებს რა, მაგალითად, ტურისციხის, სანაევარდოს, კუჭატანის, ჭიკაანისა და ჯავახის სახელმწიფო გლეხთა სამეურნეო საქმიანობას, დასახელებული საბუთის შემდგენელი წერს: «Жители означенных селений занимаются хлебопашеством и скотоводством, имеют рогатый скот..., упражняются в садоводстве и в делании для домашних обиходов и на продажу шелку»⁸⁹. ფაშანისა და თოღნიანის მშრომელი მოსახლეობის შესახებ უწყისში ნათქვამია, რომ ისინი, გარდა ხენა-თესვისა და მესაქონლეობისა,

⁸⁴ სსცია, ფონდი 254. ანაწერი I, საქმე 52. ფურც. 18.

⁸⁵ სსცია, ფონდი 254. ანაწერი I, საქმე 52. ფურც. 18 უკ. მხარე.

⁸⁶ იქვე, ფურც. 66.

⁸⁷ იქვე, ფურც. 66 უკ. მხარე.

⁸⁸ იქვე, ფურც. 66.

ერთი წლით ადრე, ე. ი. 1803 წელს, შედგენილ დოკუმენტში, რომელშიაც მირიან ბატონიშვილის ყაფანაქელი გლეხების საქმიანობაა დახასიათებული, ნათქვამია: „ზოგი მათგანი მისდევს მიწათმოქმედებას, მოჰყავს საკუთარი საჭიროებისათვის პური და ქერი; ამზადებენ აგრეთვე, ხალიჩებსა და ტომრებს“ (სსცია, ფონდი 2, ანაწ. I, საქმე 36, ფურც; 92).

⁸⁹ ЦГВИАМ, ф. ВУА, д. 18480, л. л. 410б—770б.

ეტანებთან აბრეშუმის დამზადებას, „როგორც თავისთვის, ისე გასასყიდად“⁹⁰. სოფლებს სოშიანის, ურიათუნის. გიორგიწმინდას, საგარეჯოს, ბერთუნისა და პატარქეულის 230 კომლ გლეხზე წითითებულია, რომ მათი ძირითადი საქმიანობაა მიწათმოქმედება, მესაქონლეობა, მევენახეობა-მელვინეობა და, აგრეთვე (ნაწილისათვის) „აბრეშუმის წარმოება ოჯახის მოთხოვნილებებს დასაკმაყოფილებლად და გასასყიდად“⁹¹. ამ მასალებით აბრეშუმს საბაზროდ ამზადებდნენ დიდი საქობოს, პატარა საქობოს, ვაჭირის, ანაგისა და ველისციხის სახაზინო გლეხებიც, რომელთა საერთო რაოდენობა უწყისით, 796 კომლს უდრიდა⁹².

მართალია, აქ მოტანილი მასალა გასული საუკუნის დამდეგს ეხება, მაგრამ იგი სავსებით გამოდგება XVIII საუკუნის მიწურულის მდგომარეობის დასახასიათებლადაც. არ შეეცდებით თუ ვიტყვით, რომ ქართველმა გლეხმა საბაზრო პროდუქციის დამზადება დაიწყო არა უცბად, 1801 წლის შემდეგ, არამედ მანამდე, ქართველ მეფეთა ხანაშიც და ამდენად გარკვეული გამოცდილებით შეხვდა XIX საუკუნეს.

ბაზარს სასოფლო-სამეურნეო თუ სხვა პროდუქციით ამარაგებდნენ პრივილეგიური წოდების წარმომადგენლებიც, განსაკუთრებით ის ნაწილი, რომელიც ახალ ვითარებასთან შეგუებასა და მეურნეობის რაციონალურ საფუძვლებზე მოწყობას ცდილობდა. ასეთების რიცხვს ეკუთვნოდნენ ოსეთა ყორღანაშვილი, გორჯასპი და მანუჩარ თუმანიშვილები, დავით თარხნიშვილი და სხვები. ისინი იყვნენ ახალი ტიპის მებატონეები, „პომეშიკეები“. მათ მეურნეობას ახასიათებდა წარმოების პროცესის რაციონალიზაცია⁹³ და მჭიდრო კავშირი ბაზართან, რაც გამოიხატებოდა არა მარტო ოჯახისათვის ზედმეტი პროდუქტის გაყიდვაში, არამედ სპეციალურად საბაზრო პროდუქციის დამზადებაში. ამ ბოლო დროს მკვლევართა უმრავლესობა სწორედ ამ მოსაზრებას უჭერს მხარს. მაგალითად, გ. აკოფაშვილი სავსებით სამართლიანად ფიქრობს, რომ მანუჩარ

⁹⁰ ЦГВИАМ. Ф. ВУА. д. 18480, л. л. 410б.—770б.

⁹¹ იქვე.

⁹² იქვე.

⁹³ გ. აკოფაშვილი, აზნაურობა და სამეფო ხელისუფლება XVII—XVIII სს. აღმოსავლეთ საქართველოში, მსკი, ნაკ. 35, გვ. 138; მისივე, „მანუჩარ თუმანიშვილის მეურნეობა (XVIII ს, მეორე ნახევარი—XIX ს. დამდეგი)“, კავკასიის ხალხთა ისტორიის საკითხები — კბის, თბ., 1966 წ., გვ. 405, 410, 411.

თუმანიშვილის მეურნეობა ბაზარზე ეზიდებოდა არა მარტო იმას, რაც ზედმეტი იყო მისთვის, არამედ წინასწარ, რეალიზაციის მიზნით დამზადებულ საგნებსაც. „აღსანიშნავია, — წერს დასახელებული ავტორი, — რომ იგი (თუმანიშვილის მეურნეობა — ი. ა.) სამომხმარებლო ღირებულების წარმოებიდან საცვლელი ღირებულების წარმოებაზე გადასვლის ნიშნებსაც შეიცავს⁹⁴. იგივე ითქმის ოსეფა და ალალო ყორანანშვილების მეურნეობაზეც⁹⁵. ვფიქრობთ, საბაზრო პროდუქციას ამზადებდა დავით თარხნიშვილის ეკონომიაც. მართალია, ალ. სარაჯიშვილის პუბლიკაციაში, რომელიც ჟურნალმა „კლდე“ გამოაქვეყნა 1914 წელს⁹⁶, სათაურით „თავადიშვილის მეურნეობა ამ ასი წლის წინათ“, პირდაპირი პასუხი არ არის გაცემული ჩვენთვის საინტერესო საკითხზე, მაგრამ იქ მოტანილი მასალა სრულ საფუძველს გვაძლევს თარხნიშვილი საბაზრო პროდუქციის მწარმოებელ შემამულეთა რიცხვს მივაკუთვნოთ⁹⁷.

თვით იესე ბარათაშვილიც კი, რომელიც, როგორც უკვე აღვნიშნეთ, სამეურნეო საქმიანობის მიზანს ოჯახის მოთხოვნილებათა დაკმაყოფილებაში ხედავს, იძულებულია აღიაროს პურ-ღვინის გარკვეული ნაწილის სარეალიზაციოდ დამზადების აუცილებლობა⁹⁸. მოგვიანებით კი, სახელდობრ 1816 წელს, ბატონიშვილი ბაგრატი თავის ტრაქტატში „შემოკლებული სოფლის ეკონომია“, XVIII საუკუნის მიწურულისა და XIX საუკუნის დამდეგის ვითარებიდან გამომდინარე, ასევე ლაპარაკობდა სასოფლო-სამეურნეო პროდუქციის ერთი ნაწილის საბაზროდ წარმოების შესახებ⁹⁹. ასეთი შეხე-

⁹⁴ გ. აკოფაშვილი, მანუჩარ თუმანიშვილის მეურნეობა, კბის, გვ. 411.

⁹⁵ გ. აკოფაშვილი, აზნაურობა და სამეფო ხელისუფლება..., მსკი, ნაკ. 35, გვ. 138.

⁹⁶ ჟურნ. „კლდე“, 1914 წ., №№ 20, 21, 22.

⁹⁷ აზრი იმის შესახებ, რომ XVIII საუკუნეში შემამულეთა ერთი ნაწილი სპეციალურად ამზადებდა საბაზრო პროდუქციას, ვატარებულობა ნ. ქანთარიას საკანდიდატო დისერტაციაში. დისერტაციის ავტორუფერატში ნათქვამია: «Устанавливается, что существовал постоянно действующий рынок, на который доставлялись разнообразные товары с разных концов страны в большом количестве и имелся постоянный спрос на них. Все это заставляет нас предположить, что на рынок вывозились не только излишки продуктов, но также и продукты, специально изготовленные для продажи» (Н. Г. Кантария, Хозяйство грузинского помещика в XVIII веке, Тб., 1955, стр. 17).

⁹⁸ იესე ბარათაშვილი, ცხოვრება, გვ. 99.

⁹⁹ ბატონიშვილი ბაგრატი, შემოკლებული სოფლის ეკონომია. კ. მარქსის სახ. საგარო ბიბლიოთეკა, ხელნაწერების ფონდი, 524, პარაგრაფი 6.

ქულებები ცხოვრებაში უკვე მიმდინარე პროცესების ანარეკლი იყო.

ნაშრომის ამ ნაწილში მოტანილი მასალა მკაფიოდ ადასტურებს სასაქონლო წარმოებისა და საბაზრო კავშირურთიერთობათა განვითარების ფაქტს განსახილველი ხანის საქართველოში. სასაქონლო წარმოების განვითარება კი გვიანფეოდალურ ხანაში წარმოადგენდა (ზოგ სხვა გარემოებასთან ერთად) იმ მნიშვნელოვან ფაქტორს, რომელიც ძირს უთხრიდა ძველს და ნიადაგს უზადებდა ახალი საზოგადოებრივ-ეკონომიური ფორმაციის გამარჯვებას მომავალში¹⁰⁰. ის ფეოდალურ-ბატონყმური სისტემის ერთ-ერთი ნიშნის — ნატურალური მეურნეობის მოშლის მკაფიო მაჩვენებელი იყო. «Европейский капитализм, — წერს საბჭოთა ისტორიკოსი ა. ჩისტოვონოვი. — вырос из феодализма, на базе определенных предпосылок, из которых главными были: 1. развитие простого товарного хозяйства и купеческо-ростовщического капитала; 2. разложение на этой основе натурально-хозяйственной базы феодального производства»¹⁰¹. (ხაზი ჩვენია — ი. ა.).

დასკვნები

ზემოთქმულიდან შეიძლება დავასკვნათ:

1. XVIII საუკუნის არც ერთ მონაკვეთში, თვით ძნელბედობის ე. ი. ოსმალებისა და ყიზილბაშების ბატონობის ღროსაც (1723—1735; 1735—1747 წწ.) კი, სასაქონლო ურთიერთობა არ ჩამკვდარა, ქვეყანა ნატურალური მეურნეობის ნორმებს არ დაბრუნებია. ჩვენს განკარგულებაში არსებული ფაქტობრივი მასალა ექვემიუტანლად ადასტურებს, რომ განსახილველი ხანის საქართველოში, მიუხედავად მრავალი დამაბრკოლებელი გარემოებისა, მაინც იგრძნობოდა გარკვეული სოციალ-ეკონომიური პროგრესი, რომლის ერთ-ერთ გამოხატულებასაც სასაქონლო წარმოებისა და საბაზრო კავშირურთიერთობათა განვითარება წარმოადგენდა.

2. სხვადასხვა სახისა და ხასიათის წყაროების, მათ შორის სასულიერო და საერო ფეოდალების მიერ შედგენილი დანახარჯის

¹⁰⁰ ვ. ი. ლენინი, ტ. 3, გვ. 207—28, 360—361.

¹⁰¹ А. Н. Чистозвонов, Генезис капитализма и отражение его в региональных типах крестьянских движений в Европе в XVI—XVIII веках. Журн. «Вопросы истории», 1975 г., № 1, стр. 75.

ნუსხების, გულდასმით შესწავლა-ანალიზი ცხადყოფს, რომ XVIII საუკუნის საქართველოს ბაზარზე იყიდებოდა თითქმის ყველაფერი, ტყემლიდან დაწყებული და დამთავრებული ადგილობრივი თუ უცხო წარმოშობის ძვირფასი ნივთებით. თბილისელი ვაჭრები დაკავშირებული იყვნენ ჩრდილოეთ კავკასიასთან, რუსეთთან, ირანთან და სხვა ქვეყნებთან. სასაქონლო პროდუქციას ამზადებდნენ და კომერციულ საქმიანობაში ჩაბმული იყვნენ როგორც გლეხები (ნაწილი), ისე მემამულე რაციონალიზატორები. ისინი მყიდველების როლშიც გამოდიოდნენ და გამყიდველებისაც.

3. სასაქონლო წარმოებისა და საბაზრო კავშირურთიერთობათა განვითარება გვიანფეოდალურ ხანაში წარმოადგენდა იმ მნიშვნელოვან ფაქტორს, რომელიც (ზოგ სხვა გარემოებასთან ერთად) ძირს უთხრიდა ძველს და ნიადაგს უშზადებდა ახალი საზოგადოებრივ-ეკონომიური ფორმაციის გამარჯვებას მომავალში. ის ფეოდალურ-ბატონყმური სისტემის ერთ-ერთი ნიშნის — ნატურალური მეურნეობის მოშლის მკაფიო მაჩვენებელი იყო.

ცვლილებები XVIII საუკუნის საქართველოს
ფეოდალურ მიწათმფლობელობაში

ფეოდალურ-ბატონყმური ურთიერთობის საფუძველს, როგორც ცნობილია, წარმოადგენს ფეოდალის საკუთრება მიწაზე. ხსენებულ საზოგადოებრივ-ეკონომიური ფორმაციის გამარჯვება-განვითარების და მისი დაღმავალი გზით სიარულის უპირველესი განმსაზღვრელი სწორედ ფეოდალური საკუთრებაა. ფეოდალური წყობილება იშლება იქ და მაშინ, სადაც და როდესაც მიმდინარეობს მისი ეკონომიური საფუძვლის, მიწაზე ფეოდალის მფლობელობის მოშლისა და უწოდებრიო (ბურჟუაზიული) საკუთრების განვითარების მეტ-ნაკლებად საგრძნობი პროცესი. ბურჟუაზიული ურთიერთობის განვითარება-გამარჯვება, პირველ რიგში, სწორედ საკუთრების ამ ძველი (ფეოდალური) ფორმის ახლით შეცვლას გულისხმობს. მართალია, მართო საკუთრების ფორმის შეცვლა არ არის საქმარისი იმისათვის, რომ შეიცვალოს მთელი წყობილება, მაგრამ ის მაინც მთავარია, რადგანაც მისი ევოლუცია იწვევს მნიშვნელოვან გარდაქმნებს საზოგადოებრივ-ეკონომიური ცხოვრების ყველა დარგში.

ქართული ფეოდალური ურთიერთობა, ცხადია, იმავე ეკონომიურ საფუძვლებს ემყარებოდა, რასაც რუსეთისა და დასავლეთ ევროპის ფეოდალიზმი, მაგრამ მას თავისი სპეციფიკური, სხვებისაგან განსხვავებული ნიშნებიც გააჩნდა. ასეთებში რიცხვს ეკუთვნის, კერძოდ, ქართველი გლეხის მიწაზე საკუთრების უფლება. მიწა, მისი ა ბ ს ო ლ უ ტ უ რ ი უმეტესობა, ცხადია, ჩვენშიც ფეოდალური კლასის კუთვნილებას შეადგენდა, მაგრამ ქართული ფეოდალური სამართალი და პრაქტიკა არ უკრძალავდა სოფლის მშრომელ მოსახლეობას შეეძინა მიწა საკუთრებაში. სადღეისოდ ცნობილი საკანონმდებლო თუ სხვა ხასიათის ძეგლები ექვემიუტანლად ადასტურებს,

რომ ჩვენი გლეხი ფეოდალური ურთიერთობის მთელ მანძილზე, მოყოლებული ადრე ფეოდალიზმის ხანიდან, ითვლებოდა მიწის მესაკუთრედ და ეწეოდა მის ყიდვა-გაყიდვას¹. ამ გარემოებას, რომელიც ყოველთვის ახდენდა თავის ზეგავლენას ქვეყნის სოციალურ-ეკონომიურ განვითარებაზე, განსაკუთრებული მნიშვნელობა გვიან-ფეოდალურ ხანაში მიეცა. მაშინ, განსაკუთრებით კი XVIII საუკუნესა და XIX საუკუნის რეფორმამდელ ხანაში, მიწების ყიდვა-გაყიდვამ ძალზე მასობრივი ხასიათი მიიღო. იესე ბარათაშვილის მოწმობით, დასახელებული ხანის საქართველოში „ბევრი კაცი იყო ნასყიდობის მქონე“². ერთი სიტყვით, მოხდა მიწების მანამდე არნახული ამოძრავება. მკვლევარი, რომელიც აღნიშნული ხანის საქართველოს სოფელში, კერძოდ ფეოდალურ მიწათმფლობელობაში მომხდარ ცვლილებას სწავლობს, ბუნებრივია, გვერდს ვერ აუვლის ამ ფაქტს. მან უნდა გაარკვიოს საკითხი იმის შესახებ, თუ რით იყო მიწების ასეთი ამოძრავება გამოწვეული და რა სოციალურ-ეკონომიური შედეგები მოჰყვა მას. გამოიწვია თუ არა ამ ფაქტმა ფეოდალური საკუთრების შეზღუდვა და არაპრივილეგიურ წოდებათა მიწათმფლობელობის შემდგომი ზრდა და განვითარება.

ამ საკითხების შესწავლა, ცხადია, დიდ სირთულეებთანაა დაკავშირებული. მთავარია მათ შორის აღნიშნულ საკითხზე პირდაპირი ცნობების შემცველი წყაროების თითქმის სრული უქონლობა. ასეთ ვითარებაში, ჩვენი აზრით, ყველაზე საყურადღებო და მნიშვნელოვან წყაროდ ეგრეთ წოდებული მიწის ნასყიდობის სიგელები რჩება. ნასყიდობის სიგელებში ნაჩვენებია გამყიდველისა და მყიდველის გვარი და სახელი, მიწის გაყიდვის მიზეზი და ცალკეულ შემთხვევაში გაყიდული მიწის ფართობი. მართო ამ მონაცემებით, რა თქმა უნდა, ძალიან ძნელია საკვლევი საკითხის სასურველი სისრულით და უშეცდომოდ შესწავლა, მაგრამ სხვა უკეთესი საშუალებების უქონლობა აიძულებს მკვლევარს ნასყიდობის სიგელებს მიმართოს. ზოგი უზუსტობა კი, რომელსაც ამ გზით მომუშავე უნდა შეურიგდეს, გაპირობებულა ნასყიდობის სიგელში მყიდ-

¹ საერთოდ მიწების ყიდვა-გაყიდვაზე ადრეფეოდალურ ხანაში იხ. „ნასყიდობის დაწერილი ფაენლისა შიო მღვიმისადმი“ (IX ს.), გამოცემული ი. დოლიძის მიერ, ქსძ, II, თბ., 1966, გვ. 3; „ნიკორწმინდის დაწერილი“ (XI ს.) და სხვ.

² იესე ბარათაშვილი, „ცხოვრება-ანდრძი“ (ქვემოთ შემოკლებით „ანდრძი“). ტექსტი გამოსცა შესავლით, შენიშვნებით, ლექსიკონითა და საძიებლით ავთ. იოსელიანი, თბ., 1950, გვ. 42.

ველ-გამყიდველთა სოციალური კუთვნილების აღუნიშვნელობით (როგორც წესი). მართო გვარების მიხედვით კი საკმაოდ რთულია ოპერაციაში ჩართულ პირთა მდგომარეობის დადგენა, მით უმეტეს, რომ ერთი და იმავე გვარის კაცი ხშირ შემთხვევაში ფეოდალიცაა (თავადი, აზნაური) და გლეხიც. მაგალითად, ჭავჭავიძეები, როგორც ცნობილია, საერთოდ ფეოდალები (თავადები) არიან, მაგრამ წყაროები ამ გვარის ყმა-გლეხებსაც ასახელებენ². ასევე, წერეთლები ფეოდალებად ითვლებოდნენ, მაგრამ XVIII საუკუნის ერთ ძეგლში დასახელებული ივანე წერეთელი გლეხია⁴. ფიცხელაურები აზნაურთა წოდებას განეკუთვნებიან, მაგრამ წყაროები ამ გვარის ყმებსაც იცნობენ. ერთ მათგანში, მაგალითად, მოხსენიებულია „ლამარის ჯვრის ყმა ფიცხელაური“, რომელიც გლეხი უნდა იყოს⁵. იგივე ითქმის ისეთ გვარებზე, როგორიცაა მესხიშვილი, შალიკაშვილი, შანშიაშვილი, სვიმონიშვილი, თაზიშვილი, ტატიშვილი, კობიაშვილი, პეტრიაშვილი, გურამიშვილი, სულხანიშვილი, საგინაშვილი და სხვ. სოციალურად განსხვავდებიან ერთიმეორისაგან არა მართო საქართველოს სხვადასხვა კუთხეში (იმერეთი, ქართლი, კახეთი) მცხოვრები ერთი და იმავე გვარის წარმომადგენლები, არამედ გეოგრაფიულად ზუსტად ერთსა და იმავე ტერიტორიაზე მოხინაღრენიც.

ამ სირთულის დაძლევა, ე. ი. გვარების მიხედვით მყიდველ-გამყიდველთა სოციალური კუთვნილების დადგენას, ჩვენ ვცდილობდით, როგორც თვით ნასყიდობის სიგელების ტექსტის სხვადასხვა მონაცემების გულდასმით შესწავლით, ისე, უმთავრესად, ისეთი წყაროების მოშველიებით, როგორიცაა 1783 წლის გეორგიევსკის ტრაქტატის დანართი—ქართლ-კახეთის თავადაზნაურების სია⁶⁻⁸, კახეთის 1801—1802 წწ. აღწერილობის მასალები, გამოქვეყნებული გ. ბოჭორიშვილის მიერ 1927 წელს, ივ. ჭავჭავიძელის „საქარ-

² ზ. ბოჭორიძე, კახეთის აღწერა 1801—1802 წლებისა, საქართველოს არქივი, III, 1927, გვ. 129, 139, 152 და სხვ.

⁴ ივ. ჭავჭავიძე, საქართველოს ეკონომიური ისტორიის ძეგლები, I, თბ., 1967, გვ. 180.

⁵ იქვე, 38.

⁶⁻⁸ ქართული სამართლის ძეგლები, ტ. II, თბ., 1965, გვ. 483.—492. ტექსტი გამოსცა, შენიშვნები და საძიებლები დაურთო ი. დოლიძემ.

თველოს ეკონომიური ისტორიის ძეგლები“, ექ. თაყაიშვილის „საქართველოს სიძველენი“ (სამი ტომი), ნ. ბერძენიშვილის „დოკუმენტები საქართველოს სოციალური ურთიერთობის ისტორიიდან“ (ორი ტომი), „მასალები საქართველოს ეკონომიური ისტორიისათვის“ (სამი ტომი). იასე ლორთქიფანიძის „ქვემო ქართლი“ (ოთხი ნაწილი) და სხვ. მიუხედავად ჩვენი დიდი სურვილისა და მონდობებისა, დასახელებული და სხვა წყაროების მიხედვით, ზუსტად დაგვიდგინა ყიდვა-გაყიდვის ოპერაციებში მონაწილე პირთა სოციალური ვინაობა, მაინც ვერ მოხერხდა ამ ამოცანის უნაკლოდ გადაჭრა. სირთულის გამო, რომლის შესახებაც ზემოთ გვქონდა ლაპარაკი, ჩვენ არ გამოვრიცხავთ იმის შესაძლებლობას, რომ ოპერაციაში ჩართულ პირთა სოციალური მდგომარეობის გარკვევისას დაშვებულია ცალკეული შეცდომები, მაგრამ მიგვაჩნია, რომ ეს შეცდომები, რიცხობრივი სიმცირის გამო, არსებით ზეგავლენას ვერ მოახდენენ მიღებულ დასკვნებზე.

ჩვენ ხელთ გვქონდა და შევისწავლეთ სულ XVIII საუკუნის (1700—1800 წწ.) 2390 ნასყიდობის სიგელი, რომელთაგან 1401 დატულია საქართველოს სახელმწიფო ცენტრალური ისტორიული არქივის ძველი საბუთების სამ ფონდში (1448, 1449 და 1450), 812—საქართველოს მეცნიერებათა აკადემიის აკად. კორნ. კეკელიძის სახელობის ხელნაწერთა ინსტიტუტის ოთხ ფონდში (Hd. Sd, Ad, Qd). ხოლო დანარჩენი 177 გამოქვეყნებულია დ. ფურცელაძის¹⁰, ექვთ. თაყაიშვილის¹¹, ნ. ბერძენიშვილის¹², ს. კაკაბაძის¹³, შ. ბურჯანაძისა¹⁴ და სხვათა მიერ. ნასყიდობის სიგელები სხვადასხვა შინაარსისა და ხასიათისაა; ზოგი ეხება ყმების ყიდვა-გაყიდვას, ზოგი — ყმებისა და მამულების, ზოგი კი — მარტო მამულების¹⁵. ჩვენ ნასყიდობის სიგელების უკანასკნელ ჯგუფზე შევაჩერეთ

¹⁰ «Грузинские церковные грамоты» Тифлис, 1882 და «Грузинские церковные гуджари (грамоты)», Тифлис, 1881.

¹¹ „საქართველოს სიძველენი“, ტომი I—III.

¹² „დოკუმენტები საქართველოს სოციალური ურთიერთობის ისტორიიდან“, ტ. I—II, თბილისი, 1940, 1953.

¹³ „ისტორიული საბუთები“, წიგნი, V, 1913.

¹⁴ „ისტორიული საბუთები იმერეთის სამეფოსა და გურია-ოდიშის სამთავროებისა (1466—1770 წწ.), თბ., 1958.

¹⁵ ნასყიდობის სიგელები ფორმდებოდა სხვა შემთხვევებშიც (სახლის, მისი ნაწილის, ოთახის, დუქნისა და სხვა უძრავი ქონების ყიდვა-გაყიდვის დროს). „მაცნე“, ისტორიის სერია, 1972, № 1.

ყოფილება. რადგანაც იგი უფრო მეტად, ვიდრე პირველი ორი წელის საბუთები, გამოხატავს საქართველოს სოფელში მიმდინარე ცვლილებას. ჩვენი აზრით, ყმის ცალკე თუ მამულთან ერთად გაყიდვა, რომლის დროსაც მყიდველად, როგორც წესი ფეოდალი იგულისხმება, უფრო ფეოდალური აქტია, ვიდრე ბურჟუაზიული. იგი ძველი წყობილების განმტკიცებას უფრო უწყობს ხელს, ვიდრე დაშლასა და ახლის განვითარებას. ჩვენ მიერ შესწავლილი 2390 სიგელიდან 2116 დათარიღებულია XVIII საუკუნის ამა თუ იმ წლით, ხოლო 274 საბუთს კონკრეტული თარიღი არ უზის, მაგრამ სხვადასხვა ნიშნის მიხედვით (ხელი, ქალაღი და სხვ.) ჩვენთვის საინტერესო XVIII საუკუნეს განეკუთვნება. დათარიღებული სიგელებიდან 1303 საბუთი ან 62% XVIII საუკუნის პირველ ნახევარზე მოდის, ხოლო 813 საბუთი ანუ 38% — მეორე ნახევარზე.

მაჟულების ნასყიდობის სიგელების რაოდენობა XVIII საუკუნეში, ცხადია, მეტია, ვიდრე 2390. შეიძლებაოდა, რა თქმა უნდა, ამ რიცხვის გადიდება, მაგრამ ის, ჩვენი აზრით, საკმარისია იმისათვის, რომ მკვლევარმა სათანადო, მიახლოებითი დასკვნები მაინც გააკეთოს.

წლების განმავლობაში ჩატარებული ჩვენი მუშაობა შეიძლება შემდეგი ცხრილის სახით წარმოვიდგინოთ:

ცხრილი 1

გამყიდველ-მყიდველთა დასახელება შაჟი სოციალური კუთვნილების აღნიშვნით	XVIII საუკუნეში მთლიანად		XVIII საუკუნის პირვ. ნახევარში (1700—1750 წწ.)		XVIII საუკუნის მეორე ნახევარში (1751—1800 წწ.)	
	რაოდენობა	%	რაოდენობა	%	რაოდენობა	%
გამყიდველი: ფეოდალი გლეხი	1173 1217	44,4 55,6	643 660	49,4 50,6	425 388	52,2 47,8
სულ	2390	100,0	1303	100,0	813	100,0
მყიდველი: ფეოდალი გლეხი	1038 1352	43,4 56,6	692 611	53,3 46,7	290 523	35,6 64,4
სულ	2390	100,0	1303	100,0	813	100,0

როგორც 2390 ნასყიდობის სიგელის საფუძველზე შედგენილი ამ ცხრილიდან ჩანს, XVIII საუკუნის (თუ მას მთლიანად ავიღებთ) მიწათმფლობელობის ხასიათში მნიშვნელოვანი ძვრები და ცვლილება არ შეინიშნება. ფეოდალური კლასის წარმომადგენლები თითქმის ერთნაირად მონაწილეობენ როგორც გაყიდვის, ასევე ყიდვის ოპერაციებში. გამყიდველის როლში ისინი გამოდიან 1173 შემთხვევაში, ხოლო მყიდველის—1038, რაც ყველა ჩატარებული ოპერაციის 44,4% და 43,4%-ს უდრის (შესაბამისად). სხვანაირად რომ ვთქვათ, მაღალი პრივილეგიური წოდების მონაწილეობა ყიდვაში მხოლოდ ერთი პროცენტით ჩამორჩებოდა მის მონაწილეობას მამულების გაყიდვაში. იგივე ითქმის გლეხობის შესახებაც. ისიც დაახლოებით ისეთივე სიხშირითაა ჩაბმული გაყიდვის ოპერაციებში, როგორც ყიდვის. საკმარისია აღინიშნოს, რომ მამულის გაყიდვის იმ 2390 შემთხვევიდან, რომელსაც, ჩვენი მონაცემებით, ადგილი ჰქონდა 1700—1800 წლების საქართველოში, 1217 ან საერთო რაოდენობის 55,6% სწორედ გლეხობაზე მოდიოდა, ხოლო ყიდვის—1352 ანუ საერთო რაოდენობის 56,6%. ახლა თუ შევადარებთ ფეოდალისა და გლეხის მონაწილეობას ყიდვა-გაყიდვის ოპერაციებში, ვნახავთ რომ, განსახილველი ხანის საქართველოში პირველი რამდენადმე უფრო ხშირად გამოდიოდა გამყიდველის როლში, ვიდრე მყიდველის, მეორე კი—პირიქით. განსხვავება აქ სულ რაღაც ერთი პროცენტია, ე. ი. იმდენად მცირე, რომ არ იქლევს არავითარ საფუძველს ვილაპარაკოთ ფეოდალური საკუთრების რღვევის პროცესის თუნდაც უმნიშვნელო მასშტაბით მიმდინარეობაზე. აქ შეიძლება ლაპარაკი მხოლოდ მაღალი წოდების მიწების სოფლის მწრომელი მოსახლეობის ხელში გადასვლის ერთგვარ. სუსტად საგრძნობ ტენდენციასზე და ისიც იმ შემთხვევაში, თუ კი ჩვენი მუშაობა მყიდველ-გამყიდველთა სოციალური მდგომარეობის შესახებ ძირითადად სწორად და უშეცდომოდაა ჩატარებული.

ამისგან განსხვავებულ სურათს იძლევა ჩვენთვის საინტერესო ლაკობის ცალ-ცალკე განხილვა XVIII საუკუნის პირველსა და მეორე ნახევარში. 1700—1750 წლებში ფეოდალები უფრო აქტიურად მონაწილეობენ მამულების შესყიდვის ოპერაციებში, ვიდრე გაყიდვის, გლეხები კი—პირიქით. პრივილეგირებული წოდების მონაწილეობა გაყიდვის ოპერაციების საერთო მასაში (1303 შემთხვევა) 49,4%-ს უდრის, ხოლო გლეხის—50,6%-ს. ყიდვის აქტივში კი მათი ხვედრითი წონა შესაბამისად იყო: 53,3% და 46,7%.

სხვანაირად რომ ვთქვათ, XVIII საუკუნის პირველ ნახევარში თავდაზნაურობა უფრო ხშირად ყიდულობდა, ვიდრე ყიდდა, გლეხობა კი — პირიქით. თუ საკითხზე ყიდვა-გაყიდვის ოპერაციებში საზოგადოების ძირითადი კლასების ჩაბმის სიხშირის მიხედვით ვიპსჯელებთ, მაშინ უნდა დავასკვნათ, რომ 1700—1750 წლებში ფეოდალები უფრო უტევდნენ გლეხების საკუთრებას, ვიდრე გლეხები ფეოდალების საკუთრებას.

სხვაგვარი ვითარება ისახება XVIII საუკუნის მეორე ნახევარში. აქ თავდაზნაურობა უსწრებს სოფლის მშრომელ მოსახლეობას მამულების გაყიდვაში, მაგრამ მკვეთრად ჩამორჩება მას შესყიდვის ოპერაციებში. მიწა-ვენახების გაყიდვის იმ 813 შემთხვევიდან, 1750 — 1800 წლების საქართველოში რომ ჰქონდა ადგილი (ჩვენი მონაცემებით), 425 (ან 52,2%) მოდის ფეოდალებზე, 388 (ან 47,8) — გლეხებზე. იმავე რაოდენობის ყიდვის ოპერაციიდან კი ფეოდალებზე მოდის 290 ან 35,6%. ხოლო გლეხებზე — 523 ან 64,4%. ამ მონაცემებიდან მკაფიოდ ჩანს სოფლის მშრომელი მოსახლეობის ძლიერი გააქტივება, მისი ინტენსიური მონაწილეობა მამულების შეძენის საქმეში. იგი ყიდულობს საერთოდ გაყიდული მიწების დიდ ნაწილს, უტევს ფეოდალურ საკუთრებას.

სამწუხაროდ, ნასყიდობის სიგელების დიდ უმრავლესობაში არაა ნაჩვენები გაყიდული მიწების რაოდენობა (და ხშირად ადგილიც კი). ამის მაგივრად იქ მითითებულია ბრუნვაში მოქცეული მიწის საზღვარი, რაც შეუძლებელს ხდის მისი ფართობის დადგენას. მოვიტანოთ რამდენიმე მაგალითი. 1724 წელს საგინაშვილმა პაატამ საგინაშვილ ბეჟუას მიჰყიდა მიწა, რომლის ადგილმდებარეობისა და ფართობის შესახებ საბუთში ნათქვამია, რომ მისი ერთი ნაწილი „პაპიაშვილის კარზედაა“, ხოლო მეორე — „იმის ზეით“¹⁶. 1728 წელს გიორგი რევიშვილმა მდივანბეგ ერასტის მიჰყიდა ახალშენს „ჯალდმისსა და მუსეფირის საზღვრებს შუა“ მდებარე მამული¹⁷. თარხნიშვილი იორამი, რომელმაც 1763 წელს გიორგი, ბაინდურა და ქაიხოსრო წვერანასშვილებთან გააფორმა ნასყიდობის აქტი, წერს: „მოგვიდეთ ახალქალაქს შენის ბოსტნის გვერდით“ მდებარე ბოსტანიო¹⁸. გიორგი მინბაშის მიერ 1797 წელს გაცემულ ერთ საბუთში კი ნათქვამია, რომ მან პუპა და ოთარ სესიაშვილებს

¹⁶ სსციო, ფ. 1448, საბ. 4142.

¹⁷ იქვე, საბ. 2988.

¹⁸ სსციო, ფ. 1448, საბ. 4384.

ზიჰყიდა მამულის თავი „მარჯენივ მხარეს“ დედანსვილის, ხოლო მარცხნივ — „პეტრე მღვდლის (მიწის) მიჯნამდინა“¹⁹.

ჩვენ მიერ შესწავლილი 2390 ნსსყიდობის სიგელიდან გაყიდული მიწის (თუ ვენახის) ფართობი მხოლოდ 310 სიგელშია ნაჩვენები, რაც მათი საერთო რიცხვის დაახლოებით 13%-ს შეადგენს. გაყიდული ფართობის ზომის მიხედვით ეს რაოდენობა შემდეგნაირად ნაწილდება (ცხრ. 2).

ცხრილი 2

გაყიდული მიწების რაოდენობის შემცველი სიგელები, რიცხვი და ხვედრითი წონა	გაყიდული მიწების ფართობი (დლიურებში)										
	ერთ დლიურამდე	1-2	2-3	3-4	4-5	5-6	6-7	7-8	8-9	9-10	10-ზე მეტი
310	11	175	36	32,	18	15	3	3	1	5	10
100.0%	3,6	56,7	11,7	10,3	5,9	4,8	0,9	0,9	0,3	1,6	3,3

როგორც ამ ცხრილიდან ჩანს, მიწის გაყიდვის 310 შემთხვევიდან 273 შემთხვევაში დადასტურებულია უწვრილესი და წვრილი (5 დლიურამდე) ნაკვეთების გაყიდვა, 27 შემთხვევაში — საშუალო მასშტაბის ნაკვეთების (5-დან 10 დლიურამდე), ხოლო 10 შემთხვევაში — შედარებით მსხვილი (10 დლიურზე მეტი)²⁰ ნაკვეთებისა. მათი ხვედრითი წონა შესაბამისად უდრის: 87,9%, 8,8% და 3,3%-ს.

შედარებით მსხვილი ნაკვეთების გაყიდვის ათი შემთხვევიდან 3 მოდის XVIII საუკუნის პირველ ნახევარზე, ხოლო 7—იმავე საუკუნის მეორე ნახევარზე. სულ ამ ათი ოპერაციით 225 დლიური მიწა გაიყიდა. აქედან 1700—1750 წლებში — 45 დლიური ანუ 20%, ხოლო 1751—1800 წლებში—180 დლიური ანუ 80%. ფეოდა-

¹⁹ საქართველოს მეცნ. აკადემიის აკად. კორ. კეკელიძის სახ. ხელნაწერთა ინსტიტუტი (შემდგენი შემოკლებით-სმახი). ფონდი Qd. საბ. 3967.

²⁰ აქედან: ორი — 12, ორი — 15, ერთი — 18, ერთი — 25,5, ორი — 26, ერთი — 26,5, და ერთი 49 დლიური. არის ერთი შემთხვევა 61 დლიური ტყის მასივის გაყიდვისა (სმახი, ფ. Qd, საბ. 2463), მაგრამ ჩვენ ის, ვითარცა ტყის მასივი, ზემოთ დასახელებულ შედარებით მსხვილი ნაკვეთების გაყიდვის შემთხვევებში არ შეგვიტანია. ეს ტყე გაყიდა ფეოდალმა, იყიდა გლეხმა. იყო არაერთი შემთხვევა მთელი სოფლის ან მისი ნაწილის ყიდვა-გაყიდვისა, რომელშიც მხოლოდ ფეოდალები მონაწილეობდნენ. 1799 წელს, მაგალითად, ფეოდალმა შანშიაშვილმა გაყიდა სოფ. ხორი. იყიდა იგი უტუნის ეპისკოპოსმა სვიმონმა (სსია, ფ. 1448, საბ. 3900). იმავე წელს შანშიაშვილმა უტუნის ეპისკოპოსსვე მიჰყიდა სოფელ ჭილიზის ნახევარი (ი ქვე, საბ. 3901).

ლებმა გაყიდეს 116,5 დღიური ანუ საერთო რაოდენობის 51,7%, გლეხებმა კი — 108,5 დღიური ან 48,3%. პრივილეგიურმა წოდებამ შეისყიდა მსხვილ ნაკვეთებად გაყიდული მიწების მხოლოდ 35,3% (79,5 დღიური), სოფლის მშრომელმა მოსახლეობამ კი — 64,7% (145,5 დღიური). ამ მაგალითშიც დასტურდება ფეოდალურ საკუთრებაზე გლეხების მხრივ იერიშის მიტანის საინტერესო ფაქტი.

წვრილი ნაკვეთების შემსყიდველები უპირატესად გლეხები იყვნენ, მაგრამ ამ საქმეში თავადაზნაურობაც მონაწილეობდა. პრივილეგიური წოდების წარმომადგენლები, როგორც წესი, მაშინ იძენდნენ წვილ ნაკვეთებს, როდესაც საქმე ეხებოდა მათ საკუთრებაში უკვე მყოფი მამულების დამრგვალებას²¹. ამ გარემოებას პირველად გ. ნათაძემ მიაქცია ყურადღება და სათანადო დასკვნა გააკეთა²², რაზედაც მოგვიანებით საგანგებოდ გვექნება მსჯელობა.

ზემოთ უკვე აღნიშვნა, რომ XVIII საუკუნეში საერთოდ, და ნიშნ მერე ნახევარში განსაკუთრებით, თავადაზნაურობა გაცილებით უფრო ხშირად გამოდიოდა გამყიდველის როლში, ვიდრე მყიდველის, გლეხი კი — პირიქით. ამაზე დავაფუძნებ ჩვენი დასკვნა პრივილეგიური წოდების მიწათმფლობელობის მიმე მდგომარეობის, მისი შერყევის შესახებ. ასეთ დასკვნას მხარს უჭერს საკითხის ნორე ასპექტში განხილვაც — საზოგადოების ძირითადი კლასების — ფეოდალებისა და გლეხების მიერ გაყიდული და შესყიდული მიწების ფართობის ერთიმეორესთან შედარება. ჩვენ, როგორც უკვე ვთქვით, არ ვიცით, თუ რამდენი მიწა გაიყიდა სულ ჩვენ მიერ განხილული 2390 ნასყიდობის სიგელით, რადგან მსგავსი ხასიათის ცნობები მოაპოვება სიგელების მხოლოდ მცირე ნაწილში — 310 ნასყიდობის აქტში. როგორც სათანადო გაანგარიშებიდან ჩანს, 310 აქტით გაყიდულა სულ 1102 დღიური მიწა. აქედან ფეოდალებს გაყიდიათ 519,5 დღიური ან მიმოქცევაში ჩავარდნილი მიწების საერთო რაოდენობის 47,1%, ხოლო გლეხებს — 582,5 დღიური ან 52,9%. გაყიდული მიწების უდიდესი ნაწილი — 716,5 დღიური ან 65,1% გადასულა სოფლის მშრომელი მოსახლეობის ხელში, ხოლო უმცირესი — 385,5% დღიური ანუ 34,9% — პრივილეგიურული წო-

²¹ ამის მაგალითები საქმოდ ბევრია. ექ. თაყაიშვილი, საქართველოს სიძველენი. ტ. I, გვ. 84, 84—85, 92—93; ტ. II, გვ. 470, 471—472, 473—474, 476.

²² Г. Я. Натадзе, К вопросу об экономическом положении Грузии в XVIII веке, კრებულში: «История классовой борьбы в Закавказье», Тифлис, 1930.

დების ხელში. თუ ახლა 310 ნასყიდობის სიგელის მონაცემებს გავაერთიანებთ ჩვენ მიერ შესწავლილ ყველა 2390 სიგელზე, მაშინ გაპოვა, რომ ხსენებული აქტებით სულ გაყიდულა დაახლოებით 9000 დღიური მიწა, რომლიდანაც 5940 (65,1%) გლეხებს შეუძენიათ, ხოლო 3060 დღიური (34,9%) — თავადაზნაურობას. ამრიგად, გლეხებს შეუსყიდიათ არა მარტო მათი კლასობრივი მოძმის მიერ გაყიდული მიწები მთლიანად, არამედ თავადაზნაურთა მიწების ნაწილიც, დაახლოებით 25,8%.

აღებულ თემასთან მჭიდრო კავშირშია საკითხი იმის შესახებ, თუ რით და როგორ ისტუმრებდა მყიდველი მიწის გამყიდველს? ყველა ნასყიდობის სიგელში, როგორც წესი, მითითებულია, რომ გამყიდველმა მიიღო სრული ფასი, რითაც იგი კმაყოფილი დარჩა, გული შეიჭრა. ჭავჭავიძევილი ზაალი, რომელმაც 1759 წელს თავის რძალს „ბატონ თინათინს“ მიწა მიჰყიდა, წერს: „ავიღეთ ფასი სრული და უკლები“²³. ნასყიდობის საბუთში, როჭიკი როჭიკიშვილსა და დავით ქადაგიშვილს შორის რომ გაფორმდა 1700 წელს, ნათქვამია, რომ პირველმა აიღო „ფასი სრული და უკლებული“²⁴. ამასვე აცხადებს რამაზ გოგიბაშვილი²⁵ (1721 წელი), გიორგი კაციანიშვილი²⁶ (1735 წ.), ამსოანთ ელენე²⁷ (1776 წ.), ბაღლაღაანთ სტეფანა²⁸ (1779 წ.) და მრავალი სხვ.

ხშირად იგივე ფორმულა ნასყიდობის სიგელებში ასეა ჩამოყალიბებული: „ავიღე ფასი სრული, რითაც ჩემი (ან ჩვენი) გული შეიჭრებოდა“. ამ ფორმულიდან და მისი სხვა ვარიანტებიდან ჩანს, რომ გამყიდველსა და მყიდველს შორის სრული თანხმობა იქნა მიღწეული და რომ ოპერაციით ორივე მხარე კმაყოფილი დარჩა²⁹. მაგ-

²³ სმახი, ფ. Qd საბ. 8577.

²⁴ სსცია, ფ. 1448, საბ. 5392.

²⁵ სსცია, ფ. 1448, საბ. 5437ბ.

²⁶ ი ქ ე ე, საბ. 8732.

²⁷ ი ქ ე ე, ფ. 1450, დავთ. 6, საბ. 125.

²⁸ ი ქ ე ე, დავთ. 6, საბ. 122.

²⁹ „ფორმულა „ფასი დასაჯერებელი“. — წერს ივ. ჭავჭავიძევილი, — სრული გამოთქვამის შემოკლებას წარმოადგენს. ეს სრული გამოთქვამი ნასყიდობის შემდგომი დღეგდროინდელ წიგნებშია დაცული და ამ სახით იხმარებოდა. ავიღეთ, ან მივეცი „ფასი სრული, რითაც ჩვენი (ან მისი) გული შესჭრებოდა“-ო. ხშირად ასეთ გამოთქვამს მიღებული ფასის რაოდენობის შესახებ ცნობაც მოსდევს, მაგრამ ზოგჯერ ფასი აღნიშნული არ არის, როგორც ეტყობა, უ ქ ე ე ის გ ა რ ე მ ო ე ბ ა, რ ო მ ნ ა ს ყ ი დ ო ბ ა შ ი ფ ა ს ი ს რ უ ლ ა დ ი ყ ო გ ა დ ა ზ დ ი ლ ი და ა დ ე ბ უ ლ ი და ე ს... წ ე რ ი ლ ო ბ ი თ და და ს ტ უ რ ე ბ უ ლ ი ი ყ ო, კ ა-

რამ თითქმის არსად, ცალკეულ გამონაკლისებს გარდა, საბუთში არაა მითითებული, თუ რა იგულისხმება ფასის ქვეშ — გამყიდველის ფულთ თუ ნატურით დაკმაყოფილება. ჩვენ მიერ შესწავლილი 2390 ნასყიდობის სიგელიდან მხოლოდ რამდენიმეშია გაშიფრული, თუ რას გულისხმობს კონკრეტულად გამოთქმა „ავიღე ფასი სრული“. ირკვევა, რომ ფასის აღება მიწის თუ სხვა ღირებულების გაყიდვისას ყოველთვის მართო გამყიდველის ფულთ დაკმაყოფილებას არ ნიშნავდა. ასე, მაგალითად, ერთ საბუთში, რომელშიც ფიქსირებულია მიწის გაყიდვის ფაქტი (XVIII ს.) პაპუნა ბახტაძისა და ძმების მიერ, ნათქვამია: „ავიღია ფასი სრული, რასაც ჩვენი გული შეგიჯერდებოდა: ერთი ხარი, ერთი კაბი წითაფური, ერთი მარჩილი თეთრი“³⁰.

მასალების თანახმად ზოგჯერ ანგარიშის გასწორება მთლიანად და მხოლოდ ფულთ ხდებოდა. ფულთ გაისტუმრა, მაგალითად, ნიკოლოზ მაღალაშვილმა მიწის გამყიდველი ქაიხოსრო თუმანიშვილი (1720 წ.)³¹, როინ ჯავახიშვილმა — მანგლელი ეპისკოპოსი იოსები (1727)³², გიორგი ჩიკვაძემ — ბერიცელა კოპაძე (XVIII ს.)³³, ნიკოლოზ უორჯოლიანმა — სვიმონა ჭოლაძე (XVIII ს.)³⁴, ივანე სიხარულიძემ — წიქორია ნასყიდა, დავით ხუციშვილმა — დიმიტრი გარაყანიძე (1792 წ.)³⁵, ბეო ხოჯაშვილმა — დარეჯან დედოფალი (1790 წ.)³⁶ და სხვ. მაგრამ ასეთების რიცხვი ერთობ მცირეა, რაც თავისთავად მიწის ფულზე გაყიდვის იშვიათობის დამადასტურებლად ვერ გამოდგება. ნასყიდობის სიგელებში, როგორც ზევითაც აღვნიშნეთ, საერთოდ იშვიათადაა მოცემული ფასის კონკრეტული

ნონის თვალსაზრისით სრულებით საკმარისად ითვლებოდა, რათგან ამით უკვე მხარეთა კმაყოფილება მტკიცდებოდა და როგორც გამყიდველისა, ისევე მყიდველისაგან საფასურის გამო ყოველგვარი ჩივილი შეუძლებელი იქნებოდა და რომ ატეხილიყო კიდევ, რასაც ვიბრველია, უსაფუძვლოდ უნდა ყოფილიყო ცნობილი“ (ივ. ჯავახიშვილი, ქართული სამართლის ისტორია, წიგნი II, ნაკვეთი II, თბილისი, 1929, გვ. 434, ხაზი ავტორისა — ი. ა.).

³⁰ სს. ტ. II, გვ. 452—453.

³¹ სსცია, ფონდი 1448, საბ. 3896.

³² იქვე, საბ. 3904.

³³ იქვე, საბ. 2853.

³⁴ იქვე, საბ. 2828.

³⁵ იქვე, ფ. 1450, დავთ. 5, საბ. 132.

³⁶ სმახი, ფ., საბ. 9362.

დასახელება, მაგრამ იქ, სადაც იგი მითითებულია, თითქმის ყველგან ანგარიშის ფულით გასწორებაა დადასტურებული. გამონაკლისს შეადგენს სულ რაღაც რამდენიმე შემთხვევა (აქედან ერთი უკვე მოვისხენიეთ), როდესაც გაყიდულის საფასურად აღებულია შერეული სახის ეკვივალენტი (ფული, ხარი და სხვ.). მაგრამ თუ გავითვალისწინებთ იმ გარემოებას, რომ მიწა აბსოლუტურად უმრავლეს შემთხვევაში იყიდებოდა გაჭირვების, უსახსრობის, ტყვეობისა და დავალიანების გამო (ამაზე საგანგებოდ ქვემოთ გვექნება საუბარი), ხოლო ამ მდგომარეობებიდან გამოსვლა, როგორც წესი, მხოლოდ ფულის შექმნა-გადახდას გულისხმობდა, მაშინ ბუნებრივად მივალთ ფულადი ოპერაციების საგრძნობი ხვედრითი წონის, მათი წამყვანი როლის აღიარებამდე.

მიწების, ვენახების ტყისა და სხვათა (სახლი, დუქანი, საათი, თოფი ა. შ.) გაყიდვის მიზეზად უმრავლეს შემთხვევაში გამოიდევლის მატერიალური შეუძლებლობა დასახელებული. ნასყიდობის სიგელები აქრელებულია წინადადებებით, რომლებიც ლაპარაკობენ გამოიდევლის მძიმე, ზოგჯერ უკიდურესობამდე მისულ სიღარიბეზე, მის გამოუვალ ეკონომიურ მდგომარეობაზე. ზაალ წინამძღვრიშვილის ნასყიდობის საბუთში (1701 წ.) შალუტა ცერცვაძე აცხადებს: „დამეჭირა და სულს აქეთ გზა და ღონე არა მქონდა, შიმშილობა იყო... და მოგყიდე ჩემგანაც ნასყიდი ერთი ღლის მიწა“³⁷. ბერუა სუთიაშვილიც მის მიერ გაცემულ საბუთში წერს (1710 წ.): „დაგვეჭირა, ვალი მემართა, თქვენ (სახლთუხუცეს ამილბარს — ი. ა.) შემოგვხვეწეთ... გარდავწყვიტეთ და მოგყიდეთ ალალი ჩემი მკვიდრი მამული — ნავენახობი“³⁸. „ქმარი ჯა შვილები დამეხოცენ, იმათი ვალი დამრჩა, მკვდრებიც დაუმარხავი მყუანდნენ, იმათი ცოდვაც მაწუხებდა და ამის გამო გავყიდე წისქვილი და ავლბარში ბალის ნაწილი“³⁹ — კვითხულობთ ერთ სიგელში (XVIII ს.), რომელსაც ხელს აწერს ამ სიტყვების ავტორი ელენე მეფურიშვილი. „თათარმა დაგვიჭირა და დაგვიბოროკილა, — ნათქვამია მანგლელი ეპისკოპოსის იოსებ ჯავახიშვილის მიერ 1727 წელს გაცემულ საბუთში, — თეთრსა გვთხოვდა: ჩვენ არსად შოვნის ღონე არ

³⁷ სმახი, ფ. Sd, საბ. 570.

³⁸ იქვე, ფ. Ad, საბ. 11849.

³⁹ იქვე, ფ. Sd, საბ. 150.

⁴⁰ სსცა, ფ. 1448, საბ. 3904.

გქონდა და მოგვიდეთ ჩემი ნასახლარი თავის შესავალ-გასავლითა“⁴⁰. „სილარიბემა დიად შემაწუხა და მოგვიდეთ ჩვენი სამკვდრო ორი ღლის მიწა“⁴¹, „სილარიბემ და ვალმა დიდად შეგვაწუხა. მოგვიდეთ ჩვენი ნაწყიდი მიწა ერთი ღლისა და ცოტა მეტი“⁴²—აცხადებენ თამაზა ავაქიშვილი და ფარემუზ პეტროზაშვილი, რომლებმაც 1727—1728 წლებში (შესაბამისად) გაყიდეს თავიანთი მიწები. მატერიალური ხელმოკლეობის მიზეზით გაყიდეს აგრეთვე მამულები ფეოდალებმა: ლუარსაბ აფურფატიშვილმა⁴³, გერმანოზ გერმანოზიშვილმა⁴⁴, გოდერძი თურქისტანიშვილმა⁴⁵, შერმაზან მერაბიშვილმა⁴⁶, იოსებ გედევანიშვილმა (1794 წ.)⁴⁷, კაცია მუხრანბატონმა (1799 წ.)⁴⁸ და სხვებმა. იესე ბარათაშვილის მოწმობიდანაც მკაფიოდ ჩანს, რომ მიწებს იგი სწორედ უკიდურეს გაჭირვებაში ჩაეარდნილი პირებისაგან ყიდულობდა. 1763 წლის თარიღით იგი წერს: „მანუჩარ სოლოღაშვილი ამოვიდა, დიდი საქმის გაჭირვება მიაშბო... ღიდის ფიცით მითხრა, ორი ღლე არც მე მქონია პური, არც ჩემს შვილსაო; ძიძამ შემომიგდო, აღარ აწოვა, საჯამაგროს მთხოვსო, ექვსის თვისა მმართებსო; ის ჩემი შვილი გუშინ, წუხელის და ღლეს ჩემს სახლში გდია, უძუძური ტირისო. ის კი მოკვდება და ვილასთვის მინდა მამულიო, ელიზბარის წილი ტაგნაკეთი იყიდეო“⁴⁹. ქაიხოსრო აბაშიძე კი 1793 წლის პირველ ნოემბერს ერეკლე მეორისადმი მირთმეულ არზაში დაბეჯითებით არწმუნებს მეფეს, რომ მას, ვითარცა გაღატაკებულს, შეშის საყიდელი ფული არა აქვს⁵⁰.

თავადაზნაურობა (ცხადია გლეხობაც) იოლად როდი მიდიოდა მამულების გაყიდვაზე. იგი ხშირად მათ აგირავებდა, სესხს იღებდა და მიღებული ფულით შექმნილი რთული ვითარებიდან გამოსვლას

⁴¹ ი ქ ვ ე, ფ. 1450, დავთ. 6. საბ. 26,

⁴² ი ქ ვ ე: დავთ. 8. საბ. 19,

⁴³ ი ქ ვ ე, დავთ. 11, საბ. 61, 1738 წ.

⁴⁴ „ჩვენის ღიდის გაჭირვებისათვის მოგვიდეთ... ენავთს ჩვენი სამკვიდრო მამული“ (იქვე, დავთ. 6, საბ. 69, 1738).

⁴⁵ „არსით ილაჯი და ღონე არ მქონდა, მოვალე მაწუხებდა... მოგვიდეთ ჩვენი სამკვიდრო... მიწა წყლითა და წისქვილითა“ (იქვე, დავთ. 2, საბ. 93, 1738).

⁴⁶ „თათრის ვალი მქონდა და მაწუხებდნენ... მოგვიდეთ ჩემი წილი იჯარის ნახევარი“ (იქვე, დავთ. 2, საბ. 109, 1738).

⁴⁷ სმახი, ფ. საბ. 40.

⁴⁸ ი ქ ვ ე, საბ. 1614.

⁴⁹ იესე ბარათაშვილი, „ანდერძი“ გვ. 36.

⁵⁰ მსეი, წიგნი 11, თბ., 1953, გვ. 103.

ცდილობდა. ასეთი ნაბიჯი გადადგა, მაგალითად, ქაიხოსრო სოლოლაშვილმა. მან 1721 წელს ზურაბ რატიშვილისაგან აიღო სესხად 30 თუმანი „ახალი თეთრი“. „დაგიდევ ამის გირაოთ ასურეთს, — წერს მსესხებელი, — ჩემი კერძი რაც ბარათში გამომყოლოდეს ან გლეხი, ან ხოდაბუნი, ან აზნაური, ან მიწა-წყალი... სანამ შენს თეთრს მოკცემდე... ჩემი წილი ასურეთის გამოსაღებით“ შენ ისარგებლე⁵¹. 1725 წელს იგივე გააკეთა ნოდარ ციციშვილმა. მან თავის ბიძაშვილ ბაგრატ ციციშვილისაგან ოთხთუმან-ნახევარი თეთრი აიღო და გირაოდ მისცა გლეხი ხოსია კამარიაშვილი „თავისის მამულითა“⁵². 1756 წელს ქაიხოსრო წერეთელმა როსაბ მაჭავარიანისაგან 44 მარჩილი (თეთრი) ისესხა, რაშიაც თავისი ხელქვეითი სამი კომლი გლეხი (გვარად გაჩეჩილაძეები) დაუგირავა „მამულადგილით, ეკლესია-სასაფლაოთი, წყლითა და წისქვილითა, მათის ყოვლისფრით, საძებარ-უძებრით“⁵³. 1781 წელს გლეხმა ბეროა შოშვილმა სულხან თუმანიშვილს რვა თუმანი „ახალი ზარაფხანის ოთხი დანგიანი თეთრი“ გამოართვა. გირაოდ მისცა საკუთარი ხელით გაშენებული ვენახი იმ პირობით, რომ იგი მას თვითონ დაამუშავებდა და ვალის გადახდადღე შემოსავლის ნახევარს ყოველწლიურად კრედიტორს მისცემდა⁵⁴.

აგირავებდა რა მამულებს, დამგირავებელი (განურჩევლად წოდებრივი მდგომარეობისა) ერთგვარი იპედით შეჰყურებდა ამ ოპერაციას და ფიქრობდა, რომ იგი მოახერხებდა ვალის გადახდას და დაგირავებულის უკან დაბრუნებას. მაგრამ ამას იგი მხოლოდ იშვიათ შემთხვევაში აღწევდა და ჩვეულებრივ ვალების აღების ოპერაცია დაგირავებული (თუ დაუგირავებელი) მამულების დაკარგვით, სესხის მიმცემის ხელში გადასვლით მთავრდებოდა. ასე დაკარგეს, მაგალითად, მამულები გიორგი ფალავანდიშვილმა (XVIII ს.

⁵¹ ი ქ ვ ე, გვ. 14.

⁵² ი ქ ვ ე, გვ. 19.

⁵³ მსუი, II, გვ. 38—39.

⁵⁴ ი ქ ვ ე, გვ. 54.

პირველი ნახევარი)⁵⁵, ქაიხოსრო წერეთელმა (1770 წ.)⁵⁶, ოტია წერეთელმა (1780 წ.)⁵⁷, ხოსრო ხოჯაშვილმა (1790 წ.)⁵⁸, გიორგი აბაშიძემ (1799 წ.)⁵⁹ და სხვ.

ერთი სიტყვით ეკონომიური შეუძლებლობა, ვიმეორებთ ისევ, აიძულებდა მიწის პატრონს მისი გაყიდვის სახიფათო გზას დასდგომა. მიწა-მამულებს გლეხიც ქვიდა და ფეოდალიც, მაგრამ უკანასკნელი მას უფრო ხშირად და მეტი მასშტაბით მიმართავდა, ვიდრე პირველი და მისთვის ამ მოვლენას უფრო სავალალო შედეგები ჰქონდა, ვიდრე სოფლის მშრომელი მოსახლეობისათვის. სოფლის მშრომელი მოსახლეობა, როგორც ზევით ვნახეთ, ბევრად უფრო მეტს იძენდა, ვიდრე ჰკარგავდა.

მიწის მყიდველებს შორის განსაკუთრებით გლეხები აქტიურობდნენ. ისინი ყველაფერს აკეთებდნენ იმისათვის, რათა შესაკუთრენი გამხდარიყვნენ. საკუთრების ყველაზე მყარ და საიმედო სახეობას კი სწორედ ნასყიდობის გზით შეძენილი საკუთრება წარმოადგენდა. იგი, ყოველ შემთხვევაში ოფიციალურად, იურიდიულად წმინდად და ხელშეუხებლად ითვლებოდა. ასეთად ითვლებოდა არა

⁵⁵ „ეს წიგნი — ნათქვამია საბუთში, — მოგართვით თქვენ, ბატონს წერეთელს. ქველს, თქვენს შივლს ბეჯანს და დავითს მე, ფალავანდისშვილმა გიორგიმ, ჩემა შოლმა შიომ, ასრე რომ აბაშიძემ მამული დამიკავა. ახლა დამქირდა თეთრი იმ მამულის გარდასახლად აბაშიძისათვის. ორასორმოცდაათი მარჩილი ევილე თქვენგან მამულის დასახსნელად. სხვა ვერა ვიშოვე რა და ... მოგართვი აბრამიშვილი ლახარე და შიომათის ცოლ-შვილით, სახლით, კარით, საფლავით, წყლით, წისქვილით, სათიბით, ტყით, რისაც მჭონებელი იყოს მისის ყოვლის ფრით“ (მსეი, II, გვ. 32).

ამ კონკრეტულ შემთხვევაში, როგორც ტექსტიდან ჩანს, ფალავანისშვილმა დაგირავებული მამული დაიხსნა სხვა მამულის გაყიდვის გზით.

⁵⁶ ნ. ბერძენიშვილის სახ. ისტორიულ-ეთნოგრაფიული მუზეუმი, ხელნაწერთა ფონდი, საბ. 39 („თეთრის გადახდა ველარ შევიძლე და გლეხი შემოგატოვეთ“).

⁵⁷ იქვე, საბ. 73 („თეთრს დიდი ხანი დაეყოვნა... გარდახდა ველარ შევეძელი და ის საწინდარი გლეხი შემოგატოვეთ“).

⁵⁸ „შენ — წერს მანუჩარ თუმანიშვილი ხოსრო ხოჯაშვილის სახელზე გაემეულ საბუთში, — ჩემის მეუღლის... ორმოცდათექვსმეტი თუმანი გემართა და შენი დიდი ვენახი იმაში გირაოთ მექირა. ამ ეამათ თეთრის თხოვნა დაგიწყე. შენ რომ მოცემა ვერ შეიძელ, მეც ორმოცდათექვსმეტი თუმნად შენი დიდი ვენახი, რომელიც ჩემთან გირაოთ იყო, ვიყიდე“ (მ ს ე ი, II, 86).

⁵⁹ „გამოვიდა რამდენიმე წელი, — ვკითხულობთ გიორგი აბაშიძის მიერ ქიზიყის მორტაგის ქალის ანას სახელზე დაწერილ საბუთში, და ვერ მოგეცე შენი ვალი. მთხოვდი და მაწუხებდი, შენ დედ-მამას ცრემლით შესტიროდი, ისინი იასაულათ დამაყენე... სხვა ღონე არა მქონდა რა (და ამიტომ) ეს ჩემი ნასყიდი... გვერდის-უბანი მომიცია“ (მ ს ე ი, II, III).

მარტო ფეოდალის, არამედ გლეხის ნასყიდი საკუთრებაც. „თუ კაც-
მან ნასყიდობა ქმნას, — ნათქვამია ვახტანგ VI სამართლის წიგნ-
ში, — მამული, სოფელი, საქონელი თუ პირუტყვი (იყიდოს), დიალ
ალალი და შესარჩენი ხაქმე არის, ბატონის მეტი კაცი ვერ მოუშ-
ლის. და თუ ბატონი გაუწყრების, სულს გარდა ყველაზე ხელი
მიუწვდება, მაგრამ ბატონსაც ეს მართებს: სხვარიგად რომ ბატონ-
მა ყმას გარდახდევინოს, ნასყიდი მაინც არ უნდა მოუშალოს“⁶⁰
(ხაზი ჩვენია — ი. ა.). იასე ბარათაშვილიც თითქოს საგანგებოდ აღ-
ნიშნავს, რომ „ქვეყანაში... ნასყიდობის მოშლა“ ძნელი შემოსაღე-
ბიან⁶¹. ცხოვრება, ცხადია, ხშირად არღვევდა ამ იურიდიულ ნორ-
მებს, მაგრამ სამართლის ძეგლებში ნასყიდი საკუთრების განსაკუთ-
რებული სიმყარის აღნიშვნას მაინც ჰქონდა გარკვეული მნიშვნე-
ლობა. იგი საფუძველს აძლევდა ყველას, ვისაც ნასყიდობა მოუშა-
ლეს, ებრძოლა და კანონის დაცვა მოეთხოვა.

გლეხი, როგორც უკვე ვთქვით, უპირატესად წვრილ ნაკვეთებს
ყიდულობდა, თუმცა არც შედარებით მსხვილი ნაკვეთების შესყიდ-
ვა იყო გამორიცხული. განურჩევლად იმისა, თუ რა ფართობის
მიწებს იძენდა სოფლის მშრომელი მოსახლეობა — დიდს თუ მცირ-
რეს—იგი ყველა შემთხვევაში ერთი მთავარი ამოცანის გადაჭრას
ისახავდა მიზნად — თავი ღაღღწია მიწით მომარაგების ფეოდა-
ლურ-ბატონყმური საშუალებებისაგან და გამხდარიყო დამოუკიდე-
ბელი მეურნე⁶². ეს კი ძირს უთხრიდა ფეოდალურ საკუთრებას და

⁶⁰ ვ ა ხ ტ ა ნ გ VI, სამართლის წიგნი, თბ., 1955, მუხ. 160. ძეგლი გამოსა-
ცემად მოამზადა, გამოკვლევა და ტერმინთა საძიებელი დაურთო თინა ენუქიძემ.

უკეთებს რა კომენტარს ამ მუხლს ალ. ვაჩიანილი წერს: „ამგეარად, ფეოდა-
ლურ საქართველოში მიღებული ყოფილა დებულება, რომლის ძალით „ნასყიდი ქო-
ნება“, საერთოდ და კერძოდ „ნასყიდი მამული“, ყოველ შემთხვევაში ოფიციალუ-
რად, ხელშეუხსლებლად იყო აღიარებული“ (ალ. ვ ა ჩ ი ა ნ ი ვ ი ლ ი, ნარკვევები
ქართული სამართლის ისტორიიდან, III, თბ., 1963, გვ. 111).

იმის საილუსტრაციოდ, რომ კანონს ნასყიდობას მოუშლელობის შესახებ ანგა-
რიში ეწეოდა, ივ. სურგულაძეს იესე ბარათაშვილის მაგალითი მოაქვს. მას, როგორც
ცნობილია, ერეკლეს ბრძანებით მთელი ქონება ჩამოართვეს, გარდა სახლისა, რო-
მელსაც ვითარცა ნასყიდს, ხელი ვერ ახლეს (ივ. ს უ რ გ უ ლ ა ძ ე, საკუთრების
უფლების ინსტიტუტის ფეოდალური საქართველოს სამართლის ძეგლების ნიხედვით,
თსუ, „მშრომები“, XXVII, 1949, გვ. 2).

⁶¹ ი ე ს ე ბ ა რ ა თ ა შ ვ ი ლ ი, ანდერძი, გვ. 42.

⁶² გლეხების მიერ მიწების საკუთრებაში შექმნა სწორედ ასეა შეფასებული საბ-
ქოთა ისტორიულ მეცნიერებაში (იხ. И. Д. К о в а л ь ч е н к о, о характере и
формах раскрепощения помещичьих крестьян России в первой половине XIX ве-
ка, «Исторические записки», ტ. 78, 1965.

ხელს უწყობდა საკუთრების ახალი ფორმის წარმოშობა-განვითარებას, ბურჟუაზიული ურთიერთობის ჩასახვა-დაწინაურებას⁶³.

მიწას, როგორც უკვე ითქვა, ფეოდალებიც ყიდულობდნენ. ზოგი მათგანის მოქმედება ამ მიმართულებით განსაკუთრებული ინტენსიურობით გამოირჩეოდა. ასეთები იყვნენ, მაგალითად, ამილბარ პალაშვილი, მანუჩარ თუმანიშვილი, არჯევან ფიცხელაური, იესე ბარათაშვილი და სხვები. აქ დასახელებული პირები ეწეოდნენ სისტემატურ ნომხვეჭელობას, მამულების შეუნელებელ შესყიდვას. ესენი და პრივილეგირებული წოდების სხვა წარმომადგენლები ყიდულობდნენ როგორც წვრილ ნაჭრებს, ისე მსხვილ ნაკვეთებს, ზოგჯერ მთელ სოფლებსაც კი. პატარა ნაკვეთების შესყიდვა უმეტეს შემთხვევაში მაშინ ხდებოდა, როდესაც საქმე ეხებოდა ფეოდალის მამულის დამარგვალებას. აი ამის რამდენიმე მაგალითი: იესე წინამძღვრიშვილმა ზაალ წინამძღვრიშვილს მიჰყიდა მიწა. რომელიც უშუალოდ უკანასკნელის მამულს ემიჯნებოდა⁶⁴. 1784 წელს შედგენილ 'ნასყიდობის სიგელში ნათქვამია, რომ ბერი ფიცხელაურმა თავის ბიძაშვილს არჯევან ფიცხელაურს ნაღდ ანგარიშზე მისცა მიწა, რომელიც მეორის მამულის ნაწილს, მის გაგრძელებას წარმოადგენდა⁶⁵. იმავე არჯევანის სახელზე გაფორმებულ მეორე ნასყიდობაში (1784 წ.) კი მიწის გამყიდველი თქვითვით ფიცხელაური წერს: „დამეჭირა და მოგყიდე ჩემი ალალი, ბარათში ნარგები, შენი კოშკის გვერდზე სახლ-კარათ ნარგები მიწა“⁶⁶. თავიანთი მამულების მომიჯნავე მიწის ნაკვეთები იყიდეს აგრეთვე ბეკერდიშვილმა⁶⁷, ყანჩელმა⁶⁸, ლოლაძემ⁶⁹, გოსტაშვილიშვილმა⁷⁰ და სხვებმა.

დამარგვალების ტენდენციას პირველად ყურადღება გ. ნათაძემ მიაქცია. მანვე მოგვცა ამ მოვლენის მნიშვნელობის პირველი შეფა-

⁶³ Н. Л. Рубинштейн, Сельское хозяйство России во второй половине XVIII века, Москва, 1957, гл. 39, 72.

⁶⁴ სსცია, ფ. 1448, საბ. 690.

⁶⁵ სს, II, გვ. 85.

⁶⁶ სს, II, გვ. 471—472.

⁶⁷ Г. Я. Натадзе, К вопросу об экономическом положении Грузии в конце XVIII столетия, კრებული: «История классово́й борьбы, в Закавказье». Тифлис, 1930, гл. 131. (ქვემოთ გ. ნათაძის სტატიის დასახელებისას ამ კრებულის გვერდები იქნება მითითებული).

⁶⁸ იქვე.

⁶⁹ იქვე.

⁷⁰ სს, I, გვ. 85.

სებაც. «Таким образом, — წერს იგი — одна сторона освобождается от лишней, ненужной ему для хозяйства земли, а другая приобретает землю, округляющую ее имение. При старом способе хозяйства, когда участки земли отдавались год «галу», разбросанность и чересполосность мешать ведению хозяйства не могли. Очевидно здесь мы имеем дело со стремлением к округлению имения с целью вести более рациональное хозяйство, иначе говоря — расширить то, что называлось барской запашкой за счет сокращения количества участков, отданных крестьянам под галу и другие повинности»⁷¹.

მკვლევარი ამასთანავე აღნიშნავს, რომ მიწების დამრგვალების ტენდენცია დამახასიათებელი იყო სწორედ XVIII საუკუნისათვის, უფრო ზუსტად ამ საუკუნის მეორე ნახევრისათვის. მისი აზრით, წინა პერიოდში ის ძალზე მკრთალად, უმნიშვნელო მასშტაბით შეინიშნებოდა. აქამებამდე რა თვის დაკვირვებებს ამ მიმართულებით, ავტორი წერს: «Если ближе познакомиться с упомянутыми выше случаями частных сделок на землю, зафиксированными в документах XVII столетия и сравнить их с аналогичными документами XVIII столетия, мы увидим чрезвычайно характерную разницу. До XVIII столетия⁷²... чрезвычайно редки случаи покупки имения смежного с землей покупателя или продавца, что указывает на отсутствующие тенденции к округлению имения с целью более рациональной эксплуатации»⁷³.

მსხვილი რაციონალური⁷⁴, საბაზრო პროდუქციის დამამზადებელი მეურნეობები განსახილველი ხანის საქართველოში მართლაც არსებობდნენ⁷⁵. ამაზე ჩვენ სხვაგან გვექნება საგანგებოდ ლაპარაკი. აქ კი მხოლოდ ვიტყვი, რომ იმ დროინდელი საქართველოს ეკონომიური აზრიც უბიძგებდა ყველას, მათ შორის, ცხადია, ფეოდალებსაც, რაციონალური, სსსაქონლო მეურნეობების შექმნისაკენ. იგი მხარს უჭერდა არა მარტო ოჯახის მოთხოვნილებათა დაკმაყოფილების შემდეგ დარჩენილი პროდუქციის გაყიდვას, არამედ პრო-

⁷¹ გ. ნათაძე, დასახ. ნაშრ., გვ. 129—130.

⁷² აქ, ვფიქრობთ შეცდომით წერია XVIII საუკუნე.

⁷³ გ. ნათაძე, დასახ. ნაშრ., გვ. 129.

⁷⁴ მსხვილ რაციონალურ მეურნეობას ეწეოდა არა მარტო ის, ვინც პატარა-პატარა მიწის ნაკვეთებს ყიდულობდა და ამ გზით ამრგვალებდა თავის მამულს, არამედ დიდი ფართობის შემსყიდველნიც.

⁷⁵ Н. Г. К а н т а р и я, Хозяйство грузинского помещика в XVIII веке (автореферат кандидатской диссертации), Тбилиси, 1955.

ლექციის გარკვეული ნაწილის თავიდანვე საბაზროდ წარმოების იდეას. ამ მხრივ განსაკუთრებულ ყურადღებას იმსახურებს ბატონი-შვილ ბაგრატიის ტრაქტატი „შემოკლებული სოფლის ეკონომია“, დათარიღებული 1816 წლით. ამ ხელნაწერის გეექვსე პარაგრაფში ვკითხულობთ: „შემოსავალი ყოველივე შამულისა... იგანიყოფების სამად. ერთი ნაწილი აიღების სახლის სახარჯავად, მეორე — შესანახავად. ხოლო მესამე — გაიყიდების“⁷⁶. მეხუთე პარაგრაფში კი, რომელიც მესაქონლეობას ეხება, ნათქვამია: „მებატონეს მართებს რათა ჰყუანდეს პირუტყვი მრავლებით... ცხუარი მისცემს დიდს სარგებლობასა. აგრეთვე ღორი უფრორე. ღორის ქონი იხმარება საპნად და სანთლად, ხოლო ხორცი ღორედ, მძენუად და საკმელად, ეგრეთვე გასასყიდათ, რომელიცა გაიყიდების კარგად ფასად“⁷⁷.

იგივე აზრია გატარებული იოანე ბატონიშვილის „სჯულდებაში“, რომელიც 1799 წელს განეკუთვნება. ამ ძეგლის 89-ე მუხლში წერია: „აკეთონ ერბო და ყველი, მატყლით ქსოონ საფენნი და სხვა საჭიროებანი, და აგრეთვე, თათართაცა და ქართუელთაცა, სადაც კეთდებოდეს აბრეშუმში, იმასაც მუშაობდენ და ესეც ყოველივე ანგარიშით ინახებოდეს, იყიდებოდეს და თეთრად გროვდებოდეს“⁷⁸.

ციტირებული ადგილების მიხედვით შეიძლება დავასკვნათ, რომ ეკონომიური აზრი მოუწოდებდა ფეოდალებს (ალბათ გლეხებსაც) არ შემოთარგლულიყვნენ მხოლოდ აუცილებელის წარმოებით და დაემზადებინათ საბაზრო პროდუქციაც. ამ რჩევას, ჩანს, ისინი ყურს

⁷⁶ კ. მარქსის სახელობის საჯარო ბიბლიოთეკა, ხელნაწერთა ფონდი, 24, პარაგრაფი 6.

ამ ნაშრომისა და მისი ავტორის ეკონომიურ შეხედულებათა დახასიათება იხ. ს. ბერაძის ნაშრომში: „ქართული ეკონომიკური აზრის ისტორიის საკითხები მე-19 საუკ. დამდეგ“, ეკონომიკის ინსტიტუტის შრომები, VI, თბილისი, 1952.

⁷⁷ კ. მარქსის სახელობის საჯარო ბიბლიოთეკა, ხელნაწერთა ფონდი, § 24, პარაგრაფი 5.

⁷⁸ იოანე ბაგრატიონი, სჯულდება, თბ., 1957, გვ. 44—45.

მოაქვს რა ეს ადგილი, ს. ბერაძე წერს: „ღიახ, იოანე მოითხოვს სამეფო საცალო ვაჭრობის შემოღებას... მაშინ, როცა ქართველი თავდაზნაურობა ვაჭრობას ქედმაღლურად უყურებდნენ და თავისთვის არასაკადრის საქმედ თვლიდნენ, იოანე ბატონიშვილი დიდად აფასებს მას. ეს გარემოება და სიმდიდრის მთავარ ფორმად თეთრის, ე. ი. ძვირფასი ლითონის მიჩნევა ერთ-ერთი დამახასიათებელი ნიშანია მერკანტილიზმისათვის“ (იხ. მისი „ქართული ეკონომიკური აზრის განვითარება XVIII საუკუნის დამდეგ“, ეკონომიკის ინსტიტუტის შრომები, V, თბ., 1951, გვ. 407).

უგდებდნენ, რის ერთ-ერთ დამადასტურებელს წარმოადგენს ქართველ მებატონეთა ერთი ნაწილის მიერ მათელების ინტენსიურად შესყიდვის, მათი დამარგვალეების შეუხელებელი ტენდენცია.

ამ ჩვენს დასკვნას, ვფიქრობთ, ვერ დაარღვევს იესე ბარათაშვილის მოგონების ის ადგილი, სადაც მიწების სისტემატურად შესყიდვის მიზეზად სულ სხვა გარემოებაა დასახელებული. ბარათაშვილის მომხვეჭელობითი საქმიანობა, მისი სიტყვებით რომ ვთქვათ, მიზნად ისახავდა მრავალრიცხოვანი ოჯახის შენახვას, სტუმრების გამასპინძლებასა და შვილების მამულებით უზრუნველყოფას. ჩვენ „ქართველები ვართ, — წერს იესე, — პური საქმელად და სამოსლად უნდა ვიყოფინოთ, ღვინო სამოსლად ჯა სასმელად, ცხვარი, ღორი საკლავად, ძროხა სახნავად და ასე უნდა დავრჩეთ... ქართველი კაცის რჩომა ასე ყოფილა და ასე იქნება“⁷⁹. ბარათაშვილი ტრებაზობს კიდევ იმით, რომ მას არასოდეს არც ერთი კოდი პური არ გაუყიდა. „ჩემგან პური არ გაისყიდებოდა, თუნდ ათასი კოდი მომსვლოდა“⁸⁰, — აცხადებს იგი.

შეიძლება დანამდილებით ითქვას, რომ „ცხოვრება-ანდერძის“ ავტორის ეს განცხადება არაა გულწრფელი. ჩვენ არ შევცდებით თუ ვიტყვით, რომ მისი მომხვეჭელობა, მიწების დიდი რაოდენობით შესყიდვა გამოწვეული იყო არა მარტო ოჯახის მატერიალურად უზრუნველყოფის სურვილით. მას საბაზრო პროდუქციის წარმოების სურვილიც ამოძრავებდა. ღალის თუ სხვა გზით მიღებული პროდუქციის ნაწილს, იგი ბაზარში ეზიდებოდა, თუმცა ამას დაუნებით უარყოფს. „ცხოვრება-ანდერძის“ იმ ადგილას, სადაც ლაპარაკია ამა თუ იმ პროდუქტის დანიშნულებაზე, იესე იძულებულია აღნიშნოს, რომ პური საქმელადაც უნდა ვიყოფინოთ და სამოსლადაც⁸¹. ზუსტად იმასვე ამბობს იგი ღვინოზეც. ღვინო „სამოსლად და სასმელად“ უნდა გამოვიყენოთ⁸². აქ ავტორი, როგორც ვხედავთ, უარყოფს მის მიერ სხვაგან გაკეთებულ განცხადებას და ადასტურებს სასოფლო-სამეურნეო პროდუქციის გარკვეული ნაწილის თავიდანვე საბაზროდ დამზადების ფაქტს⁸³.

⁷⁹ იესე ბარათაშვილი, ანდერძი, გვ. 99.

⁸⁰ იქვე, გვ. 97.

⁸¹ იქვე, გვ. 99.

⁸² იქვე.

⁸³ იესეს „ცხოვრება-ანდერძიდან“ საწინააღმდეგო დასკვნას აკეთებს დ. უჩანე-იშვილი თავის საინტერესო გამოკვლევაში: «К вопросу об экономическом разви-

ამრიგად, ფეოდალთა კლასის ერთი ნაწილის მიერ მიწების ინტენსიური ყიდვა, ფულადი-სასაქონლო ურთიერთობის განვითარებით რომ იყო შეპირობებული, მიზნად ისახავდა მსხვილი რაციონალური მეურნეობების შექმნას, რომლებიც ოჯახის მოთხოვნილებასაც დააკმაყოფილებდნენ და საბაზრო პროდუქციასაც დაამზადებდნენ. ამდენად აღნიშნული ტენდენცია თავის მხრივ გარკვეულად ხელს უწყობდა საზოგადოებრივ-ეკონომიური ცხოვრების ახალი უფრო პროგრესული გზით წარმართვის საქმეს.

* * *

ამ თავში მოცემული ჩვენი მსჯელობა შეიძლება შემდეგი დასკვნების სახით ჩამოყალიბდეს.

1. XVIII საუკუნის საქართველოში ადგილი ჰქონდა მიწების ძლიერ ამოძრავებას. მამულების ყიდვა-გაყიდვამ მიიღო მასობრივი ხასიათი, ისეთი მასშტაბი, როგორც მას არასოდეს არ ჰქონია მანამდე. ეს მოვლენა შეპირობებული იყო, ერთი მხრივ, საგარეო ვითარებით გამოწვეული ფეოდალური და გლეხთა კლასის გარკვეული ნაწილის მატერიალური მდგომარეობის მკვეთრი გაუარესებით, ხოლო, მეორე მხრივ — ფულადი-სასაქონლო ურთიერთობის წარმატებით, საქართველოს სავაჭრო-ეკონომიური კავშირების გაძლიერებით უცხო ქვეყნებთან, მათ შორის ისეთებთანაც, რომლებიც უკვე განვითარების კაპიტალისტურ გზაზე იყვნენ შემდგარნი.

2. მიწას ყიდდნენ როგორც ფეოდალები, ისე გლეხები. XVIII საუკუნის პირველ ნახევარში სოფლის მშრომელი მოსახლეობა უფრო ხშირად გამოდის გამყიდველის როლში, ვიდრე პრივილეგიური წოდება. მამულების გაყიდვის იმ 1303 შემთხვევიდან⁸⁴, 1700—1751 წლებში რომ ჰქონდა ადგილი (ჩვენი მონაცემებით), 50,6% მოდიოდა გლეხობაზე, ხოლო 49,4% — ფეოდალებზე. ყიდვის აქტებში კი მათი ხვედრითი წონა შესაბამისად 46,7% და 53,3%-ს უდრიდა.

тин Восточной Грузии во второй половине XVIII века» (მასალები საქართველოს და კავკასიის ისტორიისათვის“, ნაკ. V, თბ., 1937, გვ. 386, 408—410), მაგრამ ამჟამად ჩვენ ამაზე არ ვჩერდებით.

⁸⁴ აქ ლაპარაკია არა საერთოდ XVIII საუკუნის პირველი ნახევრით, არამედ ამ პერიოდის რომელიმე კონკრეტული წლით დათარიღებულ ნასყიდობის სიგელებზე. ასეთების რიცხვი კი სწორედ 1303-ს უდრიდა.

3. არსებითად განსხვავებულ მდგომარეობასთან გვაქვს საქმე ჩვენთვის საინტერესო საუკუნის მეორე ნახევარში. აქ თავადაზნაურობა უსწრებს სოფლის მშრომელ მოსახლეობას მამულების გაყიდვაში და, პირიქით, მკვეთრად ჩამორჩება მას მიწების შესყიდვაში. მიწა-ვენახების გაყიდვის იმ 813 შემთხვევიდან, რომლებიც 1751—1800 წლებითაა დათარიღებული, 52,2% მოდის პრივილეგირებულ წოდებაზე, 47,8% — გლეხობაზე. იმავე რაოდენობის ყიდვის ოპერაციიდან კი 35,6% მოდის პირველზე, 64,4% — მეორეზე. ამ მონაცემებიდან მკაფიოდ ჩანს სოფლის მშრომელი მოსახლეობის ინტენსიური მონაწილეობა მამულების შეძენის საქმეში, იგი აშკარად უტევს ფეოდალურ საკუთრებას.

4. გლეხობა უსწრებდა თავადაზნაურობას შესყიდული მიწების ფართობის, მათი რაოდენობის მხრივაც. იმ 1102 დღიური მიწიდან, 310 ნასყიდობის სიგელით რომ გაიყიდა XVIII საუკუნეში⁸⁵, პირველს გაუყიდა 582,5 დღიური ანუ მიმოქცევაში ჩავარდნილი მიწების საერთო რაოდენობის 52,9%, ხოლო მეორეს — 519,5 დღიური ანუ 47,1%. გაყიდული მიწების უმეტესი ნაწილი — 716, 5 დღიური ანუ 65.1% უშუალო მწარმოებლის ხელში გადასულა, ხოლო უმცირესი — 385,5 დღიური ან 34,9% — პრივილეგიური წოდების. სხვანაირად რომ ვთქვათ, გლეხებს შეუსყიდიათ არა მარტო მათი კლასობრივი მოძმის მიერ გაყიდული მიწები მთლიანად, არამედ თავადაზნაურთა მიერ რეალიზებული მიწების ნაწილიც, დაახლოებით 25,8%.

5. გლეხები მიწას, ამ მთავარ საწარმოო საშუალებას, უპირატესად წვრილ ნაკვეთებად იძენდნენ, თუმცა მსხვილი ნაკვეთების შესყიდვის შემთხვევაც არაერთი იყო. განურჩევლად იმისა, თუ რა მასშტაბით ხდებოდა ეს შეძენა, მცირე თუ დიდი, გლეხის დაგროვებით საქმიანობას მაინც დიდი მნიშვნელობა ჰქონდა. ყიდულობდა რა მიწებს საკუთრების უფლებით, იგი თავს აღწევდა მიწით მომარაგების ფეოდალურ-ბატონყმურ საშუალებებს, ძირს უთხრიდა ფეოდალის მონოპოლიურ მიწათმფლობელობას და ხელს უწყობდა საკუთრების ახალი, ბურჟუაზიული ფორმის დამკვიდრებას, კაპიტალისტური ურთიერთობის ჩასახვა-განვითარებას.

6. ფეოდალური კლასის ერთი ნაწილის აქტიური მონაწილეობა მიწის ყიდვის ოპერაციებში შეპირობებული იყო ფულადი-სასა-

⁸⁵ აქ მხედველობაშია ნასყიდობის სიგელების ის ნაწილი, სადაც აღნიშნულია გაყიდული მიწების რაოდენობა.

ქონლო ურთიერთობის განვითარებით, ამ ურთიერთობის შესაბამისად სამეურნეო საქმიანობის შეცვლის სურვილით. პრივილეგირებული წოდების არაერთი წარმომადგენელი მსხვილი, რაციონალურ საფუძვლებზე დაყენებული, საბაზრო პროდუქციის დამამზადებელი მეურნეობების მოწყობაზე ოცნებობდა და ზოგმა მათგანმა მიაღწია კიდევ ამას. ამით ისინი, ნებით თუ უნებლიეთ, ბიძგს აძლევდნენ არსებული სოციალურ-ეკონომიური ფორმაციის საწინააღმდეგო მოვლენების განვითარებას.

ცვლილებები XVIII საუკუნის საქართველოს ფეოდალური ურთიერთობის სოციალურ საფუძვლებში (თავდახსნა-განთავისუფლებისა და დაყმავების პროცესების ურთიერთშეზარდების ცდა)

მიწისა და თავისუფლებისათვის ქართველი გლეხი ყოველთვის იბრძოდა. მაგრამ განსაკუთრებით ის გვიანფეოდალურ ხანაში, უფრო ზუსტად XVIII საუკუნეში, ამ საუკუნის მეორე ნახევარში გააქტიურდა. ამ დროს უფრო ენერგიულად შეუტია მან ფეოდალურ-ბატონყმურ წყობილებას, რაც მწარმოებელი კლასის ექსპლოატაციის გაძლიერებით აიხსნება. ეს უკანასკნელი კი გამოწვეული იყო ფულადი-სასაქონლო ურთიერთობის განვითარებით, ერთი მხრივ, და თურქეთ-ირანის აგრესიისა და ლეკიანობის უარყოფითი შედეგებით — მეორე მხრივ. მძიმე საგარეო ურთიერთობა, ხშირი ომები და თარეში სერიოზულ ზიანს აყენებდა საქართველოს ჰახალხო მეურნეობას, დიდად აბრკოლებდა მის წინსვლას, თავდაზნაურობა გლეხების ხარჯზე ცდილობდა დანაკლისის ანაზღაურებას. განსახილველი ხანის საბუთებში ხშირადაა ლაპარაკი ყმური მოსახლეობის საგადასახადო ტვირთის დამძიმებაზე, წინანდელი ნორმების გადიდებაზე, ადრე არარსებული გადასახადების შემოღებაზე, უღების დაღებაზე და ა. შ. თხოვნა-საჩივრებითა და დაკისრებული ვალდებულებების შესრულებაზე უარის თქმით, რამაც განსახილველ ხანაში განსაკუთრებით მასობრივი ხასიათი მიიღო, სოფლის მშრომელი მოსახლეობა ცდილობდა მძიმე საგადასახადო ტვირთის შემსუბუქებას, თავისი მატერიალური მდგომარეობის გაუმჯობესებას, შრომისა და ცხოვრების პირობების რამდენადმე მაინც გაუკეთესებას.

იმავე საქმეს ემსახურებოდა კლასობრივი ბრძოლის დანარჩენი ფორმებიც, კერძოდ მოძრაობა სამეფო (სახელმწიფო) უწყებაში გადასვლისათვის. იგი არსებითად ახალი მოვლენა იყო XVIII სა-

უკუნის საქართველოს ცხოვრებაში, რომელიც მანამდე, შეიძლება ითქვას. მხოლოდ ოდნავ იგრძნობოდა. ამ საინტერესო მოძრაობაზე, მის როლსა და ადგილზე, ისე როგორც ბრძოლის სხვა ფორმებზე, ჩვენ აქ სიტყვას არ გავაგრძელებთ, რადგანაც მათზე საგანგებოდ ცალკე გვექნება ლაპარაკი.

* * *

ქართველი გლეხი, როგორც უკვე ვთქვით, სამეფო უწყების-კენ მიისწრაფოდა, მაგრამ ეს უკანასკნელი მისი საბოლოო მიზანი მაინც არ იყო. იგი ოცნებობდა სრულ თავისუფლებაზე, ფეოდალურ-ბატონყმური დამოკიდებულებიდან თავის დახსნაზე. ამის მიღწევის ყველაზე კანონიერ და მშვიდობიან გზას კი გამოსყიდვა წარმოადგენდა. გვიანფეოდალური ხანის სამართალი და სამართებლივი აზროვნება, რომელიც თავისი არსით ფეოდალურ-ბატონყმური იყო, ერთგვარად ხელს უწყობდა ამ პროცესის გაშლა-გაფართოებას. ვახტანგ VI-ის კანონები, მაგალითად, არა მარტო უშვებს მშრომელი მოსახლეობის დამოკიდებული მდგომარეობიდან გამოსვლას, არამედ რიგი დეტალების გახაზვით თითქოს ცდილობს კიდევ გაამართივოს ეს პროცესი. ხსენებული ძეგლის 260-ე მუხლში პირდაპირაა მითითებული, რომ ბატონს უფლება აქვს „თავი დაახსნეინოს“¹ ყმას და აზატი გახადოს. თავდახსნილობა წერილობით ფორმდებოდა — პატრონი თავის ხელქვეითს აძლევდა არსებული წესების დაცვით შედგენილ წიგნს, რომელიც თავისუფლების ყველაზე მკაფიო დამადასტურებელი იყო. მაგრამ კანონმდებელი აქ არ სევას წერტილს და შენიშნავს, რომ თავისუფლების მიღების დადასტურება შესაძლებელია სანდო პირების მოწმობითაც. „ესეც იქმნების, — ათქვამია იქ, — რომე წიგნი არა ჰქონდეს და მოწამე კი ჰყვანდეს, კაის მოწმის პირითაც დაიჯერების, რომე თავი გამოენსნას“.² თავისუფლების დამამტკიცებელ საბუთად მიჩნეული იყო აგრეთვე თვით მებატონის მოწმობაც. „იქნების, რომე პატრონიც ამბობდეს, რომ „თავი დავახსნეინო“³.

ამ შეღავათების დაწესებით კანონმდებელი უადვილებდა გლეხს (სხვა საკითხია რა მოსაზრებით) თავისუფლების მოპოვებას, მის შენარჩუნებას.

¹ ვ ა ხ ტ ა ნ გ მეფის სამართლის წიგნი, მუხ. 260.

² ი ქ ვ ე.

³ ი ქ ვ ე.

იმავე მიმართულებით მოქმედებდა ერეკლე II-ის 1765 წლის კანონი ტყვეობიდან დაბრუნებულთა თაობაზე, რომლის შესახებ ჩვენ ზემოთ უკვე გვქონდა საუბარი და ამიტომ აქ სიტყვას არ ვავარძლებთ.

დავით ბატონიშვილის სამართლის წიგნშიც, რომელიც XVIII საუკუნის საქართველოს სინამდვილეს ასახავს, არის არაერთი მუხლი, რომელიც ასე თუ ისე ხელს უწყობდა სოფლის მშრომელი მოსახლეობის დამოკიდებული მდგომარეობიდან გამოსვლას. ასეთია, კერძოდ, 38-ე მუხლი, სადაც ნათქვამია: „უკეთუ კაცმან ნასყიდი კაცი ანუ ტყვე ანდერძითა ანუ უანდერძოთ გაანთავისუფლოს, მაშინ ნურა რომელი შვილთაგანი, გინა მონათესავეთაგანი იკადრებს დაპატრონებად მისა, მით რომე ყოველთა აქუს ნებაი მოპოვებულისა ეგრეთ ყოფად, ვითარცა ნებაეს თვით“⁴.

დასახელებული და მათი მსგავსი მუხლები, რომელთა შეტანა სამართლის წიგნებში ცხოვრების მოთხოვნით იყო ნაკარნახევი, ხელს უწყობდა ბატონყმური ურთიერთობიდან გლახთა განთავისუფლებას, ამ პროცესის წარმატება-გაღრმავებას⁵. სოფლის მშრომელი მოსახლეობა იყენებდა ამ კანონს და ხშირად ღიდი მსხვერპლის გაღებით აღწევდა მიზანს. მსხვერპლის გაღებით, ვამბობთ იმიტომ, რომ თავისუფლების მოპოვება, როგორც წესი⁷, ხდებოდა სა-

⁴ „სამართალი ბატონიშვილის დავითისა“, თბ., 1964, გვ. 28, მუხ. 38, ტექსტი გამოსცა და გამოკვლევა დაურთო დავით ფურცელაძემ.

⁵ ბატონყმობიდან გლახთა განთავისუფლების მიზნების შესახებ გ. ნათაძე წერს: «Кажется, я не ошибусь если скажу, что в это время (т. е. XVIII в. Мелорне ნახევარში—ი. ა.) были поиски свободных рабочих рук, и на почве требования на них происходили случаи освобождения крепостных крестьян». (Г. Н а т ა ძ ე, К вопросу об экономическом положении Грузии в конце XVIII столетия, ИКБЗ, გვ. 141. ხაზი ჩემია — ი. ა.) და კიდევ: «Вообще частичных случаев освобождения мы встречаем довольно много и не только на почве нужды и разорения..., но и на почве потребности в свободных рабочих руках, очевидно, вследствие рационализации хозяйства и влияния рынка на его устройство» (ი ქ ე ე, გვ. 142).

⁶ ზემოთქმულის შუქზე ვფიქრობთ, სწორი არ უნდა იყოს ივ. ს უ რ გ უ ლ ა ძ ე, როდესაც წერს: „XVIII საუკუნეში არც საკანონმდებლო და არც სხვა ხასიათის ძეგლებს თავისუფალი გლეხი აღარ წარმოუდგენიათ“ (იხ. მისი „ნარკვევები საქართველოს სახელმწიფოსა და სამართლის ისტორიიდან“, თბ., 1963, გვ. 128).

⁷ ზოგჯერ განთავისუფლება, საბუთების თანახმად, ხდებოდა მებატონის ან მისი ოჯახის წევრების სულის შესანდობად (სმაი, Hd, საბ. 3710; Ad, საბ. 1386), მათი საქმის გამარჯვება-წარმატებისათვის, ერთგულება-დამსახურებისათვის (სსცია, ფონდი 1449, საბ. 4692) და ა. შ.

თანადოდ დაწესებული ფასის ფულადი თუ ნატურალური ანაზღაურებით. თავდახსნილობის საბუთებში პირდაპირაა მითითებული, რომ მემამულემ ყმის განთავისუფლებაში აიღო სათანადო ფასი და ამით თავისი გული შეიჭერა⁸. ფასის გადახდა ფულითაც ხდებოდა და ნატურითაც. ხშირად გლეხი მამულზე იღებდა ხელს და ამ ფასად აღწევდა თავისუფლებას⁹.

საქართველოს სახელმწიფო ცენტრალური ისტორიული არქივის ძველი საბუთების სამ ფონდში (1448, 1449 და 1450), საქართველოს მეცნიერებათა აკადემიის აკად. კორ. კეკელიძის სახელობის ხელნაწერთა ინსტიტუტის ოთხ ფონდში (Hd, Ad, Sd, Qd)¹⁰, ნ. ბერძენიშვილის, ექ. თაყაიშვილის, დ. ფურცელაძისა და ს. კაკაბაძის პუბლიკაციებში¹¹ ჩვენ აღვნიშნეთ (XVIII საუკუნის ქრონოლოგიურ ჩარჩოებში) სულ გლეხთა განთავისუფლება — გათარხნება-გააზატების 350 საბუთი. აქედან 250 შემთხვევაში ლაპარაკია სოფლის მშრომელი მოსახლეობის სრულ განთავისუფლებაზე ფეო-

⁸ სმახი, Hd, საბ. 2981; Ad, საბ. 31^ა და სხვა; სსცია, ფ. 1448, საბ. 3282, 4415; ფ. 1450, დავთ. 5, საბ. 76; დავთ. 12, საბ. 54; დავთ. 14, საბ. 117, 118; დავთ. 23, საბ. 28 და სხვ. აგრეთვე ნ. ბერძენიშვილის „დოკუმენტებში“ და ექ. თაყაიშვილის „საქართველოს სიძველენში“ მოთავსებული ასეთივე ხასიათის საბუთები.

⁹ „რადგან შენ, — ვკითხულობთ კირილე მთავარეპისკოპოსის პეტრე შალიკაშვილისათვის მიცემულ სიგელში (1758 წ.) — შენის ნასყიდისა და უსყიდის მამული-საგან ხელი აიღე და ჩვენი გული შეიჭერე, ჩვენც შენგან ხელი ავიღევით და თავი დაგახსნევინეთ“ (სსცია, ფ. 1450, დავთ. 6, საბ. 65), შდრ. ნ. ბერძენიშვილი, დოკუმენტები I, გვ. 365.

¹⁰ Qd ფონდის მასალები ჩვენ შევისწავლეთ მხოლოდ 1782 წლამდე, მომდევნო წლების (1782—1800) მასალების გამოცნობა კი, სამწუხაროდ, ვერ მოხერხდა ტექნიკური მიზეზების გამო.

¹¹ მხედველობაშია: ნ. ბერძენიშვილის „დოკუმენტები საქართველოს სოციალური ურთიერთობის ისტორიიდან“ (ორი ტომი), ექვთ. თაყაიშვილის „საქართველოს სიძველენი“ (სამი ტომი), და ფურცელაძის „Грузинские крестьянские грамоты“, მისივე „Грузинские церковные гуджары (грамоты) და ს. კაკაბაძის „მერეთის საბუთები თარხნობის შესახებ“, სმ. V, თბ., 1950.

დალურ-ბატონყმური ურთიერთობიდან¹², ხოლო 100 შემთხვევაში¹³ დადასტურებულია გლეხების გათარხნება-გააზატების, მათი სოციალ-ეკონომიური და იურიდიული მდგომარეობის საგრძნობი გაუმჯობესებისა და მათ მიერ არასრული თავისუფლების მოპოვების ფაქტი¹⁴.

განთავისუფლებულთა რიცხვს უნდა დაემატოს ის 200 კომლი გლეხი, რომლებიც გაათავისუფლა ერეკლე მეორემ 1755 წლის ყვარლის ბრძოლაში გამირული მონაწილეობისათვის¹⁵. „ალყის გარღვევაში მონაწილე გლეხთაგან ყველამ (მათ შორის ბრძოლაში დაღუპულთა ოჯახებმა)... თავისუფალ მიწისმფლობელ გლეხთა უფლებები მიიღო“¹⁶.

¹² ამში შეტანილია გლეხთა გათარხნება-გააზატების 76 შემთხვევა (აქედან 28 აღებულია ს. კ ა კ ა ბ ა ძ ი ს პუბლიკაციიდან), სადაც გათარხნება-გააზატება სრულ თავისუფლებას უღრის. ასეთია, მაგალითად, აზატობა-სითარხნის შემდეგი სიგელები: 1756 წლის („ახლა ღმერთმან გიშველოს, ვისთანაც გინდა წალი, მე შენთან ღლის იქით საქმე აღარა მაქვს“ — სსცია, ფ. 1450 დაეთ. 33, საბ. 252), 1766 წლის („გამიზატებიხართ და გამითავისუფლებიხართ ყოელიფრითა... თქვენთან არა კაცს ხელი არა ქქონდესთ, არც მე და არც ჩემს ნაუთავსასა“ — სმახი, Sd, საბ. 194), 1767 წლის („ამ წერილით ვანგათავისუფლეთ და გაგააზატეთ... რომ დღეის იქით შენთან და შენს ჩამანკლობასთან საბატონყმით არც მე ქქონდეს სადაო, არც ჩემს შვილებს და არც მათ ჩამანკლობას“ — სსცია, ფ. 1450, დაეთ. 51, საბ. 197), 1771 წლის („მოხვედი და ჩემი ყმობა არ ინდომე და ცოტა რაჲთე ჩემი გული შეიჭყრე და მეც ვაგააზატე, ასე რომ შენთან არა კაცს ხელი არა ქქონდეს, არა ჩემის სახლის კაცს და არც მეფეს და არც თვადიშვილს“ (სმახი, Ad, საბ. 31^ა), 1788 წლის („მეც აზატათ და თავისუფლად გავიშვო, ასე რომ სიყვარულის მეტი შენთან საქმე არა ქქონდეს არცა მე და არცა შვილთა ჩემთა და სახლისა მოქაველთა ჩემთა (სსცია, ფ. 1450, დაეთ. 23, საბ. 76), 1791 წლის („ვისთანაც გინდოდესთ იმასთან მიღით, აზატი ხართ ჩემგან, თქვენთან საბატონყმით საქმე არავის აქვს“ . იქვე, დაეთ. 24, საბ. 133) და მრავალი სხვა.

¹³ აქედან 38 დადასტურებულია ს. კ ა კ ა ბ ა ძ ი ს დაახ. პუბლიკაციაში.

¹⁴ გლეხების სოციალ-ეკონომიური და იურიდიული მდგომარეობის გაუმჯობესებასა და მათ მიერ არასრული თავისუფლების მოპოვებას გულისხმობენ აზატობა-სითარხნის შემდეგი სიგელები: 1715 წლის („გეყავით წყალობა: არაფერი ჩვენი სათხოვარი... (არ ვეთხოვებოდეს) იმის მეტი, რომ კურთხეულის მამის ჩემისათვის ყოველს შაბათს, წელიწადში აღაას გარდაიხდიდე; ორ ცხვარს დაუკლავდე“ (სმახი, Sd, საბ. 91^ა), 1725 წლის („ჩვენც ეს წყალობა გვიქნია ვაგვითარხნებიხარ, არა ვეთხოვებოდეს არა გამოსაღები... ერთის მსახურობის მეტი“ (სსცია, ფ. 1450, დაეთ. 49, საბ. 179), 1752 წლის („ვათარხნე, არა ბეგარა, არ კულუხი, არა გამოსაღები არა გეთხოვებოდეს, მსახურის მეტი“ (სსცია, ფ. 1448, საბ. 5410), 1796 წლის („ასე ვათარხნეთ, რომ არაფერი საჩვენო სათხოვარი და გამოსაღები არა გეთხოვებოდეს... ერთის მსახურისა და ლაშქარ-ნადირობის მეტი“ (სმახი, Hd, საბ. 5294) და მრავალი სხვ.

¹⁵ მ. დ უ მ ბ ა ძ ე, თავისუფალ გლეხთა ფენის საკითხისათვის..., კხის.

¹⁶ ი ქ ვ ე, გვ. 393.

ყველა მონაცემის გათვალისწინებულ მივიღეთ, რომ XVIII საუკუნის საქართველოში ფეოდალურ-ბატონყმური ურთიერთობისათვის მთლიანად თავი დაუდწევეია 450, ნაწილობრივ — 100, სულ — 550 კომლს. ეს რაოდენობა, რა თქმა უნდა, არ შეიძლება ჩაითვალოს სრულად. უნდა ვიფიქროთ, რომ სრული თუ ნაწილობრივი თავისუფლება ჩვენთვის საინტერესო ხანაში მოპოვებული ჰქონდა გლეხთა გაცილებით მეტ რაოდენობას, მაგრამ მათი ზუსტად აღრიცხვა შეუძლებელია, უმთავრესად, სათანადო საბუთების დაკარგვანადგურების გამო¹⁷. ამიტომ არ შევცდებით თუ მათ რიცხვს სულ ცოტა ორჯერ მაინც გავადიდებთ და შესაბამისად 900 და 1100 კომლს გავუთანაბრებთ.

სპეციალისტებს ადრეც ჰქონდათ აღნიშნული, რომ განთავისუფლებული და აზატქმნილი გლეხის მდგომარეობა არ იყო მყარი და საიმედო, რადგან მის პირად თავისუფლებას მუდმივად საფრთხე ემუქრებოდა¹⁸. მაგრამ არ იქნება სწორი საერთოდ გამოვრიცხოთ განთავისუფლებულ გლეხთა მიერ თავისუფლების შენარჩუნების შესაძლებლობა. ამ მხრივ, ჩვენი შეხედულებით, გადაჭარბებული უნდა იყოს ო. სოსელიას აზრი, რომ „აზატობას და თავდახსნას აღებული ხანის (ე. ი. XVI—XIX ს. 20-იანი წლები — ი. ა.) დასავლეთ საქართველოში ეკონომიური საფუძველი არ ჰქონდა (და რომ) ის უმეტეს შემთხვევაში, მხოლოდ დროებითი იყო“¹⁹. ვფიქრობთ, ამის ასე კატეგორიულად თქმა, თვით დასავლეთ საქართველოს მიმართაც კი, არ შეიძლება. მიუხედავად ერთობ არახელსაყრელი პირობებისა, ბატონყმური ურთიერთობიდან განთავისუფლებულ გლეხთა ერთი, საკმაოდ დიდი ნაწილი მაინც ახერხებდა მოპოვებული თავისუფლების შენარჩუნებას²⁰. მით უმეტეს ახერხებდა ამას მიწით

¹⁷ აქვე უნდა შევნიშნოთ, რომ ჩვენ ვერც დაკარგვა-განადგურებას გადარჩენილი სიგელები აღვრიცხეთ სრულად. ნამდვილად შეიძლება ითქვას, რომ მათი ნაწილი ჩვენი ყურადღების გარეშე დარჩა.

¹⁸ ო. ს. ო. ს. ე. ლ. ი. ა., აზატ გლეხთა კატეგორია დასავლეთ საქართველოში (XIX ს. 20-იანი წლებამდე). მსკი, ნაკვ. 33, გვ. 195; მ. დ. უ. მ. ბ. ა. ძ. ე., თავისუფალ გლეხთა ფენის საკითხისათვის XVIII საუკუნის საქართველოში, კხის, გვ. 389.

¹⁹ ო. ს. ო. ს. ე. ლ. ი. ა., აზატ-გლეხთა კატეგორია, გვ. 195.

²⁰ ადრე ასეთი აზრი გამოთქვა მ. დუმბაძემ. ჭერ კიდეც 1966 წელს იგი სამართლიანად წერდა, რომ დაყმავების არასახარბილო ბედს იზიარებდა „უმიწოდ თავდახსნილ-გააზატებულ გლეხთა მხოლოდ ერთი ნაწილი“, ხოლო მეორე „ახერხებდა პირადი თავისუფლებისა და მოიჯარობის თუ „ნომინალური ყმობის“ შენარჩუნებას (მ. დ. უ. მ. ბ. ა. ძ. ე., თავისუფალ გლეხთა ფენის საკითხისათვის, კხის, გვ. 389—399); ე. გ. უ. ჯ. ა. ს. აზრით, თავდახსნილ გლეხთა ნაწილი თავისუფლებას ხიზნის მდგო-

განთავისუფლებული გლეხი, რომლის არსებობა იმდროინდელ საქართველოში დადასტურებულია სამეცნიერო ლიტერატურაში²¹.

ჩვენი მასალებიდანაც ნათლად ჩანს, რომ თავდახსნილ-გააზა-ტებული გლეხის მომავალი ცხოვრება არც ისე უპერსპექტივო იყო, როგორც ეს აქამდე ეგონათ. საკმარისია ითქვას, რომ სრული განთავისუფლების იმ 450 შემთხვევაზე, რომელთაც, ჩვენი აღრიცხვით, XVIII საუკუნეში ჰქონდა ადგილი, დაყმავების 125 შემთხვევა მოდიოდა²², რაც განთავისუფლებულთა საერთო რაოდენობის 27,7%-ს შეადგენს. თუ ამ დასკვნას გავავრცელებთ იმ 450 კომლზედაც, რომლებმაც ჩვენი დაშვებით, ასევე დაიხსნეს თავი ბატონყმობისაგან (თუმცა ამის დამადასტურებელი საბუთები, ვიპოვებთ ისევე, დაკარგულ-განადგურებული ან დღემდე მიუკვლეველია), მაშინ გამოვა, რომ XVIII საუკუნეში თავდახსნის 900 შემთხვევაზე დაყმავების 250 შემთხვევა მოდიოდა; სხვანაირად რომ ვთქვათ, თავდახსნის პროცესი 3,5-ჯერ უფრო სწრაფად და ინტენსიურად მიმდინარეობდა, ვიდრე დაყმავების. ეს კი საკმაოდ დიდი პროცენტია და კარგად მეტყველებს ქვეყნის სოციალ-ეკონომიური-განვითარების ხასიათზე, ამ განვითარების მიმართულებაზე. იგი იმის მკაფიო მოწმობაა, რომ XVIII საუკუნეში, უპირატესად მის მეორე ნახევარში²³,

მარობაში გადასვლით ინარჩუნებდა. „თავდახსნილ გლეხთა ის ნაწილი, რომელიც პირად თავისუფლებას ინარჩუნებდა, მაგრამ საკუთარი, პარცელარული მიურნობის მოწყობას ვერ ახერხებდა, ხიზანთა კატეგორიას აესებდა“ (იხ. მ. ის ი „ხიზან გლეხთა ბუნებისა და წარმოშობის საკითხისათვის“, მსკი, ნაკვ. 34, 1962, გვ. 64).

²¹ მ. დ უ მ ბ ა ძ ე, თავისუფალ გლეხთა ფენის საკითხისათვის, კხის, გვ. 389—391.

²² ყმობაში შესულ გლეხთა რაოდენობა, როგორც ზემოთაც აღვნიშნეთ, 268 კომლს უდრიდა. მაგრამ მასალის გულდასმით შესწავლამ ცხადყო, რომ ამ რაოდენობიდან თავისუფლება მხოლოდ 125 კომლზე დაკარგა, დანარჩენები კი (143 კომლი), საბუთების თანახმად, ყმები იყვნენ და ყმებად დარჩნენ, მათ მხოლოდ ბატონი გამოიცვალეს ან მძავე ბატონს ყმობის უფრო დაბალ ფორმაზე შეუთანხმდნენ. „სხვა ილაქი არა მამაცა რამე. მიანც თქვენ გამსაბურებლით, ავლექ ჩემი თავი ნასყიდობით მოგართვი.“ (სმახი, საბ. 2558, ნ. ბ ე რ ძ ე ნ ი შ ე ი ლ ი, დსსი, ტ. I, გვ. 227).

²³ რომ ეს პროცესი უფრო ინტენსიურად სწორედ XVIII საუკუნის მეორე ნახევარში მიმდინარეობდა, დასტურდება შემდეგი მონაცემებით. იმ 550 თავდახსნილობათარხნობის შემთხვევიდან, რომელთაც ადგილი ჰქონდა XVIII საუკუნეში, მხოლოდ 68 ან საერთო რაოდენობით 12,5% მოდის ამ საუკუნის პირველ ნახევარზე, ხოლო 481 ან 87,5% — მის მეორე ნახევარზე. რაც შეეხება დაყმავების პროცესს, იქ რამდენადმე სხვაგვარი ვითარება იყო. ყმობის საბუთების 40,3% XVIII საუკუნის პირველი ნახევრითაა დათარიღებული, ხოლო 59,7% — მეორე ნახევრით.

მიმდინარეობდა ფეოდალურ-ბატონყმური ურთიერთობის სოციალური საფუძვლების მოშლის მეტ-ნაკლებად საგრძნობი პროცესი²⁴.

ზემოთქმული უფლებას გვაძლევს დავასკვნათ:

1. ქართველი გლეხი დიდი ხნის მანძილზე ოცნებობდა სრულ თავისუფლებაზე, ფეოდალურ-ბატონყმურ ურთიერთობიდან თავის დახსნაზე. ამის მიღწევის ყველაზე კანონიერ და მშვიდობიან გზას გამოსყიდვა წარმოადგენდა²⁵, მაგრამ ის სოფლის მშრომელი მოსახლეობის მხოლოდ მცირე პროცენტისთვის იყო ხელმისაწვდომი და მისი დიდი უმრავლესობა სხვა გზასა და საშუალებას მიმართავდა. მთავრობაში საჩივრების შეტანით, მოწმეთა დასახელებით, ხშირად არარსებული არგუმენტებისა და საექვო ფაქტების მომარჯვებით ცდილობდა იგი დაემტკიცებინა მეზატონეთა პრეტენზიების უსაფუძვლობა. იმავე მიზნის მიღწევას ფიქრობდა გლეხი ურჩობა-გაქცევითა და დაკისრებულ ვალდებულებათა სისტემატური შეუსრულებლობით. ამ მოვლენებსაც განსაკუთრებით მასობრივი ხასიათი სწორედ იმავე XVIII საუკუნის მეორე ნახევრიდან მიეცა.

2. თავისუფლების მოსაპოვებლად ყველაზე საიმედო გზას, ვიმეორებთ ისევ, გლეხის მიერ თავის დახსნა-გამოსყიდვა წარმოადგენდა. გვიანფეოდალური ხანის სამართალი და სამართებლივი აზროვნება, რომელიც თავისი არსით ფეოდალურ-ბატონყმური იყო, ერთგვარად ხელსაც კი უწყობდა ამ პროცესის გაშლა-გაფართოებას. ამით სარგებლობდა ქართველი გლეხი და ხშირად დიდი მსხვერპლის გაღებით აღწევდა კიდევ მიზანს. ჩვენს ხელთ არსებული მასალების თანახმად, XVIII საუკუნეში ბატონყმური ურთიერთობისაგან თავი დაუღწევია და სრული თავისუფლება მიუღია 450 კომლს. თუ დღემდე მიუკვლეველ მრავალ საბუთსაც გავითვალისწინებთ, ეს რაოდენობა სულ მცირე ორჯერ შიანც გადიდდება. 900 კომლი, რა თქმა უნდა, არ არის ძალიან ბევრი, მაგრამ თვით ფაქტი ფრიალ საყურადღებოა და სათანადო შეფასებას მოითხოვს.

3. თავდახსნილი გლეხობის ნაწილი თავისუფლებას ინარჩუნებდა, ნაწილი კი ჰკარგავდა. მათი ხვედრითი წონა, ჩვენი მიახლოებითი გამოანგარიშებით, შესაბამისად 72,8 და 27,2 პროცენტს უდრიდა, რაც საკმაოდ ღიღია და კარგად მეტყველებს ქვეყნის სო-

²⁴ ვ. გ. უ. ა. ხიზან გლეხთა ბუნებისა და წარმოშობის საკითხისათვის, მსკი, ნაკ. 34, 1962, გვ. 64.

²⁵ მეზატონე ზოგჯერ სხვადასხვა მიზეზით „უსასყიდლოდაც“ თავისუფლებდა გლეხს.

ციალ-ეკონომიური განვითარების ხასიათზე, მისი განვითარების მიმართულეობაზე. იგი იმის მკაფიო მოწმობაა, რომ XVIII საუკუნეში, უპირატესად მის მეორე ნახევარში, მიმდინარეობდა ფეოდალურ-ბატონყმური ურთიერთობის სოციალური საფუძვლების მოშლის მეტ-ნაკლებად სარგძნობი პროცესი²⁶.

²⁶ ეს დასკვნა ძალაში დარჩება იმ შემთხვევაშიც, თუკი თავისუფლება შენარჩუნებულ გლესთა ხვედრით წონას 50%-ით განესაზღვრავთ.

საბატონო ფულადი რენტა-გადასახადები XVIII
საუკუნისა და XIX საუკუნის დამდეგის
საქართველოში

ფულადი რენტა, როგორც ცნობილია, ფეოდალური რენტის უმაღლესი სახეობაა. იგი „გარდაქმნილი ფორმაა“ პროდუქტადი რენტისა. მისი გაჩენა და მეტ-ნაკლებად საგრძნობი მასშტაბით დამკვიდრება გულისხმობს ვაჭრობისა და მრეწველობის, სასაქონლო წარმოებისა და ფულადი ურთიერთობის განვითარებას¹. მაგრამ ფულადი რენტა, წარმოშობილი აღნიშნული მოვლენების შედეგად, თავის მხრივ ხელს უწყობს მათ შემდგომ დაწინაურებას, ქვეყნის ეკონომიურ პროგრესს, ძველი სისტემის დაშლას და ახალის გაბატონებას. პროდუქტადი რენტისგან განსხვავებით, რომლის დამკვიდრებას შრომითი რენტის მაგივრად თან არ ღდევს პრინციპული ხასიათის ცვლილებები ქვეყნის სამეურნეო ცხოვრებაში, ფულადი რენტა აქტიურად მოქმედებს სახელმწიფოს ეკონომიურ სტრუქტურაზე, წარმოების წესზე, იგი ინტენსიურად ცვლის ამ უკანასკნელის ხასიათს². ნათქვამიდან ცხადია, რომ რენტის ფორმების შესწავლას, კერძოდ ფულადი რენტის როლისა და ადგილის გამოკვლას, დიდი მნიშვნელობა აქვს საქართველოს სოციალურ-ეკონომიური განვითარების დონისა და ხასიათის გარკვევისათვის, ფეოდალური ურთიერთობის პერიოდიზაციის, მისი აღრინდელი, განვითარებული და გვიანდელი ხანის სწორად დადგენისათვის.

არ შეიძლება ითქვას, რომ აღნიშნული საკითხი საერთოდ ღარჩა სპეციალისტების ყურადღების გარეშე. მას არაერთი ჰკვლევარი შეეხო, ზოგმა მათგანმა წარმატებითაც იმუშავა, საინტერესო და ანგარიშგასაწევი მასალა წარმოადგინა, თუმცა სირთულის გამო,

¹ კ. მ ა რ ქ ს ი, კაპიტალი, ტ. III, ნაწილი მეორე, თბ., 1934 წ., გვ. 316.

² ი ქ ე ე.

პრობლემა საბოლოოდ ვერ გადაჭრა და მისი მრავალი საკითხი ღიად დატოვა. მაგრამ მთავარი ისაა, რომ ის, რაც შესწავლილი და დადგენილია, ხშირად სათანადოდ არ არის დასაბუთებული და, მაშასადამე დამაჯერებლობას მოკლებულია. ასეთია, მაგალითად, ს. ავალიანის განცხადება იმის შესახებ, რომ თითქოს რეფორმამდელი ხანის მთელი ამიერკავკასია ცხოვრობდა „ნატურალური მეურნეობის ტიპური ფორმების ფარგლებში“³. აქედან გამომდინარე გადაჭარბებულია მისი დასკვნა ფულადი რენტის ძალზე მცირე როლის შესახებ XVIII—XIX საუკუნეების ქართველი გლეხის საგადასახადო სისტემაში⁴.

1912 წელს ფეოდალური ხანის საქართველოს საგლეხო გადასახადების შესახებ სპეციალური ნარკვევი გამოაქვეყნა ს. კაკაბაძემ. ნაშრომში ავტორმა სათანადო მასალების მოტანით დაადასტურა რა პროლუქტადი და შრომითი რენტის არსებობა, კერძოდ კი პირველი მათგანის უპირატესობა შუა საუკუნეების მიწურულის საქართველოში (ასეთად XV საუკუნეს თვლის), აღნიშნა, რომ ჩვენი ქვეყნის იმ რაიონებში, რომლებიც ეკონომიურად უფრო დაწინაურებული იყო, სოფლის მშრომელი მოსახლეობა ფულადი გადასახადებითაც იბეგრებოდა⁵. საილუსტრაციოდ იმერეთი დაასახელა და მიუთითა, რომ იქ გლეხები ყოველწლიურად, სხვა გადასახადებთან ერთად, 11-დან 40-მდე თეთრს⁶ იხდიდნენ⁷. მაგრამ ს. კაკაბაძის ნაშრომი, როგორც უკვე ვთქვით, უფრო აღრეულ ხანას ეხება, ვიდრე ჩვენ გვაინტერესებს. ავტორი არაფერს ამბობს იმის შესახებ, თუ რა ადგილი ეჭირა ფულად რენტას მაშინდელი საქართველოს სოციალ-ეკონომიურ ცხოვრებაში, როგორი ხასიათი ჰქონდა რენტის ამ ფორმას —მუდმივი თუ შემთხვევითი. მართალია, ძალიან ძნელია ფულადი რენტის ხვედრითი წონის თუნდაც მიახლოებითი განსაზღვრა კი, მაგრამ, ჩვენი აზრით, სპეციალურად ამ საკითხისადმი მიძღვნილ ნარკვევში, საჭირო იყო ამ მიმართულებით გარკვეული მუშაობის ჩატარება.

³ С. А в а л и а н и, Крестьянский вопрос в Закавказье, т. I, Одесса, 1912, г., стр. 179.

⁴ «Повинности грузинскими крестьянами повсеместно отбывались натурой» — წერს ს. ავალიანი (იხ. მისი „Крестьянский вопрос“, т. I, 82).

⁵ С. Н. К а к а б а д з е, Черты феодального строя и крестьянские повинности в Грузии в конце средних веков. Тифлис, 1912, стр. 14.

⁶ თეთრი, ავტორის გაანგარიშებით, დაახლოებით 2 კაპიკს უდრიდა.

⁷ ს. კაკაბაძე, Черты..., გვ. 14.

ს. კაკაბაძეს არც მერე შეუწყვეტია კვლევა-ძიება რენტის ფორმების შესასწავლად. მაგალითად, 1930 წელს მან გამოაქვეყნა საინტერესო წერილი „Крестьянский вопрос и крестьянское движение в Восточной Грузии в XVIII веке“⁸, სადაც დაჰაჯერებლად, სათანადო ფაქტობრივი მასალის მოშველიებით ნაჩვენებია საგლეხო გადასახადების ზრდისა და ამის შედეგად (სხვა მომენტებთან ერთად) მწარმოებელი კლასის სოციალ-ეკონომიური მდგომარეობის გაუარესება. სამწუხაროდ, არც ამ კარგად შესრულებულ ნაშრომშია გაცემული პასუხი ჩვენთვის საინტერესო საკითხზე — არსებითად არაფერია ნათქვამი ფულადი რენტის როლისა და ადგილის შესახებ იმჟამინდელი საქართველოს საზოგადოებრივ ცხოვრებაში.

საკვლევ თემაზე საინტერესო დაკვირვება აქვს ჩატარებული დ. გვრიტიშვილს. 1955 წელს გამოვიდა მისი სადოქტორო დისერტაცია „ფეოდალური საქართველოს სოციალური ურთიერთობის ისტორიიდან“, რომელშიც მდიდარი მასალის გამოყენებით დაწვრილებითაა განხილული ქართლის სათავადოებში დაწესებული გადასახადები. ავტორმა შენიშნა და ხაზი გაუსვა ფულადი გადასახადების ზრდის ფაქტს გვიანფეოდალური ხანის, უფრო ზუსტად XVIII ს. და XIX საუკუნის რეფორმამდელი ხანის საქართველოში. „აღებული პერიოდისათვის (ე. ი. მე-17 საუკუნისათვის — ი. ა.), — წერს განსვენებული ისტორიკოსი, — ძირითადი არის ნატურალური რენტა, თუმცა შრომითი რენტაც საკმაოდ ძლიერი ჩანს. რაც შეეხება ფულად რენტას, ეს უფრო შესამჩნევია ხდება მეტწილად მე-17 საუკუნიდან“⁹ (ხაზგასმა დ. გვრიტიშვილისაა — ი. ა.).

1955 წელსვე დაისტამბა ნ. ქანთარიას საკანდიდატო დისერტაციის ავტორეფერატი სათაურით „Хозяйство грузинского помещика в XVIII веке“, რომელშიც მოცემულია რენტის ცალკეული ფორმების როლისა და ადგილის განსაზღვრის ცდა. «Таким образом, — ასკვნის ავტორი, — крестьянские подати в Грузии XVIII века носили, в основном, натуральный характер, но в то же время

⁸ დაბეჭდილია კრებულში «История классово́й борьбы в Закавказье», Тифлис, 1930, стр. 153—194.

⁹ დ. გვრიტიშვილი, ფეოდალური საქართველოს სოციალური ურთიერთობის ისტორიიდან, თბილისი, 1955, გვ. 220. ხაზგასმა, თუკი მისი ავტორი საგანგებოდ არაა მითითებული, გვეკუთვნის ჩვენ.

კრესტყაინი ოტბყვალ ვ იზყვსთი სტყენი დენყზნიე პოვინნოსთი» (იხ. დასახ. ავტორეფერატი, ობ., 1955, გვ. 15).

ძნელია დაბეჯითებით თქვას კაცმა, თუ რა აზრია ჩაქსოვილი თითქმის ყველა შემთხვევაში გამოსადეგ სიტყვებში „в известной степени“, მაგრამ ავტორის მსჯელობიდან ჩანს, რომ მასში ფულადი რენტის საკმაოდ განვითარებული, ანგარიშგასაწევი დონეა და მასშტაბი იგულისხმება.

1957 წელს რენტის პრობლემას დაწვრილებით შეეხო ა. ფანცხავა თავის მონოგრაფიაში „К вопросу о развитии аграрных отношений в дореформенной Восточной Грузии“. ავტორის დაკვირვებით, რეფორმამდელი ხანის აღმოსავლეთ საქართველოში რენტის გაბატონებულ ფორმას პროდუქტადი რენტა წარმოადგენდა. ესემა რა, გასული საუკუნის დასაწყისის ვითარებას, ა. ფანცხავა წერს: «Из анализа материалов, относящихся к первому десятилетию XIX века, приходим... к выводам (что) преобладающей формой ренты была еще продуктовая рента. По приблизительным подсчетам... натуральный оброк (хлеб, вино, скот, воск и ладан и др.) составляли свыше половины всех повинностей. Самостоятельно повинности в виде работы и денег встречались сравнительно реже»¹⁰.

მართალია, ა. ფანცხავას წიგნის ქრონოლოგიურ ფარგლებში XVIII საუკუნე არ იგულისხმება, მაგრამ მოტანილი ადგილიდან და საერთოდ ავტორის მსჯელობიდან ჩანს, რომ პროდუქტად რენტას თელის იგი წამყვანად არა მარტო XIX საუკუნის რეფორმამდელ ხანაში, არამედ ჩვენთვის საინტერესო XVIII საუკუნეშიც. იგივე აზრია განმეორებული მის მეორე, უფრო მოგვიანებით გამოსულ, ნაშრომში „Счерки аграрной истории феодальной Картли-Кახети конца XVIII века“. ამ გამოკვლევაში, რომელიც დროის მიხედვით ზუსტად ჩვენი თემის ქრონოლოგიურ ჩარჩოებს ემთხვევა, პირდაპირაა მითითებული, რომ იმჟამინდელ აღმოსავლეთ საქართველოში, მართალია, სახეზე იყო რენტის სამივე ფორმა, მაგრამ წამყვანი და განმსაზღვრელი იყო პროდუქტადი რენტა¹¹. ავტორს, სამწუხაროდ,

¹⁰ А. Я. П а н ц х а в а, К вопросу о развитии аграрных отношений в дореформенной Восточной Грузии», М., 1957, стр. 218. შტრ. გვ. 272. 274; იხ. აგრეთვე, მ ი ს ი, Очерки аграрной истории Грузии первой половины XIX века, Тбилиси 1973,

¹¹ მ ი ს ი ვ ე, «Очерки аграрной истории феодальной Картли — Кахети конца XVIII века, Тбилиси, 1965, გვ. 129, 143.

არ მოაქვს ამ დებულების დამადასტურებელი სათანადო კონკრეტული მასალა, მაგრამ მისი მსჯელობა მაინც დამაჯერებლად გამოიყურება. დასაწინაა, რომ ავტორი სრულიად არ ეცადა მიახლოებით მაინც განესაზღვრა ფულადი საგლეხო გადასახადების, კერძოდ ფულადი რენტის როლი და ადგილი XVIII საუკუნის საქართველოს სოციალ-ეკონომიურ ცხოვრებაში.

1959 წელს ჩვენთვის საინტერესო საკითხს შეეხო მ. როჟკოვა. იგი რეფორმამდელი ხანის საქართველოში (ცხადია, XVIII საუკუნესაც გულისხმობს) რენტის წამყვან ფორმად, საცხებით სამართლიანად, მის პროდუქტად სახეობას თვლის, მაგრამ არც ფულადი რენტის არსებობას გამორიცხავს. მიუთითებს, რომ სწორედ XIX საუკუნის პირველ ნახევარში „მიმდინარეობდა ფულად რენტაზე გადასვლის პროცესი, რაც ნატურალური მეურნეობის დაშლის წინამძღვარს წარმოადგენდა“¹². ავტორის დასკვნა, რა თქმა უნდა, სამართლიანია, მაგრამ ამის დასადასტურებლად არც ერთი მაგალითი არ არის მოტანილი. სამწუხაროდ, მ. როჟკოვა არც იმაზე მიუთითებს, თუ რა დროიდან დაიწყო ქართველი გლეხის გადასახადების კომპუტაცია, როდის და რა მასშტაბით მიმდინარეობდა იგი.

1959 წელსვე გამოვიდა მ. ღუმბაძის მონოგრაფია „დასავლეთ საქართველო XIX საუკუნის პირველ ნახევარში“. ავტორი, როგორც მოსალოდნელი იყო, არ იკვლევს XVIII საუკუნის ვითარებას, მაგრამ მომდევნო საუკუნის დასაწყისის იმერეთის შესახებ პირდაპირ წერს, რომ იქ დომინირებდა პროდუქტადი რენტა და ფულად რენტას სულ უმნიშვნელო ადგილი ეჭირა. ამ უკანასკნელის ხვედრითი წონა, მისი აზრით, მხოლოდ 4%-მდე აღწევდა¹³. სამწუხაროდ, ნაშრომიდან ნათლად არ ჩანს, რაზეა ავტორის ეს ვარაუდი დამყარებული, და ამიტომ ძნელია გადაჭრით რაიმეს თქმა, ვფიქრობთ, ფულადი რენტის როლი შემცირებულადაა წარმოდგენილი.

განსახილველ პრობლემასთან დაკავშირებით, ყურადღებას იმსახურებს ედ. ხოშტარიას საქმის ცოდნით დაწერილი გამოკვლევა „გლეხობის სოციალური მდგომარეობის საკითხისათვის XVII—

¹² М. К. Рожкова, Сельское хозяйство и положение крестьянства, в книге «Очерки экономической истории России в первой половине XIX века», М. 1959, гл. 56.

¹³ მ. ღუმბაძე, დასავლეთ საქართველო XIX საუკუნის პირველ ნახევარში, თბ., 1959, 139

XVIII საუკუნეების ქართლში¹⁴ (1960 წ.). ავტორი მეტ-ნაკლებად დაწვრილებით წერს სოფლის მშრომელი მოსახლეობის სახელმწიფო, საბატონო და საეკლესიო გადასახადებზე, ამ გადასახადების შრომით პროდუქტად და ფულად ფორმებზე, მაგრამ, საქწუხაროდ, თითქმის არაფერს ამბობს იმის შესახებ, თუ რა ადგილი ექირა თითოეულ მათგანს ქვეყნის სამეურნეო ცხოვრებაში. ნაშრომი არ იძლევა პასუხს კერძოდ იმაზე, თუ რა მასშტაბით იყო გავრცელებული საქართველოში ფულადი რენტა და ჰქონდა თუ არა მას საზოგადოებრივ პროგრესზე მუდმივად მოქმედი ფაქტორის მნიშვნელობა.

ჩვენთვის საინტერესო საკითხს შეეხო ფინანსისტ-ეკონომისტი ნ. ქოიავა თავის წიგნში „ფულის მიმოქცევა, კრედიტი და ფინანსები XVIII საუკუნის ქართლ-კახეთში“ (1963 წ.). ავტორი ასკვნის, რომ აღნიშნული პერიოდის აღმოსავლეთ საქართველოს გლახთა სახელმწიფო გადასახადებში აბსოლუტურად დომინირებდა ფულადი გადასახადები, ხოლო საბატონო გადასახადებში — პირიქით — მისი პროდუქტადი ფორმა¹⁵. ავტორი საგანგებოდ გახაზავს ამ უკანასკნელის განსაკუთრებულ როლს ქვეყნის ეკონომიურ ცხოვრებაში XVIII საუკუნის განმავლობაში, მაგრამ საჭიროდ თვლის აღნიშნოს, რომ „ფული ფართოდ იყო შეჭრილი“ განსახილველი ხანის საქართველოს საგადასახადო სისტემაში¹⁶.

არაერთგზის შეხებია რენტის საკითხს ივ. სურგულაძე. XVIII საუკუნის საქართველოში რენტის გაბატონებული ფორმის შესახებ მას განსხვავებული აზრი არა აქვს. სხვა მკვლევართა მსგავსად, მიაჩნია, რომ მაშინ ფეოდალური ექსპლოატაციის ძირითადი ფორმანატურალური გადასახადები იყო¹⁷. მან ფულადი რენტის როლის განსაზღვრაც სცადა და მისი ხვედრითი წონა XVIII საუკუნის აღ-

¹⁴ დაბეჭდილია საქართველოს მეცნიერებათა აკადემიის ივ. ჯავახიშვილის სახ. ისტორიის, არქეოლოგიისა და ეთნოგრაფიის ინსტიტუტის შრომებში, ტ. I, ნაკვ. II, თბ., 1960.

¹⁵ ნ. ქოიავა, ფულის მიმოქცევა, კრედიტი და ფინანსები XVIII საუკუნის ქართლ-კახეთში, თბ., 1963, გვ. 153.

„როგორც ჩანს, — წერს ნ. ქოიავა, — ფეოდალური პირობებში კომლის გადასახადებში ფულადი გადასახადები დაახლოებით 8-ჯერ მეტს შეადგენდა, ვიდრე ნატურალური გადასახადები“ (გვ. 153).

¹⁶ იქვე, გვ. 154, შტრ. გვ. 224.

¹⁷ ივ. სურგულაძე, ნარკვევები საქართველოს სახელმწიფოსა და სამართლის ისტორიიდან, თბ., 1963, გვ. 246, 259.

მოსავლეთ საქართველოში 7—8 პროცენტს გაუთანაბრა¹⁸. ეს აზრი მკვლევარმა 1963 წელს გამოთქვა. 1970 წელს კი მან პროდუქტად რენტას 80% დაუთმო, ხოლო შრომამიგებით და ფულად რენტას— 20 პროცენტი¹⁹. აქ, როგორც ვხედავთ, შრომამიგებითი და ფულადი რენტის ხვედრითი წონა ცალ-ცალკე არაა ნაჩვენები, მაგრამ საფიქრებელია, რომ ავტორი მეორეს წინანდებურად 7—8%-ით განსაზღვრავს, ხოლო პირველს — 12—13%-ით.

სპეციალური ნარკვევი მიუძღვნა რენტის საკითხს გ. აკოფაშვილმა. მან 1964 წელს გამოაქვეყნა წერილი სათაურით „ფულადი საბატონო გადასახადები XVIII საუკუნის დამლევისა და XIX საუკუნის დამლევის საქართველოში“. ამ წერილში, რომელიც მანუჩარ თუმანიშვილის მასალების მიხედვითაა შედგენილი, ავტორმა განსახილველ საკითხზე ასეთი დასკვნა გააკეთა: „ნატურალური გადასახადი კვლავ რენტის გაბატონებულ სახეს წარმოადგენს. ფულადი გადასახადი არსებითად შემთხვევითი სპორადული ხასიათის მატარებელია“²⁰. რომ XVIII საუკუნის მიწურულისა და XIX საუკუნის დამლევის საქართველოში პროდუქტადი რენტა წამყვანი და გაბატონებული იყო, ეს თავისთავად ცხადია და გ. აკოფაშვილიც სხვებთან ერთად ამაზე სამართლიანად მიუთითებს. მაგრამ იმ ღროს ფულადი რენტის შემთხვევით და სპორადულ მოვლენად გამოცხადება, ჩვენი აზრით, სინამდვილეს არ შეეფერება. ვფიქრობთ, ასეთი დასკვნის გაკეთების საშუალებას არც ის, შედარებით მცირე, უპირატესად მანუჩარ თუმანიშვილის მეურნეობასთან დაკავშირებული, მასალა იძლევა, რომლის საფუძველზეც დაწერილია გ. აკოფაშვილის ნარკვევი. მკვლევარის მიერ მოტანილი მასალიდან სრულიად არ ჩანს ფულადი გადასახადების შემთხვევითობა და სპორადულობა. პირიქით, დადასტურებულია ფულადი რენტის საკმაოდ მყარად არსებობისა და მისი თანდათანობითი განვითარების ფაქტი, პროდუქტადი გადასახადების

¹⁸ ივ. სურგულაძე, ნარკვევები საქართველოს სახელმწიფოსა და სამართლის ისტორიიდან, თბ., 1963, გვ. 234.

¹⁹ იხ. მისი წერილი „დასტურალმალი“ გამოცემაში „ქართული სამართლის ძეგლები“, თბ., 1970, გვ. 736.

²⁰ გ. აკოფაშვილი, ფულადი საბატონო გადასახადები XVIII საუკუნის დამლევისა და XIX საუკუნის დამლევის საქართველოში. იხ. საქართველოს მეცნიერებათა აკადემიის ივ. ჯავახიშვილის სახ. ისტორიის, არქეოლოგიისა და ეთნოგრაფიის ინსტიტუტის შრომები, VII, თბ., 1964, გვ. 103. (შემდეგში ამ წერილის დასახელებისას გვერდები მითითებული იქნება შრომების ამ კრებულის მიხედვით).

ფულადით შეცვლის ფაქტი. რა თქმა უნდა, დიდი მნიშვნელობა აქვს იმის დადგენას, თუ რა ხვედრითი წონა ჰქონდა ფულად რენტას, მაგრამ არც იმის განსაზღვრაა მნიშვნელობას მოკლებული, რომ განვითარების პროცესი და ტენდენცია სწორედ რენტის ამ ფორმის სასარგებლოდ მიმდინარეობდა.

გ. აკოფაშვილმა რენტის ფორმების საკითხი განიხილა თავის მეორე ნაშრომშიც—„გლეხობის ეკონომიური მდგომარეობა XVIII ს. მეორე ნახევარსა და XIX ს. პირველი ნახევრის აღმ. საქართველოში“, რომელიც გამოქვეყნდა კრებულში „ნარკვევები ფეოდალური ხანის საქართველოს გლეხობის ისტორიიდან“²¹. ავტორი აქ პრინციპულად იმეორებს ადრე გამოთქმულ მოსაზრებას ფულადი რენტის უმნიშვნელო ადგილის შესახებ XVIII საუკუნის სოციალ-ეკონომიურ ცხოვრებაში, თუმცა ამჯერად უფრო მორიდებულად. ყოველ შემთხვევაში ამ წერილში უკვე არ არის ლაპარაკი ფულადი რენტის შემთხვევითობა და სპორადულ ხასიათზე. მკვლევარი ამ გამოთქმებს ცვლის ფორმულირებებით, რომლებიც თავისთავად კამათს არ იწვევენ და ყველა შემთხვევაში სწორია. მაგალითად, „ფულადი გამოსაღები შედარებით მცირე მნიშვნელობისა იყო, მაგრამ, ამასთანავე, უნდა აღინიშნოს ისიც, რომ წინაპერიოდთან შედარებით ფულადი გადასახადების მნიშვნელობა და ადგილი XVIII ს. მეორე ნახევრიდან რამდენადმე ფართოვდება“²². იგივე ითქმის დასახელებული წერილის მეორე ადგილის შესახებაც, სადაც ნათქვამია: „საერთო ჯამში ფულად გადასახადებს საგლეხო ბეგარა-ვალდებულებებს შორის XVIII საუკუნის მეორე ნახევარსა და XIX ს. დამდეგსაც ჯერ კიდევ მეორეხარისხოვანი, შედარებით უმნიშვნელო ადგილი უკავიათ“²³.

რა თქმა უნდა, არავის მოუვა აზრად ექვსი ქვეშ დააყენოს, გ. აკოფაშვილის განცხადება ფულადი რენტის მეორეხარისხოვანი და შედარებით მცირე როლის შესახებ განსახილველი ხანის საქართველოში, მაგრამ ეს იმას როდი ნიშნავს, რომ საგლეხო გადასახადების ეს ფორმა შემთხვევითი და სპორადული ხასიათის მატარებელი იყო.

²¹ ამ კრებულში (შემდეგში მას მოკლედ ასე მოვიხსენიებთ — ნფსგი), რომელიც 1967 წელს გამოქვეყნდა, შესულია დ. მეგრელიძის, მ. ლორთქიფანიძის, გ. აკოფაშვილისა და ო. სოსელიას წერილები.

²² ნფსგი, ნაწ. I, თბ., 1967, გვ. 143.

²³ ნფსგი, გვ. 147.

რენტის ფორმების, კერძოდ კი ფულადი რენტის შესწავლას დიდი ყურადღება დაუთმო ო. სოსელიამ. ამ მხრივ განსაკუთრებით გამოირჩევა მისი მონოგრაფია „ფეოდალური ხანის დასავლეთ საქართველოს ისტორიიდან“ (1966 წ.). ავტორი სამართლიანად წერს, რომ „დასავლეთ საქართველოს სათავადოებში, მათი არსებობის მთელი ხანის განმავლობაში (ამაში შედის XIX ს. პირველი ნახევარიც — ი. ა.) პროდუქტებით ვალდებულება წარმოადგენს ფეოდალური რენტის ძირითად, გაბატონებულ ფორმას“²⁴. ო. სოსელიას ეს დასკვნა, რა თქმა უნდა, სწორია, მაგრამ ამას ვერ ვიტყვიტ მის მსჯელობაზე ფულადი რენტის შესახებ. ამ უკანასკნელის ხვედრითი წონა მასაც, მ. ღუმბაძის მსგავსად, დაახლოებით 4%-ით აქვს განსაზღვრული. „ყველაფერი ის, წერს იგი, რაც ითქვა ფულადი გამოსაღების შესახებ დასავლეთ საქართველოში, გვაძლევს საფუძველს, ვიფიქროთ, რომ სწორია მ. ღუმბაძე, როცა აღნიშნავს: „XIX ს. დამდეგს იმერეთის ცალკეული კომლების ვალდებულებათა შესახებ ცნობების მიხედვით ფულადი რენტა მიწის ფეოდალური რენტის საერთო მოცულობიდან დაახლოებით 4%-მდე აღწევდა“²⁵. ო. სოსელიას ეს დასკვნა ჩვენთვის, ცოტა არ იყოს, მოულოდნელია. ვფიქრობთ, არც მონოგრაფიაში მოტანილი მასალა²⁶ იძლევა იმის საფუძველს, რომ ფულადი რენტის ხვედრითი წონა იმერეთში ასე შემცირებულად წარმოვიდგინოთ.

ამ მოკლე ისტორიოგრაფიული მიმოხილვიდან (მას სისრულის პრეტენზია არა აქვს) ჩანს, რომ მხოლოდ მკვლევართა მცირე ნაწილმა სცადა ფულადი რენტის როლისა და ადგილის მიახლოებითი განსაზღვრა, მათ შორის მ. ღუმბაძემ, ო. სოსელიამ და ივ. სურგულაძემ. პირველმა ორმა ხსენებული რენტის ხვედრითი წონა იმერეთში 4%-ს გაუთანაბრა, ხოლო უკანასკნელმა აღმოსავლეთ საქართველოს ტერიტორიულ ფარგლებში — 7—8 პროცენტს. სათანადო მასალების უქონლობის გამო, რა თქმა უნდა, ძალიან ძნელია ფულადი რენტის ხვედრითი წონის სასურველი სიზუსტით დადგენა, მაგრამ ის მასალა, რომელიც ჩვენ ხელთ არის, საფუძველს გვაძ-

²⁴ ო. სოსელია, ფეოდალური ხანის დასავლეთ საქართველოს ისტორიიდან, თბ., 1966, გვ. 129; შტრ. მისი „დასავლეთ საქართველოს გლეხობის ეკონომიური მდგომარეობა XVI საუკუნიდან XIX საუკუნის პირველ ნახევარამდე“. წესგი, გვ. 215.

²⁵ ო. სოსელია, ფეოდალური ხანის დასავლეთ საქართველოს ისტორიიდან, თბ., 1966, გვ. 139—140; შტრ. წესგი, გვ. 225.

²⁶ იქვე, გვ. 135—140; წესგი, გვ. 221—225.

ლევს მ. დუმბაძის, ო. სოსელიას და ივ. სურგულაძის პროცენტული გამოანგარიშება რამდენადმე შემცირებულად მივიჩნით. ეს ითქმის როგორც XVIII საუკუნის მეორე ნახევარზე, ისე, განსაკუთრებით, XIX საუკუნის დამდეგზე, როდესაც მიმდინარეობდა პროღუქტადი გადასახადების ინტენსიური კომუტაცია.

2. საბატონო ფულადი რენტა-გადასახადების საკითხისათვის XVIII საუკუნის აღმოსავლეთ საქართველოში

რენტის ფორმების შესახებ XVIII საუკუნის აღმოსავლეთ საქართველოში (ქართლში) საყურადღებო ცნობებს შეიცავს „დასტურლამალი“. ეს ძეგლი, რომელიც შედგენილია 1707—1709 წლებში ქართლის მეფის ვახტანგ VI-ის დროს, როგორც ცნობილია, მოქმედებდა მთელი XVIII საუკუნის მანძილზე, ქართლ-კახეთის რუსეთთან შეერთებამდე¹. მართალია, ამ ძეგლს იურიდიული ძალა მხოლოდ ქართლის სამეფოში ჰქონდა,² მაგრამ არც კახეთის სამეფოში იყო გამორიცხული მასში მოცემული წესების მიხედვით საგადასახადო სისტემის მოწყობა, განსაკუთრებით 1762 წლიდან, როდესაც ორივე სამეფო ერთ პოლიტიკურ ორგანიზმად გაერთიანდა და მას სათავეში ერეკლე II ჩაუდგა³.

¹ ვახტანგის „დასტურლამალზე“. — წერს ივ. სურგულაძე, — ხშირად უთითებენ XVIII საუკუნის II ნახევარში, ერეკლეს შემდეგაც. იგი მოქმედებდა გიორგი XII-ის დროსაც. „დასტურლამალის“ მოქმედების დასასრულად ჩაითვლება ქართლ-კახეთის სამეფოს გაუქმება და მისი რუსეთთან შეერთება. ცნობილია, რომ რუსეთთან შეერთების შემდეგ ვახტანგის „სამართლის წიგნი“ ნაწილობრივ განაგრძობს მოქმედებას, მაგრამ „დასტურლამალი“ კი არა. ეს გასაგებიცაა: „დასტურლამალი“, ძირითადად, სასახლის განაწესსა და მეფის მამულების ვარიგებას წარმოადგენს. რუსეთთან შეერთების შემდეგ მეფის სასახლე გაუქმდა, სამეფო სოფლები რუსეთის მმართველობაში გადავიდა, ხოლო ქართველ მეფეთა მოხელეებმა თავიანთი სამოხელეო რწმუნებათა საბუთები ახალ ხელისუფალთ წარუდგინეს პენსიების მისაღებად. ამგვარად, „დასტურლამალის“ მოქმედება 1801 წელს შეწყდა“ („დასტურლამალი“, ივ. სურგულაძის შესავალი წერილი, გვ. 226).

² ცხადია, — წერს იგივე მკვლევარი, — ქართლის სამეფოსათვის შედგენილ „დასტურლამალს“ ქართლის მეფე ვერ მიაჩივებდა მოქმედების ძალას კახეთსა, იმერეთსა, სამეგრელოსა ან გურიაში“ („დასტურლამალი“, ივ. სურგულაძის შესავალი წერილი, გვ. 226).

³ „1762 წლიდან ქართლი და კახეთი გაერთიანებულა. „დასტურლამალი“ კი მარტო ქართლის სამეფოსათვის იყო ვათვალისწინებულა. ცნობილია ის გარემოებაც, რომ ვახტანგის „სამართლის წიგნი“ ქართლისათვის იყო შედგენილი, მაგრამ იგი მთელს საქართველოში მოქმედებდა“ („დასტურლამალი“, ივ. სურგულაძის შესავალი წერილი, გვ. 226).

„დასტურლამალი“ ისე, როგორც ბევრი სხვა ხასიათის წყარო, ადასტურებს XVIII საუკუნის დასაწყისის ქართლში შრომითი, პროდუქტადი და ფულადი გადასახადების არსებობას. ამ ფორმით იხდიდა სოფლის მშრომელი მოსახლეობა როგორც სახელმწიფო, სამოხელეო, ისე საბატონო გადასახადებს. ამ უკანასკნელზე მეტ-ნაკლებად სრულ წარმოდგენას გვაძლევს „დასტურლამალი“, მიუხედავად იმისა, რომ ის არ არის განაწესი კერძო მებატონეთა მეურნეობებისა და საგადასახადო სისტემის შესახებ. ასე ვამბობთ იმიტომ, რომ სამეფო „დასტურლამალი“ დაწვრილებითაა ლაპარაკი არამარტო იმ გადასახადებზე, რომლებსაც უხდიდა გლეხობა მეფეს, როგორც საჯარო ხელისუფლების წარმომადგენელს, არამედ როგორც კერძო მებატონეს, ფეოდალს, მიწა-მამულების მფლობელსა და მესაყუთრეს. იგივე, ოღონდ უფრო მეტი მასშტაბითა და საფუძვლიანობით, ითქმის „სადედოფლო დასტურლამალზე“, რადგანაც დედოფალი პირველ რიგში იყო მსხვილი ფეოდალი — მემამულე, დიდძალი ყმა-მამულების პატრონი, მათი უზენაესი განმკარგულებელი კერძო საყუთრების უფლებით. და რაკი მეფე — ფეოდალი და დედოფალი მწარმოებელი კლასის ექსპლოატაციის ფორმების მხრივ არსებითად, პრინციპულად არ განსხვავდებოდნენ კერძო მებატონეებისაგან, ამიტომ ბუნებრივია, ამ უკანასკნელთა სასარგებლოდ დაწესებული საგადასახადო სისტემის დასახასიათებლად პირველხარისხოვანი მნიშვნელობა ენიჭება „დასტურლამალის“ მონაცემებს.

„დასტურლამალის“ მიხედვით ქართლის მშრომელი მოსახლეობა მეფისა და დედოფლის, როგორც ფეოდალების სასარგებლოდ, შემდეგ ძირითად გადასახადებს იხდიდა: ღალას⁴, კულუხს⁵, საშობაოს⁶, სააღდგომოს⁷, სასვიანოს⁸, საყველიეროს⁹, გასამყრელოს¹⁰,

⁴ „დასტურლამალი“, გვ. გვ. 579, 592, 595, 596, 599, 601, 602, 605, 708, 709, 710, 711, 718.

⁵ იქვე, გვ. 579, 585, 592, 595, 710, 713, 715.

⁶ იქვე, გვ. 586, 590, 592, 593, 595, 599, 601, 605, 606, 708, 709, 711, 712, 715.

⁷ იქვე, გვ. 583, 586, 590, 592, 595, 599, 601, 602, 605, 606, 619, 708, 709, 710, 712, 715.

⁸ იქვე, გვ. 708, 709, 711, 713, 714, 715.

⁹ „დასტურლამალი“, გვ. 709, 710, 711 712.

¹⁰ იქვე, გვ. 587, 591, 593, 597, 699, 600, 611, 619, 620; 709, 710, 712, 713, 714, 715.

საქერივოს¹¹, საჩექმეს¹², თავის გასამტეხლოს¹³, საახალწლოს¹⁴, სამარხოს¹⁵, საწყალკურთხეოს¹⁶, სამასპინძლოს¹⁷, საბაზიეროს¹⁸ და მრავალ სხვა წერილმან გადასახადს¹⁹.

ამ პროდუქტადი და ფულადი გადასახადების გარდა „დასტურ-ლამალი“ ადასტურებს შრომითი რენტის საკმაოდ გავრცელების ფაქტსაც. ძეგლის მიხედვით, გლეხები ასრულებენ ბატონის მეურ-ნეობასა და ოჯახის მოვლა-შენახვასთან დაკავშირებულ ყოველგვარ სამუშაოს. დიდმელ სახასო (ე. ი. მეფის საკუთარი) გლეხების მო-ვალეობას შეადგენდა „ბატონის ზვრის მუშაობა“²⁰. „სამს დღეს ყარაიზედ ხვნა, მისი მომკა, შეტანა, გალევწვა“²¹, ბატონის აყრაზედ ურმის და ცხენის თხოვება“²². „ქვის ზიდვა“²³, „ბარგის ზიდ-ვა“²⁴ და სხვ. კავთისხევის 23 კომლი სახასო გლეხის შრომითი რენტა ძეგლში ასეა დასახელებული: „გუთაზხედ სამი დღე ხვნა და მისი სულ მომუშავება და პურის ქალაქს ჩამოტანა“²⁵, „ნათესის მორწყვა“²⁶. „ზიდვაზედ თითო ურემი კომლად“²⁷, „ზვრის მუშაო-

¹¹ „დასტურლამალი“, გვ. 583, 591, 593, 601, 614, 620, 709, 710, 711, 712, 713, 714.

¹² იქვე, გვ. 587, 590, 593, 611, 616, 619, 620, 712, 713.

¹³ იქვე, გვ. 587, 591, 599, 607, 611, 620, 709, 715.

¹⁴ იქვე, გვ. 600, 619, 714.

¹⁵ იქვე, გვ. 593, 714, 715.

¹⁶ იქვე, გვ. 713.

¹⁷ იქვე, გვ. 577, 587, 595, 599, 619, 645.

¹⁸ იქვე, გვ. 596.

¹⁹ მათ შესახებ იხ. Д. Пурцеладзе, газ. «Кавказ», № 86, 1864; С. А в а л и а н и, Крестьянск. вопрос, I, 64—51, განსაკუთრებით კი გვ. 74—81; С. Н. Какабадзе, Крестьянский вопрос и крестьянское движение в Восточной Грузии в XVIII веке, კრებულში „История классово́й борьбы в Закавказье“, Тифлис, 1930, გვ. 162—163; დ. გვრიტიშვილი, ფეოდალური საქართველოს სოციალური ურთიერთობის ისტორიიდან, გვ. 216—223; ივ. სურ-გულაძე, ნარკვევები საქართველოს სახელმწიფოსა და სამართლის ისტორიი-დან, თბ., 1963, გვ. 186—220.

²⁰ „დასტურლამალი“, გვ. 595.

²¹ იქვე.

²² იქვე.

²³ იქვე, 596.

²⁴ იქვე.

²⁵ იქვე, გვ. 598.

²⁶ იქვე.

²⁷ იქვე.

ბა²⁸, „სამ დღეს ლეწვა თვითო ხარით“²⁹, სამი დღე ბარვა³⁰ და სხვ.

მაგრამ ჩვენი კვლევის მიზანია, ვიმეორებთ ისევ, არა შრომითი, პროდუქტადი და ფულადი საბატონო გადასახადების არსებობის ფაქტის დადგენა (ეს კარგა ხანია დადგენილია), არამედ უკანასკნელი მათგანის როლისა და ადგილის განსაზღვრა XVIII საუკუნისა (უპირატესად მისი მეორე ნახევრის) და XIX საუკუნის დამდეგის საქართველოს სოციალურ-ეკონომიურ ცხოვრებაში. „დასტურლამალის“ მიხედვით, დასახელებული არაშრომითი გადასახადებიდან: ღალა, კულუხი, საყველიერო, სამარხო, საბაზიერო, საწყალკურთხეო, სამასპინძლო—პროდუქტადი გადასახადებია; საშობაო, სააღდგომო, საახალწლო, როგორც წესი, იმავე ჯგუფის გადასახადებს განეკუთვნებიან, თუმცა გარკვეული გამოჩაქვითებით; საქვრივოს, თავის გასამტეხლოს და გასამყრელის მწარმოებელი კლასი ნატურითაც იხდიდა და ფულითაც, თანაც თითქოს თანაბარი მასშტაბით. სასვიანო, საჩექმე და მალი მხოლოდ ფულადი გადასახადები იყო.

როგორც ვხედავთ, საგლებო გამოსაღებების დიდი უმეტესობა, „დასტურლამალის“ მიხედვით, უპირატესად პროდუქტიული სახით გვევლინება, მაგრამ ძეგლი იმავე გადასახადების ფულადი ეკვივალენტით შეცვლის არაერთ შემთხვევასაც ასახელებს. ისეთი ყველაზე ტიპური პროდუქტადი გამოსაღებიც კი, როგორცაა ღალა, ზოგ შემთხვევაში ფულით იცვლებოდა. ეს ხდებოდა არა მარტო XVIII საუკუნის ბოლოსა და გასული საუკუნის დამდეგს, არამედ უფრო ადრეც. მაგალითად, ღალა „დასტურლამალში“, ვიმეორებთ ისევ, თითქმის ყველგან³¹ პროდუქტადი გადასახადია, მაგრამ ერთ შემთხვევაში ფულადი გადასახადებითაა შეცვლილი. ძეგლში პირდაპირაა მითითებული—„ღალის პური ჩარექხედ შაური ერთი“³² გადაიხადოს გლეხმაო. საშობაო და სააღდგომო ძღვენიც უპირატესად პროდუქტებით³³ მიჰქონდა გლეხს თავის ბატონთან, მაგრამ „დასტურლამალში“ მისი ფულადი ეკვივალენტით შეცვლის შემთხვევებიცაა დადასტურებული. „სააღდგომო აბაზი ერთი, საშო-

²⁸ „დასტურლამალი“, გვ. 598.

²⁹ იქვე.

³⁰ იქვე, 599.

³¹ იქვე, გვ. 579, 585, 595, 596, 599, 601, 602, 605, 708, 709, 710, 711, 718.

³² იქვე, გვ. 709

³³ იქვე, გვ. 708, 709, 710, 711, 712, 715.

ბაოც—ერთი“³⁴, ნათქვამია სადედოფლო „დასტურლამალში“. იმავე ძეგლის მეორე ადგილას კი აღნიშნულია: „სუფრაქს, ეშიკა-ლასს, ხოჯებს, მესტუმრეს — საშობაოდ აბაზი თვითოს, საად-დგომოთაც — აბაზი და ბისტი ხუთი“³⁵. იგივე ითქმის საა-ხალწლო გადასახადზეც. მას სოფლის მშრომელი მოსახლეობა სხვა-დასხვა პროდუქტით იხდიდა³⁶, მაგრამ ცალკეულ შემთხვევაში ფუ-ლითაც იცვლებოდა. გლახმაო, ნათქვამია „დასტურლამალში“, „სა-ახალწლო აბაზი“³⁷ გადაიხადოსო.

საქვრივოს გლახი, როგორც უკვე აღვნიშნეთ, ნატურითაც³⁸ იხ-დიდა და ფულითაც. „დასტურლამალის“ მიხედვით ძნელია იმის დადგენა, თუ რომელი ფორმა ღომინირებდა. ყოველ შემთხვევაში, ძეგლში არაერთხელაა დასახელებული საქვრივოს ფულით გადახ-დის შემთხვევა. „საქვრივოზედ — მარჩილი“³⁹ გლახმა მოურავს გა-დაუხადოსო, ნათქვამია ძეგლში. იქვე აღნიშნულია, რომ ქვრივის ცოლად წამყვანს მამასახლისისთვის „საქვრივო აბაზი“⁴⁰ უნდა მიერ-თმია. ივ. სურგულაძე მიუთითებს, რომ „XVIII ს. მეორე ნახევარ-ში და XIX საუკუნეში... ეს გადასახადი ფულად ხასიათს იღებს ჯა მისი რაოდენობა მერყეობს 5-დან 50 მანეთამდე“⁴¹. მკვლევარის ეს დაკვირვება სწორია, მაგრამ ერთი მცირე კორექტივით: საქვრივოს ფულით გადახდა, როგორც ეს „დასტურლამალის“ ზემოთ დასახე-ლებული და დაუხახელებელი ადგილებიდან ჩანს, უფრო ადრეც, ყოველ შემთხვევაში, XVIII საუკუნის დამდეგსაც ხდებოდა. მოგვი-ანებით, უფრო ზუსტად აღნიშნული საუკუნის მეორე ნახევრიდან და გასული საუკუნის რეფორმამდე ზანაში კი ფულადმა ფორმამ აბსოლუტურად გაბატონებული მდგომარეობა მოიპოვა.

თავის გასამტეხელო გადასახადსაც სოფლის მშრომელი მოსახ-ლეობა ორივე — ნატურალური⁴² და ფულადი — სახით იხდიდა.

³⁴ „დასტურლამალი“, გვ. 709, შდრ. გვ. 593, 619.

³⁵ იქვე, გვ. 711.

³⁶ იქვე, 620, 619.

³⁷ იქვე, გვ. 714.

³⁸ იქვე, გვ. 709, 710, 712, 713, 714; შდრ. გვ. 583, 591, 523, 601, 614.

³⁹ იქვე, გვ. 709.

⁴⁰ იქვე, გვ. 711 (ამ გვერდზე დასახელებულია საქვრივოს ფულადი გადასა-ხადის არაერთი შემთხვევა), შდრ. გვ. 614, 620, 712, 714 და სხვ.

⁴¹ ივ. სურგულაძე, შემთხვევებთან დაკავშირებული (ექსტრა-ორდინა-ლური) გადასახადები გვიანფეოდალურ საქართველოში, სმაიშ, ტ. VI, 1953.

⁴² „დასტურლამალი“, გვ. 587, 591, 599, 607, 619, 709, 715.

„დასტურლამალის“ მიხედვით ძნელია იმის ღადგენა, თუ რომელი ნათვანი იყო წამყვანი. ზოგადი შთაბეჭდილება კი რჩება ისეთი, რომ მაშინ ორივეს თანაბარი ძალა და გავრცელება ჰქონდა. ყოველ შემთხვევაში, თავის გასამტეხლოს ფულადი სახით გადახდის არაერთი შემთხვევაა „დასტურლამალში“ დასახელებული. „თავის გასამტეხლო ხუთი აბაზი“⁴³, „კბილის ჩაგდებიანებისათვის — ოცდაათი შაური“⁴⁴, ნათქვამია სამეფო „დასტურლამალში“. ამასვე ადასტურებს სადედოფლო „დასტურლამალი“. იქ ერთგან მითითებულია, რომ გლეხმა თავის გასამტეხლო ერთი მარჩილის რაოდენობით უნდა გადაიხადოსო⁴⁵, ხოლო მეორეგან ეს თანხა (ნაცელის სასადგებლოდ განკუთვნილი) ერთი აბაზითაა განსაზღვრული^{45ა}.

გასამყრელო-შესამყრელოც გლეხების საბატონო გამოსაღებები იყო, რომლებსაც უხდიდნენ ისინი თავიანთ მფლობელებს კომლების გაყრა-შეყრის შემთხვევაში^{45ბ}. იგი, ვიმეორებთ ისევ, შერეული ტიპის გადასახადი იყო, მწარმოებელი კლასი მას თავის ბატონს ნატურითაც უხდიდა და ფულითაც. ივ. სურგულაძე, არ განმარტავს, თუ რომელ მათგანს ჰქონდა მეტი გავრცელება^{45ვ}, გ. აკოფაშვილს კი მიაჩნია, რომ დასახელებული ორი ფორმიდან, ყოველ შემთხვევაში XVIII საუკუნის მეორე ნახევარში, ფულადი ფორმა დომინირებდა^{45ჟ}. დასტურლამაში, მართლაც, გასამყრელოს გადახდის ორივე სახეობაა დადასტურებული, მაგრამ თუ მხედველობაში მივიღებთ იმ გარემოებას, რომ ხსენებულ ძეგლში გასამყრელოს ფულადი სახე უფრო ხშირადაა დასახელებული^{45კ}, ვიდრე პროდუქტი^{45ლ}.

⁴³ „დასტურლამალი“ გვ. 611, შდრ. გვ. 616, 620 და სხვ.

⁴⁴ იქვე.

⁴⁵ იქვე, გვ. 713, რომ თავის გასამტეხლო ფეოდალური (საბატონო) გადასახადია. იხ. ე. ზომტარიას დასახ. ნაშრ., გვ. 95.

^{45ა} იქვე, გვ. 715.

^{45ბ} ედ. ზომტარია, დასახ. ნაშრ., გვ. 95; ივ. სურგულაძე, ნარკვევები საქართველოს სახელმწიფოსა და სამართლის ისტორიიდან, გვ. 211; გ. აკოფაშვილი, გლეხის ეკონომიური მდგომარეობა XVIII ს. მეორე ნახევარსა და XIX ს. პირველი ნახევრის აღმ. საქართველოში, ნუსგი, ნაწ. 1, გვ. 146.

^{45ვ} ივ. სურგულაძე, ნარკვევები საქართველოს სახელმწიფოსა და სამართლის ისტორიიდან, გვ. 211.

^{45ჟ} „XVIII ს. მეორე ნახევარში გასამყრელო, ჩვეულებრივ, ფულით აიღებოდა“ (გ. აკოფაშვილი, გლეხობის ეკონომიური მდგომარეობა..., ნუსგი, I, 146).

^{45კ} „დასტურლამალი“, გვ. 587, 588, 593, 597, 600, 611, 616, 620, 709, 711, 712, 714, 715.

^{45ლ} იქვე, გვ. 591, 593, 594, 599, 611, 619, 630, 714, 715.

მაშინ უფრო გავრცელებულად და მეტი მნიშვნელობის მქონედ თვით XVIII საუკუნის დამდეგსაც კი გასამყრელოს ფულადი ფორმა შეიძლება მივიჩნიოთ.

საბატონო გადასახადებს—სასვიანოს, საჩექმესა და მალს ყმური მოსახლეობა მხოლოდ ფულადი სახით იხდიდა. „სასვიანოს გლეხი იხდიდა ფეოდალის სასარგებლოდ, როცა ამ უკანასკნელს ქორწილი ჰქონდა“⁴⁶. მისი არსებობა სწორედ ფულადი სახით XVIII საუკუნის დამდეგს დადასტურებულია „დასტურლამალი“⁴⁷. „სასვიანო მარჩილი შეიდი“⁴⁷, „სასვიანო მარჩილი ხუთი“⁴⁸, ვკითხულობთ დასახელებულ ძეგლში. საჩექმეს იხდიდა ყმა გლეხი ქალიშვილის გათხოვების შემთხვევაში. გ. აკოფაშვილის აზრით, ამ გადასახადს ძირითადად პროდუქტადი ფორმა ჰქონდა და მხოლოდ XVIII საუკუნის მეორე ნახევრიდან უშვებს მისი ფულადი სახეობის არსებობას⁴⁹. სინამდვილეში კი საჩექმე მხოლოდ ფულადი გადასახადი იყო და თანაც არა მარტო XVIII საუკუნის 50-იანი წლებიდან, არამედ ადრეც. ყოველ შემთხვევაში „დასტურლამალი“ მთლიანად გამორიცხავს სხვაგვარი დასკვნის გაკეთების შესაძლებლობას. აქ საჩექმე დასახელებულია სულ 11-ჯერ, აქედან 10 შემთხვევაში⁵⁰— ფულად გადასახადად, ხოლო 1 შემთხვევაში გადასახადის ფორმა საერთოდ არაა მითითებული⁵¹.

მალის ფულადი გადასახადი იყო, რომელსაც იხდიდა ახალ-ცოლმოყვანილი გლეხი სახელმწიფოს (ხაზინის) სასარგებლოდ. მაგრამ, როგორც ეს არაერთგზის აღნიშნულა სამეცნიერო ლიტერატურაში, ზოგ შემთხვევაში მალის თვით კერძო მეზატონეთა გლეხებიც იბეგრებოდნენ. სწორედ ამის თქმა სურს დ. გერიტიშვილს, როდესაც წერს, რომ მალი უმთავრესად სახელმწიფო გამოსაღები

⁴⁶ ი. ს უ რ გ უ ლ ა ძ ე, ნარკვევები საქართველოს სახელმწიფოსა და სამართლის ისტორიიდან, გვ. 211.

⁴⁷ „დასტურლამალი“, გვ. 708.

⁴⁸ ი ქ ე ე, გვ. 710, 713, 714.

⁴⁹ „ქალიშვილის გათხოვების შემთხვევაში, — წერს იგი, — გლეხი უხდიდა ბატონს საჩექმეს. XVIII საუკუნის მეორე ნახევარში საჩექმე, საფიქრებელია, ფულადი სახისაც იყო ხოლმე“ (იხ. მისი გლეხობის ეკონომიური მდგომარეობა... ნუსგი, 1, გვ. 145).

⁵⁰ „დასტურლამალი“, იხ. გვ. 587, 590, 591, 593, 611, 619, 620, 712, 713.

⁵¹ ატენის მოსახლეობას სძეს „გასამყრელო, თავის გასამტეხლო, საჩექმე“ („დასტურლამალი“, გვ. 603).

იყო⁵². ედ. ხოშტარიასაც მიაჩნია, რომ მალი გლეხთა საბატონო ვალდებულებებშიც შედიოდა⁵³.

დასახელებულ მკვლევართა ეს მოსაზრება წყაროების ჩვენებას ემყარება. სადედოფლო „დასტურლამალში“, მაგალითად, მალი იკრიბება როგორც კერძო საფეოდალო გადასახადი. წინწყაროელთა „გარიგებაში“ ნათქვამია: „ცოლიანს მალი მინალთუნი და ორი შაური. აქედან ხუთი აბაზი ბატონს და უზალთუნი მემალეს“⁵⁴. ვფიქრობთ, ამ კონკრეტულ შემთხვევაში, „ბატონის“ ქვეშ იგულისხმება არა მეფე, არამედ დედოფალი — წინწყაროელ გლეხთა უშუალო პატრონი. იგივეა სავარაუდებელი მალის გადახდის იმ შემთხვევებში, რომელთა შესახებაც ლაპარაკია სოფლების შუა ბოლნისის⁵⁵, ოფრეთის⁵⁶ და ალის⁵⁷ „გარიგებაში“.

დიდი მოურავის ჩამომავლის, ბეჟანის, მისი ძმების დემეტრესა და ლუარსაბის და შვილის ოთარის მიერ ახალქალაქელ ტერ ასატურა ტერ მარქარაშვილისადმი 1700 წელს მიცემულ სითარხნის წიგნში ნათქვამია: „კურთხეული ბატონის მამის ჩვენისაგანაც გათარხნებული იყავით, ახლა ჩვენც ასე გაგათარხნეთ და გაგათავისუფლეთ, არაფერი საჩვენო სათხოვარი და გამოსაღები არ გეთხოვებოდეს რა — არა მალი, არა ულაყი..., გარდა ერთი ამის მეტი: ბატონის მამის ჩვენის და ბატონის დედის-ჩემის სასაფლაოზე და ყოველს ვნების კვირაში ნახევარ ლიტრას სანთელსა და ერთს სტილს საკმელს მიიტანდე და ჩვენს დეკანოზს მიაბარებდეთ“⁵⁸. ამ კონტექსტში მალი, ცხადია, საბატონო გადასახადია და არა სახელმწიფო, წინააღმდეგ შემთხვევაში სითარხნის წიგნის მიმცემს დიდი მოურავის შთამომავალს ბეჟანს, მის ძმებსა და შვილს უფლება არ ექნებოდათ ამოეკვეთათ იგი ხელქვეით გლეხთა ვალდებულებებიდან.

⁵² დ. გვრიტიშვილი, ფეოდალური საქართველოს სოციალური ურთიერთობის ისტორიიდან, გვ. 219.

⁵³ „უნდა აღინიშნოს (ისიც) — წერს იგი, — რომ გლეხის საბატონო „გამოსაღებში“, ზოგ შემთხვევაში ფულადი გადასახადიც შედიოდა — „მალი“ (ედ. ხოშტარია, დასახ. ნაშრ., გვ. 95).

⁵⁴ „დასტურლამალი“, გვ. 708.

⁵⁵ იქვე, გვ. 709.

⁵⁶ იქვე, გვ. 710.

⁵⁷ იქვე, გვ. 714.

⁵⁸ დსსი, 1, გვ. 108.

ჩვენ „დასტურლამალის“ მიხედვით მიმოვიხილეთ ძირითადი საბატონო გადასახადები და ვნახეთ, რომ ბევრი მათგანი, რომელიც დღემდე პროდუქტად გამოსაღებად იყო მიჩნეული, სინამდვილეში მხოლოდ ასეთი არ ყოფილა. თვით „სამასპინძლოც“ კი, რომლის პროდუქტად-ნატურალური ხასიათი თითქოს არავითარ ექვს არ იწვევს⁵⁹, ზოგ შემთხვევაში ფულად ფორმას ლეზულობდა. „დასტურლამალში“, მაგალითად, ერთგან პირდაპირაა მითითებული, რომ გლეხმა სამასპინძლოდ ერთი აბაზი ან აბაზის ღირებული პროდუქტი გაიღოსო⁶⁰. ამიტომ სწორია ივ. სურგულაძე, როდესაც წერს, რომ სამასპინძლოს ზოგჯერ „ფულადი ხასიათი ჰქონდაო“⁶¹. საერთოდ დასახელებულ ძეგლს აშკარად ეტყობა პროდუქტადი გადასახადების ფულადით შეცვლის ტენდენცია. უფრო მეტიც, მსგავსი ტენდენცია იგრძნობა თვით იმ ვალდებულებათა მიმართაც, რომელთა შესრულება, როგორც წესი, შრომამიგებით ხდებოდა. შულავერისა და თეთრი სოფლის გლეხთა გარიგებაში, მაგალითად, ნათქვამია: „ბატონი რომ აიყაროს, ათი ცხენი უნდა მოიყვანონ, ან მისი ქირა — შურავერელთა... სამი ცხენი — თეთრმა სოფელმა, ან მისი ქირა“⁶². ღურნუყელებს კი ბატონის აყრის შემთხვევაში ექვსი ცხენი უნდა გამოეყვანათ ან შესაბამისი ფულადი ეკვივალენტი გაეღოთ⁶³. იგივე ითქმის ღალის პურის შესახებაც, რომელიც ზოგჯერ ფულით იცვლებოდა⁶⁴.

როგორც ნათქვამიდან ჩანს, XVIII საუკუნის დასაწყისის აღმოსავლეთ საქართველოში (ქართლში), საბატონო გადასახადების მხოლოდ ერთი ნაწილი (კულუხი, საყველიერო, სამარხი, საბაზიერო, სამასპინძლო) იყო პროდუქტადი, მეორე ნაწილი (ღალა, საშობაო, სააღდგომო, საახალწლო) — ასევე პროდუქტადი, სათანადო გამოწაკლისებით (ე. ი. ზოგჯერ ფულითაც აიღებოდა), მესამე ნაწილი (საქვრივო, თავის გასამტეხლო, გასამყრელო) — შერეული სახისა, სადაც ნატურალურ და ფულად ფორმას, თითქოს, თანაბარი ძალა

⁵⁹ „დასტურლამალი“, გვ. 518, 526, 528, 578, 587, 595, 599, 619, 644, 645, 718.

⁶⁰ იქვე, გვ. 577.

⁶¹ „დასტურლამალი“, გვ. 821, შტრ. მისი „ნარკვევები საქართველოს სახელმწიფოსა და სამართლის ისტორიიდან“, გვ. 195.

⁶² „დასტურლამალი“, გვ. 581.

⁶³ იქვე, გვ. 593.

⁶⁴ იქვე, გვ. 709.

და გავრცელება ჰქონდა და, დასასრულ, მეოთხე ნაწილს (სასვიანო, საჩექვე და მალი)—მარტო ფულადი სახით იცნობენ წყაროები.

* * *

„დასტურლამალის“ მონაცემებს იდასტურებენ ჩვენამდე მოღწეული სიგელ-გუჯრებიც. ისინი ადასტურებენ არა მარტო ფულადი რენტის არსებობას XVIII საუკუნის დამდეგის საქართველოში, არამედ მისი შეუნელებელი განვითარების ფაქტს დასახელებული საუკუნის მთელს მანძილზე. სამწუხაროდ, ჩვენს ხელთ არ არის საკვლევ თემასთან დაკავშირებული საიმედო სტატისტიკური მასალა, რომელსაც, თუნდაც მიახლოებით, შეეძლოს საგადასახადო სისტემის მეტ-ნაკლებად ზუსტი სურათის შექმნა. ეს, რა თქმა უნდა, ძალიან ართულებს მკვლევარის მდგომარეობას, ზღვს უშლის მას აბსოლუტურად სანდო დასკვნები გააკეთოს, მაგრამ ასეთი ვითარება, ბუნებრივია, ოდნავდაც არ გამორიცხავს მათანადო მუშაობის ჩატარების საპირობება-შესაძლებლობას ამ მიმართულებით. ამის საშუალებას, ვიმეორებთ ისევ, იძლევა სხვადასხვა ხასიათის წყაროები და პირველ რიგში კი—სიგელ-გუჯრები. მასალა, რომელსაც ქვემოთ მოვიტანთ, ამტკიცებს სამეცნიერო ლიტერატურაში ადრე გამოთქმულ მოსაზრებას, რომ საქართველოშიც, ისე როგორც ბევრ სხვა ქვეყანაში, ფულადი რენტა, როგორც წესი, გვხვდება არა დამოუკიდებლად, არამედ რენტის სხვა ფორმებთან ერთად. ჩვენ ვამბობთ, როგორც წესი, იმიტომ, რომ წყაროები ზოგ შემთხვევაში ისეთ მაგალითებსაც ასახელებენ, როდესაც საბატონო გადასახადის გადახდა მხოლოდ ფულადი სახით ხდებოდა.

მოგვაქვს კონკრეტული მასალა ქრონოლოგიური თანმიმდევრობით.

1708 წლით დათარიღებული ერთი საბუთის თანახმად, იოანე ნათლისმცემლის მონასტრის გლეხები ბატონის სასარგებლოდ პროდუქტად რენტასთან ერთად იხდიდნენ ფულად გადასახადებსაც: კომლი — თითო აბაზს და, ამას გარდა, თავის გასამტეხლოს — ხარსა და ერთ მარჩილ ფულს⁶⁵. მანგლელი ეპისკოპოსის ყმების ვალდებულებათა საბუთში მითითებულია (1712 წ.), რომ ისინი ასრულებდნენ შრომით ბეგარას, იხდიდნენ გადასახადს ხორბლით, ქერით, ქათმით, კარაქით, აგრეთვე ფულით — 60 კაპიკის რაოდენობით⁶⁶. თარხნიშვილის ყმების გამოსავლის ერთ-ერთ ნუსხაში, რომე-

⁶⁵ ГЦГ, გვ. 80.

⁶⁶ ГЦГ, გვ. 10.

ლიც 6. ბერძენიშვილის მიერ 1741 — 1747 წლებითაა დათარიღებული, სულ 28 კაცია შეტანილი, აქედან: მარტო ფულადი გადასახადით დაბეგრილი ჩანს ორი კომლი, მარტო პროდუქტადით — 6 კომლი, ზოლო ფულადითა და პროდუქტადით — 21 კომლი⁶⁶, ე. ი. მათი ხვედრითი წონა შესაბამისად უდრია: 7,1%, 21,4% და 71,5%-ს. უნდა შევნიშნოთ, რომ ამ საბუთში ბევრგან, სადაც ფულადი და ნატურალური გადასახადი ერთადაა მოცემული, პირველს დიდი და მნიშვნელოვანი ადგილი უკავია. მაგალითად, ბატკუაშვილ ივანეს განაყოფს თარხნიშვილისათვის უნდა მიეცა ხუთი კოდი პური და ხუთი აბაზი ფული⁶⁷, ოთარ ქვლივიძეს—7 კოდი პური და 5 აბაზი ფული⁶⁸. ვინმე კოციაშვილს—4 კოდი პური და 5 აბაზი ფული⁶⁹ და ა. შ. თუ გავითვალისწინებთ იმ გარემოებას, რომ XVIII საუკუნის 30-იანი წლების ბოლოსა და ორმოციანის დამდეგს კოდი პური საშუალოდ 25 კაპიკი ღირდა⁷⁰, მაშინ გამოვა, რომ დასახელებული ყმების გადასახადებში ფულადი რენტის ხვედრითი წონა შესაბამისად უდრია: 44,4%, 36,3% და 50%-ს.

1739 წლის ერთ საბუთში, რომელიც ზემო ქართლის სოფლის ახალი სალიანის გლეხთა პურის გამოსაღების ნუსხას წარმოადგენს, აღნიშნულია, რომ გლეხებს პურის გარკვეული ნაწილი ფულადი სახით გადაუხდიათ. „ახალის სალიანისა ზემო ქართლიდამ გამოსულა პური და თე თ რ ი...“⁷¹, ასე იწყება დასახელებული საბუთი. ერეკლე II-ის ბოღბის წმინდა ნინოს მონასტრისადმი შეწირულების წიგნში (1758 წ.) ვკითხულობთ: „როგორც ქიზიყელს კაცს კახის ბატონისათვის უმსახურებია, აგრევე ⁷² ბოღბელის ყმამ ბოღბელს უნდა მსახუროს. საური წმინდის ნინოს შეწირული იყო ძველთანაგან და ჩვენც შეგვიწირაჲს კოდის პურის ულუფა, ბოღბელის ყმის ყურუმი — რიგის ძროხა, გასამყრელო, თავისგასამტეხლო ხა-

⁶⁶ დსსი, I, გვ. 301, 302.

⁶⁷ დსსი, I, გვ. 302.

⁶⁸ ი ქ ვ ე.

⁶⁹ ი ქ ვ ე.

⁷⁰ მსეი, I, გვ. 5.

⁷¹ სსცია, ფ. 1448, საბ. 1687. აქვე საჭიროდ მიგვაჩნია შევნიშნოთ შემდეგი: გლეხებმა რომ ფული გადაიხადეს, ეს მხოლოდ საბუთის დასაწყისიდან ჩანს და თვით გადამხდელთა და გადახდილის სახეობათა ჩამოთვლაში ის (ფული) დასახელებული არაა.

⁷² საბუთში წერია „აგრეთვე“, ალბათ, შეცდომით (ი. ა.).

რი და მარჩილი“⁷³. როგორც ამ კონტექსტიდან ჩანს, ბოდბელის ყმათა გამოსაღების ერთი ნაწილი ფულადი სახისა იყო. ასეთების რიცხვს ეკუთვნოდა საური, თავის გასამტეხლო, რომელიც, ტექსტის მიხედვით, ნაწილობრივ ფულადაც აიღებოდა და შესაძლებელია გასაყრდელაც, რომელსაც, როგორც ზემოთაც აღვნიშნეთ, მწარმოებელი კლასი ფულადაც იხდიდა და ნატურითაც.

გოგლიძე ნასყიდა, გააზატებული მისი ბატონის გიორგი თარხნის მიერ 1760 წელს, თავისუფლდება ყოველგვარი გადასახადისაგან. მხოლოდ წელიწადში ერთხელ აბაზს უხდის მღვდელს გამათავისუფლებლის მამის სულის მოსახსენებელი წირვისათვის⁷⁴.

ქალაქ თბილისის მცხოვრებ ბაღდასარა ყალუაშვილს, რომელსაც სოფელ კრწანისში ბაღ-ვენახები ჰქონია, სვეტიცხოვლის ბეგარად კულუხი სდებია. ყმის თხოვნითა და ერეკლე II-ის შუამდგომლობით, კათალიკოსმა ანტონ II-მ მას 1766 წელს კულუხი ამოუყვება და მის მაგივრად ოთხი ლიტრა სანთლის, ნახევარი ლიტრა საკმეველისა და ერთი აბაზი ფულის გადახდა დააკისრა⁷⁵.

ადრე ბატონყმობიდან თავდახსნილი გლეხი, ვინმე ბეყუაშვილი, 1773 წელს თავის „ნება-სურვილით“ ეყმო თბილისის სიონის ეკლესიას, რომელმაც იგი დაავალდებულა მიერთმია ეკლესიისათვის ყოველწლიურად თითო ჩარეკი სანთელი, ნახევარი ჩარეკი „ლადონი“, სააღდგომო ძღვენი და 6 აბაზი ვერცხლის ფული⁷⁶.

ჩვენს ხელთ არის 1781 წლის საბუთი — უცნობი პირის ყმების გამოსაღებთა ნუსხა⁷⁷, რომლის მიხედვითაც სოფლის მშრომელი მოსახლეობა გადასახადს იხდის პროდუქტადი და ფულადი რენტის სახით. ეს საბუთი იმითაცაა საყურადღებო, რომ მასში დადასტურებულია ადრინდელი პროდუქტადი რენტის (მისი შემადგენელი ზოგი ნაწილის) ფულადი რენტით შეცვლის ფაქტი.

საკმარისია ითქვას, რომ ნუსხაში შეტანილი 47 გადამხდელიდან საკლავის გადასახადი ფულადი სახით 31 კაცმა⁷⁸ ან საერთო რაოდენობის 66%—მა გაისტუმრა, ხოლო ნატურით—10 კაცმა⁷⁹ ან 21,3%—

⁷³ სსცია, ფ. 1448, საბ. 1405.

⁷⁴ დსსი, 11, გვ. 56.

⁷⁵ სმახი, ფ. Qd, საბ. 668. გ. ა კ ო ფ ა შ ე ი ლ ი, დასახ. ნაშრომი, გვ. 101.

⁷⁶ რაქ. გვ. 65.

⁷⁷ მსეი, III, 185—186.

⁷⁸ იქვე.

⁷⁹ იქვე, თუ რით ვადაიხადა გადასახადი დანარჩენმა ექვსმა კაცმა, არ ჩანს.

მა. აბრეშუმის კი ფულადი ეკვივალენტით 6 კაცმა⁸⁰, ან საერთო რაოდენობის 12,7%-მა გადაიხადა, ხოლო ნატურით—39 კაცმა⁸¹ ან 83%-მა.

განსახილველ საკითხთან დაკავშირებით საინტერესო ცნობებს შეიცავს ყმა-გლეხების — ბიჭიკაშვილების საჩივარი, მირთმეული ერეკლე მეორისადმი 1782 წელს. საჩივარი მიმართულია ხოვლელი მებატონის ზაალ ჭავჭავიშვილის წინააღმდეგ, რომელმაც, როგორც ჩანს, ძალიან დამძიმა ბიჭიკაშვილების საგადასახადო ტვირთი და ანგარიშის გასწორებაც ფულადი სახით მოითხოვა. „აქა-იქ, — მოახსენებდნენ ისინი მეფეს, — თუ მნობით, ორ თუ მნობით ვალი აუღია და ისიც ჩვენთვის შემოუპირებია და ჩვენც მიგვიცია... ახლა ბეცია თარხნიშვილისათვის ბარათი მიუცია, ამისი ხუთი თუმანი მართებს და თქვენ მიეცითო“⁸². ეტყობა, გადასახადის ფულით გასტუმრება უჩვეულო არ იყო ბიჭიკაშვილებისათვის, რადგან ისინი ილაშქრებენ არა გადასახადის ფულადი ფორმის წინააღმდეგ, არამედ საგადასახადო ტვირთის ზომაზე მეტად დამძიმების წინააღმდეგ.

1789 წ. მარლის ყმები (სამი კომლი) შესჩიოდნენ ერეკლე მეორეს; „სამი მინალთუნი საკლავის ფასად თქვენმა შვილებმა გამოგვართვეს, ახლა კი შემოგვიწერიათ ერთი ძროხა, ერთი ცხვარი (და) ქათამი“⁸³.

არაგვის ბარის სოფლის მოსახლეობის 1789 წლის ერთ ნუსხაშიც დადასტურებულია შერეული სახის — პროდუქტადი და ფულადი რენტის არსებობის ფაქტი. წამყვანი პირველი მათგანი ჩანს, მაგრამ ცალკეულ შემთხვევაში გადასახადის გადახდა ფულით ხდება. „ამირანის ყმების ორს კომლს გამორთმევია თეთრი“⁸⁴, „ამან ბატონი ჩაიყენა და ფასი მოართვა“⁸⁵. „აქავ დანიელაშვილს... ცხენის ქირა გამოერთვა“⁸⁶ — ნათქვამია იქ. ამაზე ორი წლით ადრე, ე. ი. 1787 წელს, ყმას, ვინმე ნინიას, თავის ბატონისათვის სამასპინძლო პური მიუცია, ხოლო კულუხის მაგივრად ფული გაუღია⁸⁷.

⁸⁰ იქვე.

⁸¹ ორ გადანხდელს არაფერი გაუღია, ეპატია.

⁸² სსცია, ფონდი 1448, საბ. 5398.

⁸³ იქვე, საბ. 447.

⁸⁴ იქვე, საბ. 3463.

⁸⁵ იქვე.

⁸⁶ იქვე.

⁸⁷ სსცია, საბ. 1603.

კათალიკოს ანტონ II-ის 1790 წლის განჩინებაში კალაურელების შესახებ ნათქვამია, რომ ისინი ვალდებული არიან გაიღონ კომლზე თითო კოდი პური, ორი ჩაფი ტკბილი, აიაზმის(?) სახდელად თითო შაური, ორი შაური საწირავისა და შაური პანაშვიდისა მღვდლის სასარგებლოდ⁸⁸.

„გადასახადის ნახევრის ფულადი გადახდის პირობა მისცა 1791 წ. თავის ბატონს წერაქველმა გლეხმა აკოფამ. „ესე წიგნი მოგე მე, — ნათქვამია საბუთში, — წერაქველმა თქვენმა ყმამ აკოფამ თქვენ, ჩემს ბატონს, გოსტაშაბისშვილს ერასტის... ასე რომ... გავღარიბდი და ბატონის ხარჯს ვეღარ გაუძღელ. მოველ და ასე მოგახსენე, რომ ჩემს ცოლ-შვილს წავეასხამ ქიზიყს და იქ ვიცხოვრებო და იქილამ გემსახურები თქვენო. როდესაც თქვენი ნება აღარ იქნება, ჩემი იქ ყოფნა, ოსევ ავიყარო... და თქვენთან მოვიდე. სანამდი იქ ვიყო, წელიწადში ერთი თუმანი მოგართონახევარი ვეჭი⁸⁹ და ნახევარი ნალდი⁹⁰.

ნაფარეულელი გლეხები შესჩიოდნენ რა ერეკლე მეორეს გადასახადის სიმძიმეზე, წერდნენ (1793 წ.): „ოთხი საპალნე ღვინო და რვა თუნგი არაყი (შემოგვაწერეს). ნახევარ კაცს ერთი ვაზი არ დაურგავს და კიდეც სამი ოქრო ნახევარი შემოუწერიათ“⁹¹.

წილქნელის სამწყსოს ტერიტორიაზე მცხოვრებ გლეხებს, საბუთის თანახმად, ფულიც და პურიც სდებიათ. „ანანურს ქვემოთ მემკვიდრეებს (!),—ვკითხულობთ 1797 წლის საბუთში, — აძესთ დრამა კომლზე, ერთი პინა პური და ერთი ლიტრა ქერი“⁹². ამას გარდა მათვე უნდა ეხდათ საწირავი ფული „ან ორი მინალთუნი, ან სამი, ან ოთხი“⁹³. დავით ბატონიშვილის 1797 წლის 22 თებერვლის წერილში ასისტავისადმი ნათქვამია, რომ ყმას, ვინმე მოსიას სამი-ოთხი წლის განმავლობაში თავი აურიდებია ბატონის, დათუა გოსტაშაბიშვილის სამსახურისათვის, რაც, ბატონიშვილის აზრით, დაუშვებელი იყო და ამიტომ მტკიცე მითითება მისცა ადრესატს ორი თუმანი გამოართვი ურჩ გლეხს და დათუას მიეციო⁹⁴.

⁸⁸ ქ ს ძ, III, გვ. 1003, საბ. 440.

⁸⁹ ვ ე წ ი — ავეჭი, ხაბაკ - ხუბაკი.

⁹⁰ ს ს, ტომი I, გვ. 160—161, საბ. 172; შდრ. დსსი, I, გვ. 160, საბ. 225.

⁹¹ ს ს ც ი ა, ფონდი 1448, საბ. 3029.

⁹² ს მ ა ხ ი, ფ. Qd, საბ. 1616.

⁹³ ი ქ ე ე.

⁹⁴ ს ს, ტომი I, გვ. 162—163, საბ. 177.

პროდუქტადი და ფულადი რენტის ერთდროული და პარალელური არსებობა დადასტურებულია დარეჯან დედოფლის მეურნეობაშიც. ჩვენს ხელთ არსებული საბუთი ამის შესახებ დათარიღებულია 1801 წლის აპრილით, მაგრამ გამოხატავს უფრო ადრეული ხანის, კერძოდ, XVIII საუკუნის მიწურულის ვითარებას. კახეთში, მის ორ სოფელში — გავაზსა და ქიკაანში, 150 კომლი გლეხი სახლებულა. ისინი ბატონს ყოველწლიურად აძლევდნენ 600 კოდ პურს, 30 საპალნე ღვინოს, 12 ლიტრა აბრეშუმსა და 60 მანეთ (6 თუმანს) ფულს⁹⁵. სოფ. კუჭატნის 50 კომლ გლეხს ევალეზობდა 200 კოდი პურისა და 2 თუმნის ფულად გაღება⁹⁶. სოფელ სანავარდოს გლეხთა (60 კომლი) ყოველწლიური გადასახადი იყო: 240 კოდი პური, 90 მანეთი (9 თუმანი) და 3 აბაზი ფული⁹⁷. პროდუქტად რენტასთან ერთად ფულად რენტას იხდიდნენ აგრეთვე დარეჯან დედოფლის ყმები, მცხოვრებნი ველისციხესა⁹⁸ და ზემო ხიდაშენში⁹⁹, ქალაქ თბილისსა¹⁰⁰ და ქოლაგირში¹⁰¹, ქოშაქლისსა¹⁰² და ჰასანხოჯალში¹⁰³. ზოგან ფულადი რენტის როლი დიდი იყო, ზოგან — ნაკლები, მაგრამ უმნიშვნელო არსად ყოფილა. მას მნიშვნელოვანი ადგილი ეჭირა არა მარტო თბილისში მცხოვრებ ყმათა გადასახადებში, არამედ სოფლის მშრომელი მოსახლეობის ვალდებულებებშიც. მაგალითად, საკმარისია ითქვას, რომ ფულადი რენტის ხვედრითი წონა სოფელ სანავარდოს გლეხთა გადასახადების საერთო მოცულობაში 33,3%-ს უდრიდა¹⁰⁴. სხვა სოფლებში

⁹⁵ ი ქ ვ ე, III, გვ. 295, საბ. 311.

⁹⁶ ი ქ ვ ე: „რადგან, — ნათქვამია საბუთში, — ახალ მონაშენი იყვნენ, არც კულუხი გამოგვირთმევია და არც აბრეშუმში“ (იქვე, გვ. 295).

⁹⁷ ი ქ ვ ე, გვ. 296. „ესენიც ახალ მოშენე ვენახების პატრონები იყვნენ და ამათთვის არც კულუხი გამოგვირთმევია და არც აბრეშუმში“ (იქვე).

⁹⁸ ი ქ ვ ე.

⁹⁹ ი ქ ვ ე, გვ. 296 — 297.

¹⁰⁰ ი ქ ვ ე, გვ. 298.

¹⁰¹ ი ქ ვ ე, გვ. 299.

¹⁰² ი ქ ვ ე, გვ. 300.

¹⁰³ ი ქ ვ ე.

¹⁰⁴ სოფელ სანავარდოს 60 კომლი გლეხი დარეჯან დედოფალს 240 კოდ პურსა და 480 აბაზს (ანუ 9 თუმანსა და 3 აბაზს) უხდიდა. ფულზე გადატანით 240 კოდი პური მოგვეყვამ 960 აბაზს (კოდი პურის საბაზრო ფასი მაშინ იყო 4 აბაზი). სულ მაშასადამე, ხსენებული სოფლის გლეხების გადასახადების საერთო ჯამი ფულზე გაანგარიშებით 1440 აბაზი იქნება. აქედან: 33,3% (480 აბაზი:—1440 აბაზზე)—ფულადი რენტა, ხოლო 66,7% (960 აბაზი: 1440 აბაზზე) პროდუქტადი რენტა იქნება.

ფულადი რენტა ასე გავრცელებული არ იყო, მაგრამ მას ყველგან, დარეჯან დედოფლის ყველა სოფელში, ქართლსა თუ კახეთში, ან-ვარიშგასაწევი ადგილი ეკავა.

კიდევ უფრო დიდია ფულადი რენტის როლი მირიან ბატონი-შვილის მეურნეობაში. ამ უკანასკნელში, როგორც ჩანს, პროდუქტად და შრომით რენტას იმდენად მცირე მნიშვნელობა ჰქონდა, რომ თითქმის არც იხსენიება. თითქმის მეტი, ვამბობთ, იმიტომ, რომ საბუთში მხოლოდ ერთგანაა ღალაზე ლაპარაკი და ისიც მისი გადახდის ფორმაზე მიუთითებლად. მაგრამ რაკი ღალა ჩვეულებრივ ნატურალურ გადასახადს წარმოადგენდა, ჩვენც ის ამ კონკრეტულ შემთხვევაშიც ასეთად ჩავთვალეთ. ეს საბუთი, რომელიც მთლიანად მოგვაქვს, 1802 წელსაა შედგენილი, მაგრამ ცხადია, უფრო ადრინდელ ვითარებას, კერძოდ, XVIII საუკუნის ბოლო წლებს გვიხატავს (ამის შესახებ თვით ტექსტშიცაა ნათქვამი). საბუთი—სიგელი დაწერილია მირიან ბატონიშვილის დედის, დარეჯან დედოფლის ბრძანებით, ეხება მირიანის ყმებს — ყაფანაქჩელებს (კახეთშია). „რადგან თქვენ ჩემის შვილის მირიანის ყმანი ხართ, ჩემი შვილი მირიან ახლა რომ... რუსეთის ხელმწიფის კარზედ წავიდა, იმ ყამად თავისი ყმა და მამული და აგრეთვე თქვენი ელი ჩვენ მოგვაბარა. თქვენ რომ ჩემის შვილს მირიანისავე ბრძანებით ქრონიკონს უბთ (1801 წ.), ენკენსთვის კ(20)—ამ თარიღის უწინ სამს წელიწადს ტალავერში მდგარხართ, იმ ალაგის ქირის საქმე თქვენთან გადაუწყვეტელი დარჩომილიყო; ჩემის შვილის მირიანის ოქმები ასე გიცხადებდათ, რომ მახტის გარდა სხვა არასფერი არა გეთხოვებათ რაო. ახლა ჩემს შვილს მირიანს წასვლის დროს მილახვარის იოსებ ყორღანოვისათვის ოქმი ებოძებინა თქვენზედ, ასე რომ რამდენსაც ხანს ტალავერში მდგომარიყვენეთ, იმ ალაგის ქირა წლისა და წლისა, რაც არღუთაშვილი გარიგებოდეს, თქვენც ისე უნდა მოსცეთ მილახვარსო. ახლა, რადგან იმ ალაგის საქმე ჩემს შვილს თავის ოქმებით¹⁰⁵ თქვენთვის არ გამოუცხადებია და გაურჩევლად იყო, ჩვენ ასე გავარჩევთ... წ ა რ ს უ ლ ი ს ს ა მ ი ს წ ლ ი ს ა ზ ე მ ო თ ა რ ი ღ ა მ დ ი ნ (ე. ი. 1797 წლიდან 1801 წლამდე—ი. ა.) წ ე ლ ი წ ა დ შ ი 22 თ უ მ ა ნ ი და 8 მ ი ლ ა ნ თ უ ნ ი რ ო მ ი ქ ნ ე ბ ა, ს ა მ ი წ ლ ი ს ა 68 თ უ მ ა ნ ი და 4 მ ი ნ ა ლ თ უ ნ ი. ა მ ი ს 45 თ უ მ ა ნ ი ზ ე მ ო თ ა რ ი ღ შ ი თ ქ ე ე ნ

¹⁰⁵ საბუთში წერია „ოქმებში“ (ი. ა.).

• მიგაცემინეთ მილახვრის იოსებისათვის თავის მამულის ალაგის ქირათ და დანარჩენი ჩვენი იქნება 23 თუმანი და 4 მინალთუნი. ეს თქვენის მახტიდამ მოგაცემინეთ. თქვენ რომ მახტა გაძევს წელიწადში 100 თუმანი, იმაში გიანგარიშეთ. იმ წარსულის სამის წლის ტალავერის ღალაც იქვენ გაპატიებთ და ამ ზემო თარიღის აქეთ რასდენსაც ხანს თქვენ ტალავერში იდგებით. იმ ალაგის ქირა წელიწადში 22 თუმანი და 8 მინალთუნი თქვენის ასის თუმნის მახტიდამ უნდა აძლიოთ მილახვარს იოსებს და ამის იქით რაც ტალავრის ღალა იქნება, უამზე ყოველთვის ჩვენ დავაწერინებთ და სამართლიანათ ჩემის შვილის მირიანისათვის ავადებინებთ. ესეც ასე გაგვიჩვეია: თქვენი წლის მახტა ასის თუმნიდან ტალავრის მამულის ქირა 22 თუმანი და 8 მინალთუნი რომ გამოვიდეთ, დარჩება თქვენი მახტის თეთრისა, რომ ჩემი შვილის მირიანისათვის აიღება, 77 თუმანი და 2 მინალთუნი¹⁰⁶.

ამ საბუთის მიხედვით, XVIII ს. ბოლოს, ვიმეორებთ ისევ, მირიან ბატონიშვილის ყაფანაქჩელი ყმების გადასახადების აბსოლუტური უმეტესობა სწორედ ფულად გადასახადებს წარმოადგენდა. ხოლო, თუ ტექსტში მოხსენებული ღალაც, რომლის გადაუხდელობა გლეხებს აპატიეს, ფულადი სახით სრულდებოდა, მაშინ აქ განხილული მეურნეობა შეიძლება იმ მეურნეობათა რიცხვს მივაკუთვნოთ, რომლებშიც საგლეხო გადასახადების სრული კომპლუტაცია უკვე განხორციელებული იყო. მაგრამ ჭერჭერობით ჩვენ მაინც თავს ვიკავებთ ასე შორს მიმავალი დასკვნის გაკეთებისაგან (რადგან საბუთში ღალის გადახდის ფორმა არაა კონკრეტულად მითითებული) და დავკმაყოფილდებით ხსენებულ ეკონომიაში ფულადი რენტის წამყვანი როლის აღნიშვნით.

¹⁰⁶ ს. ს., ტომი III, გვ. 287—288, საბ. 301.

ჩვენ დავასახელებთ ჩვენს განკარგულებაში მყოფი იმ მასალის მხოლოდ ნაწილი¹⁰⁷, რომელიც ადასტურებს პროდუქტადი და ფულადი რენტის ერთდროულ და პარალელურ არსებობას XVIII საუკუნის აღმოსავლეთ საქართველოს სინამდვილეში. ახლა კი განვიხილავთ საბუთებს, რომლებშიც გლახთა საბატონო გადასახადები მხოლოდ ფულადი სახითაა წარმოდგენილი. მართალია, ასეთი შემთხვევა არაა ძალიან ბევრი, მაგრამ მაინც ანგარიშგასაწევია ქვეყნის სოციალურ-ეკონომიური განვითარების დონისა და ხასიათის გარკვევა-დადგენისას.

ფულადი რენტა ძალიან გავრცელებული ჩანს განსახილველი ხანის ქსნის საერისთავოში. გ. აკოფაშვილმა გამოაველინა და სამეცნიერო ბრუნვაში შეიტანა ხსენებული საერისთავოს გლახთა გადასახადების რამდენიმე ნუსხა, რომელთა მიხედვით სოფლის მშრომელი მოსახლეობა მხოლოდ ფულადი რენტის გადამხდელი ჩანს. აღნიშნული ნუსხები გ. აკოფაშვილის მიერ სხვადასხვა ნიშნის მიხედვით XVIII საუკუნის ბოლო მეოთხედითაა დათარიღებული. ერთერთ ასეთ ნუსხაში შეტანილია 20 გადამხდელის გვარი^{107a}. ყველა ისინი მარტო ფულადი გადასახადებით არიან დაბეგრილი. აქედან ზოგს შეწერილი აქვს მეტი, ზოგს — ნაკლები. საერთოდ გადასახადის სიდიდე ორსა და თხუთმეტ აბაზს შორის მერყეობს. 15 აბაზს იხდიდნენ, მაგალითად, გოგინაშვილი მამუკა, კიკოსშვილი მახარებელა და ნიაური გიორგი¹⁰⁸. მათ შემდეგ მიდიოდნენ: გიგაური ბესო (11 აბაზი), ცუცუნა ბაშარული (10 აბაზი), იორამისშვილი გოგია, ნიაური ფოცხვერა (7 აბაზი)¹⁰⁹ და სხვ. დაბალი ნორმით, ე. ი. 2 აბაზით, დაბეგრილები იყვნენ ხუციშვილი პეტრე, გვრიტიშვილი იესე და ჩუტკარაშვილი ივანე¹¹⁰.

კიდევ უფრო საინტერესოა ქსნის საერისთავოს მეორე ნუსხა¹¹¹, რომელშიც 127 გადამხდელია დასახელებული. აქედან, როგორც

¹⁰⁷ მსგავსი საბუთები იხ. ს მ ა ხ ი, Qd—7127, 7189, 7190, 7198; Ad—1300, 1300, Sd—1248; Hd—3111, 4798; სსცა, ფონდი 1448, საბ. 1453, 4897, 5647, 9207, 9202; ქსძ, 111, გვ. 1034—1035; ΓΚΓ, გვ. 72; მსეი, III, გვ. 371—372.

^{107a} ს მ ა ხ ი, Qd საბ. 6971, გ. ა კ ო ფ ა შ ვ ი ლ ი, საბატონო ფულადი გადასახადები, გვ. 94.

¹⁰⁸ ი ქ ვ ე.

¹⁰⁹ ი ქ ვ ე.

¹¹⁰ ი ქ ვ ე.

¹¹¹ ი ქ ვ ე, საბ. 6998. გ. ა კ ო ფ ა შ ვ ი ლ ი, იქვე.

ჩანს, 30 კომლი დავით ერისთავის ყმებია, ხოლო 97—გიორგი ერისთავისა. ეს ნუსხა იმითაცაა საყურადღებო, რომ აქ მერყეობა გადასახადების სიდიდეში ძალიან დიდია, რაც აღნიშნული რაიონის სოფლის მშრომელი მოსახლეობის ეკონომიური უთანაბრობის მკაფიო მაჩვენებელი და დამადასტურებელია. ეს განსაკუთრებით დავით ერისთავის ყმების საგადასახადო ნუსხაში იგრძნობა. აქ ჩვენ 3 აბაზით დაბეგრილი გლეხების გვერდით ვხვდებით ისეთებსაც, რომელთაც შეწერილი აქვთ ერთი, ორი, სამი, თორმეტი, ცამეტი და ორმოცდაათი თუმანიც კი. თუმნის გადამხდელებს შორის იყვნენ: მერაყიანთ ზურაბა, ოყუაშვილი გოგია¹¹² და სხვა. ორი თუმანი ჰქონდა შეწერილი შიხინაშვილ შიხუას¹¹³, სამი თუმანი — კორინთელ ოტიას¹¹⁴, თორმეტი თუმანი — ვახვახიშვილ ავთანდილს¹¹⁵, ცამეტი თუმანი — ფირდისაშვილს (?) ასატურასა და მიქელას¹¹⁶. 50 თუმნის გადამხდელად ნუსხაში მხოლოდ ერთი კაცია დასახელებული — ვინმე შიხინაშვილი¹¹⁷. ამ ბობოლა გადამხდელების გვერდით, საბუთში, როგორც უკვე ვთქვით, შედარებით მსუბუქად დაბეგრილებიც არიან: მერაყისშვილი ავთანდილის ობოლი (3 აბაზი), კარვას (?) ობოლი (3 აბაზი), ქოჩორის ობოლი (3 აბაზი), ელჩუაშვილი ავთანდილა (5 აბაზი), ვინმე მებაღე (5 აბაზი)¹¹⁸ და სხვა.

არც გიორგი ერისთავის ყმები იყვნენ ერთნაირად დაბეგრილი, თუმცა მათ შორის არ იგრძნობოდა ისეთი განსხვავება, როგორც დავით ერისთავის ხელქვეითებში. აქ ყველაზე მეტი თანხის გამოძღვები პავლეშვილი ელი და შატაკიშვილი აბრამი იყვნენ. თითოეულ მათგანს, საბუთის თანახმად, შეწერილი ჰქონდა თითო თუმანი¹¹⁹. ყველაზე შეღავათიანად დაბეგრილებს განეკუთვნებოდნენ — დათვიაშვილი დათუნა (2 აბაზი), ნიპტაური ელო (3 აბაზი), ობგაძე გრიგოლ (3 აბაზი), კობაური დათუნა (3 აბაზი), ოსიაშვილი გიორგი (3 აბაზი), დათვიაშვილი ბერუკა (3 აბაზი), ცო-

¹¹² ი ქ ვ ე .

¹¹³ ი ქ ვ ე . გ . ა კ ო ფ ა შ ვ ი ლ ი , საბატონო ფულადი გადასახადები.

¹¹⁴ ი ქ ვ ე .

¹¹⁵ ი ქ ვ ე .

¹¹⁶ ი ქ ვ ე .

¹¹⁷ ი ქ ვ ე . საფიქრებელია, რომ იგი ისე, როგორც ერთი, ორი, სამი, თორმეტი და ცამეტი თუმნის გადამხდელები ვაჭრები იყვნენ.

¹¹⁸ ი ქ ვ ე .

¹¹⁹ ი ქ ვ ე .

ცომვილი (4 აბაზი), ვინმე ჯოჯალი (4 აბაზი), შულლიაშვილი სეხ-
ნია (5 აბაზი), ონიქაშვილი გიგილა (6 აბაზი), ხოვრიშვილი ბასილა
(6 აბაზი), ნავროზაშვილი (7 აბაზი), ქაწოშვილი გამიხარდი (7 აბა-
ზი)¹²⁰ და ა. შ.

XVIII საუკუნეს განეკუთვნება აგრეთვე ქსნის საერისთავოს
გლებთა გადასახადების მესამე ნუსხა¹²¹. იქ სულ 11 გვარია დასახე-
ლებული. აქედან 10 ფულთი უსწორდება თავის ბატონს, ხოლო ერ-
თი, ვინმე შულლაშვილი — ნატურით; მას ბატონისათვის ძროხის
მირთმევა ჰქონდა დაკისრებული¹²². გადასახადის მხოლოდ ფულადი
სახეობაა დადასტურებული აგრეთვე იმავე რაიონის მეოთხე¹²³, მე-
ხუთე¹²⁴, მეექვსე¹²⁵ და მეშვიდე¹²⁶ ნუსხებში, რომლებშიც გადამ-
ხდელთა რაოდენობად შესაბამისად 9, 10, 34 და 38 კომლია ნაჩვენე-
ბები.

ქსნის საერისთავო, რა თქმა უნდა, გამონაკლისს არ წარმოად-
გენდა. მარტო ფულადი გადასახადების გადახდის არაერთი შემთხვე-
ვაა დადასტურებული აღმოსავლეთ საქართველოს სხვა რაიონებშიც.
ჩვენს ხელთაა, მაგალითად, XVIII საუკუნის¹²⁷ ერთი საგადასახადო
ნუსხა¹²⁸, რომელიც ეხება კახეთის სოფლებს, მათ შორის პატარ-
ძეულსა და ბერთუბანს. ნუსხაში შეტანილია 73 გადამხდელის გვარი.
73-ვე კომლი დაბეგრულია მხოლოდ ფულადი გადასახადით, ზოგი
მეტრი, ზოგი ნაკლები რაოდენობით. ყველაზე მაღალი ნორმით —
ერთი თუმნით—დაბეგრილი ჩანან: კორბოლაშვილი რამაზა, ეთიბე-
რაშვილი გიორგი, ეთიბერაშვილი პეტრე, გელაშვილი ფოცხვერა,
გაფრინდაშვილი რამაზა, მკერვალი გიორგი და სხვ¹²⁹. ამათ გვერ-
დით ნუსხაში დასახელებულია ისეთი კომლებიც, რომლებიც ყო-
ველწლიურად აბაზიდან სამ აბაზამდე გადასახადს უხდიდნენ თავი-

¹²⁰ ი ქ ვ ე.

¹²¹ ქსნის საერისთავოს საგადასახადო ნუსხების ნომერაცია ჩვენ მიერაა პირო-
ბით გაკეთებული.

¹²² ს მ ა ხ ი, Qd, საბ. 7001. გ. ა კ ო ფ ა შ ვ ი ლ ი, საბატონო ფულადი გა-
დასახადები, 94.

¹²³ ი ქ ვ ე, საბ. 7002, გ. აკოფაშვილი, იქვე.

¹²⁴ ი ქ ვ ე, საბ. 7004, გ. აკოფაშვილი, იქვე.

¹²⁵ ი ქ ვ ე, საბ. 7182, გ. აკოფაშვილი, იქვე.

¹²⁶ ი ქ ვ ე, საბ. 7183, გ. აკოფაშვილი, იქვე.

¹²⁷ ნუსხა უთარილოა, მაგრამ ხელნაწერთა ინსტიტუტის Ad ფონდის კატალო-
გის შემდგენელი მას, სხვადასხვა ნიშნის მიხედვით, XVIII საუკუნეს მიაკუთვნებს.

¹²⁸ ს მ ა ხ ი, Ad, საბ. 127.

¹²⁹ ი ქ ვ ე.

ანთ მფლობელებს¹³⁰. ასეთების რიცხვს განეკუთვნებოდნენ: მარტი-
აშვილი, მზიაშვილი, ჭოჭყიაშვილი, ზურაბასშვილი, გუთნიაშვილი,
მთვარაშვილი და სხვები.

მსგავს ვითარებას წარმოგვიდგენს 1786 წლის, საბუთში დაუ-
სახელებელი ეკლესიის, საგადასახადო ნუსხა, რომელიც გვარების
მიხედვით, საფიქრებელია, ტერიტორიულად აღმოსავლეთ საქართ-
ველოში მდებარეობდა. ნუსხაში სულ 23 კომლია შეტანილი. ყველა
უკლებლივ ფულადი გადასახადითაა დაბეგრული¹³¹. იგივე ითქმის
ბეგლარ ორბელიანის ყმების გადასახადებზე (XVIII—XIX საუკუ-
ნეთა მიჯნა). მან ხელქვეით გლეხებს ფულადი გადასახადები და-
აკისრა¹³². ნუსხაში შესული 12 კომლიდან 10 ფულად რენტაზე იყო
გადაყვანილი, ხოლო ორი წინანდებურად პროდუქტად რენტას
იხდიდა¹³³.

განსაკუთრებული აღნიშვნის ღირსია ის გარემოება, რომ მთე-
ლი XVIII საუკუნის მანძილზე მიმდინარეობდა გლეხთა საბატონო
გადასახადების კომუტაციის ადრე დაწყებული და ჩვენ მიერ ზემოთ
„დასტურლამალისა“ და ზოგი სხვა წყაროს მონაცემებით დადას-
ტურებული პროცესი. ეს ითქმის ისეთი ტრადიციული ნატურალუ-
რი გადასახადების შესახებაც კი, როგორცაა, მაგალითად, ლალა
და კულუხი. ჩვენს ხელთაა მანუჩარ თუმანიშვილის (?) ხიზნების
გამოსაღების ნუსხა, დათარიღებული საბუთის გამოცემლის,
ნ. ბერძენიშვილის, მიერ XVIII ს. მეორე ნახევრით. აქ უკვე გლეხ-
თა ყველა გადასახადი (მათ შორის, ვფიქრობთ, კულუხიც, რადგა-
ნაც გადამხდელების ნაწილი კახეთის სოფლებიდან არის) ფუ-
ლად ეკვივალენტზეა გადაყვანილი. მაგალითად, კისისხევის ხიზნებს
9 მინალთუნი გადაუხდიათ¹³⁴, ჟინვალელ ხიზნებს 1 თუმანი¹³⁵, დუ-
შეთელ ხიზნებს — 6 თუმანი და 4 მინალთუნი¹³⁶ და ა. შ. საბუთში
გადასახადის ნატურით გადახდის არც ერთი შემთხვევა არ არის და-
სახელებული.

იმავე დროის, ე. ი. XVIII საუკუნის მეორე ნახევრის, მეორე
საბუთში, რომელიც შეიცავს ცნობებს გორჯასპი თუმანიშვილის ზე-

¹³⁰ ი ქ ვ ე.

¹³¹ ი ქ ვ ე, საბ. 907.

¹³² ი ქ ვ ე, Hd, საბ. 13862.

¹³³ ი ქ ვ ე.

¹³⁴ მ ს ე ი, III, გვ. 311.

¹³⁵ ი ქ ვ ე.

¹³⁶ ი ქ ვ ე.

მო ბოლნისის გლეხების ღალის შესახებ, დადასტურებულია ამ გადასახადის (ე. ი. ღალის) პურისა და ქერის ნაცვლად ფულად გადახდის ფაქტი. ნუსხაში სულ 30 ხიზანია დასახელებული და ყველას უკლებლივ აღნიშნული პროდუქტების მაგივრად ფულადი ეკვივალენტი გაუღია¹³⁷. 1787 წლის ერთ საგადასახადო ნუსხაში პირდაპირ მითითებულია, რომ გლეხმა, ვინმე ნინიამ, სამასპინძლო პურით გაისტუმრა, ხოლო კულუხის ნაცვლად ფული მიართვა თავის ბატონს¹³⁸. მანუჩარ მდიენისადმი ბატონიშვილ ლეონის მიერ მიწერილ წერილში კი (1780 წ.) ნათქვამია: „С тех, которые должны были давать...скромную пищу, взыскать денгамн.¹³⁹“ მსგავს ვითარებასთან გვაქვს საქმე ივანე და ნიკოლოზ ორბელიანების 1799 წლის სიგელში. „ჩვენ, — ვკითხულობთ იქ, — ორბელიანებმა სარდალმა ივანემ და ბიძა ჩვენმა ნიკოლოზმა ჩვენს ყმის ყულარელთ საქმე ასე გავარიგეთ და გავარიგეთ: ყაფი-ახჩა რომ ყოფილა განწესებული, ის უსამართლო(თ) დავინახეთ და... ყაფი-ახჩის მაგიერათ წელიწადში ორი აბაზი“ დაწესეთო¹⁴⁰.

პროდუქტადი რენტის ფულადით შეცვლის ეს პროცესი, რომელიც მთელი XVIII საუკუნის განმავლობაში მიმდინარეობდა და ქვეყნის სოციალურ-ეკონომიურ ცხოვრებაში მომხდარ ცვლილებებთან იყო დაკავშირებული, განსაკუთრებით საგრძნობი ამ საუკუნის მიწურულისათვის გახდა. ამას ნათლად ადასტურებს ცნობები სამეფო გვარეულობის წევრთა მამულებისა და მეურნეობათა შესახებ. ეს ცნობა-უწყისები, შედგენილი თვით ბატონიშვილების მიერ მეფის მთავრობის მოთხოვნით, დათარიღებულია 1803 წლით, გარდა მირიან ირაკლის ძის მამულების შემოსავლის უწყისისა, რომელიც 1804 წლის დეკემბრის თვეს განეკუთვნება. მიუხედავად იმისა, რომ ეს მასალა გასული საუკუნის დამდეგს ეკუთვნის, 1801 წლამდე არსებულ ვითარებას ასახავს. ეს გასაგებიცაა, რადგან მეფის მთავრობას ანტერესებდა განსაზღვრა სწორედ იმ შემოსავლის ოდენობისა, რომელსაც სამეფო გვარეულობის წევრები ღებულობ-

¹³⁷ იქვე, გვ. 157—168.

¹³⁸ სსტია, ფონდი, 1448, საბ. 1603.

¹³⁹ ГКГ, გვ. 35.

¹⁴⁰ ს მ ა ხ ი, Qd, საბ. 692. (გ. აკოფაშვილი, გვ. 99).

ამ პროცესის მაჩვენებელი ზოგი სხვა მაგალითი ჩვენ ზემოთ, რენტის შერეული სახის განხილვისას, დავასახელებთ და ამიტომ აქ მათზე არ შეეჩერდებით.

დნენ აღმოსავლეთ საქართველოს რუსეთთან შეერთებამდე. მართალია, შემოსავლის გადიდებული სახით ჩვენებით დაინტერესებული ბატონიშვილების მიერ წარდგენილი უწყისები სრულ ნდობას ვერ იმსახურებენ, მაგრამ ამას ჩვენი კვლევისათვის არა აქვს არსებითი მნიშვნელობა, ვინაიდან გადიდება, თუკი მას ნამდვილად ჰქონდა ადგილი, ერთნაირად შეეხებოდა როგორც პროდუქტად, ისე ფულად შემოსავალს. მოგვაქვს ჩვენ მიერ დაჯამებული და ცხრილის სახით გაკეთებული ეს მონაცემები¹⁴¹.

ცხრილი 3

№№ რიგ.	სამეფო გვარეულობის წევრთა დასახელება	შემოსავალი ფულად (მანეთობით)	შემოს. ნატურ. (მანეთობით)	ორივე სახის შემოსავალი (მანეთობით)	ფულადი შემოსავ. ხვედრ.წონა (%%-ობით)	ნატურალური შემოსავლის ხვედრ.წონა (%%-ობით)
1	დედოფალი დარია ¹⁴²	4014	3145	7159	56,0	44,0
2	დედოფალი მარიამ გიორგის ასული ¹⁴³	7540	8967	16507	45,7	54,3
3	ბატონიშვილი დავით გიორგის ძე ¹⁴⁴	7100	6482	13582	52,5	47,5
4	ბატონიშვილი ვახტანგ ირაკლის ძე ¹⁴⁵	2583	2669	5252	49,2	50,8
5	ბატონიშვილი იოანე გიორგის ძე ¹⁴⁶	350	1221	1571	22,3	77,7
6	ბატონიშვილი მირიან ირაკლის ძე ¹⁴⁷	12370 ¹⁴⁸	5572	17942	68,8	31,2
		33957	28056	62013	54,8	45,2

როგორც ვხედავთ, სამეფო საგვარეულოს წევრთა მამულებში ფულად შემოსავალს ძალიან დიდი ადგილი სჭერია. საკმარისია ითქვას, რომ მისი ხვედრითი წონა 54,8% ყოფილა. იგი ყველაზე მეტი მირიან ბატონიშვილთან ჩანს — 68,8%. მას მისდევდნენ დარე-

¹⁴¹ ს ს ც ი ა, ფონდი 2, ანაწერი I, საქმე 28, ფურც. 173—174.

¹⁴² ი ქ ვ ე.

¹⁴³ ი ქ ვ ე, შტრ. საქმე 36, ფურც. 136—137.

¹⁴⁴ ი ქ ვ ე.

¹⁴⁵ ი ქ ვ ე, ფურც. 175—178.

¹⁴⁶ ი ქ ვ ე.

¹⁴⁷ ი ქ ვ ე, საქმე 105, ფურც. 522—523.

¹⁴⁸ ამ თანხიდან 12090 მანეთი, ანუ ყველა სახის ფულადი შემოსავლის 97,7% მართო ფულად რენტაზე მოდიოდა.

ჯან დედოფლის (56,0%), ბატონიშვილ დაეითის (52,5%), ბატონი-
შვილ ვახტანგის (49,2%), მარიამ გიორგის ასულისა (45,7%) და ბა-
ტონიშვილ იოანეს (22,3%) მამულები. ცხრილთან დაკავშირებით
საჭიროა აღინიშნოს, რომ ფულადი შემოსავლის ქვეშ იგულისხმება
არა მარტო ყმა-გლეხებისაგან მიღებული რენტა-გადასახადი, არამედ
ყველა სახის ფულადი წყარო საერთოდ. მაგრამ საინტერესო და
საყურადღებო ისაა, რომ ექვსივე მეურნეობის ფულად შემოსავალ-
ში წამყვანი ადგილი სწორედ სოფლის მშრომელი მოსახლეობისა-
გან აღებულ რენტას ეჭირა. მაგალითად, მირიან ბატონიშვილის მა-
ჩულში მთელი ფულადი შემოსავლის (12370 მანეთი) 97,7%-ს მარ-
ტო ფულადი რენტა (12090 მანეთი) შეადგენდა¹⁴⁹. ბატონიშვილ
იოანეს მამულში კი უშუალოდ ფულადი სახით მიღებულ შემო-
სავალს (350 მანეთი) მთლიანად ფულადი ფეოდალური რენტა ფა-
რავდა¹⁵⁰. სხვანაირად რომ ვთქვათ, ის აბსოლუტურად დომინირებ-
და, 100%-ს უდრიდა. ფულადი რენტის ხვედრითი წონა ყველა ბა-
ტონიშვილის მეურნეობაში, ცხადია, ასე დიდი არ იყო, მაგრამ
უმნიშვნელო იგი არც ერთ მათგანში არ ყოფილა¹⁵¹. ბატონიშვილე-
ბის მეურნეობებში ფულადი რენტის შედარებით ასეთი დიდი ხვე-
დრითი წონა იმიტაცაა შეპირობებული, რომ ჩვენ ამ საკითხზე
მსჯელობისას სრულიად გამოვირიცხეთ მონაცემები შრომითი რენ-
ტას შესახებ. და ეს გავაკეთეთ არა განგებ, არამედ იმიტომ, რომ,
სამწუხაროდ, ბატონიშვილების მამულების შესახებ მასალებ-
ში რენტის ამ ფორმაზე არაფერია ნათქვამი. ამის მიზე-
ზი, რა თქმა უნდა, მათ მეურნეობებში შრომითი რენტის არარ-

¹⁴⁹ ს ს ც ი ა, ფონდი 2, ანაწერი 1, საქმე 105, ფურც. 522—523.

ფულადი გადასახადის გადამხდელები იყვნენ: 400 კომლი ყაზახში მომთაბარე
სომხები (კომლზე—20 მანეთი, სულ—8000 მანეთი), 70 კომლი სოფ. კამარის თათრე-
ბი (კომლზე —20 მანეთი, სულ — 1400 მანეთი), 90 კომლი ქაფანახელი თათრე-
ბი (კომლზე — 20 მანეთი, სულ — 1800 მანეთი), «выморочное имение Дралова»
(50 მანეთი) და 24 კომლი თელავში მცხოვრები ყმები (კომლზე — 10 მანეთი, სულ —
240 მანეთი).

¹⁵⁰ ს ს ც ი ა, ფ. 2, ანაწერი 1, საქმე 28, ფურც. 2.

¹⁵¹ უშუალოდ ფულადი სახით მიღებულ შემოსავალში ფულადი რენტის ხვედ-
რითი წონის ზუსტად განსაზღვრა სამეფო საგვარეულოს სხვა წევრთა მეურნეობებ-
ში ვერ ხერხდება, რადგანაც ზოგ შემთხვევაში ფულადი და პროდუქტადი შემოსა-
ვალი ფულზეა გადატანილი და ორივე ჯამი ერთადაა ნაჩვენები.

სებობა კი არ იყო, არამედ რაღაც სხვა, დღემდე ჩვენთვის დაუდგენელი გარემოება. თუ გავითვალისწინებთ ამას, ცხადია, სამეფო საგვარეულოს წევრთა ეკონომიებში დაიწვეს ფულადი რენტის ხვედრითი წონა, თუმცა უკანასკნელ ადგილზე მაინც არ აღმოჩნდება. ჩვენ ვერ ვიტყვით ზუსტად, თუ რამდენი პროცენტი მოდიოდა რენტის ამა თუ იმ ფორმაზე, მაგრამ მოტანილი მასალა, ვფიქრობთ, მაინც გვაძლევს საშუალებას დავასკვნათ, რომ განხილული ექვსი მეურნეობიდან ხუთში — დედოფალ დარიას, დედოფალ მარიამის, ბატონიშვილების დავითის, ვახტანგისა და იოანეს მეურნეობებში — წამყვანი და გაბატონებული იყო პროდუქტადი რენტა. მეორე ადგილი ფულად რენტას ეჭირა, ხოლო მესამე და უკანასკნელი — შრომით რენტას. აქვე უნდა აღვნიშნოთ, რომ მეორე ადგილზე მყოფი ფულადი რენტის ხვედრითი წონა ბევრად ნაკლები არ იყო პირველ ადგილზე გასულ პროდუქტადი რენტის ხვედრით წონაზე. რაც შეეხება ბატონიშვილ მირიანის მეურნეობას, იქ ფულადი რენტა დომინირებდა — 67,4%-ს უდრიდა¹⁵².

ვფიქრობთ, დიდ შეცდომას არ დაუშვებთ, თუ ამ დასკვნას საერთოდ გავავრცელებთ აღმოსავლეთ საქართველოს კერძო მებატონეთა მეურნეობებზე. იქაც, ჩვენი დაკვირვებით, ფულადი რენტა თავისი ეკონომიური მნიშვნელობით მეორე ადგილზე უნდა ყოფილიყო. ეს, ცხადია, მეტი გაბედულებით ითქმის XVIII საუკუნის ბოლო ხანაზე, როდესაც შედარებით უფრო საგრძნობი გახდა სასაქონლო-ფულადი ურთიერთობის განვითარება. აქვე უნდა შევნიშნოთ, რომ თუმცა ფულადი რენტა, აქ, კერძო მფლობელთა მამულებში, ისე როგორც ზემოთ დასახელებულ ხუთ მეურნეობაში, მეორე ადგილზე ჩანს, მაგრამ მისი ხვედრითი წონა, ჩვენი აზრით, უკანასკნელში გაცილებით მეტი იყო, ვიდრე პირველში.

¹⁵² ეს პროცენტი მიღებულია შემდეგი გზით: 12090 მანეთი, რაც ფულადი რენტის სახით შედიოდა ბატონიშვილ მირიანის სახლში, გაყოფილია 17942 მანეთზე, ე. ი. მეურნობის მთელი შემოსავლის თანხაზე (ფულზე გადატანით). ამ უკანასკნელში, გარდა ფულადი რენტისა, შედის პროდუქტადი რენტა და, აგრეთვე, ბაეებიდან და სხვა წყაროებიდან მიღებული ფულადი შემოსავალი, რომელიც რენტას არ განეკუთვნება.

ფოლადური რენტის უკანასკნელი და უმაღლესი ფორმის გაცელება-განვითარება, როგორც მოსალოდნელი იყო, არც XIX ს. დამდეგს შენელებულა. აი, ამის დამადასტურებელი ზოგი მასალა.

1801 წლის 21 დეკემბრის წერილში „მეფის რძალი“ სალომე მითითებას აძლევს იოსებ მიშკარბაშს: ბაიღარში რაც ჩემი ყმები არიან, „ყველას თავის შეძლებით... თეთრი უნდა გამოართო და გამომიგზავნო“¹. 1804 წლის ერთი საბუთის თანახმად, მანუჩარ თუმანიშვილის ახალდაბელ ზოგ ყმას (მაგალითად, ვინმე ბაგრატას და მამულაშვილს) კულუხის გადასახადი ფულადი სახით გაუსტუმრებია². იმავე მანუჩარ თუმანიშვილის ყმები ფულადი ეკვივალენტით იხდიან რა მარტო კულუხს, არამედ ღალას, ურმის ბეგარას და სხვა. ხსენებული მებატონისადმი მამასახლისის მიერ მიწერილ წერილში (1807 წ.) ნათქვამია: „...ვიზედაც პური არის მოსაცემი, ისინი ფულს იძლევიან, კოღეოთხ აბაზს და რას ბრძანებთ — ნება თქვენია. გარეჯრულს ჩახრუკიზედ ჩვენი ღალა არის და ექვსი ურმისას ფულს იძლევა... და თუ ინებებთ ფულს გამოვართმევ და თუ გნებავთ პურს... ვარიანს ოქროპირიძეზედ ჩვენი ღალა არის... ისიც ფულს იძლევაება ოთხ-ოთხ აბაზს და თუ ინებებთ, ფულს გამოვართმევ“³. იგივე მებატონე, იმავე 1807 წელს მითითებას აძლევდა მამასახლის ნინიას. რომ ყმებისგან ღალის აღებას ბეჯითად მოკიდებოდა, აუღებლობის შემთხვევა არ დაეშვა და კონკრეტული ვითარებიდან გამომდინარე ან პური აეღო, ან მისი ფასი⁴.

როგორც აღვნიშნეთ, XIX საუკუნის დამდეგს მიმდინარეობდა ურმის ბეგარის კომუტაციაც. გ. აკოფაშვილს დასახელებული აქვს ამის რამდენიმე მაგალითი. ერთი მათგანი წარმოადგენს 1813 წლის ნუსხას, რომელშიც 17 კომლია შეტანილი. ყველა ამათ ურმის ბეგარა ფულადი ეკვივალენტით აქვთ შეცვლილი. „ამ ნუსხით, — ნათქვამია საბუთის ბოლოს, — ჩვენს კაცთ ქალაქს ჩამოტანის პურის ჭირა შევაწერეთ, რომ ამ ნუსხის ჯამი არის ცხრა თუმანი, შვიდი

¹ საქართველოს სიძველენი, III, გვ. 88—89.

² გ. აკოფაშვილი, ფულადი საბატონო გადასახადები, გვ. 102.

³ სმახი, Sd, საბ. 3389, გ. აკოფაშვილი, იქვე, გვ. 10.

⁴ იქვე, საბ. 3579. გ. აკოფაშვილი, იქვე, გვ. 100.

მინალთუნი და ორი აბაზი“⁵. ურმის ბეგრის კომუტაციის ფაქტია დადასტურებული გ. აკოფაშვილის მიერ მიკვლეულ მეორე, 1816 წლით დათარიღებულ, ნუსხაში. აქაც მანუჩარ თუმანიშვილის ყმები (13 კომლი) ურმის გადასახადს ფულადი სახით იხდიან⁶.

XIX საუკუნის დამდეგის სხვა ხასიათის საბუთებიც დამაჯერებლად ადასტურებენ პროდუქტადი რენტის ფულადი რენტით შეცვლის მასობრივ ხასიათს, რენტის უკანასკნელი ფორმის ინტენსიური განვითარების ფაქტს. 1811 წლის ერთ უწყისში, რომელიც, ცხადია, წინარე ხანის ვითარებასაც გამოხატავს, დაწვრილებითაა ლაპარაკი სახელმწიფო გლეხების პროდუქტად და ფულად გადასახადებზე. ამ უწყისის თანახმად, თბილისის გუბერნიის 15413 კომლი სახელმწიფო გლეხი იხდიდა 32826 კოდ პურს, 7821 კოდ ქერსა და 36983 მანეთს⁷. თუ პურსა და ქერს ფულზე გადავიყვანთ⁸, მაშინ მათი ჯამი მოგვცემს 31517 მანეთს. სულ კი, მამასადამე, თბილისის გუბერნიის სახელმწიფო გლეხთა გადასახადების საერთო რაოდენობა ფულზე გადაყვანით 68500 მანეთს გაუთანაბრდება, რომლიდანაც მარტო ფულად სახეობაზე 54,8% მოვა.

ჩვენს ხელთ არის 1813 წლის თბილისის გუბერნიის სახელმწიფო გლეხების გადასახადების ნუსხა. ეს არის დიდი მოცულობის ფრიად საინტერესო უწყისი, რომელშიც მოცემულია ცნობები აღნიშნული კატეგორიის გლეხების რაოდენობის შესახებ სოფლების, მაზრებისა და გუბერნიის მასშტაბით, მათი საქმიანობისა და იმ გადასახადების შესახებ, რომლებსაც უხდიდნენ ხაზინას. ამ გადასახადებში ნაწილი წმინდა სახელმწიფო გამოსაღებია, ხოლო ნაწილი — მკაფიოდ გამოხატული ფეოდალური ვალდებულება, რომელსაც ასრულებს გლეხი არა როგორც სახელმწიფო ქვეშევრდომი, არამედ როგორც ხაზინაზე ფეოდალურად დამოკიდებული. პირველი ჯგუფის გადასახადებს განეკუთვნება კოდის პური და სურსათი, ხოლო მეორეს — ღალა, კულუხი, სააღდგომო, საშობაო, საჩუქარი და სხვ. ორივე ჯგუფის გადასახადები 1801 წლის შემდეგაც ისევე შედიოდა ხაზინაში, როგორც მანამდე. მხოლოდ იმ განსხვავებით, რომ საქართველოს რუსეთთან შეერთების შემდეგ კიდევ უფრო ინტენსიურად მიმდინარეობდა ფეოდალური გადასახადების კომუტაციის პროცესი. ისეთი გადასახადები,

⁵ ი ქ ვ ე, საბ. 4355, გ. აკოფაშვილი, იქვე, გვ. 97.

⁶ ი ქ ვ ე, საბ. 4363, გ. აკოფაშვილი, იქვე.

⁷ Ц Г В И А М, ф. ВУА, д. 18495, л. 85.

⁸ პურის იმდროინდელი ფასი იყო 80 კაპიკი, ხოლო ქერის — 50 კაპიკი.

როგორცაა კულუხი, სააღდგომო, საშობაო, საქვრივო. საჩქმე და სხვა. 1813 წლის უწყისით მთლიანად ფულადია, ხოლო კოდის პური, სურსათი და ზოგი სხვა პროდუქტადი სახისაა⁹. ასე, მაგალითად, სააღდგომო და საშობაო გადასახადებს მხოლოდ ფულად იხდიდნენ ნავთლუღელი, კუკიელი, სოღანლუღელი, ხატისთელეთელი და თბილისის მაზრის სხვა სოფლის გლეხები. ხორხის, ჯანგლიანკარის, სათურთკარის, კუმის ციხის, გუდას, ზემომლეთის, ქვემო-მლეთის, ციხიათკარის, შარუმთანკარის, ზაქართკარის, ბენიანთკარის, ბაზალეთისა და საერთოდ 1813 წლის უწყისში შეტანილი ანანურის მაზრის 105 სოფლის სახელმწიფო გლეხები ყველა გადასახადს (გარდა კოდის პურისა და ყალანისა) ფულადი სახით ისტუმრებდნენ. აი, ამის საილუსტრაციო მასალა: სოფ. ხორხის 30 კომლი სახაზინო გლეხი ვალდებული ყოფილა გადაეხადა 24 მანეთი და, გარდა ამისა, საქვრივო 10 მანეთის რაოდენობით ან ერთი ხარი¹⁰. დღუმეთში მცხოვრები 143 კომლი გლეხი, რომელთა შესახებ უწყისში ნათქვამია, რომ ისინი ვაჭრობითა და სამუშაო ძალის გაქირავებით ირჩენდნენ თავს, დაბეგრილი ყოფილა მარტო ფულადი გადასახადით 331 მანეთისა და 20 კაპიკის რაოდენობით¹¹. 4 კომლ ტონჩელ გლეხზე განსახილველ უწყისში აღნიშნულია, რომ იხდიდნენ 4 მანეთს სააღდგომოს, 2 მანეთს საბალახოს, 10 მანეთს საქვრივოს (ან ერთ ხარს), 80 კოდ ხორბალს და 39 კოდ ქერს¹². მსგავსი მდგომარეობა იყო ანანურის მაზრის ყველა 105 სოფელში, რაც ზედმიწევნით ადასტურებს ფეოდალური გადასახადების (სააღდგომო, საშობაო, საქვრივო და სხვ.) კომუტაციის შეუწელებელ პროცესს საქართველოს ამ რაიონში.

კომუტაცია ხდებოდა არა მარტო ზემოთ დასახელებული გადასახადებისა, არამედ ისეთი ტრადიციული ნატურალური გამოსაღებისაც, როგორც იყო, ვთქვათ, კულუხი. ეს განსაკუთრებით ითქმის კახეთის სახელმწიფო გლეხთა შესახებ. ასე, მაგალითად, ზემო-ხოღამნელი 30 კომლი გლეხის შესახებ უწყისში წერია: „Вместо Кулухи за 10 сапалне вина платят деньгами 100 рублей“¹³. თიანეთელი გლეხების შესახებ (120 კომლი) იმავე საბუთში ვკითხუ-

⁹ ЦГВИАМ, ф. ВУА, 18480, лл. 41—77, 88—89.

¹⁰ ი ქ ვ ე.

¹¹ ი ქ ვ ე.

¹² ი ქ ვ ე.

¹³ ი ქ ვ ე.

ლობთ: „Вместо винной кулухи платят деньгами 328 рублей“¹⁴. იგივე ითქმის მაღრანის, ფშაველის, ენისელის, შილდას, ტურისციხის, ტოლნიანის, შალაურის, ქვემოხოდაშნის, კალაურის, სოშიანის, ურიათუბნისა და უწყისში შეტანილი თელავის მაზრის სხვა სოფლის სახელმწიფო გლეხთა შესახებ¹⁵. ყველა ისინი კულუხს ფულადი სახით იხდიდნენ. გამონაკლისს შეადგენდა ოთხად ოთხი სოფელი — გიორგიწმიდა, საგარეჯო, ბერთუბანი და პატარქეული¹⁶. რომლებიც კულუხის გადასახადს ხაზინას პროდუქტადი ფორმით, ე. ი. ღვინით აძლევდნენ.

სულ თბილისის გუბერნიის სახელმწიფო გლეხები 1813 წლის უწყისით პროდუქტადი და ფულადი სახით იხდიდნენ 66777 მანეთს, აქედან პირველზე მოდიოდა 28615 მანეთი¹⁷, ან საერთო რაოდენობის 43%. ხოლო მეორეზე—38062 მანეთი ან 57%.

როგორც ვხედავთ, გლეხთა საერთო გადასახადების ნახევარზე მეტს ფულადი გამოსაღებები შეადგენდნენ. განსაკუთრებით საყურადღებოა ის, რომ კომუტაცია მთლიანად ან თითქმის მთლიანად შეეხო სწორედ ფეოდალურ და არა სახელმწიფო გადასახადებს¹⁸, რომლებსაც სოფლის მშრომელი მოსახლეობა იხდიდა არა როგორც ხაზინისაგან ფეოდალურად დამოკიდებული წოდება, არამედ როგორც სახელმწიფოს ქვეშევრდომი. ასეთებს განეკუთვნებოდნენ კოდის პური, სურსათი და ყალანი, რომელთა კომუტაციას მთავრობა არ ჩქარობდა და დატოვა კიდევ ძველებური სახით გასული საუკუნის 40-იან წლებამდე.

¹⁴ ЦГВИАМ, ф. ВУА, 18480, лл. 41—77, 88—89.

¹⁵ ი ქ ე ე.

¹⁶ ი ქ ე ე.

¹⁷ ამაში შედის: 87 საპალნე ღვინის საფასური 2410 მან. (საპალნე—30 მანეთი), 60 თუნგი ღვინის საფასური — 30 მანეთი (თუნგი — 50 კაპ.), 23031 კოდი პურის საფასური— 23031 მანეთი (კოდი — 1 მანეთი), 5377 კოდი ქერის საფასური — 2673 მან. (კოდი — 50 კაპ.), 27 ხარის საფასური — 108 მან. (ხარი — 4 მან.) და 133 ცხვრის საფასური — 133 მან. (ცხვარი — 1 მან.).

¹⁸ ნუსხის თანახმად, ძირითადად, სახელმწიფო გადასახადებს (მაგალითად, კოდის პურს, სურსათს, ყალანს და ა. შ.) ხაზინა ნატურით იღებდა, თუმცა გამონაკლისის დაშვებით. ასეთი გამონაკლისი იყო დაშვებულია. კერძოდ, თელავში მცხოვრები გლეხების მიმართ. მათ შესახებ განსახილველ ნუსხაში ნათქვამია: «Платят в год вместо пшеницы 200 код и 100 код ячменя деньгами по справочным ценам (ЦГВИАМ, ф. ВУА, д. 18480, лл. 41—77).

როდესაც ვლადიმერს XIX საუკუნის დამდეგის თბილისის გუბერნიის სახელმწიფო გლეხების გადასახადებზე, მათ ფორმებზე, ვადგენთ მათ ხვედრით წონას, აუცილებელია (ისე როგორც სხვა შემთხვევაში გავაკეთეთ) გავითვალისწინოთ, რომ 1811 და 1813 წლების უწყისში არაა შეტანილი ცნობები არც შრომითი რენტის შესახებ, რომელსაც ისინი ასრულებდნენ სახაზინო მეურნეობებში, როგორც ხაზინისაგან ფეოდალურად დამოკიდებული წოდება და არც ნატურალური ბეგარის შესახებ (მარაგების გაყვანა-შეკეთება, სატრანსპორტო საშუალებათა გამოყვანა და მრავალი სხვა), რაც დაკისრებული ჰქონდა სოფლის მშრომელ მოსახლეობას, როგორც იმპერიის ქვეშევრდომს და ართმევდა მას დიდ დროსა და ენერგიას. თუ მხედველობაში მივიღებთ ყოველივე ამას, მაშინ, ცხადია, ფულადი გადასახადების (მათ შორის ფულადი რენტის) ხვედრითი წონა საგრძნობლად შემცირდება, მაგრამ მეორე ადგილზე მაინც დარჩება¹⁹.

4. საბატონო ფულადი რენტა-გადასახადების საკითხისათვის XVIII საუკუნისა და XIX საუკუნის დამდეგის დასავლეთ საქართველოში

დასავლეთ საქართველოზე მასალები, სამწუხაროდ, ძალიან ცოტაა და ამიტომ მის შესახებ კიდევ უფრო ნაკლები სიზუსტით შეიძლება ლაპარაკი. საერთოდ, იქ განსახილველ ხანაში, სასაქონლო ფულადი ურთიერთობა შედარებით უფრო სუსტად ჩანს განვითარებული, ვიდრე ჩვენი ქვეყნის აღმოსავლეთ რაიონებში. აკად. გიულდენშტედტის მოწმობით, XVIII საუკუნის 70-იანი წლების იმერეთს, გურიასა და სამეგრელოს საკუთარი, ე. ი. ადგილზე მოჭრი-

¹⁹ ფულადი რენტა- გადასახადების მნიშვნელოვან როლს XIX საუკუნის დამდეგის აღმოსავლეთ საქართველოში შეკითხვით ადასტურებს ალავერდის ეპარქიის შემოსავალ-გასავლის ნუსხა, დათარიღებული 1813 წლით. აღნიშნულ წელს ეპარქიას პროლექტადი სახით მიუღია: 102 კოლი ქერი და ფქვილი, 44 ცხვარი და 24 ქათამი, ხოლო ფულადად—553 მან. და 83 კაპ. (მათ შორის: 40 მანეთი — სამღებროს იჯარა, 250 მან. — მუდანის თათრების მახთა, სააღდგომო. საშობო და 103 მანეთი—დრამის ფული). სულ კი ფულზე გადატანით (102 კოლი ქერი და ფქვილი — მაქსიმუმი 100 მანეთი, 44 ცხვარი — 44 მანეთი და 24 ქათამი—4 მან. და 80 კაპ.) — 704 მან. და 60 კაპ., სადაც ფულადი შემოსავლის ხვედრითი წონა 78,6% უდრის (ს მ ა ხ ი, ფონდი H, საბ. 2397, ფურც. 1).

ლი, ფული არა ჰქონია¹. მაგრამ ეს იმას როდი ნიშნავს, რომ დასახელებული რაიონების მოსახლეობა ნატურალურ-კარჩაკეტილი მეურნეობის პირობებში ცხოვრობდა. იგი სარგებლობდა უპირატესად თურქული, სპარსული და ქართლ-კახეთში გავრცელებული მონეტებით². გიულდენშტედტის ამ ცნობას მხარი დაუჭირეს ივ. ჯავახიშვილმა³ და დ. კახანაძემ⁴, რომლებმაც სპეციალურად შეისწავლეს ეს საკითხი. მაგრამ უკანასკნელი, განსხვავებით პირველისგან, დასავლეთ საქართველოში არც ადგილობრივი ფულის ტრიალის ფაქტს გამორიცხავს მთლიანად. ამის საფუძველს მას აძლევს მიმდინარე საუკუნის 40-იან წლებში აღმოჩენილი ნუმიზმატიკური მასალა⁵.

რაკი იმერეთში, გურიასა და სამეგრელოში, როგორც ვნახეთ, სასაქონლო ფულადი ურთიერთობა არსებულა, ცხადია, იგი გავლენ-

¹ „გიულდენშტედტის მოგზაურობა საქართველოში“, ტ. 1, გვ. 283.

² იქვე.

³ „დასავლეთ საქართველოს, როგორც ვიციო,—წერს ივ. ჯავახიშვილი.—საკუთარი ფული არ ჰქონია და აკად. გიულდენშტედტის სიტყვით 1772 წ. უმთავრესად ოსმალური ფული ყოფილა გავრცელებული. ტრიალებდა აგრეთვე აღმოსავლეთ საქართველოს და სპარსული ფულიც, ყირიმსა და იშვიათად რუსულიც“ (ივ. ჯავახიშვილი, ქართული საფას-საზომთამყიდნობა ანუ ნუმიზმატიკა-მეტროლოგია, ტფილისი, 1925, გვ. 30).

⁴ „Подпав под господство турецких правителей.—წერს დ. კახანაძე.—население Западной Грузии вынуждено было довольствоваться теми монетами, которые ей навязывались завоевателями“ (Д. Г. Капанадзе. Грузинская нумизматика, Москва, 1955, стр. 116).

⁵ Описанные выше... монеты.—ვიკითხულობ დასახელებული მეცნიერის ნაშრომში,—с именем Георгия II имеретинского, найденные вместе с турецкими ахче, дают пример совместного обращения ввозных турецких ахче и грузинской национальной монеты. Но, кроме этих двух указанных типов, клады этого периода содержат еще одну обширную группу монет, несомненно местного происхождения, но изготовлявшихся по образцу турецких ахче... Их грузинское происхождение можно было подозревать и раньше, но данными, которые с полной достоверностью подтверждали бы это предположение... вплоть до последнего времени наука не располагала... Особенно показательным оказался клад монет, найденных в октябре 1945 г. в сел. Лихаури... состав которого дает полное основание называть эти монеты западно-грузинскими. Клад содержал около сотни турецких ахче XVII века и примерно тысячу еще более мелких подражаний им, чеканных самыми разнообразными штампами одинаково искажающими мусульманские надписи... Ясно, мастер изготовивший эти подражания, был местный житель—» (Д. Г. Капанадзе, Грузинская нумизматика, М., 1955, стр. 116—117).

ნას მოახდენდა საგადასახადო სისტემაზე და ხელს შეუწყობდა საგლეხო გამოსაღებთა გარკვეული ნაწილის კომპუტაციას. და, მართლაც, დასავლეთ საქართველოს სოფლის მშრომელი მოსახლეობა არა მარტო XVIII საუკუნეში, არამედ უფრო ადრეც, XVI—XVII საუკუნეებშიც, ფეოდალური თუ სახელმწიფო გადასახადების ერთ ნაწილს ფულადი სახით იხდიდა⁶. ფულადი რენტა აქაც, ისე როგორც აღმოსავლეთ საქართველოში, რენტის სხვა ფორმებთან არის გადახლართული და მხოლოდ გამონაკლის შემთხვევაში გვხვდება დამოუკიდებლად.

გადავდივართ კონკრეტული მასალის განხილვაზე.

1719 წელს იმერეთის ერთ-ერთი ეკლესიისადმი შეწირულ გლეხთა შორის იყო ებრაელი, რომელიც მხოლოდ ფულად რენტას იხდიდა 25 მარჩილის რაოდენობით⁷. თუ გავითვალისწინებთ იმ გარემოებას, რომ იმდროინდელ დასავლეთ საქართველოში მარჩილი ერთ მანეთს უდრიდა⁸, ხოლო მანეთად და კიდევ უფრო ნაკლებად ცხვრის ყიდვა შეიძლებოდა, მაშინ ნათელი გახდება ებრაელი ყმა-გლეხისთვის შეწერილი გადასახადის სიდიდე.

1730 წელს იმერეთის მეფემ ალექსანდრე V-მ გელათის მონასტერს ყმა-შამულეები შესწირა. შეწირულების საბუთიდან ჩანს, რომ ყმების უმრავლესობა პროდუქტად რენტას (ღობი, ღვინო, ქათამი, სანთელი და სხვ.) იხდიდა, მაგრამ ნაწილს რენტის ხსენებულ ფორმასთან ერთად ფულადი გადასახადიც ეკისრა. შეწირულების წიგნში შეტანილი 13 კომლიდან ასეთი იყო 5 კომლი, ან კომლთა საერთო რაოდენობის 38,4 პროცენტი⁹. 1760 წელს დავით წულუკიძემ

⁶ ხოფელი ეპისკოპოსის საგადასახადო ნუსხაში (XVI ს. შუა წლები) შეტანილი 46 კომლი გლეხიდან, 45 კომლი ან საერთო რაოდენობის 97,8%, მარტო ფულით იყო დაბეგრილი და მხოლოდ ერთი ვინმე ანდრიათვალი, ვალდებული ყოფილა გადაეხადა „ასის ნაღლისა სანთელი“ (დსსს, 1, გვ. 13—14). იმავე საუკუნის ზონის საყდრის დავთარში დასახლებული 61 კომლი გლეხიდან მესამედს შრომით და პროდუქტად გადასახადებთან ერთად ფულადი გადასახადიც უკონია დაკისრებული (ო. ს. ო. ს. ე. ლ. ი. ა., ფეოდალური ხანის დასავლეთ საქართველოს ისტორიიდან, გვ. 136). XVII საუკუნის პირველი მეოთხედის აფხაზეთის საკათალიკოსო გლეხების 400-ზე მეტი კომლიდან 126, ან კომლთა საერთო რაოდენობის 31%-ს, შრომითი და პროდუქტადი რენტის გარდა, ფულადი რენტის ტვირთიც სდებია (იხ. „აფხაზეთის საკათალიკოსო გლეხების დიდი დავთარი“, ს. კ. ა. კ. ა. ბ. ა. დ. ი. ს. გამოცემა, ტფილისი, 1914 წელი).

⁷ Г Л Г, გვ. 128.

⁸ გ. უ. ლ. დ. ე. შ. ტ. ე. დ. ტ. ი., I, გვ. 285.

⁹ დ. ს. ს. ს., I, გვ. 121—122.

სხვაევის ნათლისმცემლის მონასტრისადმი შეწირულ გლეხს¹⁰ დააკისრა 8 კასრი ღვინის, ხუთი ნაოთხალი პურის, ორი ყვერულისა და 60 კაპიკი ფულის გადახდა ყოველწლიურად¹¹. 1761 წელს იგივე გააკეთა აზნაურმა მერაბ ჯაფარიძემ. მან იმავე მონასტრისადმი ბოძებულ ერთადერთ გლეხს ორი კოდი პურის, ერთი ღორის, ორი კოკა ღვინის, ორი ქათმის, რკინისა და 20 კაპიკის გაღება დაავალა¹². აქ, როგორც ვხედავთ, ფულის ხვედრითი წონა ერთობ მცირეა, მაგრამ ის მაინც არის. ბიჭვინთის ეკლესიის გლეხთა 1763 წლის საგადასახადო ნუსხაში, რომლის სრული ტექსტი, სამწუხაროდ, არ გამოაქვეყნა მისმა აღმომჩენმა დ. ფურცელაძემ, ნათქვამია, რომ ნუსხაში შეტანილი ყველა გლეხი დაბეგრილი იყო ფულადი რენტით 20—60 თეთრის რაოდენობით¹³. საირმის უდაბნოს, კაცია დადიანის 1766 წლის განკარგულებით, უნდა მირთმეოდა ლეჩხუმში მოყვანილი პურ-ღვინის, ცერცე-ღომისა და სიმინდის წლის მოსავლის „ათისთავი“, 40 გორო ღვინო (ყვეიშიდან), ხუთი ხარი და ძროხა, ცხენი, ათი შამახური სანთელი, სამი მარჩილის თაფლი, 30 ქილა მარალი, სამოცი ფარგა, ათი ძროხის ტყავი და 100 მარჩილი ფულად¹⁴. ესენი „ყოველ წელიწადს მიერთმევიდეს ამ უდაბნოს და კრებულს სამოსლად და საზრდოდ“¹⁵— ნათქვამია დასახელებულ საბუთში.

შერეული რენტის თანაარსებობაა დადასტურებული მაქსიმე კათალიკოსის 1778 წლის გელათის წმინდა გიორგისადმი შეწირულებით წიგნში. მასში სულ 18 კომლი გლეხია შეტანილი, რომელთაგან 6 კომლი, ან კომლთა საერთო რაოდენობის 33,3%, პროდუქტად რენტასთან ერთად ფულადი რენტითაც იყო დაბეგრილი¹⁶. ასე, მაგალითად, სოფელ ოხოშირას მცხოვრებ ვინმე ხუცია ვირსალაძეს კათალიკოსმა დაავალა ეკლესიის სასარგებლოდ ეხადა ყოველწლიურად შვიდი თორმეტნიანი ღვინო, ერთი კოდი ღომი, შობის ძღვენი, ერთი ჩარეჭი ყველი, ერთი ღვინო, ოცი კვერცხი, ერთი ფოხალი ღომი, ერთი დოჭი ღვინო და ორი აბაზი თეთრი¹⁷.

¹⁰ მან მხოლოდ ერთადერთი გლეხი შესწირა.

¹¹ Г И Г, გვ. 129—130.

¹² ი ქ ვ ე, გვ. 130.

¹³ ი ქ ვ ე, გვ. 150.

¹⁴ დ ს ს, 11, გვ. 32; შდრ. გვ. 35.

¹⁵ ი ქ ვ ე.

¹⁶ ქ ს ძ, III, გვ. 923—925.

¹⁷ ქ ს ძ, III, გვ. 923—925.

სოფელ ნაბოსლევის კოზოლაძისეულ პარტახს შემწირველმა 8 თორმეტიანი ღვინისა და ერთი მარჩილი თეთრის გადახდა დააკისრა¹⁸, ხოლო ქუჭულა ფურცხვანიძეს— 6 თორმეტიანი ღვინის, ერთი კოდი ღვინის და ერთი მარჩილი თეთრისა¹⁹. იმერეთის მეფის ძის, ალექსანდრეს, განკარგულებით 1779 წ. საბუთში დაუსახელებელ მონასტერს ყოველწლიურად 100 მარჩილი უნდა მიეღო²⁰. 1782 წელს „კახეთის მეფის (ე. ი. ერეკლე მეორის — ი. ა.) რძალმა“ წულუკიძემ გოგენის მონასტერს ქუთაისში მცხოვრები ერთი ებრაელი უბოძა და მას მხოლოდ ფულადი გადასახადის გადახდა დააკისრა 12 მარჩილის რაოდენობით წელიწადში²¹. ასევე მარტო ფულადი გადასახადის გადამხდელები ჩანან გელათის წმინდა ნიკოლოზის საყდრისადმი 1787 წელს მაქსიმე კათალიკოსის მიერ შეწირული ებრაელები. „მოვიყვანეთ ონიდამ, — ნათქვამია საბუთში, — და დაგისახლეთ ქუთათის ურია ისრაელაშვილი აბრამა, მისი შვილი დავითა, მისი ძმისწული მარდანა, მისი ძმა ისაკა, მისი ბიძაშვილი მოშა, მისი ძმა დავითა, ხანანია, სულიელა და კიდევ ჯანაშვილი იაკობ... ამათგან მოგრთმეოდეს ბეგარა წლითი წლად სანთლისა და საკმეველის ფარად ხუთი მარჩილი, მარჩილი ძველი და წინამძღუარსა ჩუენსათხუთმეტმარჩილი“²².

ს. კაკაბაძის მიერ გამოქვეყნებულ 1787 წლის ქრისტეს საფლავის გლეხთა საგადასახადო ნუსხაში სულ დაახლოებით 81 კომლია შეტანილი. აქედან ერთი კომლის გადასახდელი საბუთში საერთოდ არაა დასახელებული, 4 კომლს ლაშქრობა-ნადირობის მოვალეობა აქვს დაკისრებული, ხოლო დანარჩენებს — შრომითი, პროდუქტადი და ფულადი რენტის გადახდა²³. ფულადი რენტის გადამხდელთა რაოდენობა (რენტის სხვა ფორმებთან ერთად) 29 კომლს ან კომლთა საერთო რაოდენობის 38,8%-ს უდრის²⁴. 1789 წელს იმერეთის მეფემ სოლომონ II-მ გელათის მონასტერს 4 კომლი გლეხი შესწირა. მათ ეკლესიისათვის ყოველწლიურად 20 მარჩილი

¹⁸ ი ქ ვ ე .

¹⁹ ი ქ ვ ე .

²⁰ Г И Г , გვ. 84 .

²¹ ი ქ ვ ე , გვ. 128 .

²² დ ს ს ს , II , გვ. 87 .

²³ ი ქ ვ ე , გვ. 92—93 .

²⁴ ი ქ ვ ე .

(ე. ი. 20 მანეთი) და 1,5 ლიტრა სანთელი უნდა მიეცათ²⁵. აქ, როგორც ვხედავთ, ფულადი რენტის ხვედრითი წონა ძალიან დიდია. იგივე ითქმის ზემოთ უკვე დასახელებული გულქან დედოფლის მიერ 1797 წელს ქუთაისის ღვთისმშობლის ხატისადმი შეწირული გლეხის, ვინმე ივანიძის, გადასახადების შესახებაც. მას, საბუთის თანახმად, ყოველწლიურად ხატის სასარგებლოდ „ერთი მარჩილი თეთრი ან მარჩილის სახორცე უნდა გაეღო“²⁶. სოლომონ II-ის ერთ, 1800 წლით დათარიღებულ და წმინდა გიორგის ეკლესიისადმი ბოძებულ, წიგნში ვკითხულობთ: „შემოგწირე და მიგიძღვანე ჩვენის გამოსავლის საურისაგან ასი (100) მარჩილი თეთრი და სხვა შენის პატივისცემისათვის შენის ეკლესიის კაცს სადაც არ არის ყოველთავე ამოუკვეთე, ესეთ რომელ არცა ჩვენგან და არცა ჩვენთა შემდგომთა მეფეთაგან აროდეს არ ეთხოვებოდს (არაფერი), თვინიერ ამა შეწირულისა და ეს ასი (100) მარჩილი ყოველ წელს შენის ეკლესიის კაცისაგან დეკანოზს მიეზაროს და დეკანოზისაგან ეკლესიას მოხმარდეს“²⁷. ამრიგად, სოლომონ II-ის გლეხებს, რომლებიც 100 მარჩილს იხდიდნენ მეფის სასარგებლოდ საურის ანგარიშში, ამიერადან ეს თანხა ეკლესიისათვის უნდა ეძლიათ.

ჩვენს ხელთ არის XVIII საუკუნის ერთი თავ-ბოლონაკლული საბუთი. მასში ჩამოთვლილია სულ 144 გადამხდელი. სამწუხაროდ, საბუთის დაზიანების გამო არ ჩანს, თუ რა გადასახადთან გვაქვს საქმე და ვის სასარგებლოდაა იგი დაწესებული, მაგრამ ჩვენი ყურადღება იმან მიიქცია, რომ ყველა გადამხდელი დაბეგრულია მხოლოდ ფულადი გადასახადით (სმახი, ფონდი Hd, საბ. 1641).

საინტერესოა XIX საუკუნის დამდეგის საბუთები, რომლებიც XVIII საუკუნის ვითარებასაც გამოხატავენ. ასეთია, მაგალითად, საქუთათელიო და საკათალიკოსო ყმათა საგადასახადო ნუსხა. აქ დაბეგრული სოფლების რაოდენობა 124-ს უდრის. აქედან 65 სოფელი, ანუ 52,4%, რენტის სხვა ფორმებთან ერთად ფულადი რენტის გადამხდელი იყო²⁸. 1802 წელს, რომელიდაც აბაშიძის ქვრივის მიერ შედგენილ საჩივრის წიგნში, დასახელებულია ის ფულადი თანხა, მის მაზლებს, სვიმონ და გიორგი აბაშიძეებს რომ აუკრეფიათ ხელ-

²⁵ Г Ц Г, გვ. 135.

²⁶ დსს, II გვ. 112.

²⁷ ი ქ ვ ე, 119.

²⁸ „საისტორიო კრებული“, I, 1928, გვ. 69—94.

ქვეითი გლეხებიდან. მათ, საბუთის თანახმად, სოფელ ყელქეულის მშრომელი მოსახლეობიდან 8 თუმანი აუღიათ, ღონღაძის ქვრივისათვის საქვრივოს ანგარიშში, 2 თუმანი გამოურთმევიათ, სამხარაძისა ღამბაშიძეების ქვრივებისათვის იმდენივე, ონიაშვილის ქვრივისათვის — 3 თუმანი, ბუზალაძის ქვრივისათვის — 15 მინალთუნი და ვინმე გოცირიძისათვის გასამყრელო — 8 მინალთუნი²⁹.

არანაკლებ საინტერესოა ჯრუჭის მონასტრის ყმათა 1809 წლის საგადასახადო ნუსხა. ნუსხაში სულ 105 კომლია დასახელებული. აქედან 56 კომლი, ან კომლთა საერთო რაოდენობის 54,3%, შრომით და პროდუქტად რენტა-გამოსაღებებთან ერთად, ფულად გადასახადსაც იხდიდა³⁰ საურის სახით³¹.

ჩვენ დავასახელებთ მხოლოდ ნაწილი³² ჩვენთვის ცნობილი იმ საბუთებისა, რომელშიც ფულადი საბატონო გადასახადების, კერძოდ ფულადი რენტის, არსებობის ფაქტია დადასტურებული XVIII ს. და XIX ს. დამდეგის დასაველეთ საქართველოში. მკითხველი, ალბათ, მიხვდა, რომ ჩვენ საგანგებოდ ისეთი დოკუმენტები განვიხილეთ, რომლებშიც ფულად რენტა-გადასახადებზეა ლაპარაკი და უყურადღებოდ დავტოვეთ მრავალი ზიგელ-გუჯარი და წყალობის წიგნი, რომელშიც მარტო შრომითი და პროდუქტადი რენტა აღწერილი. ასე მოვიქვეცით იმიტომ, რომ ყველა მათი აღრიცხვა, შრომითი და პროდუქტადი რენტა-გადასახადების ღირებულებისა და ხვედრითი წონის განსაზღვრა, მისი ფულად სახეობასთან შედარება და ზუსტი დასკვნის გამოტანა საქართველოს, ამ შემთხვევაში კი დასაველეთ საქართველოს მასშტაბით, ჯერჯერობით არამცთუ ძნელია, არამედ შეუძლებელიც. აქედან გამომდინარე იძულებული ვართ უპირატესად ზოგად შთაბეჭდილებებზე ვილაპარაკოთ. ზოგადი შთაბეჭდილება კი, რომელიც რჩება მკითხველს მოტანილი მასალიდან, ვერ უთავსდება ცალკეულ მკვლევართა შეხედულებებს ფულადი რენტის სრულიად უმნიშვნელო როლის შესახებ XVIII საუკუნის მეორე ნახევრისა და XIX საუკუნის დასაწყისის დასაველეთ საქართველოში. ჩვენ არ ვიცით. თუ როგორი იყო მისი ხვედრითი წონა. მაგრამ, უეჭველია, ის გაცილებ-

²⁹ სმახი, ფონდი Hd, საბ. 3856; მსეი, III, გვ. 371—372.

³⁰ „საისტორიო კრებული“, I, გვ. 42—56.

³¹ მას თითო კომლი 2 მარჩილის რაოდენობით იხდიდა.

³² მსგავსი საბუთები იხ. აგრეთვე: ქსძ, III, გვ. 968, 970—971; ΓΛΓ, გვ. 85, 115—120; დსსს, II, 125—138 და სხვ.

ზით მეტი იყო, ვიდრე 4 პროცენტი, როგორც ფიქრობენ მ. დუმ-ბაძე³³ და ო. სოსელია³⁴.

5. დასკვნები

ყველაფერი ის, რაც ზემოთ ითქვა, საფუძველს გვაძლევს და-ვასკვნათ:

1. ფულადი რენტა (გადასახადები), რომელიც, როგორც წე-სი, რენტის სხვა ფორმებთან იყო გადახლართული, საკმაოდ გავრ-ცელებული ჩანს XVIII საუკუნისა და XIX საუკუნის დამდეგის სა-ქართველოში და გაცილებით მეტ როლს თამაშობს ქვეყნის სო-ციალ-ეკონომიურ ცხოვრებაში, ვიდრე ეს დღემდე ეგონათ.

2. ფულადი რენტა (გადასახადები) უფრო გავრცელებული იყო აღმოსავლეთ, ვიდრე დასავლეთ საქართველოში. პირველ მათ-განში მისი ეკონომიური მნიშვნელობა უფრო საგრძნობი იყო, ვიდ-რე მეორეში, თუმცა არც მეორეში ყოფილა იგი ძალიან მცირე მას-შტაბის მქონე.

3. მთელი განსახილველი პერიოდის განმავლობაში (დროის ზო-გიერთი მონაკვეთის გამოკლებით) მკაფიოდ შეიმჩნევა პროდუქტა-დი რენტის შეცვლის შეუხელებელი ტენდენცია, რაც ხშირ შემთ-ხვევაში არა მარტო მებატონეთა, არამედ მწარმოებელი კლასის ინ-ტერესებსაც ემთხვევა, მათ სურვილსაც გამოხატავს.

4. ფულადი რენტის (გადასახადების) განვითარების აღნიშნულ-მა ტენდენციამ თავის უმაღლეს წერტილს XVIII საუკუნის ბოლოსა და XIX საუკუნის დამდეგს მიაღწია. მან, ჩვენი დაკვირვებით, სა-ქართველოს ეკონომიურ ცხოვრებაში მტკიცედ დაიკავა მეორე ად-გილი. პირველი და მესამე ადგილები კი შესაბამისად პროდუქტად და შრომით რენტას ეჭირა, მაგრამ, როგორც უკვე აღვნიშნეთ, გან-ვითარების ტენდენცია ფულადი რენტის სასარგებლოდ იყო, რაც სა-ზოლოო ჯამში საგრძნობლად ზრდიდა მის ხვედრით წონას.

5. სათანადო მასალების უქონლობა არ გვაძლევს საშუალებას ზუსტად განვსაზღვროთ ფულადი რენტა-გადასახადების ხვედრითი

³³ მ. დუმბაძეს, რომელიც სწორედ ამ პროცენტს ასახელებს, სამწუხაროდ, არ მოჰყავს სათანადო ფაქტობრივი მასალა და ამიტომ არ ჩანს, რაზეა მისი დასკვნა დამყარებული (იხ. მისი „დასავლეთ საქართველო XIX საუკუნის პირველ ნახე-ვარში“, გვ. 93).

³⁴ ო. სოსელია, ფეოდალური ხანის დასავლეთ საქართველოს ისტორიიდან, გვ. 139.

წონა, მაგრამ, ვფიქრობთ, ის XVIII—XIX საუკუნეთა მიჯნაზე 15—20 პროცენტზე ნაკლები არ უნდა ყოფილიყო. ეს პროცენტი ბევრად უფრო გაიზარდება, თუ მხედველობაში მივიღებთ სახელმწიფო გადასახადებს, რომელშიც, როგორც ცნობილია³⁵, ფულადი სახეობა დომინირებდა.

³⁵ ნ. კოიავეა, დასახელებული ნაშრომი, გვ. 153.

გლეხობის ქონებრივი დიფერენციაცია. კლასობრივი დიფერენციაციის საწყისები (XVIII ს. მეორე ნახევარი, XIX ს. დამდეგი)

გლახთა ქონებრივი დიფერენციაცია, რომელსაც ფეოდალური ურთიერთობის მთელ მანძილზე ჰქონდა ადგილი, განსაკუთრებით საგრძნობი გვიან საშუალო საუკუნეებში გახდა. მრავალი დოკუმენტური თუ სხვა ხასიათის მასალა დაბეჭითებით ლაპარაკობს სხვადასხვა ეკონომიური მდგომარეობისა და შეძლების მქონე გლახთა ჯგუფების არსებობაზე განსახილველი ხანის საქართველოში. XVII საუკუნის ერთ ძეგლში, რომელსაც „საყაფლანიშვილოს ძღვენისა და სამასპინძლოს გარიგების დავთარი“ ჰქვია სახელად, სწორედ სოფლის მშრომელი მოსახლეობის ეს ჯგუფებია ჩამოთვლილი. პირველში მოქცეული არიან „მთელი საკომლოს“ მფლობელები¹, მეორეში — „ნახევარი საკომლოს“² და მესამეში — „ამათგან უმცროსის“³. იმავე წყაროს თანახმად, ზოგ სოფელში აღნიშნულ ჯგუფებს რამდენადმე სხვაგვარი სახელწოდება ჰქონიათ — „კაი გლახი“⁴, „შვათანა გლახი“⁵, და „ამათგან უმცროსი გლახი“⁶. ან კიდევ: „კაი კომლი“⁷, „ამისგან დაბალი“ კომლი⁸ და „ამათგან უმცროსი“ კომლი⁹.

1 ივ. ჯ ა ვ ა ხ ი შ ვ ი ლ ი, საქართველოს ეკონომიური ისტორიის ძეგლები, წიგნი II, თბ., 1974, გვ. 58, 59, 60, 61.

2 ი ქ ვ ე.

3 ი ქ ვ ე.

4 ი ქ ვ ე, გვ. 62; შდრ. ვახტანგ VI-ის სამართლის წიგნი, მუხ. 103.

5 ი ქ ვ ე, შდრ. ვახტანგ VI-ის სამართლის წიგნი, მუხ. 103.

6 ი ქ ვ ე.

7 ი ქ ვ ე, გვ. 63.

8 ი ქ ვ ე.

9 ი ქ ვ ე.

როგორც ვხედავთ, გლეხები ერთიმეორისაგან განსხვავდებოდნენ მიწის მფლობელობის მასშტაბით: ზოგს ჰქონდა სრული საკომლო, ზოგს — ნახევარი, ზოგს — ნახევარზე ნაკლები. ამის მიხედვით ზოგი იმსახურებდა „კაი კომლის“ სახელს, ზოგი — ამაზე დაბალისას და ზოგიც — ამაზე უმცროსისას. მათი გადასახადებიც განსხვავებული იყო. ყველაზე მეტად პირველი ჯგუფის ყმები იყვნენ დაბეგრბილნი, ყველაზე ნაკლებად კი — მესამე ჯგუფის¹⁰.

სრული, ნახევარი და მეოთხედი საკომლოს მფლობელი გლეხების გვერდით, მათთან ერთად და იმათ პარალელურად წყაროები ასახელებენ საერთოდ უმამულო, არაფრის მქონე ყმებს. ვინმე რამაზა ნალეკარი, რომელიც ეკონომიურმა გაჭირვებამ აიძულა ხახულის ეკლესიას ყმად მისვლოდა, ნიკოლოზ მოძღვრისადმი მირთმეულ თხოვნაში წერდა (1774 წ.): „უბინაო და უმამულო ვიყავ... თქვენ მამული გვიბოძეთ შოშიაშვილის ნაქონი“¹¹. იმერელი ბეჟან სულაძეც, 1788 წელს თავის „ნებით“ რომ ეყმო ალავერდის წმ. გიორგის ეკლესიას, „უმამულო და უსახლკაროს“ უწოდებს თავის თავს¹². „შეუძლებელი, ღარიბი, უმამულო კაცი“¹³ იყო აგრეთვე ვინმე ოთარ ებიტაშვილი, მოხსენებულ ბატონიშვილ გიორგის 1793 წლის ოქმში. „ტირძნისს რომ დგას ჯავახი გოგია ფეიქარი, ამას არც მამული აქვს, არც ადგილი“¹⁴ — ნათქვამია ერეკლე II-ის 1796 წლის ერთ ბრძანებაში. უკიდურესად ღარიბი, უმამულო, არაფრის მქონე გლეხების არსებობაა დადასტურებული XVIII საუკუნის ბევრ სხვა საბუთშიც¹⁵. განსაკუთრებით უხვად არიან ისინი დასახელებული 1804 წლის თელავისა და კახეთის მაზრების კამერა-

¹⁰ დაწერილებით გლეხთა ამ ჯგუფების შესახებ იხ. ივ. ჯ ა ვ ა ხ ი შ ვ ი ლ ი, საქართველოს ეკონომიური ისტორია, წიგნი I, თბ., 1930, გვ. 52—55; გ. ა კ ო ფ ა შ ვ ი ლ ი, გლეხების ეკონომიური მდგომარეობა XVIII ს. მეორე ნახევრის აღმოსავლეთ საქართველოში, „მაცნე“, 1963, № 5, გვ. 125—127; დ. მ ე გ რ ე ლ ა ძ ე, გლეხთა ეკონომიური მდგომარეობისათვის XVII—XVIII სს. ქართლის მასალების მიხედვით, „მაცნე“, 1965, № 5.

¹¹ ს ს ც ი ა, ფონდი 1449, საბ.

¹² ი ქ ვ ე, საბ. 2602.

¹³ ი ქ ვ ე, ფონდი 1448, საბ. 4298.

¹⁴ ი ქ ვ ე, ფონდი 1450, დავთ. 14, საბ. 115.

¹⁵ ს მ ა ხ ი, ფონდი Qd, საბ. 2171, 7031, 8571, 8941, 9037 კდ.; სსცია, ფონდი 1450, დავთ. 28, საბ. 227; სს. I, საბ. 191, გვ. 184.

ლური აღწერის მასალებში¹⁵, რომლებიც, როგორც უკვე აღვნიშნეთ, XVIII საუკუნის მიწურულის ვითარებასაც გამოხატავენ.

ლარიზ-ლატაკი ხალხის გვერდით დოკუმენტები ადასტურებენ არა მარტო სრული საკომლო ნაკვეთის მქონე გლეხების არსებობას, არამედ ლაპარაკობენ ეკონომიურად აღზევებული, საწარმოო საშუალებებით ჭარბად უზრუნველყოფილი, დიდი მატერიალური შესაძლებლობით გამორჩეული ბირთვის ფორმირებაზე ჩვენთვის საინტერესო ხანის საქართველოს სოფელში. ის გამორჩეოდა მიწებისა და პირუტყვის რაოდენობით, სამეურნეო ოპერაციების მასშტაბით და ხასიათით, მიზნებითა და ამოცანებით. სამწუხაროდ, მასალები ყოველთვის ვერაა სრული და ამიტომ ჩვენი მსჯელობაც ზოგ შემთხვევაში არაპირდაპირ მონაცემებზეა დაფუძნებული. ეს, რა თქმა უნდა, არ არის საუკეთესო გზა, მაგრამ უკეთესის უქონლობა განაპირობებს მისი გამოყენების აუცილებლობას.

მდიდარი გლეხი ჩანს წოდორელი მღვდელი შიო მარკოზაშვილი. იგი, საბუთების თანახმად, 1710 წლიდან მოყოლებული 1712, 1717, 1718, 1719, 1720, 1724, 1727, 1728, 1732, 1734 და 1737 წლებში სისტემატურად ყიდულობდა მიწებს¹⁶, სამწუხაროდ, ნასყიდობის სიგელებში, როგორც წესი, გაყიდულ-შესყიდული ნაკვეთების ზომა არაა ნაჩვენები, მაგრამ ზოგჯერ მაინც აღნიშნულია, რაც დასმულ საკითხზე ერთგვარ წარმოდგენას გვაძლევს. მაგ., 1727 წელს, მარკოზაშვილს ნასყიდობის ორი ოპერაცია ჩაუტარებია, ერთით ნახევარი დღიური¹⁶, ხოლო მეორეთი — ორი დღიური¹⁷ მიწა შეუძენია. 1732 წელს მას ლისელ ბერუა ქილასშვილისაგან ერთი დღის მიწა უყიდა¹⁸. ამ მონაცემებით შესყიდული ნაკვეთები მცირე მასშტაბისა ჩანან. მაგრამ ამ ფაქტს მაინც ჰქონდა განსაკუთრე-

¹⁵ სსცია, ფონდი 254, ანაწ. I, საქმე 52, ფურც 17 უკ. გვ. 18, 26, 35 უკ. გვ., 37 უკ. გვ., 39 უკ. გვ., 41, 45, 46 უკ. გვ., 47, უკ. გვ., 49, 50, 51, 52 და სხვ. საქმე 75, ფურც. 47, უკ. გვ., 51, 77, 85, უკ. გვ., 87 უკ. გვ., 99 უკ. გვ., 116, 136, 137, 143, 144, უკ. გვ., 152, 152 უკ. გვ., 153, 153 უკ. გვ., 154 უკ. გვ., 155 და სხვ.

¹⁶ სსცია, ფონდი 1448, საბ. 8769 (1710 წ.), სმახი, Qd, საბ. 9037 რივ (1712 წ.), Sd, საბ. 102 (1717 წ.), საბ. 93 (1718 წ.), საბ. 104 (1720 წ.), საბ. 115 (1724 წ.), საბ. 118 (1724 წ.), საბ. 120 (1727 წ.), საბ. 125 (1727 წ.), საბ. 121 (1728 წ.), საბ. 253 (1732 წ.), საბ. 251 (1734 წ.), საბ. 247 (1737 წ.).

¹⁶ ს მ ა ხ ი, ფონდი Sd, საბ. 120.

¹⁷ ი ქ ვ ე, საბ. 125.

¹⁸ ი ქ ვ ე, საბ. 245.

ბული მნიშვნელობა იმიტომ, რომ გლეხი ამ გზით, ე. ი. მცირე ზომის ნაკვეთების შექენით, თავს აღწევდა ძირითადი საწარმოო საშუალებით — მიწით მომარაგება-უზრუნველყოფის ფეოდალურ-ბატონყმურ ფორმებსა და მეთოდებს. ამას გარდა, პატარა ზომის ნაკვეთების შექენით, შემძენი ხშირ შემთხვევაში თავის მამულების დამრგვალება-გაფართოებას ისახავდა მიზნად. ჩანს, ეს მიზანი არც შიო მღვდლისთვის იყო უცხო. ნასყიდობის სიგელში, რომელიც ვარამ ძულიაშვილმა მისცა მას 1717 წელს, ნათქვამია: „შენ შიოს მღვდელს... მოგყიდე შენის ვენახის იქით თავში ბილიკის იქითა მიწა“¹⁹. 1727 წლის საბუთში კი ვკითხულობთ: „ჩვენ ანაწილავილმა დათუნამა, შვილმა ჩემმა ივანემა, შენ შიოს მღვდელსა და შვილსა შენსა ოსესა და გიორგისა... მოგყიდეთ(თ) ჩვენი სამკვიდრო მამული შენს ვენახთან ნახევარი დღის მიწა“²⁰.

არ ვიცი, როგორ იყენებდა ამ მიწებს მისი პატრონი, მაგრამ არაა გამორიცხული, რომ მას ფართო მასშტაბის მეურნეობა ჰქონდა და საბაზრო პროდუქციას ამზადებდა. არც ისაა გამორიცხული, რომ შიო მარკოზაშვილი იჯარით გასცემდა ხოლმე მიწების ნაწილს და ამ გზით აძლიერებდა თავის ეკონომიურ შესაძლებლობას.

მდიდარ გლეხთა ჯგუფს განეკუთვნებოდნენ ძმები შერმაზან და ოთამ ხაშარაძეები. ისინი ჯერ თვითონ, ხოლო უფრო მოგვიანებით ძმისწულებთან ერთად, ინტენსიურად ეწეოდნენ მიწების შესყიდვას. მათ, როგორც ჩანს²¹, ეს საქმიანობა ჯერ კიდევ XVII საუკუნის ბოლოს დაუწყიათ და მომდევნო საუკუნეშიც გაუგრძელებიათ. ოთამისა და მისი ძმისწულების მიერ მიწების შექენას, საბუთების თანახმად, ადგილი ჰქონია 1710, 1713, 1717, 1724, 1727 წლებში²² და XVIII საუკუნის ზოგ სხვა, წყაროში კონკრეტულად დაუსახელებელ, წლებში²³. აქაც, ყველა შემთხვევაში, საქმე გვაქვს წვრილ-წვრილი ნაკვეთების შესყიდვასთან. ხაშარაძეებისათვის მიცემულ ნასყიდობის სიგელებში დადასტურებული არაა ორ დღიურზე მეტი მიწის ფართობის გაყიდვა-შესყიდვის ფაქტი. და მაინც საერთო ჯამი

¹⁹ ს მ ა ხ ი, ფონდი Sd, საბ. 102.

²⁰ ი ქ ვ ე, საბ. 120.

²¹ გ. ა კ ო ფ ა შ ვ ი ლ ი, გლეხების ეკონომიური მდგომარეობა XVIII ს. მეორე ნახევრის აღმ. საქართველოში. „მაცნე“. 1963, № 5, გვ. 128.

²² ს ს ც ი ა, ფონდი 1448, საბ. 8777 (1710 წ.), საბ. 8764 (1713 წ.), საბ. 8778 (1717 წ.), საბ. 8781 (1717 წ.), საბ. 8773 (1724 წ.), საბ. 8768 (1727 წ.); ფონდი 1449, საბ. 997 (1717 წ.).

²³ ი ქ ვ ე, ფონდი 1448, საბ. 8780.

შესყიდული მიწებისა, ვფიქრობთ, საგრძნობი ოდენობის უნდა ყოფილიყო. სამწუხაროდ, ამ ჯამის დადგენა შეუძლებელია, ჯერ ერთი, იმიტომ, რომ ყველა ნასყიდობის სიგელი ჩვენამდე არაა მოღწეული და, მეორეც, ბევრ მათგანში გაყიდული ნაკვეთების ზომა კონკრეტულად არაა მითითებული.

სისტემატურად ყიდულობდნენ მიწებს დათუნა, თამაზა, ელიზბარ და სხვა კოშაძეები. XVIII საუკუნის პირველი ნახევრით დათარიღებულ საბუთებში, როგორც წესი, კონკრეტული წლების მითითების გარეშეა, ჩამოთვლილია დასახელებული გლეხების მიერ მიწის შეძენის შემთხვევები. სხვადასხვა პირები, მათ სახელზე გაფორმებულ ნასყიდობის სიგელებში, წერენ: „მოგყიდეთ ერთი დღის მიწა“²⁴, „მოგყიდეთ ნასახლარი და ნაფუზარი“²⁵, „მოგყიდეთ ჯვრის ნაფუძარი“²⁶, „მოგყიდეთ ივანაშენს გოგნიაშვილის და ბერუკას ნაქონი ვენახი“²⁷, „მოგყიდეთ სამი დღის მიწა ნიჩაბაშია“²⁸, „მოგყიდეთ კოკუასშვილისეული მიწა“²⁹, „მოგყიდეთ ორი დღის მიწა ნაფუზარი“³⁰, „მოგყიდეთ ნასახლკარი და ნაფუზარი მისის გზითა და სამძღვრითა“³¹, „მოგეციოთ.. მიწა ელიაზე დღე ნახევრისა“³², „მოგყიდეთ ივანაშენს ჩემი ნასყიდი ბაგა“³³, „მოგყიდეთ მიწა ერდოს“³⁴ და ა. შ. შემორჩენილია რამდენიმე დათარიღებული სიგელი. „დამეჭირა და მოგყიდე ფიცეს... მიწა“³⁵ (1729 წ.), „მოგყიდეთ ჩუენი მკვიდრი საჭირნახულო მიწა“³⁶ (1734 წ.), „დაგვეჭირა და მოგყიდეთ „ჩუენი სამკვიდრო ჭალა“³⁷ (1735 წ.), „მოგყიდე მძულიასეული მიწა ნახევარ დღისა“³⁸ (1737 წ.).

24 ს ს ც ი ა, ფონდი 1448, საბ. 5371.

25 ი ქ ვ ე, საბ. 5370.

26 ი ქ ვ ე, საბ. 5373.

27 ი ქ ვ ე, საბ. 5378.

28 ი ქ ვ ე, საბ. 5380.

29 ი ქ ვ ე, საბ. 5383.

30 ი ქ ვ ე, საბ. 5386.

31 ი ქ ვ ე, საბ. 638.

32 ი ქ ვ ე; საბ. 651.

33 ი ქ ვ ე, საბ. 641.

34 ი ქ ვ ე, საბ. 657.

35 ი ქ ვ ე, საბ. 637.

36 ი ქ ვ ე, საბ. 658.

37 ი ქ ვ ე, საბ. 644.

38 ი ქ ვ ე, საბ. 649.

აქაც, როგორც სხვა შემთხვევაში, შეუძლებელია კომპიქტა მიწის შესყიდული მიწების საერთო რაოდენობის დადგენა, რადგან გაყიდული ნაკვეთის ზომა მითითებული არაა.

ქართლელი ზაქარია, გიორგი, ივანე და ბერუჟა ბიჭიკაშვილები ეკონომიურად ძლიერი გლეხები არიან. ამას ხაზგასმით აღნიშნავენ ჩვენამდე ჩავახიშვილები, რომლებიც უჩივიან ბიჭიკაშვილებს გადასახადების გადაუხდელობას, თავის არიდებას. თვითონ დასახელებული გლეხებიც არ უარყოფენ დიდ მატერიალურ შეძლებას და ბატონთან ანგარიშის გაუსწორებლობას ხსნიან არა გაჭირვებით, არამედ მათზე დაკისრებულ ვალდებულებათა განუწყვეტელი ზრდითა და ამით გამოწვეული უკმაყოფილებით. „მართალია შემძლებელი გლეხი ქართლსა და კახეთში ბევრი გხლებიათ“, მაგრამ ყველა ისინი თავიანთ ბატონებს სათანადოდ უმსახურებიათ და უკიდურესობამდე არ მიუყვანიათო, მოახსენებდნენ ბიჭიკაშვილები ერეკლე II-ს 1782 წელს³⁹.

ჩვენს ხელთ არსებული საბუთების თანახმად, ბიჭიკაშვილებს მიწების შესყიდვა XVIII საუკუნის 30-იან წლებში დაუწყიათ, რაც იმავე საუკუნის 80-იანი წლების პირველ ნახევრამდე გაგრძელებულია. მაგალითად „მოგყიდეთ ჩვენი სამკვიდრო ბარათში გამოყოფილი მამული ხოვლეს“⁴⁰ (1734 წ.), „მოგყიდე ჩემი ალალი მამული, ზვრის ნაჭერი და ნაზვრევი“⁴¹ (1746 წ.), „მოგყიდე ჩემი მკვიდრი კვირიკა წმინდის თავს ნაწისქვილარი თავისის შესავალ-გასავლითა“⁴² (1762 წ.), „მოგყიდეთ ჩემი მკვიდრი მამული“⁴³. (1772 წ.), „მოგყიდე ვენახი“⁴⁴ (1774 წ.). „ჩემი ბარათის კაცის ჭილრიკისა და ყაზარას მიწა შვიდი დღისა მოგყიდე“⁴⁵ (1780 წ.), „ნავენახობები მოგეცით იმ ნაზვრევის გარდა“⁴⁶ (1784 წ.). არის კიდევ რამდენიმე დაუთარილებელი, მაგრამ XVIII საუკუნის საბუთი, სადაც ასევე დადასტურებულია ბიჭიკაშვილების მომხვეჭელობითი საქმიანობა; „დაგვეჭირა და მოგყიდეთ ჩვენი მამულის მიწა“⁴⁷, „მოგყიდე მი-

³⁹ სსცია, ფონდი 1448, საბ. 5398.

⁴⁰ ი ქ ვ ე, საბ. 5400.

⁴¹ ი ქ ვ ე, საბ. 5408; ფონდი 1449, საბ. 675.

⁴² ი ქ ვ ე, ფონდი 1449, საბ. 666.

⁴³ ი ქ ვ ე, ფონდი 1448, საბ. 5399.

⁴⁴ ი ქ ვ ე, საბ. 5401.

⁴⁵ ი ქ ვ ე, საბ. 5407, ფონდი 1449, საბ. 674.

⁴⁶ ი ქ ვ ე, საბ. 5405.

⁴⁷ ი ქ ვ ე, საბ. 5402.

წა⁴⁸, „მოგყიდეთ ოთხის დღის მიწა⁴⁹, „მოგყიდეთ ოთხის დღის მიწა... ამას გარდა სამის დღის მიწა⁵⁰, „მოგყიდეთ მიწა“⁵¹ და ა. შ.

რამდენიმე სიტყვა კაკა, ბასილა და დემეტრე ხატიაშვილებზე. ესენიც ენერგიულად იძენენ მიწა-მამულებს, მაგრამ ზემოთ დასახელებულთაგან განსხვავებით, იძენენ როგორც მცირე, ისე შედარებით მსჭვილ ნაკვეთებს. მაგალითად, 1760 წელს მათ ორი ნასყიდობა გაათორმეს: ერთი — გივი გურამიშვილთან, ხოლო მეორე — ზაალ იორამისშვილთან. პირველისგანაც 26 დღიური მიწა იყიდეს და მეორისგანაც, კახეთის ერთ-ერთ სოფელში⁵². რაც შეეხება პატარა ნაკვეთების შესყიდვას, ამის შესახებ საბუთებში ასეთი ცნობებია დაცული: „მოგყიდე ჩემი სამკვიდრო სახნავი მიწა“⁵³ (1761 წ.), „სამი დღის მიწა მოგყიდე არხს ქვემო და აღმა-დაღმა“⁵⁴ (1761 წ.), „მოგყიდე ორი დღის მიწა არხის პირთან“⁵⁵ (1762 წ.), „დამეჭირა და მოგყიდეთ სახნავი მიწა“⁵⁶ (1770 წ.) და სხვ.

XVIII საუკუნის სხვა არაერთ საბუთში დაცულია მსგავსი ხასიათის ცნობები. მაგალითად, გლეხ ავთანდილაანთ ტერ-ხაზარას 15 დღიური მიწა გაუყიდა (1746 წ.)⁵⁷. ომარაშვილ ხიზანას — 10 დღიური (1780 წ.)⁵⁸. ლელაშვილ გაბრიელს — 26,5 დღიური⁵⁹ (1789 წ.), ულუაშვილ რამაზას — 49 დღიური⁶⁰ (XVIII ს.) და ა. შ. უნდა ვიფიქროთ, რომ აქ ჩამოთვლილ გლეხებს არ გაუყიდათ უკანასკნელი დღიური და რომ მათ ამ ოპერაციების მერეც დარჩათ საკმაო რაოდენობის მიწის ფართობი. არც იმის დაშვებაა საფუძველს მოკლებული, რომ დათუა ჯობაძე, რომელმაც 1800 წელს 60 დღიური მიწა იყიდა⁶¹, არც მანამდე იყო უმამულო. ამით მან მხოლოდ გაიძლიერა თავისი ეკონომიური მდგომარეობა. იგივე უნდა

⁴⁸ ს ს ც ი ა, ფონდი 1448, საბ. 5404.

⁴⁹ ი ქ ვ ე, საბ. 5406.

⁵⁰ ი ქ ვ ე, საბ. 673.

⁵¹ ი ქ ვ ე, საბ. 671.

⁵² ი ქ ვ ე, ფონდი 1449, საბ. 346; ფონდი 1448, საბ. 692.

⁵³ ი ქ ვ ე, საბ. 728.

⁵⁴ ი ქ ვ ე, საბ. 724.

⁵⁵ ი ქ ვ ე, საბ. 727; ფონდი 1448, საბ. 5479.

⁵⁶ ი ქ ვ ე, საბ. 723.

⁵⁷ ი ქ ვ ე, ფონდი 1450, დავთ. 2, საბ. 99.

⁵⁸ ი ქ ვ ე, დავთ. 12, საბ. 75.

⁵⁹ ს მ ა ხ ი, ფონდი Qd, საბ. 9037-ით დამატება.

⁶⁰ ს ს ც ი ა, ფონდი 1450, დავთ 2, საბ. 106.

⁶¹ ს მ ა ხ ი, ფონდი Qd, საბ. 2463.

ითქვას ქართლელ გლეხ გიორგი გონგლიაშვილზე, რომელმაც 1768 წლის ახლოს 40 დღიური მიწა შეიძინა⁶² და 100 დღიური მიწის შემსყიდველ ავთანდილ მარტიროზაშვილზე⁶³ (XVIII ს.).

როდესაც ვლასპარაკობთ სოფლის მშრომელი მოსახლეობის ქონებრივ დიფერენციაციაზე, შეუძლებელია არ გავიხსენოთ ყაფლანიშვილის ყმა აქულაშვილი ქვემო ქართლიდან. რომლის ეკონომიური შესაძლებლობა, ალექსანდრე ორბელიანის მოწმობით, ყოველგვარ საზღვარს გასცილებია. საკმარისია ითქვას, რომ იგი გამასპინძლებია თეიმურაზ II-სა და მის რამდენიმეათასიან ჯარს. აქულაშვილს დიდებული, მრავალი დარბაზისაგან შემდგარი მშვენიერი ორბუებითა და ქეჩებით მოფენილი სახლი ჰქონია. შეფის მხლებელი ყველა თავადი და აზნაური მოსამსახურეებით სახლში „თავისუფლად“ მოუთავსებია, ხოლო „ჯარისკაცნი სულ სოფელში ჩამოუხდენია თავის ხარჯზედ“⁶⁴. დამე საწოლი ყველასათვის ცალ-ცალკე მოუმზადებია, „ზოგი ზარიანი ფარჩისა და ზოგი ყალანქარისა“⁶⁵. მუთაქები და დორები სულ ხავერდისა ყოფილა⁶⁶. მეფის, მისი ამალისა და ჯარის სტუმრობა საში დღე-ღამე გაგრძელებულა. მასპინძელს გაცილებაც ზღაპრული მოუწყვია. ოქულაშვილის განკარგულებით, მარნებში ქვევრებისათვის თავები შეუხსნიათ და ღვინო ორღობებში მიუშვიათ. ძვირფასი სითხე ნიაღვარივით წასულა და თეიმურაზს, მის მხლებლებსა და ჯარს წამოსწევია. ამით გაკვირვებულ მეფეს უკითხავს: „რა ამბავია, შიგ რომ ღვინოში მივდივართ?“⁶⁷. „აქულაშვილი ღვინით“ გაცილებთო⁶⁸ — მოუხსენებიათ ყაფლანიშვილებს.

ალექსანდრე ორბელიანის ეს მოწმობა, რომელიც, ალბათ, მის ოჯახში დაცულ ცნობებზეა დამყარებული, ცხადია, გადაჭარბებულ-

⁶² ს ს ც ი ა, ფონდი 1449, საბ. 344.

⁶³ საბუთის გამკეში მიქელა და გიორგი ყანჯირაშვილები წერენ: „ასი დღის მიწა შოგეით... და თუ მოგქცე ათასი თანვა — ჩვენი მიწა ჩვენე მოგვეცი და თუ ვერ მოგვეცი... თქვენი იყოს მიწა და იხმარეთ“. (ს ს ც ი ა, ფონდი 1450, დავთ. I, საბ. 138).

⁶⁴ ალექსანდრე ო რ ბ ე ლ ი ა ნ ი, უწინდელი დროის ბატონყმობა საქართველოში, უერნ. „ცისკარი“, 1859 წ., ნომბრის ნომერი; იხ. აგრეთვე ალ. ო რ ბ ე ლ ი ა ნ ი ს თხზულებათა სრული კრებულის III ტომი (დასაბუქდად მოამზადა ლ. მ ე ფ ა რ ი შ ვ ი ლ მ ა).

⁶⁵ ი ქ ვ ე.

⁶⁶ ი ქ ვ ე.

⁶⁷ ი ქ ვ ე.

⁶⁸ ი ქ ვ ე.

ლია. გადაქარბება-გაზვიადების მიზანი კი ის იყო, რომ დამტკიცებულიყო გლეხის გამდიდრების სრული შესაძლებლობა ფეოდალურ-ბატონყმური ურთიერთობის პირობებში. ეს უკანასკნელი, ასკვნის, თითქოს, ამ მაგალითის მომტანი, არავე არ უშლის ხელს ეკონომიური აღზევების გზაზედ, თუ კი ის მშრომელი, გამრჩე და მონდომებული კაცია. მიუხედავად ასეთი ტენდენციურობისა, ალექსანდრე ორბელიანის მიერ აღწერილი შემთხვევა მაინც ძალიან საინტერესო და ბევრის მეტყველია. მის მოწმობას გაზვიადების ყველა ელემენტი რომ ჩამოვაშოროთ, რეალური მდგომარეობის ამსახველი სურათი დაგვრჩება. რეალური მდგომარეობა კი ნამდვილად იცნობდა აქულაშვილის მსგავს დიდი ეკონომიური შეძლების გლეხებს.

ასევე ძალიან მდიდარი გლეხები ყოფილან ძმები თევდორე და შიო ხახანაშვილები (XVIII ს. მეორე ნახევარი). მათ, გარდა წისქვილისა და ვენახებისა, 50 დღიურზე მეტი ნასყიდი მიწები ჰქონიათ⁶⁹. ეკონომიურად იმდენად გამოირჩეოდნენ სხვებისგან, რომ ხალხში ხმა დარხეულა: „ხახანანთ სახლში ოქროს აკვანი უდგათ და იმ აკვანში ზრდიან თავიანთ შვილებსო“⁷⁰.

ზემოთ დავასახელეთ მიწით მდიდარი გლეხები. გამორიცხული არ არის, რომ მათ შინაური საქონელიც ბევრი ჰყავდათ, მაგრამ კონკრეტული მონაცემების უქონლობის გამო ამაზე ვერაფერს ვაპბობთ. მიწების სიუხვით ცნობილი გლეხების გვერდით განსახილველი ხანის საქართველოში, იყვნენ პირუტყვმრავალი ყმებიც. ასეთების რიცხვს ეკუთვნოდა, მაგალითად ვინმე ჩალაუბნელი გუჯაშვილი (XVIII ს.), რომელსაც, საბუთის მოწმობით, 25 ხარკამეჩი და 10 ძროხა, სულ 35 მსხვილფეხა რქოსანი საქონელი ჰყოლია⁷¹. მეორე საბუთის თანახმად კი, XVIII ს. მეორე ნახევრის ერთი ქართლელი გლეხის ოჯახში 14 სული მსხვილფეხა რქოსანი ყოფილა თავმოყრილი⁷². ეტყობა, ძალიან ბევრი ცხვრის პატრონი იყო ფშაველი გლეხი ბოდალი, რომელმაც მარტო 1800 წელს საბალახო იჯარაში 600 სული ცხვარი გადაიხადა⁷³.

⁶⁹ აღ. სარაჯიშვილი, ერთი გლეხაკის ოჯახის ბედი მეთერამეტე საუკუნეში, ძველი საქართველო, ტ. IV, თბ., 1914 წ., გვ. 31.

⁷⁰ იქვე, გვ. 32.

⁷¹ დ. მეგრელაძე, გლეხთა ეკონომიური მდგომარეობისათვის XVII—XVIII საუკუნეების ქართლის მასალების მიხედვით, „მაცნე“, 1965, № 5, გვ. 195.

⁷² იქვე.

⁷³ Д. Пурцеладзе, ГКГ, 1882, стр. 75—76.

გლებთა ეკონომიური დიფერენციაცია მკაფიოდ ჩანს საგადასახადო ნუსხებშიც. საშაგალითოდ შეიძლება დავასახელოთ ქსნის ლავრისთავოს საგადასახადო ნუსხა, დათარიღებული გ. აკოფაშვილის მიერ XVIII საუკუნის უკანასკნელი მეოთხედით. იქ, როგორც ზევითაც აღვნიშნეთ სხვა საკითხთან დაკავშირებით, ისეთი გლებების გვერდით, რომლებიც მხოლოდ 3 აბაზით იყვნენ დაბეგრილნი, გვხვდებიან ძალიან დიდი თანხის — თუმნის, 2 თუმნის, 3 თუმნის, 12 თუმნის, 13 თუმნისა და თვით 50 თუმნის გადამხდლებიც. მაგალითად, ელო წიპტაურს, დათუნა კობაურს, ბერი კობაურსა და კაცია კობაურს სამ-სამი აბაზი ჰქონდათ შეწერილი⁷⁴, ხოლო გოგია ოყაშვილს, შიხუა შიხინაშვილს, ფირდაშვილსა და ზაალ შიხინაშვილს — I თუმანი, 2 თუმანი, 13 თუმანი და 50 თუმანი⁷⁵. ამ მშრალი ციფრებიდან არ ჩანს, თუ რა ქონებებს პატრონები იყვნენ ესოდენ დიდი თანხის გადამხდლები, მაგრამ, ცხადია, რომ მათ დიდი მატერიალური შესაძლებლობა ჰქონდათ. სხვაგვარად ვერ ვიტყვით, მაგალითად, ფარდაშვილსა და ზაალ შიხინაშვილზე, რომელთა წლიური გადასახადი 130 და 500 სული ცხვრის ფასის თანაბარი იყო. მართალია, მწარმოებელი კლასის დაბეგვრისას, მატერიალურ შესაძლებლობას ყოველთვის არ იღებდნენ მხედველობაში მაქსიმალური სიზუსტით, მაგრამ მისი გათვალისწინება მაინც აუცილებელ პირობად იყო მიჩნეული. ამას მოითხოვდა თვით მებატონის ინტერესები.

ქონებრივი დიფერენციაციის ასევე საინტერესო სურათს წარმოგვიდგენს კახელ გლებთა საგადასახადო ნუსხაც⁷⁶ (XVIII ს. უკანასკნელი მეოთხედი). მართალია, აქ გადამხდლებს შორის არ ჩანს ისეთი მკვეთრი კონტრასტი, როგორც ქსნის საერისთავოში, მაგრამ საკმაო განსხვავება მაინც იგრძნობა. ნუსხის მიხედვით, მცირე შეძლებებს გლებები — გიგაური, გობროსშვილი, ბიჭიკაშვილი, სიმონიშვილი, მენდიშვილი, ასჰანაშვილი, ქეშიტაშვილი და სხვა⁷⁷ თითო მარჩილით იყვნენ დაბეგრილები. გაცილებით უფრო ძლიერები ჩანან გიორგი ეთიბერაშვილი, პეტრე ეთიბერაშვილი, ფოცხვერა გელაშვილი, რამაზ გაფრინდაშვილი, გიორგი მკერვალი და ფოცხვერა ჰანველაშვილი. თითოეული მათგანის წლიური გადასახადი 1

⁷⁴ ს მ ა ხ ი, ფონდი Qd, საბ. 6998. გ. აკოფაშვილი, ფულადი გადასახადები... გვ. 15.

⁷⁵ ი ქ ვ ე.

⁷⁶ ს მ ა ხ ი, ფონდი Ad, საბ. 127.

⁷⁷ ი ქ ვ ე.

თუმანს უდრიდა⁷⁸, ესე იგი 16—17-ჯერ მეტი გადასახადი ჰქონდათ შეწერილი⁷⁹, ვიდრე ზემოთ დასახელებულ მცირე შეძლების გლახებს. და კიდევ, ყველაფრისაგან დამოუკიდებლად, მიწის მუშის თუმნით დაბეგვრა, თავისთავად, მისი შეძლებული ეკონომიური მდგომარეობის მაჩვენებელია.

მთელი XVIII საუკუნის მანძილზე და უფრო ადრეც, მიმდინარე გლახთა ქონებრივ-ეკონომიური ღიფერენციაციის შედეგები განსაკუთრებით საგრძნობი ამ საუკუნის ბოლოსა და მომდევნო საუკუნის დამდეგისათვის გახდა, რასაც ადასტურებს 1804 წლის თელავისა და სიღნაღის მაზრების კამერალური აღწერის მასალები. თვალსაჩინოებისათვის მოგვაქვს ამ წყაროდან ამოკრეფილი ცნობები შეძლებულ კახელ გლახთა შესახებ.

ცხრილი 4

სიღნაღის მაზრის გლახთა ეკონომიური მდგომარეობის შესახებ (1804 წ.)⁸⁰

გლახების გვარი და სახელი	სოფლების დასახელება	ჰქონდათ მიწა (დღიურები-ში)	კიდევ რა ჰქონდათ
1	2	3	4
ჩერჩელაშვილი იოსებ	მაჩხაანი	20	ვენახი, იღებდა 81 ვედრო ღვინოს
ვარამაშვილი ბეჟან	ანაგა	40	ვენახი, იღებდა 189 ვედრო ღვინოს
მართაშვილი გიორგი	"	42	ვენახი, იღებდა 312 ვედრო ღვინოს
სულიკაშვილი ზურაბ	"	15	ვენახი, იღებს 157 ვედრო ღვინოს, წყლის წისქვილი ერთ ქვაზე. მისდევს მეაბრეშუმეობას მცირე ზომით
ბენაშვილი იუბო	"	25	ვენახი, იღებს 405 ვედრო ღვინოს, წყლის წისქვილი. მისდევს მეაბრეშუმეობას მცირე ზომით
თანდილაშვილი ბეჟან	"	30	ვენახი, იღებს 189 ვედრო ღვინოს, წყლის წისქვილი ერთ ქვაზე

⁷⁸ ს მ ა ხ ი. ფონდი Ad, საბ. 127.

⁷⁹ მარჩილი 3 აბაზს უდრიდა, ხოლო თუმანი — 50 აბაზს (იე. ქ ა ვ ა ხ ი შ ვ ი ლ ი; ქართული საფას-საზომთამცოდნეობა ანუ ნუმისმატიკა-მეტროლოგია, თბ., 1925, გვ. 23—24; ნ. ქოიავა, დასახ. ნაშრომი, გვ. 29).

⁸⁰ შედგენილია 1804 წლის სიღნაღის მაზრის კამერალური აღწერის მასალების მიხედვით. სსიკა, ფონდი 254, ანაწერი I, საქმე 75, ფურც. 56, 138, 139, 142, 144, 150, 152, 198, 199, 201, 203, 217, 220, 221, 236, 238, 240, 241.

1	2	3	4
ვარაშვილი ბიძინა	ანაკა	20	ვენახი, იღებს 162 ვედრო ლეინოს
კედლიშვილი ტარიელ	"	20	ვენახი, იღებს 270 ვედრო ლეინოს, წყლის წისქვილი ერთ ქვაზე
კედლიშვილი რამაზ	"	20	ვენახი, იღებს 135 ვედრო ლეინოს, მისდევს შეაბრე-შუმეობას მცირე მასშტაბით
ღარჩიაშვილი სტეფანე	"	80	ვენახი, იღებს 486 ვედრო ლეინოს
დოდლაშვილი ზაზა	"	30	ვენახი, იღებს 81 ვედრო ლეინოს
ბიკიაშვილი თამაზა	"	50	ვენახი, იღებს 450 ვედრო ლეინოს
დულაიშვილი დიმიტრი	კარდანახი	20	ვენახი, იღებს 540 ვედრო ლეინოს, მისდევს შეაბრე-შუმეობას მცირე ზომით
კალკოტაშვილი ბეჟან	"	20	ვენახი, იღებს 270 ვედრო ლეინოს
ფრიდუნეიშვილი სესია	"	15	ვენახი, იღებს 405 ვედრო ლეინოს
მამულაშვილი დათო	"	15	ვენახი, იღებს 270 ვედრო ლეინოს
სიყმაშვილი ივანე	"	20	ვენახი, იღებს 216 ვედრო ლეინოს
კამაძე დოდია	"	15	ვენახი, იღებს 216 ვედრო ლეინოს
გულიაშვილი ივანე	"	16	ვენახი, იღებს 370 ვედრო ლეინოს
თათრეშვილი ესტატე	"	15	ვენახი, იღებს 270 ვედრო ლეინოს
ბეჟაშვილი ბეჟან	"	25	ვენახი, იღებს 594 ვედრო ლეინოს
მინდორაშვილი იასე	კოლადი	15	ვენახი, იღებდა 224 ვედრო ლეინოს
მინდორაშვილი კინო	"	20	ვენახი, იღებს 405 ვედრო ლეინოს
ბერინაშვილი გიო	"	15	ვენახი, იღებს 324 ვედრო ლეინოს
მინდორაშვილი ქიკო	"	15	ვენახი, იღებს 405 ვედრო ლეინოს
ხატიაშვილი გიორგი	"	20	ვენახი, იღებს 270 ვედრო ლეინოს
მათიაშვილი იოსებ	"	20	ვენახი, იღებდა 261 ვედრო ლეინოს
მეისრიშვილი გოგია	"	20	ვენახი, იღებდა 261 ვედრო ლეინოს
ქიტიაშვილი გოგია	"	20	ვენახი იღებდა 235 ვედრო ლეინოს
ქათამაშვილი ივანე	"	20	ვენახი, იღებდა 289 ვედრო ლეინოს

თვალის ერთი გადავლებიდანაც ჩანს, რომ აქ მოტანილი მასალა არ იძლევა სათანადო ცნობებს მწარმოებელი კლასის ეკონომიური მდგომარეობის განმსაზღვრელი ყველა კომპონენტის შესახებ. ცხრილიდან და, მაშასადამე, თვით კაპიტალური აღწერიდან ისეთი შთაბეჭდილება იქმნება, თითქოს აქ ჩამოთვლილ გლეხებს არ ჰყავდათ არც ცხვარი, არც თხა, არც ძროხა, არც ხარი, არც ცხენი. ეს, რა თქმა უნდა, ასე არ იყო. აღწერის მასალებში, სამწუხაროდ, ბევრი სხვა მონაცემიც არაა შესული, მაგრამ მასში დაცულ ცნობებს მაინც დიდი მნიშვნელობა აქვს ჩვენთვის საინტერესო საკითხის სწორად გაშუქებისათვის. ჩვენ ცხრილში შეტანილი ყველა გლეხი შეძლებულად ჩავთვალეთ, მიუხედავად იმისა, რომ ზოგი მათგანი შედარებით მცირეფართობიან ნაკვეთებს (15-დან 20 დღიურამდე) ფლობდა. ასეთებია მაგ., სესია ფრიდუნეიშვილი, იასე, ჭიკო, კინო მინდორაშვილები, იოსებ მათიაშვილი და სხვები.

საკითხისადმი ასეთი მიდგომა განაპირობა იმან, რომ დასახელებული გლეხები ცხოვრობდნენ მევენახეობა-მელვინეობით განთქმულ კარდანახსა და გურჯაანში, სადაც მიწა გაცილებით უფრო ნაყოფიერი იყო და ძვირადაც ფასობდა სხვა რაიონებთან შედარებით.

ზემოთ ჩამოთვლილ გლეხებს, გარდა სხვადასხვა დანიშნულებით გამოყენებული ნაკვეთებისა, ჰქონდათ საკმაო რაოდენობის ღვინის მომცემი ვენახები. თხუთმეტი დღიური მიწის მფლობელ სესია ფრიდუნეიშვილს, მისი ვენახი ყოველწლიურად, საშუალოდ, 400—430 ვედრო ღვინოს აძლევდა, ჭიკო მინდორაშვილს⁸¹ — აქდენსავეს, ვიო ბერინაშვილს⁸²—300—330 ვედროს და ა. შ.

ამათ გარდა, როგორც უკვე აღვნიშნეთ, უფრო შეძლებულები, ზომიერით აღზევებულნიც იყვნენ; დიმიტრი დულალიშვილი, ბეჟან ბეჟაშვილი, იუბი ბენაშვილი, ბეჟან თანდილაშვილი, ბეჟან ვარამაშვილი, გიორგი მართაშვილი, თამაზა ბიჭიკაშვილი და სტეფანე დარჩიაშვილი. აქ ჩამოთვლილ გლეხებს, ამ მიწებს გარდა, ჰქონდათ აგრეთვე ვენახები, რომლებიდანაც ყოველწლიურად საშუალოდ იღებდნენ (იმავე თანმიმდევრობით): 540, 405, 594, 405, 189, 189, 312, 450 და 486 ვედრო ღვინოს. მათი ეკონომიური მდგომარეობის გაქლიერებას, უნდა ვიფიქროთ, ხელს უწყობდა შინაური საქონლის სიმრავლეც, რომლის შესახებ ცნობები, სამწუხა-

⁸¹ ვენახის გარდა მასაც 15 დღიური მიწა ჰქონდა.

⁸² ესეც 15 დღიურის მფლობელი იყო, ვენახის გარდა.

როდ, საერთოდ არ არის სიღნაღის მაზრის კამერალურ აღწერაში. გლახთა ქონებრივი მოლონიერების ფაქტორს წარმოადგენდა ხე-ლოსნობა-მესარეწეობასთან დაკავშირებული საქმიანობაც, რომელსაც სოფლის მშრომელი მოსახლეობის აბსოლუტური უმრავლესობა ეტანებოდა.

არანაკლებ საინტერესო ცნობებია დაცული იმავე 1804 წლის თელავის მაზრის კამერალური აღწერის მასალებში. თუმცა ეს ცნობები შეეხება არა ცალკეულ კომლს, არამედ გლახთა კოლექტივებს, მაინც საინტერესოა მრავალი თვალსაზრისით. ქვემოთ მოტანილ ცხრილში (№5) ჩვენ ისეთი მასალა შევიტანეთ, რომელიც მკაფიოდ ადასტურებს მდიდარ გლახთა ბირთვის არსებობას XVIII საუკუნის მიწურულისა და XIX საუკუნის დამდეგის კახეთში.

მართალია, ამ ცხრილში ცალკეულ კომლთა მიწათმფლობელობა არაა ნაჩვენები, მაგრამ ამ საკითხზე მსჯელობა მაინც შეიძლება. საყურადღებოა, რომ განსახილველ მასალებში მითითებულია ამა თუ მებატონის გლახებიდან რამდენი კომლი იყო უმიწოდ დატოვებული. დანარჩენების მიწის ფართობი კი შეჯამებული სახითაა მოცემული და ამიტომაცაა ჩვენ მიერ საშუალო საკომლო მაჩვენებელი გამოყვანილი. გამონაკლისს შეადგენს ერთი ალავერდელი გლახი, რომლის შესახებ აღწერის მასალებში პირდაპირაა ნათქვამი, რომ ის 60 დღიური მიწის მფლობელი იყო. აღწერის ჩამტარებლებს იგივე შეეძლოთ გაეკეთებინათ სხვების მიმართაც, რადგან გლახებს სახნავ-სათესი მიწები არა საერთო, არამედ ინდივიდუალურ მფლობელობაში ჰქონდათ. აღნიშნულებმა ამ გზას რატომღაც გვერდი აუარეს და ამით საქმეს გარკვეული ზიანი მიაყენეს.

საშუალო ციფრი, როგორც ცნობილია, ვერ იძლევა რეალური მდგომარეობის ზუსტ ასახვას. იგი ჩქმალავს ეკონომიურ უთანაბრობას და საერთო კეთილდღეობის წარმოდგენას ქმნის. ცხადია, ტახტის სოფელში, 13-ვე კომლს როდი ექნებოდა 77 დღიური მიწა. უნდა ვიფიქროთ, რომ ზოგი გაცილებით მეტის მფლობელი იყო, ზოგი ნაკლების. იგივე ითქმის ყველა დანარჩენი სოფლის შესახებაც. საერთოდ, ცხრილში შეტანილ გლახთა კომლებში, ჩანს, ბევრი იყო დიდი შეძლების მქონე. ქონებრივად აღზევებული ჩანს 2 კომლი გლახი, რომელთაც 200 დღიური მიწა, ვენახები და „საკმაო რაოდენობით“ ტყის მასივი ჰქონდათ თავის განკარგულებაში. ამავე ჯგუფში უნდა მოვაქციოთ 60 დღიური მიწის, ვენახისა და წისქვი-

თელავის მაზრის გლეხთა ეკონომიური მდგომარეობის ამსახველი (1804 წ.)⁸³

სოფლების დასახელება	გლეხთა მფლობელების დასახელება	კომლთა რაოდენობა	ქონდათ მიწები (დღიურებში)	მიწა კომლზე საშუალოდ (დღიურებში)	კიდევ რა ჰქონდათ
ქმრდელაური	დავით ყორჩიბაშვი	17	11 კომლს—350,6 კომლი— უიწო	31,8	ვეჩახები, გარდა უიწო გლეხებისა. ერთ კომლს—წიქ- ილი
"	გლაზა ყორჩიბაშვი	15	9 კომლს—200,6—უიწო	22,2	9 კომლს—ვენახი, უიწო 6 1 კომლს—არაფერი
"	დათუ ყორჩიბაშვი	17	11 კომლს—200,6—უიწო	18,1	1 კომლს—ვენახი, 2 კომლს—წიქველი
"	გიორგი და სხვ. ვახუშვი- ლები	16	13 კომლს—300,3 კომლი— უიწო	23,1	ვენახები (კველას, გარდა უიწო გლეხების), ერთი წიქველი
პატარბეული	—	89	1740	19,5	60 კომლს—ვენახი, ტყე უხვად
ყარაბულახი წირიო	ბარამ გურგენიძე	23 2	560 200	24,3 100,0	ვენახები და ტყე ვენახები და ტყე # საკმარისი რაოდენობით
ბულაჩაური	გოგია და სხვ. ტუსუშვილები	22	500	22,7	ტყე # საკმარისი რაოდენო- ბით
ობოლიძე	ალავერდის მონასტერი	6	140	23,3	ვენახები
ალავერდი	—	1	60	60,0	ვენახი, ერთი წიქველი
ბაიზო	აზნაური დორამიშვი	9	5 კომლის—100	20,0	ვენახები (კველას, გარდა უიწო 4 კომლისა)
ახათელი	დავით შვალბაძე-იშვილი	12	4 კომლის—100	25,0	ვენახები და საერთო მფლო- ბელობაში მყოფი ტყე
მერე	—	6	150	25,0	ვენახები და საერთო მფლო- ბელობაში ტყე საკმაო რაოდენობით
ტახტის სოფელი	—	13	1000	77,0	ვენახები (კველას), ტყე კარ- ვად და ერთ კომლს—წის- კელი

⁸³ შედგენილია 1804 წლის თელავის მაზრის კამერალური აღწერის მასალებზე იხედეთ. სს ს ი ა, ფონდი 254, ანაწერი 1. საფი. 52, ფურც. 17, 18, 31, 37, 38, 46, 47, 48, 57, 59, 79.

ლის პატრონი ალავერდის მონასტრის ყმა, რომლის შესახებ ცნობები აღწერის მასალებში ცალკეა მოცემული. საერთოდ, არ შევცდებით თუ ვიტყვით, რომ გლეხებში, სადაც ყველაზე მცირე საშუალო საკომლო ნაღელი 19,5 დღიურს უდრიდა, ხოლო ყველაზე დიდი—100 დღიურს, არაერთი ოჯახი იყო მიწით ჭარბად უზრუნველყოფილი და თავისი ეკონომიური შესაძლებლობით სხვებისაგან მკვეთრად განსხვავებული. თუ ნათქვამს დაუშვამატებთ იმასაც, რომ გლეხებს, ალბათ, საკმაო რაოდენობით ჰყავდათ შინაური საქონელი და ხელოსნობა-მესარეწობასაც ეტანებოდნენ⁸⁴, მაშინ მათი ეკონომიური ძლიერების სურათი კიდევ უფრო ნათელი გახდება.

ჩვენ ზემოთ მოვიტანეთ გლეხთა ქონებრივი დიფერენციაციის პროცესის დამახასიათებელი ფაქტობრივი მასალა. მაგრამ ეს პროცესი, როგორც უკვე აღვნიშნეთ, ადრეც მიმდინარეობდა და გვიანფეოდალურ ხანაში იგი სიახლეს არ წარმოადგენდა. სიახლის მაჩვენებელი და მაუწყებელი იყო მეორე მოვლენა — გლეხობის კლასობრივი დიფერენციაციის საწყისების გაჩენა. ეს კი მომავალი ბურჟუაზიული საზოგადოების ძირითადი კლასების — ბურჟუაზიისა და პროლეტარიატის — ელემენტების, ექსპლოატაციის ახალი ფორმის ჩასახვას ნიშნავდა⁸⁵. კლასობრივი დიფერენციაციის საფუძველი, მისი ამოსავალი ქონებრივ-ეკონომიური დიფერენციაციაა, პირველი მეორის გარეშე არ არსებობს, არ წარმოიშობა. მაგრამ ქონებრივი დიფერენციაცია ყველა ვითარებაში ვერ წარმოშობს კლასობრივ დიფერენციაციას. ამისათვის საჭიროა გარკვეული ობი-

⁸⁴ ს ს ც ი ა, ფონდი 254, ანაწერი I, საქმე 52, ფურტ. 18.

⁸⁵ «Классовое расслоение крестьянства, — წერენ საბჭოთა ისტორიკოსები ე. ი. ნ. დ. ო. ვ. ა. პ. რ. ე. ბ. რ. ა. ე. ნ. ს. კ. ი. და ი. ტ. ი. ხ. ო. ნ. ვ. ი., — означает формирование в среде основного трудящегося класса — сословия феодальной формации, двух классовых групп, слоев будущего капиталистического общества—предпролетариата и нарождающейся буржуазии. Этот процесс происходил (в России) в определенный исторический период в эпоху генезиса капитализма (XVII — первая половина XIX века). (იბ. მ ა თ ი წერილი „Проблема классового расслоения крестьянства периода феодализма в свете трудов В. И. Ленина» კრებულში «Ежегодник аграрной истории Восточной Европы», რიგა, 1963, გვ. 12—13), და კიდევ: «Под классовым расслоением в буржуазном направлении имеется в виду длительный процесс формирования из рядов крестьянства основных классов будущего капиталистического общества» (ი ქ ე ე, გვ. 12); ასევე ემისი კლასობრივი დიფერენციაციის არსი ისტორიკოს ი. ბ. უ. ლ. ი. გ. ი. ნ. ს. ა. ც. (ეურნ. «История СССР», 1964, № 4, გვ. 79).

ექტური პირობები, რომელთა შორის ერთ-ერთი მთავარი სასა-
ქონლო წარმოებისა და საბაზრო კავშირ-ურთიერთობათა განვითა-
რებაა⁸⁶. ლენინი გლახთა კლასობრივ დიფერენციაციას, გლახების
დაშლის პირველ ეტაპს, ფეოდალურ-ბატონყმურ ხანაში აქცევდა.
იგი ამ პროცესის დასაწყისს შრომაძიებებითი რენტიდან პროდუქ-
ტად რენტაზე გადასვლას უკავშირებდა, ხოლო მის განვითარებას—
ფულადი რენტის გავრცელებას. „ჭერ კიდევ ნატურალური მეურნე-
ობის ბატონობის დროს (ე. ი. ფეოდალიზმის ხანაში — ი. ა.), —
წერს ვ. ი. ლენინი, — დამოკიდებული გლახების დამოუკიდებლო-
ბის პირველივე გაფართოებისას, უკვე ჩნდება მათი დაშლის ჩანა-
სახები. მაგრამ ამ ჩანასახთა განვითარება შესაძლებელია მხოლოდ
რენტის შემდგომი ფორმისას, ფულადი რენტის დროს (ე. ი.
იმავე ფეოდალურ ხანაში, უფრო ზუსტად, მის ბოლო ეტაპზე —
ი. ა.), რომელიც ნატურალური რენტის ფორმის უბრალო შეცვლას
წარმოადგენს“⁸⁷.

ჩვენთვის საინტერესო ხანის საქართველოში, ცხადია, არ შეიძ-
ლება ლაპარაკი გლახთა კლასობრივი დიფერენციაციის შორს წა-
სულ პროცესზე, მაგრამ არც მისი საწყისების გამორიცხვაა შესა-
ძლებელი. დასტურდება, კერძოდ, ის, რომ XVIII საუკუნისა და
XIX საუკუნის დამდეგის მდიდარი გლახები აწყობდნენ მსხვილ
მეურნეობებს, რომელთა მიზანი იყო არა მარტო სამომხმარებლო,
არამედ საცვლელი ღირებულების წარმოებაც. საბაზრო პროდუქ-
ციის დიდი რაოდენობით დამზადებას მდიდარი გლახები აღწევდ-
ნენ როგორც ოჯახის წევრების დასაქმებით, ისე დაქირავებული
წრომის გამოყენებით. წყაროების თანახმად, განსახილველი ხანის
საქართველოში საკმაოდ გავრცელებული ჩანს ეს მოვლენა. სამუ-
შაო ძალის მყიდველიც ბევრი ყოფილა და გამყიდველიც.

ზემოთ დასახელებულ, ეკონომიურად გამორჩეულ, გლახთა
აბსოლუტური უმრავლესობა, ჩვენი აზრით, დაქირავებულ შრომას
იყენებდა. ზოგი მათგანის მიმართ ამ აზრის სისწორეს პირდაპირი
ცნობები ადასტურებს, ხოლო ზოგის მიმართ — არაპირდაპირი მო-
ნაცემები. ყაფლანიანთ ყმის აქულაშვილის შესახებ, მაგალითად,
ალექსანდრე ორბელიანის მოგონებებში ნათქვამია, რომ მის მეურ-
ნეობას, ოჯახის წევრების გარდა, ემსახურებოდა ბევრი მოჯამაგირე⁸⁸

⁸⁶ ვ. ი. ლენინი, ტ. I, გვ. 216.

⁸⁷ ვ. ი. ლენინი, ტ. 3, გვ. 189.

⁸⁸ ალ. ორბელიანი, უწინდელი დროის ბატონყმობა საქართველოში.
„ცისკარი“. 1859 წ., ნოემბერი.

ან დაქირავებული გარეშე კაცი. დაქირავებული შრომის გარეშე, უნდა ვიფიქროთ, ვერ გავიდოდა ფონს ვერც ფშაველი გლეხი ბო-
დალი, რომელსაც, როგორც ჩანს, რამდენიმე ათასი სული ცხვარი
ჰყავდა⁸⁹. იგივე ითქმის გოგია ოყაშვილზე, შიხუა შიხინაშვილზე,
ფირდაშვილზე, ზაალ შიხინაშვილზე, ავთანდილ მარტიროზაშვილ-
ზე, თევდორე ხახანაშვილზე, სტეფანე დარჩიაშვილზე, თამაზა ბი-
ქიაშვილზე, 200 დღიური მიწის მქონე ორ კომლ ნორიოელ გლეხ-
ზე, რომელთა შესახებ ჩვენ ზემოთ გვქონდა ლაპარაკი. ისინი გა-
მოირჩეოდნენ მიწისა და პირუტყვის დიდი რაოდენობით, რაც მათ,
ბუნებრივია, აყენებდა დაქირავებული შრომის გამოყენების აუცი-
ლებლობის წინაშე. სწორედ მათ ამარაგებდნენ (მემამულე-რაციო-
ნალიზატორებს გარდა) სამუშაო ძალით იმდროინდელ საქართვე-
ლოში საკმაო რაოდენობით მცხოვრები უმამულო გლეხები. რაქი-
დან კახეთს ჩასული ივანე და გიორგი მესხები, მაგალითად, საბუ-
თის სიტყვით, კონდოლს დასახლებულან მოჯამაგირობის გზით მი-
ღებული სახსრებით (1776 წ.)⁹⁰. „დღიურათ ვრჩებით, მწარეთ
უილაჯონი და გლახები“, — ნათქვამია მეტეხელ გლეხთა 1789
წლის არზაში ერეკლე II-სადმი⁹¹. „ეგ კაცი, — ვკითხულობთ ვინ-
მე ტერ-პეტრუზას ქვრივის 1807 წლის 21 მაისის წერილში, —
თოთხმეტი წელიწადი (1793 წლიდან) ჩემი პირუტყვის შემნახავი
და მენახირე ყოფილა. ამ თოთხმეტ წელიწადში თავისი სამუშაევო
და გასამრჩელო თვე და თვე უკლებლივ მიმიცია და ჩვენი საქო-
ნელიც ზაფხულ და ზამთარ მაგათ ხელში ყოფილა“⁹².

1804 წლის თელავისა და სიღნაღის მაზრების კამერალური აღ-
წერის მასალები ადასტურებენ სოფლის მეურნეობაში დაქირავე-
ბული შრომის არაიშვიათად გამოყენების ფაქტს. დავით ყორჩიბა-
შევის კუთვნილი ექვსი კომლი კურდღელაურელი უმამულო გლე-
ხის შესახებ დასახელებულ წყაროში ნათქვამია, რომ ისინი „სხვებ-
თან შრომით“ ცხოვრობენ⁹³. ასევე „სხვებთან შრომით“ ირჩენდ-
ნენ თურმე თავს ქაიხოსრო,⁹⁴ გლახა,⁹⁵ გიორგი⁹⁶, დიმიტრი⁹⁷, და-

⁸⁹ Д. Пурцеладзе, ГКГ, стр. 75—76.

⁹⁰ ს ს ც ი ა, ფონდი 1449, საბ. 2607.

⁹¹ ს ს, ტ. III, გვ. 50, საბ. 65.

⁹² მ ს ე ი, ტ. II, გვ. 182, საბ. 262.

⁹³ ს ს ც ი ა, ფონდი 254, ანაწ. I, საქმე 52, ფურც. 17 უკ. გვ. 15.

⁹⁴ ი ქ ვ ე.

⁹⁵ ი ქ ვ ე.

⁹⁶ ი ქ ვ ე.

⁹⁷ ი ქ ვ ე.

თუა⁹⁸ ყორჩიბაშევეების, რევაზ ვახვახოვისა⁹⁹ და სოფელ კურდღელაურის სხვა მებატონეთა ყმები. თელავის კარის ეკლესიის ათი უმიწაწყლო ყვარლელი გლეხის შესახებ წყაროში მითითებულია, რომ ისინი „прокормление достают от ремесла и заработков“¹⁰⁰. იმავე სოფლის, გარსევან ჭავჭავაძის ხელქვეით, ისე როგორც სოფლების შილდას, საბუესა და მალრანის გლეხთა შესახებ აღნიშნულია (შესაბამისად): «безземельные пропитание снискивают... от зарабатывания»¹⁰¹, «безземельные питаются от зарабатывания»¹⁰², «безземельные зарабатыванием прокормление достают»¹⁰³, «безземельные пропитание снискивают зарабатыванием»¹⁰⁴. რაც შეეხება დიმიტრი ჩოლოყაშვილის 40 კომლს, მათი სამეურნეო საქმიანობა ასეა დახასიათებული: მხოლოდ ათი კომლია მამულიანი და პურით ჭარბად უზრუნველყოფილი, «а прочие — безземельные, кои пропитание зарабатыванием достают у имущих».¹⁰⁵ აქ გამოთქმა „имущи“-ს ქვეშ იგულისხმებიან როგორც ეკონომიურად აღზევებული გლეხები, ისე ოსეთა ყორღანაშვილის, მანუჩარ თუმანიშვილისა და სხვა მათი მსგავსი ახალი ტიპის მემამულეები, რომლებიც თავიანთ მეურნეობებში შედარებით ფართოდ იყენებდნენ დაჭირავებულ შრომას.

ზოგი დიდი ეკონომიური შეძლების გლეხი, დაჭირავებული შრომის გვერდით, ოჯახის წევრების შრომასაც იყენებდა. ეს განსაკუთრებით იმ შემთხვევაში იყო საგრძნობი და ანგარიშგასაწევი, როდესაც ოჯახი მრავალრიცხოვანი ან შედარებით მრავალრიცხოვანი იყო¹⁰⁶. მსგავსი მოვლენა, როგორც ცნობილია, ძველის განმტკიცება-კონსერვაციას კი არ უწყობდა ხელს, არამედ პირიქით, მის დაშლასა და ახალის განვითარებას. „როცა კომლებს შეძლებულობის

⁹⁸ სსცია. ფონდი 254, ანაწ. I, საქმე 52, ფურც. 18.

⁹⁹ იქვე.

¹⁰⁰ სსცია, ფონდი 254, ანაწ. I, საქმე 52, ფურც. 66.

¹⁰¹ იქვე, ფურც. 66 უკ. 33.

¹⁰² იქვე, ფურც. 67 უკ. 33.

¹⁰³ იქვე, ფურც. 73.

¹⁰⁴ იქვე, ფურც. 81.

¹⁰⁵ იქვე, ფურც. 86, უკ. გვ. 18.

¹⁰⁶ 1804 წლის თელავისა და სიღნაღის მაზრების კამერალური აღწერის მასალებში ასეთი დიდი ოჯახები საერთოდ არ ჩანან. აქ ყველაზე მრავალრიცხოვანი იყო ზაზა დოდაშვილის, დიმიტრი დულალიშვილისა და ბეჟან ბეჟაშვილის ოჯახები, რომელთა წევრთა რაოდენობა შესაბამისად ორივე სქესის 17, 18 და 23 სულს უდრიდა (სსცია ფონდი 254, ანაწ. I, საქმე 75, ფურც. 152, 198 უკ. გვ., 217).

ან მეურნეობის ოდენობის მიხედვით ვაჭგუფებთ, — წერს ვ. ი. ლენინი, — ჩვენ ყოველთვის ვიღებთ გლეხობის შეძლებულ ფენებში ოჯახის უფრო დიდ შემადგენლობას. ეს მოვლენა მაჩვენებელია იმისა, რომ გლეხური ბურჟუაზია დაკავშირებულია მრავალრიცხოვან ოჯახებთან, რომელნიც უფრო მეტ ნაღვლებს იღებენ; — რამდენადმე პიროქითაც: ეს მოწმობს, რომ შეძლებულ გლეხობაში გაყოფას მისწრაფება უფრო სუსტია¹⁰⁷. ავითარებს რა იმავე აზრს, ვ. ი. ლენინი სხვა ადგილას აღნიშნავს: „წელმაგარი გლეხური მეურნეობანი, რომლებიც გამოირჩევიან ოჯახის წევრ მუშათა განსაკუთრებით დიდი რიცხვით, იქცევიან კაპიტალისტურ მეურნეობებად, სულ უფრო და უფრო მეტი რაოდენობით იყენებენ რა დაქირავებულ შრომას“¹⁰⁸. და კიდევ: „ოჯახური კოოპერაცია“, რომლის შესახებაც ასე უყვართ ლაპარაკი ჩვენს ნაროდნიკებს, კაპიტალისტური კოოპერაციის ბაზისია“¹⁰⁹.

მართალია, ასე შორს მიმავალ დასკვნებს ჩვენ ვერ გავაკეთებთ XVIII საუკუნის საქართველოს დიდი ოჯახების შესახებ, მაგრამ ისინიც, გარკვეული აზრით, ქვეყნის პროგრესის საქმეს ემსახურებოდნენ და გვიანფეოდალურ ხანაში ხელს უწყობდნენ ბურჟუაზიულ ურთიერთობათა საწყისების გამრავლება-განვითარებას¹¹⁰.

ვერ ვიტყვით, რომ მიწით ჭარბად უზრუნველყოფილი ყველა გლეხი დიდი მასშტაბის მეურნეობას აწყობდა, დაქირავებულ შრომას იყენებდა და საბაზრო პროდუქციას აწარმოებდა. ნაწილი, როგორც ჩანს, ზედმეტ მიწებს საღალოდ გასცემდა და ამ გზით იმაგრებდა თავის ეკონომიურ მდგომარეობას. ნათქვამის დასადასტურებლად ჩვენ მოვიტანთ რამდენიმე მაგალითს გორის მაზრის საეკლესიო გლეხების 1818 წლის კამერალური აღწერის მასალებიდან. ამ მასალებიდან ირკვევა კერძოდ, რომ სვინეთელი გლეხი ელიზბარ ბერუაშვილი, პატრონი 40 დღიური ნასყიდი მიწისა, საკუთრივ თავისთვის ხნავდა მხოლოდ 15 დღიურს¹¹¹, ზაზა ბურნაძე (სოფ. ქორღო) — 80 დღიურიდან 30 დღიურს¹¹², მათე გენჯა-

¹⁰⁷ ვ. ი. ლენინი, ტ. 3, გვ. 92, შენიშვნა.

¹⁰⁸ ვ. ი. ლენინი, ტ. 16, გვ. 548—549.

¹⁰⁹ ვ. ი. ლენინი, ტ. 3, გვ. 92, შენიშვნა.

¹¹⁰ P. X a p a d z e, Грузинская семейная община, II, Тб., 1961, стр. 72; ი. ჭყონია, საზღიშვილობის სოციალური ბუნებისათვის, „მაცნე“, 1974, №3, გვ. 159—161.

¹¹¹ ს ს ც ი ა, ფონდი 254, ანაწ. I, საქმე 544.

¹¹² ი ქ ე ე, 80 დღიურიდან 20 დღიური იყო ნასყიდი.

ძე (სოფ. მელვრეკისი)—45 დღიურიდან 15 დღიურს¹¹³, დიმიტრი ცერონელი (სოფ. არაშენდა) — 32 დღიურიდან 15 დღიურს¹¹⁴, არუთენი ღებრიშვილი—(სოფ. რუისი) 20 დღიურიდან 5 დღიურს¹¹⁵, შიო გუნიაშვილი (სოფ. რუისი) — 30 დღიურიდან 15 დღიურს¹¹⁶, ანდრია გუნიაშვილი (სოფ. რუისი) — 40 დღიურიდან 18 დღიურს¹¹⁷. აფრასიონ ბერძნიშვილი (დირბი)—100 დღიურიდან 15 დღიურს¹¹⁸, ანტონ მაისურაძე (თედორეთი)—200 დღიურიდან 25 დღიურს¹¹⁹ და ა. შ. სამწუხაროდ, წყაროში ყველა შემთხვევაში არაა მითითებული, თუ როგორ იყენებდნენ დანარჩენ მიწებს მათი პატრონები, მაგრამ არ შეეცდებით თუ ვიტყვით, რომ ისინი მათ საღალოდ გასცემდნენ. ასეთი დაშვების საფუძველს, გარდა ზოგადი მოსაზრებებისა, გვაძლევს კამერალური აღწერის მასალა ზოგ ზემოთ დასახელებულ გლეხზე. ზაზა ბურნაძის განკარგულებაში, მაგალითად, ამ ცნობის თანახმად, სულ 80 დღიური მიწა ყოფილა. აქედან იგი, როგორც უკვე ვთქვით, მხოლოდ 30 დღიურს ხნავდა, რაც მას, წყაროს მიხედვით „ღალასთან ერთად“ 120 კოდ პურს აძლევდა წელაწადში¹²⁰.

ერთი გლეხის მიერ მიწის საღალოდ გაცემისა და მეორის მიერ მისი ადების დროს იქმნებოდა ურთიერთობა, რომელიც დამყარებული იყო არა გარე ეკონომიურ იძულებაზე, არამედ ეკონომიურ იძულებაზე. ეს კი, როგორც ცნობილია, ტიპურია არა ფეოდალიზმისათვის, არამედ ფეოდალიზმიდან კაპიტალიზმამდე გარდამავალი ხანისათვის¹²¹. მიწის საღალოდ გაცემის სისტემას ისეთი ნიშნები გააჩნდა, რომელთა ერთი ნაწილი მას სიძველესთან აკავშირებდა, ხოლო მეორე — სიახლესთან¹²². ვითარცა გლეხის სა-

¹¹³ ი ქ ვ ე, 45 დღიურიდან 13 დღიური იყო ნასყიდი.

¹¹⁴ ი ქ ვ ე, 32 დღიურიდან 12 დღიური იყო ნასყიდი.

¹¹⁵ ი ქ ვ ე, ყველა 20 დღიური ნასყიდი იყო.

¹¹⁶ ი ქ ვ ე, ყველა 30 დღიური ნასყიდი იყო.

¹¹⁷ ი ქ ვ ე, ყველა 40 დღიური ნასყიდი იყო.

¹¹⁸ ი ქ ვ ე, ყველა 100 დღიური ეკლესიის მიწა იყო.

¹¹⁹ ი ქ ვ ე, ყველა 200 დღიური ნასყიდი იყო.

¹²⁰ ს ს ც ი ა, ფონდი 254, ანაწ. I, საქმე 544, გვ. 104.

¹²¹ ნ. ქ ა ნ თ ა რ ი ა, იჯარა XVIII ს. საქართველოში. აკად. ს. ჯანაშვიის სახ. საქართველოს სახელმწიფო მუზეუმის მოამბე (სმმ), ტ. XIX-A და XXI-B, თბ., 1957, გვ. 67, 68.

¹²² ჩამოთვლის რა საღალოდ სისტემის ფეოდალურ ნიშნებს, მკვლევარი ნ. ქ ა ნ თ ა რ ი ა გახაზავს მის სხვა ნიშნებსაც და წერს: „ამავე დროს აღსანიშნავია, რომ მეღალე-იჯარადარსა და ყმა-გლეხს შორის არსებითი განსხვავება არის, რაც გამოი-

მეტრნეო საქმიანობის გარკვეული ფორმა, იგი გვიანფეოდალურ ხანაში მეტ-ნაკლებად ბიძგს აძლევდა მიწის გამცემის ეკონომიურ აღზევებას, მის ხელში დიდძალი სასოფლო-სამეურნეო პროდუქციის დაგროვებას, ბაზართან კავშირის გაძლიერებას. ყოველივე ეს კი. საბოლოო ჯამში, ხელს უწყობდა გლეხთა კლასობრივი დიფერენციაციის საწყისების გაჩენას.

რომ დავასრულოთ საუბარი გლეხთა კლასობრივი დიფერენციაციის საწყისების შესახებ ჩვენთვის საინტერესო ხანის საქართველოში, საჭიროა ხაზი გაესვას ამ პროცესის ხელშემწყობ კიდევ ორ გარემოებას: პირველი—ვაჭრობა-მესარეწეობის განვითარებას და სამუშაო ძალის გაყიდვის ფაქტების მოხშირებას XVIII საუკუნის მეორე ნახევრისა და XIX ს-ის დამდეგის საქართველოში და მეორე — ნასყიდი მიწების შედარებით დიდ ხვედრით წონას საერთოდ და გვიანფეოდალურ ხანაში — კერძოდ. 1818 წლის კამერალური აღწერის მიხედვით, მაგალითად, გორის მაზრის 741 კომლი საეკლესიო გლეხიდან მარტო სასოფლო-სამეურნეო საქმიანობას 114 კომლი ან 15,4% ეტანებოდა, მარტო ვაჭრობა-მესარეწეობას — 56 კომლი ან 7,5%, ხოლო სოფლის მეურნეობასა და ვაჭრობა-მესარეწეობას — 571 კომლი ან გლეხთა საერთო რაოდენობის 77%¹²³. იმავე მონაცემების თანახმად, საეკლესიო ყმების დასახელებული რაოდენობიდან დაახლოებით მეათედი (სულ მცირე) საკუთარ თავსა და ოჯახის წევრებს სამუშაო ძალის გაყიდვით ინახავდა¹²⁴. დასასრულ, იმავე გლეხების 17—18 პროცენტს¹²⁵ სა-

ხატება იმაში, რომ ყმა-გლეხი ბატონის მიმართ პირად დამოკიდებულებაში იმყოფება და მიწაზე არის მიკაქული. მეღალე კი მიწის გამცემის მიმართ პირად დამოკიდებულებაში არ იმყოფება. მიწის გამცემს შეუძლია საკიროების შემთხვევაში საღალე მიწა დამქმუნებელს გამოართვას და სხვას მისცეს. ამავე დროს იჯარადას, მიწის „საღალე“ ამლებს შეუძლია ეს მიწა მიატოვოს, ის არ არის მიკაქული მიწაზე“ (ი ქ ე ე, გვ. 74).

¹²³ ს ს ც ი ა , ფონდი 254, ანაწ. I, საქმე 544, პროცენტები ჩვენი გაანგარიშებულია.

ვაჭრობა-მესარეწეობა საქართველოს არც სხვა ნაწილში იყო მცირე მნიშვნელობის, საკმარისია ითქვას, რომ მას, ერთი 1813 წლის უწყისის თანახმად, სასოფლო-სამეურნეო საქმიანობასთან ერთად მისდევდა: ანანურის მაზრის სახელმწიფო გლეხებით დასახლებული სოფლების 48,8%, სიღნაღის მაზრის — 84,3% და თელავის მაზრის—86,3% (ЦГВИАМ, ф. ВУА, 18480. პროცენტები გაანგარიშებულია ჩვენ მიერ).

¹²⁴ ი ქ ე ე. პროცენტები ჩვენი გაანგარიშებულია.

¹²⁵ ი ქ ე ე. პროცენტები ჩვენი გაანგარიშებულია.

კუთარი ნასყიდი მიწები ჰქონდა და თანაც საკმაოდ დიდი რაოდენობით¹²⁶. მესარეწე და მესაკუთრე გლეხებში კი, როგორც ეს სამართლიანადაა აღნიშნული ლიტერატურაში¹²⁷, კლასობრივი დიფერენციაციის პროცესი შედარებით ადრე იწყება და უფრო სწრაფად მიმდინარეობს.

დასკვნები

ნათქვამი საფუძველს გვაძლევს დავასკვნათ:

1. გლეხთა ქონებრივი დიფერენციაცია, რომელსაც ფეოდალური ურთიერთობის მთელ მანძილზე ჰქონდა ადგილი, განსაკუთრებით საგრძნობი გვიან საშუალო საუკუნეებში გახდა. საკითხთან დაკავშირებული მრავალი დოკუმენტური თუ სხვა ხასიათის მასალა დაბეჭიბებით ლაპარაკობს სხვადასხვა ეკონომიური მდგომარეობის და შეძლების მქონე გლეხთა ჯგუფების არსებობაზე განსახილველი ხანის საქართველოში. უმამულო, არაფრის მქონე ან მცირემამულიანი გლეხების გვერდით წყაროები ასახელებენ ეკონომიურად აღზევებულ. საწარმოო საშუალებებით ჭარბად უზრუნველყოფილ დიდი მატერიალური შესაძლებლობით გამორჩეულ ყმებს. ზოგი მათგანის სიმდიდრეს კი, გადმოცემით, თვით მეფეებიც მოჰყავდა თურმე განციფრებაში.

2. მაგრამ ქონებრივი დიფერენციაცია, როგორც ცნობილია, ყველა ვითარებაში ვერ წარმოშობს კლასობრივს. ამისთვის საჭიროა გარკვეული ობიექტური პირობები, რომელთა შორის ერთ-ერთი მთავარი სასაქონლო წარმოებისა და საბაზრო კავშირ-ურთიერთობათა განვითარებაა. ჩვენთვის საინტერესო ხანის საქართველოში, ცხადია, არ შეიძლება ლაპარაკი გლეხთა კლასობრივი დიფერენციაციის შორს წასულ პროცესზე, მაგრამ არც მისი საწყისების გამორიცხვაა შესაძლებელი. XVIII საუკუნისა და XIX საუკუნის დამდეგის მდიდარ გლეხთა ერთი ნაწილი (ამაზე ზემოთ იყო საუბარი) აწყობდა მსხვილ მეურნეობებს, რომელთა მიზანი იყო არა მარტო სამომხმარებლო, არამედ საცვლელი ღირებულების

¹²⁶ მათი რაოდენობა, როგორც აღნიშნეთ, 10, 15, 20, 30, 40, 80 და 200 დღიურს უდრიდა.

¹²⁷ И. Д. К а в а л ь ч е н к о, О характере и формах расслоения помещичьих крестьян России в первой половине XIX века. Исторические записки, т. 78, 1975.

წარმოებაც. დიდი რაოდენობით საბაზრო პროდუქციის დამზადებას მდიდარი გლეხები აღწევდნენ როგორც ოჯახის წევრების და საქმებით, ისე დაქირავებული შრომის გამოყენებით. წყაროების მოწმობით, განსახილველი ხანის საქართველოში საკმაოდ გავრცელებული ჩანს ეს მოვლენა. სამუშაო ძალის მყიდველიც ბევრი ყოფილა და გამყიდველიც. ეს კი უკვე ქონებრივი დიფერენციაციის კლასობრივში გადაზრდის მაჩვენებელია, ამ მოვლენის საწყისი პროცესების დამადასტურებელია.

გლეხთა კლასობრივი ბრძოლა და მისი როლი ფეოდალურ-ბატონყმური ურთიერთობის საფუძვლების შერყევის საქმეში. ახალი მოვლენები კლასობრივ ბრძოლაში

გლეხის ბრძოლა მჩაგვრელ-ექსპლუატატორთა წინააღმდეგ ფეოდალურ ხანაში ჩვეულებრივი მოვლენა იყო. ჩვეულებრივი იყო ის საქართველოშიც. საქართველოს სოფლის მშრომელ მოსახლეობას ეს ბრძოლა არ შეუწყვეტია ფეოდალური ფორმაციის არც ერთ ეტაპზე, მაგრამ განსაკუთრებული ინტენსიურობით იგი, როგორც ზემოთაც აღვნიშნეთ (იხ. აქვე თავი IV), XVIII საუკუნიდან, უპირატესად ამ საუკუნის მეორე ნახევრიდან წარიმართა. რთული საშინაო და საგარეო პირობები, ერთი მხრივ, და სასაქონლო-ფულადი ურთიერთობის განვითარება (შედარებით) მეორე მხრივ—განაპირობებდნენ ფეოდალური ექსპლუატაციის ნორმის გაძლიერებას განსახილველი ხანის საქართველოში. აგრესორთა მიერ მიყენებული დანაკლისის ანაზღაურებას, ისე როგორც სასაქონლო წარმოების დაწინაურების შედეგად გაზრდილ მოთხოვნილებათა დაკმაყოფილებას, პრივილეგირებული წოდება მწარმოებელ კლასს აკისრებდა, უღებს ადებდა და ამით კიდევ უფრო აუარესებდა მის ისედაც არასახარბიელო მდგომარეობას¹. ეს კი უკანასკნე-

¹ „ქვეყნის ეკონომიური მდგომარეობის შეფერხება, — წერს ნ. ბერძენიშვილი, — სამეფო-სამთავროებს შორის ბოლომოუღებელი მიხდომ-მოხდომა, ურთიერთის აოხრებანი, უცხოელი მოძალადეების აურაცხელი შემოსევანი, მოსახლეობის გაწყვეტა-დატყვევება, აყრა-გადასახლება, ქვეყნის დაპყრობა, ხარკი, მოუსაგლობა-შიშშილობა, — ყველაფერი ეს გლეხობის სოციალურ მდგომარეობას აუარესებდა, მის ეკონომიურ კეთილდღეობას ძირს უთხრიდა. უღროობის ეამს „ბატონყმობის რიგი და წესი“ იშლებოდა, „სამართლის“ ადგილს სრული გაუკითხაობა იჭერდა და ბატონიც, გასაგებია, შესაფერისი ტაროსის კლასობრივად გამოყენებას არ დააყოვნებდა. „გახელმწიფებელი“ თავადი სულ უფრო და უფრო მძიმედ უღლავდა მის ანაზღაურ მიტოვებულ გლეხს, უკანასკნელ უფლებებს ართმევდა და მის მონად გადაქცევას ლამობდა... გლეხობა უზომოდ იყო დაბეგრული, ხოლო მის სოციალურს და-მონებას არაერთი საბატონყმო წესი მოასწავებდა“. (ნ. ბ ე რ ძ ე ნ ი შ ვ ი ლ ი, საქართველოს ისტორიის საკითხები, ტ. VI, 1973, გვ. 400).

ლის ენერგიულ პროტესტს იწვევდა, კლასობრივ ბრძოლას ამწვავებდა. ნებით და სიამტკბილობით იგი ბატონს არაფერს უთმობდა; მწფესთან ჩიოდა და მფარველობას ითხოვდა, სახაზინო (სამეფო) უწყებანი გადასვლას ცდილობდა. უმართებულო დაბეგვრის წინააღმდეგ ხმას იმალვებდა, კლასობრივ მტერს მატერიალურ ზიანს აყენებდა, თავვასულ მებატონეს ჰკლავდა, მისგან ვარბოდა, „იკარგებოდა“, „ყახახობდა“, შრომისა და ცხოვრების შედარებით უკეთეს პირობებს ეძებდა². ხშირად ის საერთოდ უარს ამბობდა ყმობაზე და თავისუფლების მოპოვებას ლამობდა.

აქ ჩამოთვლილი ბრძოლის ფორმებიდან ყველაზე გავრცელებული აყრა-გაქცევა იყო³. ბრძოლისა და თავდაცვის ამ „მკვეთრ საშუალებას“ (ნ. ბერძენიშვილი) სოფლის მშრომელი მოსახლეობა, ცხადია, ადრეც მიმართავდა, მაგრამ განსაკუთრებით მასობრივი ხასიათი მან სწორედ XVIII საუკუნეში მიიღო. აყრა-გაქცევა ბატონისთვისაც საშიში იყო და გლეხისთვისაც, რადგან ის ეკონომიური განადგურებით ემუქრებოდა ერთსაც და მეორესაც⁴, მაგრამ მჩაგვრელთა მძლავრობა-გაუყუთხაობით შეწუხებული უშუალო მწარმოებელი ამ გზას მაინც მიმართავდა და ხშირად საკმაო წარმატებასაც აღწევდა. ამ მოძრაობას მეტ-ნაკლებად მთელს საქართველოში ჰქონდა ადგილი, მაგრამ ყველგან ერთი ზომითა და მასშტაბით არ მიმდინარეობდა. ის უფრო საქართველოს იმ ნაწილში იყო გავრცელებული, სადაც საბატონყმო პირობები მეტი სიმძიმით გამოირჩეოდა. ამ მხრივ პირველ ადგილზე დასავლეთი საქართველო იყო, მეორეზე — ქართლი და მესამეზე — კახეთი⁵. „იმიტომაც იყო, რომ აყრილ-გაქცეულნი დასავლეთ საქართველოდან ქართლ-კახეთში მოედინებოდნენ და არა პირუკუ. ქართლიდან კიდევ კახეთში ვარბოდნენ. პირუკუ პროცესი იშვიათი იყო“⁶.

ჩვენ, ცხადია, არა გვაქვს ამ პროცესის საჭირო სისრულით ამსახველი სათანადო სტატისტიკური მონაცემები და ამიტომ იძულებული ვართ საბუთებში დამოწმებული აყრა-გაქცევების ცალკეული შემთხვევების დასახელებით დავკმაყოფილდეთ. ამ გზით მიღებულ

² ი ქ ვ ე, გვ. 400—401.

³ ი ქ ვ ე, გვ. 400.

⁴ ი ქ ვ ე.

⁵ ი ქ ვ ე, გვ. 400—401.

⁶ ი ქ ვ ე, გვ. 401.

სურათი, რა თქმა უნდა, სრული ვერ იქნება, მაგრამ ის მაინც შეგვიქმნის ერთგვარ წარმოდგენას კლასობრივი ბრძოლის ხსენებული ფორმის მასშტაბის, მისი გავრცელების შესახებ. შემონახული საბუთებიდან მკაფიოდ ჩანს, სოფლის მშრომელი მოსახლეობის ძლიერი ამოძრავება განსახილველი ხანის საქართველოში. ბატონის მიერ შეწუხებული უშუალო მწარმოებელი გარბის ათვისებული ადგილიდან, გარბის ერთგვრ, ორგვრ, მეტგვრ; მას არ აშინებს დაბრკოლებათა გადალახვის სირთულე; მას არც აწყობილი მეურნეობის მოშლა-განადგურების მძიმე პერსპექტივა აკაეებს და გაბედულად იბრძვის სრული თავისუფლებისათვის ან, უარეს შემთხვევაში, შრომისა და ცხოვრების შედარებით უკეთესი პირობების მოპოვებისათვის. აყრა-გაქცევის სიხშირით შემფოთებული ფეოდალური კლასი, როგორც ქვემოთ ვნახავთ, საკუთარი ძალებით თუ ხელისუფლების დახმარებით ყველაფერს აკეთებს ამ მოძრაობის შესაჩერებლად, მაგრამ მიზანს მხოლოდ ნაწილობრივ აღწევს, რადგანაც ყმური მოსახლეობის ადგილზე დამაგრებას მაინც ვერ ახერხებს. სწორედ ამან განაპირობა მებატონეთა განუწყვეტელი ჩივილი მეფესთან გლეხების „უწესო“ საქციელის შესახებ და მეფის ენერგიული ჩარევა კონფლიქტში რთული შედეგების თავიდან ასაცილებლად.

აყრა-გაქცევა თავისი მასშტაბით ერთნაირი არ იყო. გაცილებით უფრო ხშირად გლეხები ერთიმეორისგან დამოუკიდებლად, ცალ-ცალკე გარბოდნენ. ერთი — ორი ოჯახის აყრა ბევრად უფრო განხირებული იყო, ვიდრე კოლექტიური. ერთპიროვნული გაქცევის ფაქტები დამოწმებულია, მაგალითად, 1709, 1710, 1703—1722, 1728, 1736, 1732—1745, 1746, 1749, 1750, 1752, 1753, 1754, 1768, 1771, 1773, 1780, 1781, 1790, 1794, 1795, 1796, 1799 და სხვა წლების საბუთებში⁷. არ ვჩერდებით რა კონკრეტულად

⁷ მასალები 1707, 1709, 1710, 1703—1722, 1728, 1736 წლების შესახებ. იხ. ნ. ბერძენიშვილი, „ლოკუმენტები“, ტ. I, საბუთები (შესაბამისად) 183, 192, 533, 526, 320, 663; 1732 — 1745, 1746, 1749, 1750, 1752, 1771, 1780, 1781, 1790 წლების—ნ. ბერძენიშვილი, დსი, ტ. II, საბუთები 25, 463, 481, 64, 121, 169, 185; 289; 1732—1748 წლების—ო. სოსელია, მასალები კლასობრივი ბრძოლის ისტორიისათვის ფეოდალური ხანის დას. საქართველოში, საბუთი 4; 1753, 1754, 1768 წლების—საბი. ფონდი Qd. საბ. 9027. Hd, ს. 513, საბ. 10661. 1790, 1794 წლების—Д. Пурцеладзе, ЦЦГ, გვ. 45; 1773, 1799 წლების—სსცია, ფონდი 1449, საბ. 1433, ფონდი 1450, დავთარი 15, საბ. 105, 1795 წლის; ექ. თაყაიშვილი, საქ. სიძვ., III, საბ. 376.

ერთპიროვნული გაქცევის ცალკეულ შემთხვევებზე, აღენიშნავთ, რომ აყრილი გლეხები მედგარ წინააღმდეგობას უწევდნენ მათი უკან დაბრუნების ყოველგვარ ცდას. ამ წინააღმდეგობის ილუსტრაციას წარმოადგენს, კერძოდ, ყმების ბერი გელდიაშვილის (1707 წ.), ივანე გიორგაძის შვილის (1768 წ.), თამაზ აბულაძისა (1768 წ.) და გოგია ეკლესიურის (1799 წ.) მოქმედება. პირველი მათგანი, როგორც საბუთიდან ჩანს⁸, სოფ. მოხისს სახლებულა. მისი განცხადების თანახმად, ბატონი არ ჰყოლია, მაგრამ ვილაციებს ზოუნდომებით მისი დაყმავება. გელდიაშვილს თავი არ დაუდვია, აყრილა, რუისს ჩასულა და მემამულე იასე კლიმიაშვილის მეზვრედ დამდგარა. გაქცეულის ადგილ-სამყოფელი დაუდგენია არდაშელ ზუმბულიძეს, რომელიც, ჩანს, თავის საკუთრებად თვლიდა მას. მისი თხოვნით საქმეში მეფე ვახტანგ VI და კათალიკოსი დომენტი ჩარეულან, გლეხის აყრა და პრეტენდენტისთვის დაბრუნება უბრძანებიათ. გელდიაშვილი უსიტყვოდ არც ამ ხელისუფალთა განკარგულებას დამორჩილება: ხლებია ზუმბულიძეს, ნუ „ამყრიო“ უთხოვია, „ბატონყმობის რიგის“ მიხედვით სამსახურს შეჰპირებია და ამის თავდებად იასე კლიმიაშვილი დაუყენებია. ზუმბულიძეს ეს პირობა მიუღია და კონფლიქტი ამით დამთავრებულა. ამრიგად, გელდიაშვილი უკან არ დაბრუნებულა, ახალ ადგილას დარჩენილა, თუმცა ამისთვის საკმაო მსხვერპლის გაღება დასჭირებია.

ნაკლები სიმტკიცე არც თამაზ აბულაძეს გამოუჩენია (1768 წ.)⁹. იგი ჭავჭავთიდან გამოქცეულა და ზაზა თარხნიშვილს მისვლია. უკანასკნელის ყმობაში რამდენიმე წელი გაუტარებია. მოგვიანებით, აყრილ გლეხს ვინმე მიროტაძე წამოსდავებია, „ჩემი სახლის კაცი არისო“ — უთქვამს. მიმტაცებელს თავისი გაუტანია, აბულაძე დაუსაკუთრებია და ს. ქვენატკოცას დაუსახლებია. რამდენიმე წლის შემდეგ აბულაძე ისევ გაქცეულა და ბექან ბადრიაშვილს მიჰკვდლებია. საბოლოოდ იგი და მისი შთამომავლობა სამართალს თარხნიშვილის კუთვნილებად უცნია და მისთვის დაუბრუნებია. ამ მაგალითში, როგორც ვხედავთ, გლეხის ორჯერ გაქცევის ფაქტია დადასტურებული, რაც თავისთავად ბრძოლის სიმწვავის მაჩვენებელია.

⁸ ნ. ბ ე რ ძ ე ნ ი შ ვ ი ლ ი, დსსი, ტ. I, გვ. 133, საბ. 183.

ფრჩხილებში ნაჩვენებია იმ საბუთების შედგენის წლები, რომელთა მიხედვით გადმოცემულია დასახლებული მოვლენების დეტალები.

⁹ ნ. ბ ე რ ძ ე ნ ი შ ვ ი ლ ი, დსსი, ტ. II, გვ. 70, საბ. 106.

იგივე ითქმის ივანე გორგაძის შვილის (სახელი არ ჩანს) შესახებაც¹⁰. იგი მშობლებთან ერთად ჭავჭავთიდან გამოქცევია თავის ბატონს და სოფ. მეტეხში დასახლებულა. ცოტა ხნის შემდეგ მას მემამულე ჭავჭავიშვილი წამოსჭიდებია, „ჩემი ყმა ხარო“ — განუცხადებია. გორგაძეს წინააღმდეგობა გაუწევია, აყრილა და მუხრანს გადაკარგულა. მერე, საბუთის თანახმად, ექვსი წელი ტყვეობაში გაუტარებია. საქართველოში დაბრუნების შემდეგ სოფ. ჩალაუბანს დაემკვიდრებულა. ჭავჭავიშვილს მისი კვალისთვის მიუგნია, ყმობა და უკან დაბრუნება მოუთხოვია. გამწარებულ გლეხს მტკიცე უარი უთქვამს, ერეკლე II-ისთვის მიუმართავს (1768 წ.) და სამართალი უთხოვია. საბუთიდან, სამწუხაროდ, არ ჩანს, თუ რით დამთავრდა ეს საქმე, მაგრამ ამას განსახილველი საკითხის გასარკვევად არა აქვს არსებითი მნიშვნელობა.

დასასრულ, იმავე ხასიათისაა ეპიზოდი, დამოწმებული გოგია და ანდრია ეკლესიურების წერილში (1799 წ.). იქ ნათქვამია, რომ ისინი „მ რ ა ვ ა ლ გ ზ ი ს“ გაექცნენ ვინმე დავით ელიოზიძის ყმობას, თუმცა წარუმატებლად, რადგან საბოლოოდ იძულებული გახლნენ დაემოთ¹¹.

გლეხები, როგორც ზემოთაც აღვნიშნეთ, გაურბოდნენ ფეოდალურ-ბატონყმურ ჩაგვრას არა მარტო ცალ-ცალკე, არამედ კოლექტიურადაც, ხშირად მთელი სოფელი იყრებოდა. სოფლის მშრომელი მოსახლეობის ერთობლივ ბრძოლას, რა თქმა უნდა, გაცილებით მეტი ფასი და მნიშვნელობა ჰქონდა. ის ბევრად უფრო საშიში იყო მათთვის არსებული სოციალური ურთიერთობისათვის, ვიდრე ცალკეულ გლეხთა ოჯახების გახიზვნა. ამიტომ პრივილეგიებული წოდება და სახელმწიფო ხელისუფლება, ბუნებრივია, ენერგიულად იბრძოდნენ ამ მოვლენის წინააღმდეგ და ყველაფერს აკეთებდნენ მის ამოსაძირკვევად. მაგრამ, როგორც ეს ჩვენს ხელთ არსებული მასალებიდან ჩანს, მიზანი მიუღწეველი დარჩენილა — ექსპლოატირებული მასის კოლექტიური აყრა არ შეწყვეტილა მთელი განსახილველი პერიოდის განმავლობაში. აი ამის დამადასტურებელი რამდენიმე მაგალითი.

¹⁰ ს ს ც ი ა. ფონდი 1448, საბ. 444.

¹¹ „ახლა, — ვკითხულობთ საბუთში, — ამ წერილის მორთმევით ჩვენი თავი ისევ ასე მოვიციოა ყმათ, რომ დღეის იქით როგორც ბატონყმობის კანონი არის, იმ რიგად თავდადებით ერთგულათ... გემსახუროთ შენცა (ე. ი. დავით ელიოზიძეს, ი. ა.), და შენსა შთამაჰავლ საცა“ (სსცია, ფონდი 1449, საბ. 2443).

ერთ საბუთში, რომელიც ისაყ-ფაშას ბრძანებას წარმოადგენს და ამიტომ მის გამოქვეყნებას ექ. თაყაიშვილს 1732—1735 წლებით აქვს დათარიღებული, ლაპარაკია მამუკა მუხრან-ბატონის აზნაურის რატიშვილის კუთვნილი სოფლის ხანდაკის დაცარიელების, მისი მოსახლეობის აყრის შესახებ¹². ეტყობა, ხანდაკი გამონაკლისი არ ყოფილა. საბუთში პირდაპირაა ნათქვამი რატიშვილის სხვა სოფლების მკვიდრთა დაფანტვა-გადაკარგვის შესახებ¹³. ამ გარემოებით შემოფოთებულმა ისაყ-ფაშამ უბრძანა დაზარალებულს: „მოაგროვე ყველა გაქცეული გლეხი და „სადაც შენ გინდოდა, იქ დააყენე“¹⁴.

მშვიდად არც ალია კორანოშადის ყმები ყოფილან. ისინი, საბუთის სიტყვით, „დაფანტულან და სხვათა ადგილსა დასახლებულან“¹⁵, ერეკლე მეორემ ბრძანა: „თვითეულად შეიკრიბოს“ ყველა გაქცეული გლეხი და „მიეცეს დაუბრკოლებლივ ზემოხსენებულ ალიას“¹⁶.

1758 წლის 6 ნოემბრით დათარიღებულ თეიმურაზ II-ის განჩინებაში ზაალ ყაფლანიშვილისა და დავით ამილახორიშვილის საქმეზე დადასტურებულია სოფლების ლორესა და დმანისის დაცარიელების, მათი გლეხური მოსახლეობის მთლიანად აყრა-გაქცევის ფაქტი¹⁷. მსგავსი ფაქტია დამოწმებული მდივანბეგების 1771 წლის 9 იანვრის გადაწყვეტილებაში ბეჟან სააკაძის ობლისა და სარდალ-სახლთუხუცეს დავით ორბელიანის დავის გამო. იქ ლაპარაკია „ავი დროის მიზეზით“ საკარისის დაცარიელებისა და „ამ სოფლის გლეხების“ დაფანტვის შესახებ¹⁸. ანალოგიური მოვლენაა დადასტურებული ერეკლე II-ის 1784 წლის ერთ ბრძანებაში. ჩანს, მანგლისის ეკლესიის ყმებს დაუტოვებიათ თავიანთი ადგილ-სამყოფელი, გაქცეულან, ქართლში გადახვეწილან და იქ, მდინარე მტკვრის ორივე ნაპირას, დასახლებულან¹⁹. მეფემ ამ გლეხების

¹² ექ. თაყაიშვილი, სს, ტომი III, საბ. 441.

¹³ საბუთში ვკითხულობთ: „აზნაურშვილის რატიშვილის სოფელი ხანდაკი და, სხვა სოფელი აყრილია“ (ექ. თაყაიშვილი, საქართველოს სიძველენი, III საბ. 441).

¹⁴ იქვე.

¹⁵ იქვე, საბ. 364.

¹⁶ იქვე.

¹⁷ ნ. ბერძენიშვილი, დსსი, ტ. II, გვ. 55. საბ. 80 (საბუთში ნათქვამია: „დმანისი რომ აიყარა“, „ლორელები რომ ბიძაჩემს მოუღიდნენ“ და სხვ.).

¹⁸ ნ. ბერძენიშვილი, დსსი, ტ. II, გვ. 75, საბ. 116.

¹⁹ ГИГ, გვ. 12.

ნასწრაფოდ უკან დაბრუნება ბრძანა²⁰. დასასრულ, ძალიან ამოძრავებული ჩანან ქვემო ქართლის გლეხები XVIII ს. მიწურულს „ჩემო ხელმწიფე, მთელი სომხით — საბარათაშვილოს თავადისა და აზნაურშვილისა და ყმა სულ დაფანტული გახლავს“, — მოახსენებდა ამით შეშფოთებული დათუა გოსტაშაბიშვილი ერეკლე II-ს 1797 წლის 7 დეკემბერს და დახმარებას სთხოვდა²¹.

ზემოთ მოტანილი მასალა, ვფიქრობთ, საკმარისია²² იმისათვის, რომ წარმოვიდგინოთ კლასობრივი ბრძოლის ჩვენთვის ამჟამად საინტერესო ფორმის მასშტაბი და ხასიათი. ამ მასალიდან ჩანს, რომ გლეხთა აყრა-გაქცევა, რომელიც მთელ ფეოდალურ ხანაში მიმდინარეობდა, განსაკუთრებით XVIII საუკუნეში, ამ საუკუნის მეორე ნახევარში გახშირებულა.

ხელისუფლება, ცხადია, დამშვიდებული არ უყურებდა ამ საშიშ მოვლენას და სათანადო ზომებს ღებულობდა მის აღმოსაფხვრელად²³. გარდა იმისა, რომ იგი აყრა-გაქცევის ყველა შემთხვევას ფიცხლად ეხმაურებოდა და საკითხს, როგორც წესი, მებატონეთა სასარგებლოდ წყვეტდა, პროფილაქტიკური ხასიათის საერთო ღონისძიებებსაც ახორციელებდა. ასეთების რიცხვს ეკუთვნის, მაგალითად ერეკლე II-ის ბრძანება, რომელიც გლეხების გაქცევისათვის პასუხისმგებლობას ბატონს აკისრებდა. „თუ რომ თქვენი მამულიდან, — ნათქვამია იქ, — მემკვიდრე კაცი აიყარა და წავიდა სადმე, ერთი კაციც რომ აიყაროს, იცოდეთ, დიად ავად მოგეპყრობით და გარდაგახდევინებთ“²⁴.

ამ ბრძანებამ, რომელიც სოფლის მშრომელი მოსახლეობის მასობრივი აყრა-გაქცევის ფაქტის მკაფიო დამადასტურებელია, თუმცა საგონებელში ჩააგდო პრივილეგიური წოდება, ბოლო მაინც

²⁰ ГЦГ, გვ. 12.

²¹ ნ. ბერძენიშვილი, დსსი, ტ. II, გვ. 191, საბ. 310.

²² გლეხთა კოლექტიური (ერთ კოლზე მეტი) გაქცევის შესახებ იხ. აგრეთვე ნ. ბერძენიშვილი, დსსი, ტ. II, გვ. 91, საბ. 142; სსცია, ფონდი 1448, საბ. 2996, ფონდი 1449, საბ. 2607, ფონდი 1450, დაეთარი 11, საბ. 23, და სხვ. გლეხთა აყრა-გაქცევის შესახებ საერთოდ იხ. აგრეთვე იესე ბარათაშვილის მოგონებები, გვ. 20.

²³ იქ: თაყაიშვილი, საქართველოს სიძველენი, III, საბ. 364, 441, 442; ნ. ბერძენიშვილი, „ლოკუმენტები“, II, გვ. 129, საბ. 201, 202, ГЦГ, გვ. 45, 93; სმახი, ფონდი Hd, საბ. 513 და სხვ.

²⁴ ბრძანების ტექსტი მომაქვს ნ. ბერძენიშვილის წიგნიდან „საქართველოს ისტორიის საკითხები“, VI, გვ. 408.

ვერ მოუღო გლეხთა მოძრაობას, რადგან მისი ძირითადი მიზენი—
სოციალური ჩაგვრა — უცვლელი რჩებოდა.

* * *

არ იქნებოდა სწორი გვეფიქრა, თითქოს, ბატონისგან შეწუხებული ყველა გლეხი გარბოდა. ბევრი სხვადასხვა მიზენით ადგილზე რჩებოდა და ისე განაგრძობდა ბრძოლას უსამართლობის წინააღმდეგ. უსამართლობა კი ყველაზე მეტად საგადასახადო საქმეში იგრძნობოდა. საზღვარს გადასული პრივილეგიური წოდება, არც არსებული გადასახადების გადიდებას ერიდებოდა, არც უღების დადებას, არც ერთხელ აღებულის ხელმეორედ აღებას თაკილობდა და არც აზატის დაბეგვრას. ეს კი მძიმე მდგომარეობაში აყენებდა მწარმოებელ კლასს და იწვევდა მის ენერგიულ პროტესტს შემამოღეთა თვითნებობის წინააღმდეგ. სოფლის მშრომელი მოსახლეობის ბრძოლას ამ მიმართულებით, ცხადია, ადრეც ჰქონდა ადგილი, მაგრამ ის არასოდეს არ ყოფილა ისე მასობრივი, როგორც XVIII საუკუნეში, განსაკუთრებით ამ საუკუნის მეორე ნახევარში. ჩვენ მიერ ამ საკითხთან დაკავშირებით შესწავლილი საბუთების აბსოლუტური უმრავლესობა სწორედ ხსენებული საუკუნის მეორე ნახევარზე მოდის.

გლეხების პროტესტი უსამართლო დაბეგვრის წინააღმდეგ ხან თხოვნა-მუდარაში იხატებოდა, ხან პირდაპირ უარში, მუქარაში, ზოგჯერ კი შიმშველ ძალას მიმართავდნენ, მაგრამ მიზანი ყველა შემთხვევაში ერთი იყო — შეღავათის მიღება, საგადასახადო ტვირთის შემსუბუქება.

ასეთი შეღავათის მიღება გადაუწყვეტიათ, მაგალითად, ბოლნისის ეკლესიის ყმებს; ჩანს, მათ უარი უთქვამთ დაკისრებულ ვალდებულებათა შესრულებაზე, რასაც კათალიკოს ანტონის 1749 წლის მკაცრი ბრძანება მოპყოლია შედეგად. იგი ავალდებულებდა ხსენებული ეკლესიის ყველა გლეხს სისტემატურად და წესიერად ეხადა ბოლნელი არქიეპისკოპოსისთვის მისი კუთვნილი გადასახადები²⁵. იგივე გაუკეთებიათ მოგვიანებით ლუარსაბ ონანაშვილის ყმებს, ამისულაშვილებს. „ჩემი ყმები ამისულაშვილები, — ნათქვამია მათ 1773 წლის არზაში ერეკლე II-ისადმი, — სამოყალნეოს საქმეში აღარას დამდევენ და ლალასაც არ მაძლევენ, არც

²⁵ Пурцеладзе, ГЦГ, გვ. 35.

მიხვნენ, არც მიღწენ, არც კომდის პურს მაძლევენ, არც კულუხს. თუ ვთხოვ რასმე — ასე მეტყვიან: არა გვაძევს²⁶ რაო, ოლიანი-შვილმა გაგვაზაბათაო²⁷.

ასეთივე უარი უთქვამთ გადასახადის გადახდაზე ალავერდის ეკლესიის გლეხებს — ვარდისუბნელებს (1774 წ.)²⁸, ურბნისის ეკლესიის ყმებს (1776 წ.)²⁹, მაყაშვილის ყმებს — გიორგიწმინდელებს (1790 წ.)³⁰, ყარანგოზაშვილის ყმებს (1791 წ.)³¹, როსტომ ჟურულის ყმებს (1791 წ.)³² მანუჩარ თუმანიშვილის ყმებს — ვინმე თევდორეს ქვრივსა და მის ობლებს (1795 წ.)³³ და ა. შ.

უფრო ხშირად სოფლის მშრომელი მოსახლეობა საგადასახადო ტვირთის შემსუბუქებას ან მისგან სრულ განთავისუფლებას თხოვნა-საჩივრების გზით ცდილობდა. ამ ტიპის საბუთებში, მათ უმრავლესობაში, ლაპარაკია მრავალ უსამართლობაზე საგადასახადო საქმეში, მემამულეთა და მოხელეების თვითნებობა-გაუკითხაობაზე, გლეხების მატერიალური შესაძლებლობის გაუთვალისწინებლობაზე, მათ უკიდურეს ეკონომიურ მდგომარეობაზე და ა. შ.

თხოვნა-საჩივრის შეტანის გზით უცდიათ შეღავათების მიღება, მაგალითად, ვინმე ლაზარე თედოსესშვილს (1771 წელი)³⁴, ჯა-

²⁶ ტექსტში შეცდომით სწერია „მაძევს“ (ი. ა.).

²⁷ ს ს ც ი ა, ფონდი 1448, საბ. 1145.

²⁸ ი ქ ვ ე, საბ. 599ბ—600.

²⁹ Д. Пурцеладзе, ГЦГ, გვ. 27.

³⁰ ს ს ც ი ა, ფონდი 1449, საბ. 1038.

³¹ ნ. ბერძენიშვილი, დ ს ს ი, ტ. II, გვ. 161, საბ. 257.

³² „შერამე, — ნათქვამია როსტომ ჟურულის 1791 წლის 1 ივლისის თხოვნაში იოანე ბატონიშვილისადმი, — ამას მოგახსენებ ჩემო ყოვლად მოწყალე ხელმწიფევე, რომ ისროლის ხეზედ ერთი კომლი კაცი მყუნდა თქვენი წყალობა, მამა-პაპის მემკვიდრე, ის ჩემი კაცი აიყარა და წაიღია... იმისი მამულის წყალობა დამემართა თქვენგანა და ოსი გუსი რომ გახლავს ტბაზედა, იმას მიაბარეთ ის მამული და უბძანეთ, რომ რაც რომ ერგებოდეს თავისის მამულისა, ამ ჟურულს როსტომ ემსახურეთ. ს ა მ ი წ ე ლ ი წ ა დ ი ა რ ი ს, რომ ის მამული მე მე ბო ძ ა და ის კ ა ც ი ს ქ ა მ ს და ჩემთვის ერთის ფულისა არა მოუციარა“ (ნ. ბერძენიშვილი, „ლოკუმენტები“, II, გვ. 188, საბ. 305).

³³ თუ გადასახადს არ მოგვიხსნი, „შვილებსაც დაგვიარგავ და ჩემს თავსაცა“ — სწერდნენ ისინი მანუჩარ თუმანიშვილს (ნ. ბერძენიშვილი, „ლოკუმენტები“, II, გვ. 176, საბ. 287).

³⁴ ს ს ც ი ა, ფონდი 1449, საბ. 681 („მე ხომ ბატონიშვილის მოალაპე ვარ... ამ ალაპის მეტი არც თქვენი ხარჯი გვდებია და არც... ციციშვილებისა. რაც ხელმწიფისგან წყალობა დაგვემართება, ის უნდა გაავიწიოს“ — სწერდა ის ერეკლე II-ს).

ვახიშვილის ყმებს (1774 წ.)³⁵, წმინდა ესტატეს ყმას ერთაწმინდულ ივანე ხახანაშვილის ქვრივს (1778 წ.)³⁶, ზაალ ჯავახიშვილის ყმებს — ბიჭიკაშვილებს (1782)³⁷, წმინდა ესტატეს ყმას თედორე ხახანაშვილს (1784)³⁸, ყორჩიშვილის ნაყმევს პეტრე კოკოზაშვილს (1788)³⁹, მეტეხელ გლეხებს (1789)⁴⁰, მარლის ყმებს (1789)⁴¹, ვარიანელ ყმებს (1789)⁴², ველისციხელ ყმას ვინმე ნიკოლოზს (1789)⁴³, გორისჯგრის ყმებს ლომაშვილებს (1790)⁴⁴, ნათარეულელ ყმებს (1793)⁴⁵. ქიზიყელ გლეხს პაატა ცისკარაშვილს (1796)⁴⁶, დავით აბაშიძის ყმას ქოჩიაშვილს (1798 წ.)⁴⁷, ძეგველ გლეხებს (1800 წ.)⁴⁸ და სხვებს.

³⁵ ს მ ა ხ ი ფონდი Hd. საბ. 14789.

³⁶ ნ. ბერძენიშვილი, დსსი, ტ. II, გვ. 103, საბ. 161.

³⁷ ს ც ი ა, ფონდი 1449, საბ. 580.

³⁸ ნ. ბერძენიშვილი, დსსი, ტ. II, გვ. 132, საბ. 207 („შექლებით დამწერონო“ — თხოვდა ხახანაშვილი ერეკლე მეფეს).

³⁹ ი ქ ვ ე, გვ. 141, საბ. 225.

⁴⁰ „მოგესხენებათ ჩუნი ცხოვრება — სწერდნენ ისინი ერეკლეს 1789 წლის 26 აპრილს — თუ არ დიდი დაქირება... აქ მართებული კაცი ვინ დადგება... ქოხებში ვყრივართ, დღიურათ ვრჩებით... ახლა ოქმი გიბრძანებია, რომ მეტუნის ციხის კარს ზეით კედელია გადაქცეული, მეტეხელებმა უნდა ააგონო. ჩვენო ხელმწიფე (ტექსტში წერია „ჩემო“ — ი. ა.) იმას ორმოც — სამოცი თუმანი ვერ ააგებს და ჩუენც სულ დავიყიდნეთ, ორმოც თუმანს არავინ მოგვეცემს, წყალში თუ ჩაეცეინდებით, თორემ ამის შეძლება ვისა გვაქუს“ (ექ. თ ა ყ ა ი შ ვ ი ლ ი, საქართველოს სიძველენი, III, გვ. 50, საბ. 65).

⁴¹ ს ს ც ი ა, ფონდი 1448, საბ. 447.

⁴² ი ქ ვ ე, საბ. 3022.

⁴³ ი ქ ვ ე, საბ. 3027. („მაგრამ ახლა სიღარიბემ ასე შემაწუხა, რომ დარჩენილ გამპირებია“ — სწერდა იგი ერეკლეს).

⁴⁴ ი ქ ვ ე, საბ. 3003 („ჩვენ ორნივე უძღურთ ბერიკაცი ვართ... არაფერი გვაბაღია... გვედრებით თქვენი მლოცველი გვაყოფთ და ეს სურსათი გვაპატივით“ — მოახსენებდნენ ისინი ერეკლე II-ს 1790 წელს).

⁴⁵ ს ს ც ი ა, ფონდი 1448, საბ. 3029.

⁴⁶ „ქიზიყის მოურავის ყმა გახლავართ — ნათქვამია მის 1796 წლის არზაში ერეკლე II-სადმი, — და იმ ჩემის ბატონიდგან აზატობის წიგნი მაქვს, რომ მე არაფერ ხარკში არ... გამრიონ. კურთხეული მამა თქვენის, მეფე თეიმურაზის. წყალობის წიგნიცა მაქვს... ახლა არც თქვენგან მაქვს შეღავათი და არც ჩემის ბატონისაგან. წყალობას ვითხოვ, რომ რაც ამ წიგნებით წყალობა მოგილიათ... დაგვამტკიცოთ და არა გამოგვართოს რა თქვენ სადღეგრძელოთ“ (ექ. თ ა ყ ა ი შ ვ ი ლ ი, საქართველოს სიძველენი, III, გვ. 450, საბ. 488).

⁴⁷ Д. Пурцеладзе, ГКГ, გვ. 107.

⁴⁸ ნ. ბერძენიშვილი, დსსი, II, გვ. 206, საბ. 334.

თხოვნა-საჩივრებში, რომლებსაც ისინი უპირატესად უმაღლეს ხელისუფლებას უღვენდნენ, ყურადღებას ამახვილებდნენ თავიანთ მძიმე ეკონომიურ მდგომარეობაზე და არწმუნებდნენ ადრესატს, რომ საბატონო-სახელმწიფო გადასახადები, მათი სიმრავლე და ამ საქმეში დაჰკვიდრებული თვითნებობა-გაუკითხაობა სრული განადგურებით ემუქრება მათ მეურნეობას, დიდ საფრთხეს უქმნის მათ ისედაც არასახარბიელო მატერიალურ მდგომარეობას. „ღმერთ-მან, — ნათქვამია ჭავჭავიძის ყმების არზაში ერეკლე II-ისადმი (1774 წ.) — ბედნიერის ხელმწიფის ქირი მოსცეს ერთობ საჯავახიანოს კაცთ ჭავჭავიძის ყმებს... თუ ხელმწიფე არას გვიშველის ეს არის დაკარგვის გზაზედა ვდგევართ. ღმერთმან განგაძლიეროსთ, ხელმწიფე ბრძანდებით, რაც თქვენს ყმას თქვენი სამსახური აძევსთ, მეტობით არ იმსახურებთ, ისრე კიდევ რაც თავადისშვილს და აზნაურშვილს ყმა ჰყავს რაც ძველთაგან არ აძევს სამსახური მეტობით ვერ იმსახურებენ. მაგრამ ჩვენ ჩვენის ბატონისაგან შეწუხება რომელი ერთი მოგახსენოთ. წლის წლამდინ მუდამ დღე ისინი გვიმსახურებენ ხარით და კაცით... თვე (ისე) გაივლის, რომ ჩვენ ერთს ღღეს ჩვენთვის ვერ ვმუშაობთ. ახლა თითო ძმანი აქ მორიგეთ⁴⁹ გახლავართ და ჩვენს ძმას იქ ისინი იმსახურებენ. ამ გზით ან თქვენი სამსახური რით შევძლოთ, ან (ოჯახი როგორ ვარჩინოთ)... ერთი თქვენს წინ გვალაპარაკეთ და ჩვენი შეწუხება“ მოისმინეთ⁵⁰.

კიდევ უფრო დამაფიქრებელი და საგანგაშო საჩივრით მიმართეს მეფეს ზაალ ჭავჭავიძის ყმებმა ბიჭიკაშვილებმა (1782 წ.). „ზაალს, — ვკითხულობთ იქ, —რაც ყმა და მამული ჰქონდა, უფროსი ერთი გაყიდა (?) და ჩვენ ეს ერთი კომლი დავრჩომილვართ და აქამდისინი იმ გაყიდულისა... ხარჯსა და ბევარას ჩვენ გვაწვევინებდა... ჭავჭავიძელებისაგან მოიკითხეთ... როგორ გვიმსახურნია... აქა იქა თუმნობით, ასთუმნობით ვალი აულია და ისიც ჩვენთვის შემოუპირებია და ჩვენ მიგვიცია. ამისთანა გამოსაყენებელი ყმანი ვყოფილვართ. ახლა ბეცია თარხნიშვილისათვის ბარათი მიუცია, ამისი ხუთი თუმანი მართებს და თქვენ მიეცითო. ამას გარდა მოგვიხდა, მარნის კარი დაგვიმტვრია, ღვინო ამოგვისხა, ორმოც მოგვიხდა და პური ამოგვიყარა... მოციქულის პირით ამასაც გვითე-

⁴⁹ ივლისხმება მორიგე ჯარში სამსახური,

⁵⁰ ს მ ა ხ ი, ფონდი Hd, საბ. 14789.

ლის⁵¹, რომ თქვენი აქ ყოფნა და დადგომა არ იქნებაო, გამეცალენითო, სამკვიდრო და ნასყიდი მამული რაც გიპირავთ, სულ დამიგდეთო... ამისთანა უსამართლო ქართლსა და კახეთში გლეხს კაცს არ დამართვია... სად შეიძლება ერთის გლეხის კაცისაგან, რომ... ...თავადისშვილს... რაც ხარჯი უნდოდეს და ვალი ჰქონდეს..., იმან გადაუხადოს, იმან შეინახოს და ქვეყანასაც, მებატონესაც ენსახუროს... ეს ზემოხსენებები კაის თავადისშვილისაგანაც არ შეიძლება და ჩუენ როგორ შევიძლებთ? ოთხი ძმანი აქ გახლავართ, თუ ერთი გზა არ მოგვეცა, ჩუენ ისე მისვლა (აღბათ ბატონთან — ი. ა.) არ შეგვიძლია. ასე რიგად ატეხილა, რომ ღვთისა და თქვენს საწყენოს... მოგვაყენებს. რომ აყრას გვიპირებს⁵²... რა დანაშაული გვაქვს და (ეს) რა (ჩვენი) სამსახურის წყალობა არის? სისხლი დაგვიღვრია, შიგ დავხოცილვართ, რა შაწუხებით თითო ოროლა შაური ჩვენის ცხოვრებისათვის მოგვიკლია, მამული გვიყიდნია (და ახლა გვეუბნება⁵³) ნასყიდიც მე დამიგდევითო. ეს არავის დამართებია. ამ წყალობას ვითხოვთ, თუ არ გაგვიპირებს, როგორც ბატონყმობის რიგია და შეგვიძლიან ვემსახურებით, თუ... ჩვენი თავი აღარ უნდა, (ჩვენ) მამულის ყმა გახლავართ, იმან თავისი სამკვიდრო მამულზედ აღვაგებინოს ხელი და ნასყიდ მამულზედ დავრჩებით⁵⁴, ქვეყანასა და თქვენს სიმაღლეს ვემსახურებით და საქარისტიანოდგან არ დავიკარგებით... რასაც თქვენი სიმაღლე ინებებს და შაგვაძლებინებს წელიწადში გარდაკვეთით — იმას ვემსახურებით. სხვა რიგათ უსამართლოდ (ნუ) გვაფუჭებს, დაგვეხსნას... წყალობას ვითხოვთ, რომ სამართლიანი საქმით ამ კაცისაგან გამოგვიხსნათ⁵⁵.

პრივილეგიური წოდება, ცხადია, ვერ ურიგდებოდა ხელქვეითების მხრივ ყმური სამსახურისათვის თავის არიდების ვერც ერთ შემთხვევას და ყველაფერს აკეთებდა მსგავსი მოვლენების თავიდან ასაცალელებლად. იგი ურჩ გლეხებს სცემდა⁵⁶, იჭერდა, ბორკა-

⁵¹ ტექსტში ეს არ იკითხება, აზრით უნდა იყოს „გვითვლის“.

⁵² ტექსტში თითქოს წერია „გვაკეთინებს“. აზრით უნდა იყოს „გვიპირებს“.

⁵³ ამ სიტყვების მაგივრად ტექსტში წერია: „იმასაც გვაკეთინებს, რომ“.

⁵⁴ ტექსტში წერია „გახლებით“, აზრით უნდა იყოს „დავრჩებით“.

⁵⁵ ს ს ც ი ა, ფონდი 1449, საბ. 665.

⁵⁶ ნ. ბ ე რ ძ ე ნ ი შ ვ ი ლ ი, ღსსი, ტ. II, გვ. 53, საბ. 77; გვ. 89, საბ. 138; გვ. 128, საბ. 199.

ლებს უყრიდა⁵⁷, მოძრავ და უძრავ ქონებას ართმევდა⁵⁸, მათ ცო-
ლებსა და ქალიშვილებს ნამუს ზდიდა⁵⁹, არაიშვითად ფიზიკურა-
დაც სპობდა⁶⁰ და ა. შ. მაგალითად, 1774 წლის 24 ნოემბერს
ყმა ბერძენა ჰოჭყიაშვილი ერეკლე მეფეს მოახსენებდა: იოსებ
გლურჯიძემ „ბევრი უსამართლობა მოიღო და ცოლიც გამილახა.
მიველ იმის სახლშია და შევჩიველ, რას დანაშაულზე გამილახე
ცოლიო. იმის მიზეზით, რომ სახლში შემამხიელო, სულ ამიკლო,
თოფი და იარაღი, ხარი და კანბეჩი, პური და ღვინო და ბზე კარ-
ში გამომიგდო, სულ წამართვა; ჩემის აშენებულის სახლიდამც
კარში გამიყარა ცოლი და შვილი, სანამ მივეპატრონებოდე, ან სი-
ცივე დამიხოცს, ან ლეკები წამისხამენ. ღმერთი გაგიმარჯვებს, ამ-
ის სამართალი მაღირსეთ“⁶¹.

ასეთივე საჩივრით მიმართა მეფეს გიორგი პანპალაშვილმა
1776 წლის 4 მარტს. „მერმე ამას მოვახსენებთ ჩვენ მოწყალეს
ხელმწიფეს, რომე ამისთანა უსამართლობა არა კაცს დამართებია,
რომე ჩვენ დაგვემართა. ამით სამჯერ აკლებული ვართ, ერთხელ
დავით ერისთავმა ამიკლო და ახლა როტსომ ამიკლო; თუ ეული
ვართ, თქვენი ყმა უნდა ვიყოთ და თუ ბატონი გვყავს, რომელს
კაცს დამართებია ეს უსამართლობა? ცხრამეტი სული ხიზანი გაზ-
ლავართ... უღელი ხარი და ერთი ძროხა გვყავდა, უღელი ხარიც და
ის ძროხა (წაგვართვეს). ქორწილი მქონდა და იასაულები შემომო-
ცინდნენ, ნეფე-ღედოფალი ძირს ჩამოყარეს, ერთი თოფი..., ორი
ხანჯალი, ერთი სახნისი, რაც სახლის ავეჯულობა იყო, სულ წმინ-
დათ წამოიღეს... ჩემო ხელმწიფე სამართალი გვაღირსეთ“⁶².

საგანგაშო იყო ყმა თამაზ ქურცაძის ერეკლე მეფისთვის მირ-
თმეული თხოვნა-საჩივარიც (1779 წ.). „შინდიშს თავყელიშვილის
კედლად ხიზნად გახლავარ, — ვკითხულობთ იქ, — რაც შეძლება
მაქვს ბატონს ჩემსაც ვემსახურები და თავყელისშვილსაც. ახლა
თავყელიშვილი სახლში შემომმესია, გამლახა, ერთი ხარი და ერთი

⁵⁷ ნ. ბ ე რ ძ ე ნ ი შ ვ ი ლ ი, დ ს ს ი, ტ. II, გვ. 53, საბ. 77.

⁵⁸ ი ქ ვ ე, გვ. 53, საბ. 77; გვ. 89, საბ. 138; გვ. 93, საბ. 144, გვ. 128, საბ. 199,
გვ. 141, საბ. 224.

⁵⁹ Д. П у р ц е л а д з е, Г К Г, გვ. 38—39 (Абел Андроникашвили «взял
(у меня) двух дочерей моих к себе в служанки; одна из них обещана и бере-
менна» — სწერდა 1782 წელს გლეხი სპ. პეტრიაშვილი ერეკლე II-ს).

⁶⁰ ნ. ბ ე რ ძ ე ნ ი შ ვ ი ლ ი, დ ს ს ი, I ტ. I, გვ. 233, საბ. 320.

⁶¹ ი ქ ვ ე, II, გვ. 89, საბ. 138.

⁶² ნ. ბ ე რ ძ ე ნ ი შ ვ ი ლ ი, დ ს ს ი, ტ. II, გვ. 93, საბ. 144.

ხზოიანი ფური წამართო, არ ვიცი რა დანაშაული მაქვს. ვგონებ ეს განიზრახა: ეს ხომ თავის ალაგს ფრცავს წაგაო და მე აღარას მენსახურებაო და ამისთვის ამიკლო»⁶³.

ხელისუფლება (კერძოდ ერეკლე II) ფეხზლად იღგა ფეოდალური კლასის ინტერესების სადარაჯოზე და გლესთა ურჩობისა და გადასახადებისათვის თავის არიდების არც ერთ შემთხვევას დასჯა-გაფრთხილების გარეშე არ ტოვებდა. ამის საილუსტრაციოდ შეიძლება დავასახელოთ არჩილის (იგივე აბდულა-ბეგის) ბრძანება თარხნის აზნაურიშვილებისა და გლესებისადმი (1736—1737 წწ.), რომელშიც ნათქვამია: „ჩვენი ბრძანება არის: ვინცავინ თარხნის აზნაურიშვილი..., მსახური..., გლესი კაცი..., ხართ, მერმე თქვენი თავი თარხნიშვილს დავითისათვის და იორამისათვის გვიბოძებია და ყველანი ამათ ამოუღექით და მსახურეთ. რაც ჩვენი სანსახური მოვიდოდეს, ყველას ამათ გაუგონებდეთ. რაც კაცი არ მოუღებდით და არ მსახურებთ, იცოდეთ დიდად გიწყენთ და გარდაგანდევინებთ»⁶⁴.

გლესთა ურჩობის შემთხვევებისადმი სრულ შეურიგებლობას იჩენდა ერეკლე მეორეც. მაგალითად, მან 1775 წელს პორტაიტის მონასტრისათვის გადასახადის გადახდაზე უარის მთქმელი გლესების შესახებ ჭიზიყის მოურავს დაავალა: «Принять на себя лично обязанность есаула в отношении ослушников, и по указанию монаха, высечь тех из них, кого он желает, чтобы были арестованы; надень кандалы на тех, на кого он хочет, чтобы они были надеты: разори того, кого он хочет, чтобы был разорен; отними скот и имущество у того, у кого он хочет, чтобы все это было отнято. Очень строго поступай с ослушаниками и приведи их в полное послушание и покорность»⁶⁵.

გლესთა ურჩობისადმი ასეთივე შეურიგებლობის სულითაა გაუღენთილი ერეკლე II-ის სხვა არაერთი ბრძანება, განკარგულება, წერილი. მაგალითისათვის მოგვაქვს 1791 წლის წერილი ნეკრესელი ეპისკოპოსისადმი, გამოცემული დ. ფურცელაძის მიერ რუსულ ენაზე. «Жители Ахмети не повинуются енисельским моуравианам (Джорджадзе), не работают на них и вообще не служат им. Когда получите сие наше письмо, пригласите к себе жителей Ахмети и моуравиани и примирите их. Как

⁶³ იქვე, გვ. 107, საბ. 167.

⁶⁴ იქვე, გვ. 28, საბ. 40.

⁶⁵ Д. Пурцеладзе, ГКГ, გვ. 27.

нами приказано, так заставьте жителей повиноваться и служить своим господам; если не послушают вас, то побраните и заставьте их исполнить наше приказание»⁶⁶.

პრივილეგიური წოდებისა და ხელისუფლების ასეთი სიმკაცრის მიუხედავად, გლეხობა ბრძოლას მაინც არ სწყვეტდა და ზოგჯერ სრულ ან ნაწილობრივ წარმატებასაც აღწევდა. კლასობრივი ბრძოლის მოსალოდნელი გამწვავება, სახელმწიფოს ფინანსური და სამხედრო-პოლიტიკური ინტერესები აიძულებდნენ ქვეყნის მესვეურებს „დაეცვათ“ გლეხი გადასახადებით გადატვირთვისაგან და საერთოდ მებატონეთა თვითნებობა-გაუკითხაობისაგან. ასეთი „დაცვის“ ტენდენცია და მის შედეგად გლეხების გამარჯვება ჩანს, მაგალითად, თეიმურაზ II-ის 1750 წლის 13 აგვისტოს ბრძანებაში ჯავახიშვილების ყმათა გამოსაღებების შესახებ. „ჩვენი ბრძანება არის, — ნათქვამია იქ, — ვინც დღეის იქით ჩვენის კარიდამე საჯავახიანოს ჩვენი მოსაქმე მოხვიდეთ, მერმე როგორც ჩვენს სახლთ-უხუცეს კონსტანტინეს და მდივანბეგს იოვანეს გაერიგებინოს ჯავახიშვილების ყმების გამოსაღები, როგორც ამას განაჩენში ეწეროს, ისე გამოართმევდე, მეტნაკლები არ გამოართვათ, თორემ მწვავედ გიწყენთ იცოდეთ“⁶⁷.

წარმატებით დასრულებულა სარჩელი გლეხ პეტრე კოჯაზაშვილისა, რომელიც 1788 წლის 14 იანვარს ერეკლე II-ისადმი მირთმეულ თხოვნა-საჩივარში სახელმწიფო გადასახადებისაგან განთავისუფლებას ითხოვდა. მოტივად უმამულობას ასახელებდა⁶⁸. მეფემ დააკმაყოფილა მისი თხოვნა. „ჩვენი ბრძანება არის, — სწერდა ის იასაულს, — ამ კაცსა ნურასა სთხოვ, დაეხსენ. უმამულოდ გასყიდულა და უცოლშვილო ტლუ კაცია, ამის ხარჯში (გარევა) და მორიგეში გამოყვანა არ იქნება. ამის მაგიერი ხარჯი ვისაც ამის მამული დარჩომა⁶⁹, იმას უნდა გამოერთოს“⁷⁰.

⁶⁶ იქვე, გვ. 53.

⁶⁷ ნ. ბერძენიშვილი, დსსი, ტ. I, გვ. 423, საბ. 594.

⁶⁸ ნ. ბერძენიშვილი, დსსი, ტ. II, გვ. 141, საბ. 225.

⁶⁹ „ჩემი მამული ბატონს ჩემს ყორჩიშვილს დარჩა და მე ვინც მიუილა იმას ვმსახურებ“ — წერს კოჯაზაშვილი (ნ. ბერძენიშვილი „დოკუმენტები“, II, გვ. 141, საბ. 225.

⁷⁰ იქვე, გვ. 141—142, საბ. 225.

ასევე წარმატებით დაშთავრებულა მეკვრისხეველ თამაზას თხოვნა, რომელსაც ბატონიშვილ იულონისათვის შეუჩივლია, რომ ნასყიდ მიწაზე უკანონოდ ღალა და კულუხი შეაწერეს⁷¹. იულონმა თხოვნა შეიწყნარა და სათანადო განკარგულეზა გასცა. „ამ არზის პატრონი, — ბრძანა მან, — რომ ასე ჩივის, რაც დავთარში არ ეღვის, იმის მეტს ნურას გამოართმევთ; რაც მამული უკირავს, რაც დებულეზა ჰქონია, ის უნდა გამოართვათ. რაც დავთარში არ ეწეროს, იმას ნუ მოსთხოვთ“⁷².

გამარჯვებისთვის მიულწევიათ ძეგველ გლეზებსაც, რომელთაც 1800 წლის 2 მაისს კათალიკოს ანტონ II-ისათვის საგადასახადო ტვირთის შემსუბუქეზა უთხოვიათ უკიდურესი სიღარიბის გამო. აი თხოვნის მიმღების ფრიალ საინტერესო მითითეზაც: „ვინცა ვინ და ყოველნი მოსაქმენი მოხვიდეთ, ამ ძეგველებს ნურაზე შეაწუხებთ ხოლმე და ყოვლითურთ ხელაღებულნი უნდა იყვენენ ამათეზა, ამიტომ რომ საშიშს გზაზედ დგანან, შუა შარაზედ, და ესენი მცველნი არიან და არც ამათი ჯარში წასვლა იქნეზა, მისთვის რომ სოფელი უკაცურად დარჩეზა, ერთი, განსაცდელი შე(ე)მთხვევათ, ეკლესიასაც დააკლდეზა და ქვეყანასაც. ნურცავინ გამლელ-გამომღლელი შეაწუხებთ... თუ დაიჯერებთ ამ წერილისა, კარგი და პატიოსანი, თუ არა ღმერთსაც თქვენ გაეცით პასუხი და ეკლესიასაც“⁷³.

აღნიშნული მიზეზებისათვის დათმობაზე მიდიოდნენ ზოგჯერ არა მარტო ცენტრალური ხელისუფლეზა და სამეფო გვარეულობის წვერები, არამედ თვით კერძო მეზატონეებიც. მაგალითად, მეზატონე დავით აბაშიძეს 1798 წელს გადასახადებისაგან გაუთავისუფლეზა გლეხი ქოჩაშვილი⁷⁴.

მოტანილი მაგალითებიდან ჩანს⁷⁵, რომ სოფლის მშრომელი

⁷¹ ს ს ც ი ა, ფონდი 1448, საბ. 644.

⁷² ი ქ ვ ე.

⁷³ ნ. ბერძენიშვილი, დ ს ს ი, ტ. II, გვ: 206, საბ. 334.

⁷⁴ «Ты просил нас, — ვკითხულობთ დავით აბაშიძის მიერ კოჩაშვილისათვის 1798 წელს მიტეულ სიველში, — освободить тебя (от податей), мы уважили твою просьбу. И прежде ты никаких оброков нам не платил, и впредь ни я, ни наследники мои, не будут требовать от тебя никаких податей и повинностей, а также не будем делать тебе никаких неправд и беззаконий» (Д. П у р ц е л а д з е, Г К Г, გვ. 107).

⁷⁵ მსგავსი მაგალითები იხ. ნ. ბერძენიშვილი, დ ს ს ი, ტომი II, საბ. 138, გვ. 286, საბ. 448. ს ს ც ი ა, ფონდი 1448, საბ. 447, 1362, 1829, 3022, 3027, 3029; ს მ ა ხ ი, ფონდი Hd, საბ. 658, 2102; Д. П у р ц е л а д з е, Г К Г, გვ. 38—39.

მოსახლეობის ბრძოლა საგადასახადო ტვირთის შემსუბუქებისათვის ყოველთვის როდი იყო უპერსპექტივო და განწირული. გლეხები ზოგჯერ სრულ ან ნაწილობრივ წარმატებას აღწევდნენ და ამით შრომისა და ცხოვრების შეღარებით უკეთეს პირობებს იქმნიდნენ. ეს კი საბოლოო ჯამში პროგრესის საქმეს ემსახურებოდა, ქვეყნის სოციალ-ეკონომიურ მოლონიერებას, მის წინსვლა-განვითარებას უწყობდა ხელს.

* * *

სოფლის მშრომელი მოსახლეობა თავის კლასობრივ მტერს შატერიალური ზიანის მიყენებითაც ებრძოდა — ართმევდა მიწებს, იტაცებდა მის პირუტყვს, უნადგურებდა ყანებს, ვენახებს, ბოსტნებს. ასე, მაგალითად, 1728 წელს სოფელ კრწანისის გლეხებს მიუტაცებიათ გივი ამილახვრის კუთვნილი მიწები ქვედა თელეთში და მოუხნავეთ⁷⁶. ზუსტად 30 წლის შემდეგ, ე. ი. 1758 წელს, იგივე გაუყეობიათ საბუელ და გრმელელ გლეხებს. მათ მოუნდომებიათ თავად გურამიშვილების მიწების მისაკუთრება⁷⁷. 1770 წლის ერთი სხვათის თანახმად, მემამულე ვაჩნაძეებს, ხელქვეითი ყმების მოქმედების შედეგად, არც მთა შერჩენიათ და არც ბარი⁷⁸. მიწების მიტაცების ფაქტია დადასტურებული, აგრეთვე, დარეჯან დედოფლის 1790 წლის 16 იანვრის ბრძანებაში გიორგი სახლთუხუცესისა და ველისციხის მოურავისადმი „მერე ჩვენ ასე გვესმის, — ნათქვამია იქ, — რომ ველისციხის მამულზედ მოსახლე კაცნი ზოგი ვინმე თავის გამიჯნულს მამულზედ სხვას ადგილს უმატებს და ჩვენს შეუტყობლად და უოქმოდ და თქვენს დაუკითხავად სავენახეს ღობენ საღმე და უმატებენ თავიანთ მამულებსა და კალო-საბძელს აკეთებენ“⁷⁹.

გლეხები, როგორც უკვე აღვნიშნეთ, იტაცებდნენ მემამულეთა პირუტყვს, რაც კარგად ჩანს ვაჩნაძიანთა 1770 წლის 10 იანვრის და ჩოლოყაშვილების 1773 წლის 29 იანვრის თხოვნებში ერეკლე II-ისადმი⁸⁰. რომ ანადგურებდნენ მემამულეთა ყანა-

⁷⁶ Д. Пурцеладзе, ГКГ, გვ. 113.

⁷⁷ ექვთ. თაყაიშვილი, საქართველოს სიძველენი, III, გვ. 349, საბ. 364.

⁷⁸ ნ. ბერძენიშვილი, დსსი, ტ. II, გვ. 73, საბ. 112.

⁷⁹ იქვე, გვ. 269, საბ. 421.

⁸⁰ „მოვიდნენ ნუკრიანელნი და კოტორელნი... ჩალაუბანს სოფლის პირში, — ნათქვამია პირველ მათგანში, — მელორეც დაიჭირეს ტყვის მგზავსათ, მელორეც წაი-

ენახებსა და ბოსტნებს, ამაზე მეტყველებს ერეკლე II-ის 1790 წლის ბრძანება სახლთუხუცეს დავით ანდრონიკაშვილისადმი (1790 წ.), რომელშიც ნათქვამია: „ბარნაბის შვილებს ყოვლად სამღვდელოს ბოდბელ მიტროპოლიტის დავითის ბოსტანი წაუხდენიათ და გადაუხვეტიათ“⁸¹.

მიუხედავად იმისა, რომ ხელისუფლება და პრივილეგირებული წოდება ენერგიულად ილაშქრებდნენ გლეხების ასეთი მოქმედების წინააღმდეგ⁸², ისინი მაინც ხელს არ იღებდნენ ბრძოლის ამ ფორმაზე და არაიშვიათად იყენებდნენ მას. მატერიალური ზიანის მიყენებით სოფლის მშრომელი მოსახლეობა ცდილობდა აეძულებინა ბატონი დათმობაზე წასულიყო და ერთგვარი შეღავათი მიეცა მისთვის.

ყვანეს და ღორიე წაასხეს. მისახეს სოფელში და ათი ღორი გამოარჩიეს. დასოცეს (ნ. ბ ე რ ძ ე ნ ი შ ვ ი ლ ი, „ლოკუმენტები“, ტ. II, გვ. 73, საბ. 112), მეორე მათგანში კი აღნიშნულია, რომ ფშაველები რაშდენიმეჯერ დასხმთან თავს ჩოლოყაშვილების სამფლობელოს, რომლის დროსაც მოუტაცენათ 300 ხარი, 1200 ცხენარი და 600—900 ფუთი ხორბალი (С. К а к а б а д з е, Крестьянский вопрос и крестьянское движение..., ИКБЗ, გვ. 185—186).

⁸¹ ს ს ც ი ა, ფონდი 1448, საბ. 130.

⁸² ბოდბელის ზოსტნის აოხრებასთან დაკავშირებით ღარეჯან ღედოფალმა შემდეგი განკარგულება მისცა სახლთუხუცეს ენდრონიკაშვილის (1790 წ.): „ახლავ შენ უნდა ბოდბელთან ჩახვიდე, ასილთავი პატარაყ... დაისწრა, რომელნიც სამღვდელონი ამ საქმეში რეულან, ბოდბელმა თავის გულისმკვერეტელობით... გარდაახდევინოს... ერისკაცების გარდახდევინება — ჩვენზედ მოაგდოს და ჩვენ გარდავახდევინებთ. თუ ბარნაბის შვილებს მეტი სიტყვა აქვსთ რამე, ჩვენთან ჩამოვიდნენ და მოგვახსენონ, თუ არა და მივიდნენ ბოდბელის კარზედ... დანაშაულზე თავი დასდევან, შევიცდრონ... და თავითი დანაშაული ბოდბელისაგან შინდობის ნოცემით გასწვინდონ. უამისობა არ იქნება, თუ ასე არ აღასრულე, იცოდე შენ გარდახდება“ (ს ს ც ი ა, ფონდი 1448, საბ. 130); ღარეჯან ღედოფლის 1790 წლის ბრძანებაში კი გიორგი სასლთუხუცესისა და ველისციხის მოურავისადმი ვაჩნაძისათა საჩივართან დაკავშირებით, რომლის შესახებაც უკვე ზეგით იყო ღაბარაძე, ნათქვამია: „ახლავ თქვენ მოიკითხეთ და გაშინჯეთ, რომელთაც ჩვენს უოქმით ან თქვენს დაუკითხავთ, ან მამულებისთვის შეემატებინოსთ, ან სამამულო შეელობოსთ და კალო საბძლის ადგილი თავის მიჯნის გარდა გაემატებინოსთ, ყველას (ჩამოართვით და) სასოფლოთ დასდევით და ჯარნიცაც გარდაახდევინეთ. რომელთაც ან ჩვენის ოქმით ეკიროსთ და თქვენის დაკითხვით და შეტყობინებთ, იმას ნუ მოუშლით. ვისაც (კი) ჩვენგან ოქმით არა ჰბოძებოდესთ, ყველას უნდა ახლავ ჩამოართვათ. თქვენ რომ დაკითხებოდნენ, მაინც მართებული ეს არის, რომ ჩვენი ოქმიც უნდა ეკიროსთ. ამ საქმეს გაჯრიგებულს ნუ დაავდებთ, ახლავ ასე აღასრულეთ“ (ნ. ბ ე რ ძ ე ნ ი შ ვ ი ლ ი დ ს ს ი, ტ. II, გვ. 269—270, საბ. 421).

სოფლის მშრომელი მოსახლეობის სოციალ-ეკონომიური მდგომარეობის მკვეთრი გაუმჯობესების მიღწევა კი მხოლოდ ფეოდალურ-ბატონყმური ურთიერთობიდან მისი განთავისუფლებით შეიძლებოდა. მიუხედავად დიდი და მრავალმხრივი ლაბრკოლებისა, რომელთანაც დაკავშირებული იყო ამ ურთიერთობიდან თავის დაღწევა, ყმური მოსახლეობის მცირე ნაწილი, როგორც ზეპოთ ვნახეთ, მაინც ახერხებდა ამას. ვისთვისაც ეს შეუძლებელი იყო, უმთავრესად მატერიალური უსახსრობის გამო, ცდილობდა რაღაც ნაბიჯი მაინც გადაედგა თავისუფლების მოსაპოვებლად. ასეთ ნაბიჯად კი ქართველ გლეხს სახელმწიფო (სამეფო, სახაზინო) უწყებაში გადასვლა ესახებოდა. მართალია, ამ უწყებაში გადასვლა რადიკალურად ვერ სცვლიდა მის მდგომარეობას⁸³, მაგრამ რამდენადაც მაინც აუმჯობესებდა მას. სახელმწიფო (სამეფო) უწყების კაცს, როგორც წესი, შედარებით მეტი თავისუფლება ჰქონდა და უკეთესი მატერიალური უზრუნველყოფაც, სწორედ ამით იყო შეპირობებული XVIII საუკუნის მეორე ნახევრისა და XIX საუკუნის რეფორმამდელი ხანის ქართველ გლეხთა მოძრაობა კერძო მებატონისაგან თავის დაღწევისა და სამეფოდ გადაქცევისათვის⁸⁴.

სათანადო მასალების შესწავლამ ცხადყო, რომ აღნიშნული მოძრაობა, რომელმაც მასობრივი ხასიათი გასული საუკუნის 30-იანი წლებიდან მიიღო, უფრო აღრეული ხანისთვისაც არ ყოფილა უცხო⁸⁵. კერძოდ XVIII საუკუნის მეორე ნახევარში ანგარიშგასაწევი მასშტაბი მიუღია⁸⁶. ჩვენს ხელთ არსებული მასალები განაზიგვენ არა მარტო კერძო მებატონეთა გაძლიერებული ექსპლოატაციით შეწუხებული გლეხების შეუწელებელ სწრაფვას სახელმწიფო

⁸³ Архив К. Маркса и Ф. Энгельса, т. XII, з. 91.

⁸⁴ ივ. ს უ რ გ უ ლ ა ძ ე, ნარკვევები საქართველოს სახელმწიფოსა და სამართლის ისტორიიდან, თბილისი, 1963, გვ. 125.

⁸⁵ ეს აზრი გამოთქვა ნ. ბერძენიშვილმა ჟურნალში 1954 წელს თავის რეცენზიაში ჩვენს ნაშრომზე «Государственные крестьяне Грузии в первой половине XIX века» (იხ. ნ. ბ ე რ ძ ე ნ ი შ ვ ი ლ ი, საქართველოს ისტორიის საკითხები, ტ. V, გვ. 315—316).

⁸⁶ იხ. მ. ე ლ უ მ ბ ა ძ ე, თავისუფალ გლეხთა ფენის საკითხისათვის XVIII საუკუნის საქართველოში, დაბეჭდილი კრებულში - კავკასიის ხალხთა ისტორიის საკითხები» (კხის), თბ., 1966, გვ. 386; ი. ს ო ს ე ლ ი ა, აზატ გლეხთა კატეგორია დასავლეთ საქართველოში (XIX ს. 20-იან წლამდე), მსკი, გვ. 200, 201—202.

უწყებაში გადასასვლელად, არამედ ლაპარაკობენ იმ გზებსა და საშუალებებზე, რომლებსაც მიმართავდნენ ისინი დასახული მიზნის მისაღწევად. მშრომელი მოსახლეობა არც ცრუ მოწმეების დასახელებას ერიდებოდა და არც ადამიანის ღირსების შეურაცხყოფელი არგუმენტის წამოყენებას, რათა გასცლოდა მებატონეს და ჩარიცხულიყო სახაზინო უწყებაში.

მაგალითად, 1765 წლის 15 აგვისტოს გიორგი იორამაშვილმა არზა მიართვა ერეკლე II-ს, რომელშიც თხოვდა დაეცვა მოძალადეებისაგან და დაეშალა მისი, ვითარცა სამეფო კაცის, ყმად მითვისება. „მე წინ წყაროელი თქვენნი ყმა გახლავართ, — ნათქვამია დასახელებულ არზაში. ავი დროის გულისათვის ქიზიყს გახლავართ და ახლა ჩერქეზიშვილი მეჭიდება, ჩემი ყმა ხარო... ბებურისშვილი თამაზ მომდგომია, ჩერქეზიშვილმან შენი თავი მამცაო, მე უნდა მემსახუროვო. ამას წინათაც სიღნა(ღ)ში არზა მოგართვით და მოწმეც გაახლეთ, რომ მე თქვენნი ყმა... გახლდით და ახლა ამას გეხვეწებით ჩვენს მოწყალეს ხელმწიფეს, რომ მოკითხულობა ქნათ“⁸⁷.

იმავე 1765 წლის 7 ნოემბერს მსგავსი თხოვნით მიმართა მეფეს დიდმელმა გლეხმა პაპუნა ზაზიაშვილმა. „მუსხალაშვილი დათუნა, — შესჩივის იგი ერეკლე II-ს — მედავება ჩემი ყმა ხარო. მე მაგის ყმობისა არავიცი რა, მაშისაგან არ შემიძიებია, (არც) სახლისკაცისგან და არც სოფლისაგან (გამიგია), რომ ჩვენ მაგისი ყმა ვყოფილვიყოთ, რა თვალი გამიღია, მაშას ხელმწიფისათვის უმსაურია და დღეს აქამდის მეც ხელმწიფის სამსახურში ვყოფილვარ და ბიძა ჩემიც ვახტანგის საბაზი ვყოფილა. ახლა თქვენის... გასამარჯვებლად და ბატონისშვილების სადღეგრძელოდ ამდენი წყალობა იყოს: დიდნის მამასახლისი და სულ დიდმელები აქ გახლიან და მოკითხული ქნათ დაუსამართლო არ დამემართოს, ჩემო მოწყალეო“⁸⁸.

ფეოდალმა იოსებ გლურჯიძემ გლეხ ბერძენა ჭოჭყიაშვილს შავი დღე აწია, ერთიანად აიკლო (1774 წ.): ცოლი გაუღახა, „თოფი და იარალი, ხარი და კანბეჩი, პური და ღვინო“ წაართვა, ცოლშვილი სახლიდან გამოუყარა, ღია ცის ქვეშ დატოვა. ყველაფერი ეს

⁸⁷ ნ. ბერძენიშვილი, დსსი, ტ. II, გვ. 60.

⁸⁸ სსცია, ფ. 1448, საბ. 403.

კი გლუპრჯიძემ იმიტომ გააკეთა, რომ დაზარალებულმა მისი მე-ბატონური უფლებები არ სცნო და თავი სამეფო ყმად გამოაცხადა. „ჩემი დანაშაული ეს არის: ბიძაშვილებისაგან წიგნი მამივიდა, მეცა ვთქვი, რომ სახელმწიფო ვარ მეთქი“⁸⁹, — მოახსენებდა ერეკლეს დარბეული კოპყიაშვილი.

მეფის ბრძანებით ჯერ სოფელ ხიდისთავს (ქართლი) მცხოვრები, ხოლო მტრისაგან ამ ადგილის აოხრების შემდეგ, ქართლის სხვადასხვა ადგილას გადასახლებული ექვსი კომლი — ბარალეთელი გლეხი ღვინია, გოგია, გლახა, ბეროა, ნასყიდა და ივანე სწერდნენ ერეკლეს (1774 წ.): „საცა ვდგევართ, ყველგან ძალას (გვატანენ)... უსამართლობას გვიშობიან“⁹⁰, ყმურ სამსახურს გვთხოვენო, „თქვენი ყმანი გახლავართ“, გვიხსენით მოძალადეებისაგანო⁹¹.

სახელმწიფოს, სამეფო საგვარეულოს კუთვნილებად აცხადებდნენ თავს ის გლეხები, რომელთა თხოვნა, მირთმეული ლეონ ბატონიშვილისადმი 1776 წელს „დიდებანთ არზის“ სახელწოდებითაა შემონახული. გლეხები კატეგორიულად, უარყოფდნენ კერძო მებატონეთა პრეტენზიებს. „მთა და ბარი, მოხელენი და აზნაურნი, — წერდნენ ისინი, — სულ აქ ვახლავან. მოკითხული ჰქენით, თუ ჩვენი მამა-პაპანი მაგის⁹² (კერძო მებატონის — ი. ა.) ყმანი ყოფილიყვნენ. მკვიდრი თქვენი სახასონი ვახლავართ.. შენნი ყმანი ვართ... თუ ჩვენი თავი ბატონმა (ე. ი. მეფემ — ი. ა.) უბოძა, ბატონის წიგნი ექნება, თუ ნასყიდნი ვართ, ნასყიდობის წიგნი ექნება და ორივე მოგართოსთ. თუ არა, ჩვენ მაგისი ყმანი არ ვყოფილვართ, თქვენი ყმანი ვართ ძველადვე. თორემ ყოველნი აქაურნი ძველნი კაცნი მოგახსენებენ. თუ არ დაგვეკარგავთ ხომ კარგი, თუ არა და მაგისი ყმობა არ შეგვიძლიან და არც ვეყმობით“⁹³.

გლეხები — „როსტევანას-შვილი სააკა, მეტივე ზურაბას შვილი ბერუა, ხაბულაშვილი გოგია და სხვები“ ერეკლე IV-ის მებატონე „მირზა იბრეიმას შვილი გოგიასათვის უბოძებია“. მეფის ამ ღონისძიებას დასახელებული პირები ფრიალ უსიამოვნოდ

⁸⁹ ნ. ბერძენიშვილი, დსსი, ტ. II, გვ. 89.

⁹⁰ სსცია, ფ. 1448, საბ. 144.

⁹¹ იქვე.

⁹² ტექსტში, ვფიქრობთ, შეცდომით წერია „მაგათი“.

⁹³ ნ. ბერძენიშვილი, დსსი, ტ. II, გვ. 97.

შეხვედრიან, კერძო მემამულის ხელში გადასვლა არ მოუსურვებიათ. — ჩვენ, — ნათქვამია მათ მიერ ახალი პატრონისათვის 1782 წელს მიცემულ პირობის წიგნში. — ბატონის (ე. ი. მეფის — ი. ა.) სახასო ყმანი ვიყავით... ბატონმა ჩვენი თავი თქვენ გიბოძათ... ჩვენ (კი) ისევე ჩვენი ბატონის ყმობა გვინდოდა“⁹⁴. იმისათვის, რომ სამეფო უწყებებაში დარჩენილიყვნენ, გლეხებმა „იბრემას-შვილს გოგიას“ რალაც ცილი დასწამეს, ტყუილი მოუგონეს, მაგრამ მიზანს მაინც ვერ მიაღწიეს⁹⁵ და იბუღებულნი გახდნენ თავი დამნაშავედ ეცნოთ და პატიება ეთხოვათ⁹⁶.

როგორც ერთი საბუთიდან ჩანს, ერეკლე II-ს ლალატისა და ორგულობის გამო დემეტრე ამილახორის შვილისათვის ყმა და მამული ჩამოურთმევია და სახასოდ დაუდვია. მეფის ამ ნაბიჯს მოლაღატე ფეოდალის გლეხები კმაყოფილებით შეხვედრიან და უთხოვიათ, რომ კონფისკაციაქმნილი ქონება კერძო მებატონეებისათვის არ ებოძებინა, სამუდამოდ სახაზინოდ (სამეფოდ) დაეტოვებინა. მეფემ დააკმაყოფილა მათი თხოვნა. წყალობის წიგნში, რომელიც მან 1762 წელს ამილახორის ყოფილ ყმებს მისცა, ნათქვამია: „მოგვადექით კარსა დარბაზისა ჩვენისასა და მას დაგვეაჭენით, რომ ყმად აღარავისათვის მიგვეცენით და ჩვენ სახასო ყმად დაგვექიარენით. ვისმინეთ აჭა და მოხსენება თქვენი და ამ სახით ჩვენ სახასო ყმათ დაგდევით, რომ თუნდაც მოხდეს დემეტრეს წილი ყმა და მამული გავსეცეთ, თქვენ მაინც⁹⁷ არავის მიგცეთ და ჩვენი სახასო ყმად გაამყოფოთ“⁹⁸.

ასევე საინტერესოა ბეინვალელი გლეხების მიერ 1789⁹⁹ წელს აღძრული საქმე. როგორც საბუთიდან ჩანს, მემამულე ორჯონიკიძეს მათი მითვისება მოუნდომებია. გლეხებს პროტესტი განუც-

⁹⁴ ნ. ბერძენიშვილი, დ. ს. ს. ტ. II, გვ. 125.

⁹⁵ იქვე.

⁹⁶ იქვე.

⁹⁷ იგულისხმებია ღორელი სააკანთ მანუჩარაშვილი იოანე, ძმები მისი სტეფანე და ფარსადანა, შვილები ნიჭი მანუჩარი და დავითი, რომლებმაც არზა მიართვეს მეფეს სამუდამოდ თავის სახასო ყმებად დატოვების შესახებ.

⁹⁸ ქიემ. ხელნაწერ მასალათა ფონდი, საბ. 92.

⁹⁹ საბუთი მის გამომცემელს დ. ფურცელაძეს 1799 წლით აქვთ დათარიღებული, რაც, ჩვენი აზრით, არაა სწორი. საბუთში ნათქვამია, რომ ჩვენ, გლეხებმა, თხოვნით მივმართეთ თქვენ შვილს იულონსო. იულონი კი, როგორც ცნობილია, ერეკლე II-ის შვილი იყო. მამასადამე, დ. ფურცელაძის მიერ გამოცემული არზის მიძღვნილი იყო ერეკლე II. და რაკი იგი გარდაიცვალა 1798 წელს, ამიტომ მისი დათარიღება 1799 წლით მცდარია, შესაძლებელია, ეს უბრალო ტექნიკური შედგომაა, დაშვებული ასოთამ-

ბადებიან და საბუთად სამეფო უწყებისადმი კუთვნილება დაუსახლებიათ. ამას შედეგი არ მოჰყოლია. მაშინ დაზარებულებს მეფისთვის მიუმართავთ და ორჯონიკიძის პრეტენზიების თავიდან აცილება უთხოვიათ. «Мы и предки наши, — სწერდნენ ისინი ერეკლე II-ს, — были казенные крестьяне. и Бжинвали, где мы живем, было казенное имение. Между тем Папуа Орджоникидзе стал притеснять нас и требовать, чтобы мы сделались его крестьянами или же переселились на другое место. И мы с семействами нашими переселились в Сурам... Мы жаловались сыну вашему Юлону, он дал сурамскому моураву приказание, чтобы нам дозволено было зиму эту провести в Сураме и что жалоба наша будет разобрана вами. Несмотря на это, Папуа Орджоникидзе, 8 сентября, с 50 человеками пришел к нам и потребовал, что мы опять переселились к нему. Не отдавайте же, ваше высочество, крестьян ваших Орджоникидзе, между нами 18 мужчин, которые могут носить оружие и шашку, и если вы отдадите нас Орджоникидзе, то мы перебедем друг друга, а в Бжинвали не переселимся»¹⁰⁰.

იმისათვის, რომ კერძო მებატონეებისაგან თავი დაეღწიათ და სამეფოდ ქცეულიყვნენ, გლეხები ყველაფერთან ერთად ერეკლე მეორის 1765 წლის კანონსაც იყენებდნენ, რომლის ძალითაც მენამულები ტყვეობიდან საკუთარი სახსრებით დაბრუნებულ ყმებზე თავიანთ მფლობელურ უფლებებს კარგავდნენ. ანგვარად განთავისუფლებულ გლეხებს კი შეეძლოთ არავის ბელჯვეითობაში არ შესულიყვნენ, ან იმას ყმობოდნენ, ვინც, მათი აზრით, სხვაზე უკეთესი პატრონი და ინფარველი იქნებოდა¹⁰¹.

ეს კანონი გამოუყენებია ტყვეობიდან დაბრუნებულ ვინმე შიო ბუაჩიძეს, რომლის დაყმევება მის ძველ ბატონს თავთაქიშვილს მო-

წყობის მიერ, საბუთის ზუსტი თარიღის გასახლვრა ძნელია, მიახლოებით კი იგი შედგენილია XVIII ს. მეორე ნახევარში, ერეკლეს გარდაცვალებამდე, ე. ი. 1798 წლამდე.

¹⁰⁰ დ. ფურცელაძე, ГКГ, Тифлис, 1882, გვ. 74.

¹⁰¹ იქვე, გვ. 17. ი. დოლიძე, ქსდ, IV, 1972, გვ. 513.

სახაზინო უწყებაში გლეხების გადასვლას ხელს უწყობდა ვახტანგ VI-ის სამართლის წიგნის 201 მუხლიც. იქ ნათქვამია: „თუ აქილამ აყრილი გლეხი სხვის საბატონოში წავიდეს, თუ იქ ექვსი წელიწადი დაყოს და ისრე ხელმწიფეს მიუეიდეს, თუ უნდა, მისცემს ხელმწიფე და, თუ უნდა, არ მისცემს, ხელმწიფის გუნებაზე ჰკილია, ეს ამიტომ დაეწერეთ, რომე ნურა კაცი თავის ყმას ძალას ნუ დაატანს, თორემ წავა, ექვს წელიწადს სხვაგან დაჰყოფს, მოუა ხელმწიფეს ეყმობა და ყმა დაეკარგება“ (ვახტანგის სამართლის წიგნი, მუხ. 201).

უნდომებია. 1773 წლის 12 ნოემბერს მეფისათვის მიერთმეულ არ-
ზაში იგი წერს: „თქვენგან მოწყალებას ვითხოვთ, რომ თავთაქი-
შვილს ჩვენთან ხელი არა ქონდეს... სხვა ტყვესაც თქვენ-
გან წყალობა აქვს, რომ (მასთან) თავის მებატონ-
ნეს საქმე აღარა აქვს. ჩვენ მოწყალებას ვით-
ხოვთ, რომ თქვენს სახასო ყმად ვიყვნეთ^{101ა}.“

ეს კანონი გამოიყენა ტყვეობიდან დაბრუნებულმა გლეხმა შავ-
დათუაშვილმაც. Я, — შესჩიოდა იგი 1800 წელს გიორგი XII-ს,
— два раза попадал в плен в Персию и Дагестан, но... я бе-
жал и пришел оиять в Тифлис. Здешний моурав беспокоит
меня и говорит, что я крестьянин его. Между тем, я
всегда был казенным крестьянином и был
в плену. Прошу приказать, чтобы никто не беспокоил ме-
ня и я остался казенным крестьянином^{101б}.

მოტანილი მასალა ჩვენს ხელთ არსებული საბუთების მხოლოდ
ნაწილს წარმოადგენს^{101ა}, მაგრამ, ვფიქრობთ, ესეც საკმარისია იმის
ნათელსაყოფად, თუ რაოდენ დიდი იყო გლეხების სურვილი კერძო
მებატონისაგან სამეფო უწყებაში გადასვლისა, რაც, მართალია, არ
ათავისუფლებდა გლეხს ფეოდალური დამოკიდებულებისაგან, მაგ-
რამ ერთგვარ შეღავათს მაინც აძლევდა და გარკვეულ ნაბიჯს წარ-
მოადგენდა სრული თავისუფლების მოპოვების მიმართულებით. ამ-
დენად სოფლის მშრომელი მოსახლეობის ეს მოძრაობა საბოლოო
ჯამში ანტიფეოდალური ხასიათისა იყო და ძველი წყობილების დან-
გრევის პროგრესულ საქმეს უწყობდა ხელს¹⁰². მოძრაობის მეტ-ნაკ-
ლებად ფართო მასშტაბი კი იმას მოწმობდა, რომ XVIII საუკუნის
მეორე ნახევარში ბატონყმურ ურთიერთობას რამდენადმე წყალი
ჰქონდა უკვე შემდგარი.

* * *

განსახილველი ხანის საქართველოს სოფლის მშრომელი მო-
სახლეობის კლასობრივი ბრძოლის ისტორიაში მეორე საყურად-

^{101ა} ს ს ც ი ა, ფ. 1448, საბ. 406.

^{101ბ} ГКГ, გვ. 76—77.

^{101გ} იხ. ს ს ც ი ა, ფ. 1448, საბ. 2396, 3624, 5733; ფ. 1449, საბ. 272, 580 და
სხვა მრავალი. აქვე შეენიშნავთ, რომ ამგვარი ხასიათის საბუთების გარკვეული
ნაწილი, ალბათ, შემონახული არაა. შემონახულიც, ცხადია, ჩვენ მთელი სისრუ-
ლით ვერ აღვრიცხეთ.

¹⁰² ი. ა ნ თ ე ლ ა ვ ა, Государственные крестьяне Грузии в первой поло-
вине XIX века, 1955, გვ. 81; მ. დ უ მ ბ ა ძ ე, თავისუფალ გლეხთა ფენის საკით-
ხისათვის XVIII ს. საქართველოში. კ ხ ი ს, გვ. 390.

ლებო სიახლეს შეინიშნება. ეს არის გლეხის ენერგიული ბრძოლა საერთოდ ბატონყმური ურთიერთობისაგან თავის დასაღწევად. ეს მოძრაობა, როგორც ადრეც გვქონდა აღნიშნული¹⁰³, უცხო იყო წინა პერიოდისათვის. იგი შესამჩნევი ძალით მხოლოდ XVIII საუკუნის მეორე ნახევრიდან გაიშალა და ქვეყნის სოციალურ-ეკონომიურ ცხოვრებაში მიმდინარე ცვლილების უშუალო შედეგს წარმოადგენდა. ამ დროს მიმდინარეობს ფეოდალური წყობილების საფუძვლებას შერყევა, გაბატონებულ კლასს უჭირს თავისი მდგომარეობის შენარჩუნება, ხოლო გლეხობას აშკარად არ უნდა ძველებურად ცხოვრება. ყპური მდგომარეობისათვის თავის დაღწევის აზრი, როგორც მეტ-ნაკლებად მასობრივი მოვლენა, მხოლოდ ამ დროსა და ამ ვითარებაში შეიძლება წარმოიშვას.

ჩვენ აქ გლეხთა მოძრაობის ამ ახალი ფორმის მარტო იმ სახეობაზე შევჩერდებით, რომელიც გულისხმობს სოციალური თავისუფლების მოპოვებას არა გამოსყიდვის¹⁰⁴, არამედ სხვადასხვა მართალი თუ უმართებულო მოტივებით ყმობაზე უბრალოდ უარის თქმით, XVIII საუკუნიდან, განსაკუთრებით კი ამ საუკუნის მეორე ნახევრიდან, სულ უფრო ხშირად და დაჟინებით გაისმის ამ მოძრაობით შეშინებულ მემამულეთა საჩივრები: „ყმები ძალით გვართმევენ თავს“, „აქამდე ყმურად მემსახურობდნენ, ახლა კი არა“, „გლეხები ბატონად არ გვაგდებენ და არაფერს გვიკეთებენ“ და ა. შ. აქვე უნდა შევნიშნოთ, რომ ამ და მათ მსგავს განცხადება-საჩივრებში ლაპარაკია არა ისეთ შემთხვევებზე, როდესაც ყმა ერთი ბატონისგან მეორესთან გარბოდა, არამედ ისეთებზე, როდესაც გლეხი საერთოდ ცდილობდა დამოკიდებული მდგომარეობიდან გამოსვლას.

ქვემოთ ჩვენ მოვიტანთ განსახილველ საკითხთან დაკავშირებული საბუთების ერთ ნაწილს. ჩვენს ხელთაა ბერი გელდიაშვილის მიერ 1707 წლის 20 აპრილს არღაშელ ზუმბულიძისადმი მიცემული პირობის ტექსტი, რომელშიც ნათქვამია: „მე თქვენი განაყოფის ყმა ვიყავ და მოხისს ვესახლე. ბატონი მართებული აღარ მყვანდა და სხვები¹⁰⁵ ხელს მღებდნენ. მე თავი არ დაუდე,

¹⁰³ იხ. ი. ანთელავა, ცვლილებები ფეოდალურ-ბატონყმური ურთიერთობის სოციალურ საფუძვლებში XVIII ს. საქ-ლოში, „მაცნე“, 1974 № 2.

¹⁰⁴ ამაზე ჩვენ უკვე სხვაგან გვქონდა ლაპარაკი (იხ. აქვე, თავი IV; შდრე „მაცნე“, № 2, გვ. 57—61).

¹⁰⁵ ტექსტში წერია „სხვა“.

ავიყარე და რუის ჩამოველ, კლიმიაშვილს იასეს მეზვრეთ დაუდექ. თქვენ შეგეტყვოთ და მეფე ვახტანგის და ბატონ კათალიკონის დომენტის იასაული გამოგეგზავნა ასაყრელად. მოველ და შემოგვხვან: „ნუ ამყრი მეთქი“, კლიმიაშვილი იასე თავდებათ მოგეც: რომელი ბატონყმობის რიგი (იყოს), ისე გემსახურო აქედამა მეთქი. თქვენც დავკვირდით ამ პირობას“¹⁰⁶. როგორც ჩანს, ბატონისგან გაქცეული გელდიაშვილი მემამულე კლიმიაშვილს მისვლია, მაგრამ არა ყმად, არამედ, საფიქრებელია, მოჯამაგირედ და მეზვრის მოვალეობა უკისრია. ყოველ შემთხვევაში, საბუთის შინაარსი, ჩვენი აზრით, სხვა დასკვნის ფაქტების საფუძველს არ იძლევა. მართალია, ძალამ თავისი გაიტანა და გელდიაშვილმა „ბატონყმობის რიგით“ სამსახურის პირობა მისცა ზუმბულიძეს (რუისიდან აუყრელად), მაგრამ მთავარია არა დამარცხების ფაქტი, არამედ, მიზანი, რომელსაც გლეხი ესწრაფოდა.

XVIII საუკუნის დასაწყისში ზურაბაშვილები კახეთიდან ქართლში გადახვეწილან და ბიძინა სოლოლაშვილის კუთვნილ სოფელ ტაგნაგეთში დასახლებულან. იქ მათ სოლოლაშვილისათვის თავი არ დაუდევიათ და ისევ კახეთში დაბრუნებულან. მალე კიდევ გარდაცვლილან, ხოლო მათი მემკვიდრე ბაღდუა ზაალ ყორღანაშვილს წამოუყვანია და სოფელ ენაგეთს დაუმკვიდრებია. აქ მას 30 წელი გაუტარებია. ასეთი დიდი დროის გასვლის მიუხედავად, ზაზა სოლოლაშვილს¹⁰⁷ მისი უკან დაბრუნება მოუნდომებია. „ჩემი ყმის შვილი ხარ, იქ უნდა მიხვიდე, შენს სამკვიდროზედ დასახლდე-ო“, უთქვამს მას¹⁰⁸. მაგრამ აქედან არაფერი გამოსულა. ეტყობა, ზურაბაშვილებს გამოუყენებიათ კანონი, რომლის მიხედვით 30 წლის განმავლობაში თავგადამალული ყმა ძველი პატრონისაგან განთავისუფლებულად ითვლებოდა¹⁰⁹, და მებატონის წინადადება უარუყვიათ. ისიც შეშვებია, მის ყმობაზე ხელი აუღია. „სამართალმა აღარ მომცა (შენი თავი), — ნათქვამია მის 1738 წლის 1 ივლისის სიგელში ბაღდუა ზურაბაშვილისადმი, — მეც ცოტა რამ გამოგართვი, რითაც ჩემი გული შემეჭერდებოდა... არც მე და არც ჩემს სახლის მომავალს, მონათესავეს... შენთან საბატონყმით ხელი არა გვქონდეს, ღვთის მეტს“¹¹⁰.

¹⁰⁶ ნ. ბერძენიშვილი, დ ს ს ი, ტ. I, გვ. 133, საბ. 183.

¹⁰⁷ ეს, ალბათ, ბიძინა სოლოლაშვილის მემკვიდრეა.

¹⁰⁸ ნ. ბერძენიშვილი, დ ს ს ი, ტ. I, გვ. 280—281, საბ. 400.

¹⁰⁹ ვახტანგ VI-ის სამართლის წიგნი, მუხ. 202.

¹¹⁰ ნ. ბერძენიშვილი, დ ს ს ი, ტ. I, გვ. 281, საბ. 400.

ამ შემთხვევაში საქმე გვაქვს გლეხის წარმატებასთან, მან თავისუფლება მოიპოვა. სოლოდაშვილის ყმობიდან გავიდა, რაც შეეხება ზაალ ყორღანაშვილს, რომლის სოფელშიც იგი ბოლოს დასახლდა, არ ჩანს, რომ ზურაბაშვილი მას ყმად მისვლოდეს.

1749 წელს გლეხი ივანე ნასყიდაშვილი სჯულის გამოცვლით— გაათავრებით დამუქრებია მებატონე ვარამ დიასამიძეს და ამ გზით პირადი თავისუფლება მოუპოვებია. „ეს აზატულობის წიგნი და პირი გიბოძე მე, ვარამ დიასამიძემ, შენ, ჩემს მემკვიდრეს ყმას საქაშენელს ნასყიდაშვილს ივანეს, ასე რომ ავის ღროითი შენის ქნეყნიდამ წახველ... (მერე) მოხველ და შემომეხვეწე: ნუ დამკარგაო, ჩემს ალაგას ველარ გავძლებო და ვერც მოვალო; თუ ამაზე აზატს არ მიზამო, გავათარღებო, სულ დავიკარგეო. ახლა აღარც გაგათათრე, აღარც დაგკარვე, არც საქმე გაგიჭირვე. რადგან მოინდომე, მეც შეგიბრალე და აზატი გიყავი. დღეის იქით შენთან ხელი აღარა მაქს საბატონყმით არც მე, არც ჩემს შვილსა, არც ჩემს სახლის კაცსა... აზატი მიქნია, გამიშვიხარ შენს ნებათ, სადაც გინდა დადეგ. ჩემის სულის მეოხათ აზატი მიქნია“¹¹¹.

წარმატებით დამთავრებულა მჭედლიძეების ცდაც. ისინი როგორც 1750 წლით დათარიღებული საბუთიდან ჩანს¹¹², მებატონე ვარამ დიასამიძეს გაქცევთან, თბილისში ჩასულან და იქ დამკვიდრებულან. კარგა ხნის შემდეგ მემამულეს მათი ადგილსამყოფელი დაუდგენია და აყრა მოუნდომებია, მაგრამ გლეხები არ გაპყოლიან, ქალაქი არ მიუტოვებიათ¹¹³. მაშინ მაძიებელი იძულებული გამხდარა გარკვეული საფასური აეღო და მჭედლიძეები ყმობიდან გაეთავისუფლებინა¹¹⁴. მართალია, შემდგომში მჭედლიძეებმა ვერ შეინარჩუნეს თავისუფალი მდგომარეობა¹¹⁵, მაგრამ ეს არ ამცირებს აღწერილი ფაქტის მნიშვნელობას, რომელიც მკაფიოდ ადასტურებს

¹¹¹ იქვე, გვ. 340, საბ. 480.

¹¹² ნ. ბერძენიშვილი, დსსი, ტ. I, გვ. 423, საბ. 594.

¹¹³ „წამოგვადგა ჩვენი ბატონი, — წერდნენ გლეხები, — და აყრა მოინდომა ჩვენი... ჩვენ არ გავყევით, ქალაქი არ გავუშეათ“ [ნ. ბერძენიშვილი, დსსი, ტ. I, გვ. 423, საბ. 594].

¹¹⁴ ბატონი „ადგა..., ჩვენის თავის სახსარი გამოგვართო და თავი დაგვახსნეინა... ცოლითა და შვილითა“ (იქვე).

¹¹⁵ საბუთიდან ჩანს, რომ მჭედლიძეებმა საბოლოოდ მაინც ვერ შეინარჩუნეს თავისუფლება და ისინი ღოდოს მონასტრის წინამძღვარს მიუვიდნენ ყმად (იქვე).

ყმური მოსახლეობის შეუნელებელ სწრაფვას პირადი თავისუფლების მოპოვებისაკენ.

ბატონყმური ურთიერთობისაგან თავის დაღწევის ცდები, როგორც უკვე ვთქვით, გაცილებით უფრო ხშირია XVIII საუკუნის მეორე ნახევარში. ამის საილუსტრაციოდ მოვიტანთ ჩვენს ხელთ არსებული მასალების მხოლოდ ნაწილს.

ჩვენს წინაა ვახტანგ ბატონიშვილის 1757 წლის წყალობის წიგნი, მიცემული აზნაურიშვილ ოთარ და ფარსადან ცვერცვაშვილებისადმი. მასში ნათქვამია: „ხულუზაური გიორგი... ერისთავებისაგან წყალობათ გპირებოდათ და მასუჟან თქვენთვის თავი აღარ დაედვა. ჯიმშერს ბატონის მამის ჩვენის (ე. ი. ერეკლეს — ი. ა.) ბრძანებით წიგნი ებოძებინა¹¹⁶; ახლა ის კაცი თავს აღარ გიდებდა. ჩვენ მოგვახსენა იმათი ყმა არა ვყოფილვარო“^{116ა}. როგორც ვხედავთ, გიორგი ხულუზაურს ყურადღება არ მიუქცევია მისი ყმობის დამადასტურებელი საბუთისათვის და მეორედ მოუნდომებია დამოუკიდებლობის მოპოვება, თუმცა უშედეგოდ — ვახტანგ ბატონიშვილმა გლეხი ცვერცვაშვილების საკუთრებად სცნო^{116ა}.

ტყვეობიდან დაბრუნებულ ივანე გიორგაძისშვილს 1768 წელს არზა მიუერთმეგია ერეკლე მეორისათვის და შემამულე ჯავახიშვილებისაგან დაცვა უთხოვია. „მამა ჩემი ჯავახეთიდან გაიხლათ და მეც პატარა თან მოვყევ... მამა თქვენის ჭირის სანაცვლო გამიხდა. მე იმეამათ მეტენს სხვის შვილად გახლდით. მოვიდნენ ჯავახიშვილები, შემომეჭიდნენ, ჩემი ყმა ხარო. იმათ გავექეცე, მუხრანის რუსხმულზედ დავიკარგე, ექვსი წელი ტყვედ გახლდით. კათალიკოზი რომ რუსეთიდან მობრძანდა, მე მაშინ გაიხელ და მას აქეთ ჩალაუბანს გახლავარ. ახლა ჯავახიშვილი ვახუშტი მეჭიდება ჩემი ყმა ხარო. ღმერთი გაგიმარჯვებს, ამისი სამართალი გვაღირსეთ“^{116ა}.

¹¹⁶ ამ წიგნით დასტურდებოდა გიორგი ხულუზაურის ცვერცვაშვილისადმი ყმობის ფაქტი.

^{116ა} სსცი, ფონდი, 1448, საბ. 41.

^{116ბ} „ჩვენ მოკითხული ვქენით, — ვკითხულობთ ვახტანგის წყალობის წიგნში — და ასე მოგვახსენეს — ძველთაგან თქვენი ყოფილიყოს, ჯიმშერის წიგნიც ენახეთ და აღარ მოვიშალეთ... ამით გიბოძეთ ოქრუაშვილი ხულუზაური გიორგი თავის შვილით უმამულოთ. დღეს რისიც მქონებელი იყოს თქვენთვის და შვილითა თქვენთათვის ვვიბოძებია ყოელის კაცის უცილობლად“ (სსცი, ფონდი 1448, საბ. 41)..

^{116გ} სსცი, ფონდი 1448, საბ. 444.

ამავე კანონით სცადა თავისუფლების მიღება ტყვედ ნამყოფმა ქიტესა ჯიბიაშვილმაც. იგი 1772 წლის 10 იანვარს ერეკლეს მოახსენებდა: „13 წელიწადი დაღისტანში ტყვეთ გახლდით. თქვენი ბრძანება¹¹⁶ რომ ქვეყანაზე განეფინა, ტყვისთვის აზადობა გებრძანათ... ჩემი მოსვლის ორ-სამ წელიწადს ტყვეობაში გვესმოდა: ბატონმა ტყვეთ მურახასობა უბრძანა, იმ თარიღის¹¹⁶ აქეთ მოსული ტყვენი თავისუფალნი იქნებიანო. ახლა თქვენის ბრძანებით დაღებული წიგნი ყირიმელს გიორგი ფეიქარს აქვს, ის წიგნი აკითხვინეთ. თუ იმ წიგნის უკან არ ვიყო (ტყვეობიდან) მოსული და ტყუილს მოგახსენებდე, რა რიგათაც ღირსი ვიყო, გადამახდევინეთ“¹¹⁷.

როგორც საბუთზე მიწერილი სიტყვებიდან ჩანს. სარჩელი მე-ბატონის სასარგებლოდ გადაწყვეტილა. საფუძვლად ტყვეობიდან დაბრუნებული ჯიბიაშვილის გურამიშვილთან მისვლა და მასთან ერთ ხანს ყოფნა წამოუყენებიათ¹¹⁸.

წარუმატებლად დამთავრებულა ვინმე მათოზა სარქისაშვილის თავის გამოსხნის ცდაც. იგი, ქართლელ მებატონეს რევაზბეგ სარდარს გაქცევია, კახეთს გადახვეწილა და იქ „ცოტა ხანს“ ხიზნად დაჰდგარა. უკან დაბრუნება აზრადაც არ ჰქონია. კარგა ხანს იმალებოდა, მაგრამ ბოლოს, ეტყობა, ცხოვრება გაუქირდა, თავისუფლება ვერ შეინარჩუნა, და ძველს პატრონს დაუბრუნდა. „თქვენის

¹¹⁶ მხედველობაშია 1765 წლის კანონი, რომლის თანახმად ტყვეობიდან საკუთარი სახსრებითა და ძალებით დაბრუნებული გლეხი თავისუფალი ხდებოდა.

¹¹⁷ ე. ი. 1765 წლის.

¹¹⁸ ექვთ. თ ა ყ ა ი შ ვ ი ლ ი, ს. ტ. III, გვ. 501—502;

იმავე კანონს ჩასკიდებია და მის საფუძველზე ეზობიდან განთავისუფლება მოუნდომებია ვინმე ტერ-ყაზარას შვილს. მას მენდისთვის შეუჩივლია, რომ ჩემი ყოფილი ბატონი გურამიშვილი „აღად მენდებო“, მიუღებდავად იძისა. რომ მე, ვითარცა ტყვეობიდან დაბრუნებული, თავისუფალი ვარო. მაგრამ ეს არგუმენტი სუსტი აღმოჩნდა, რადგანაც მისი მომმარკვებელი უფრო ადრე გამოდგა ტყვეობიდან გამობრუნებულა, ვიდრე 1765 წლის ერეკლე II-ის სათანადო ბრძანება გამოვიდოდა. თავისუფლების მიღებით გატაცებულმა გლეხმა ყური არ ათხოვა ამ განმარტებას და გურამიშვილის ხელქვეითობა კატეგორიულად უარყო. „ახლა ეს ტერტერაშვილი — მოახსენებდა გურამიშვილი მეფეს 1779 წლის 2 მარტს, — იცდევ ზიივის, არ ვეყმობო. თქვენგან ნაბოძები... ოქმი ხელში მიჭირავს (და) ამ კაცს მიბოძებთ, თუ გამამართმევთ, ნება თქვენია“ (ექვთ. თ ა ყ ა ი შ ვ ი ლ ი, საქართველოს სიძველენი, III, გვ. 503).

¹¹⁸ „რადგან (ბატონთან) მისულა და მასთან ხანი დაყო, ველარ წაუვა“ — ნათქვამია ერეკლე მეფის ბრძანებაში მსაჯულისადმი (ექვთ. თ ა ყ ა ი შ ვ ი ლ ი, საქართველოს სიძველენი, III, გვ. 502).

ყმობისაგან საღ დავიმალეზობლი ან საღ უნდა წაგესლოდი. მე ჩე-
პის ნებით მოვედი, ისევ თქვენ შემოგვხვეწე და თქვენც თქვენის
ღვთის გულისათვის შემიწყნარეთ და შემირიგეთ“, — ნათქვამია
ბატონისთვის მირთმეულ მის 1773 წლის სიგელში¹¹⁹.

ხშირად სოფლის მშრომელი მოსახლეობა სათანადო მოტივი-
რების გარეშეც ამბობდა ყმობაზე უარს. „ჩემს ყმას მიქელა-
შვილს, — სწერდა ზაალ გურამიშვილი მეფეს 1779 წლის 24 მა-
რის, — თქვენთვის არზა მიუერთმევია: „ბატონმა ჩემმა ერთი ხარი
წამართო“. ხარის წართმევის მიზეზი ეს არის: შემძლებელი კაცი
არის, და ვკარგე და არა ფრით დამადგა. დე დამომი-
კუდა, რიგი იყო... შემოეწია რამ... (მაგრამ) არა ფე-
რი შემომაწია, თუ აზნაურიშვილობს, მსახური უნდა მახლ-
დეს ამისი, და თუ მოყალნეა, როგორც სხვა მოყალნე კაცი მემსა-
ხურება, რატომ ესეც არ მემსახურება, ბატონათ არ მაგ-
დებს...“, თუ ჩემი ყმა არ არის, ხელი ამაღებინეთ“¹²⁰.

ერეკლემ მკაცრად გააფრთხილა ურჩი ყმა და მორჩილე-
ბისაკენ მოუწოდა¹²¹.

1782 წელს მემამულე შანშიაშვილისათვის მოტივის დაუსახე-
ლებლად გამოუცხადებიათ გლეხებს: „თქვენი ყმანი არა ვართ“¹²².
იმავე წლის მეორე საბუთის თანახმად, დოროთაშვილის ყმობი-
დან გამოსვლა მოუნდომებია გლეხ არუთინაშვილს¹²³, მაგრამ უშე-
დეგოდ¹²⁴. წარუმატებელი გამომდგარა გოგია და ანდრია ეკლესიუ-
რების ცდაც. მათ, დავით ელიოძის ხელქვეითებს, ურჩობა დაუწყე-
ათ და „ბატონყმობის სახით“ სამსახურზე უარი განუცხადებიათ,
მაგრამ ყმობიდან თავის დაღწევა ვერ მოუხერხებიათ. „მრავალს
გზის“ ვეცადეთ და მაინც „შენ ყმობიღამ ვერ წაგივე-

¹¹⁹ სსციი, ფონდი 1450, დავთ. 15, საბ. 105.

¹²⁰ ექვთ. თაყაიშვილი, საქართველოს სიძველენი, III, გვ. 503—504, საბ. 523.

¹²¹ „მიქელაშვილო, — ეკითხულობთ მეფის ოქმში, — ამ არზით ბატონი შენი რომ ასე გიჩივის, ამისი მოხსენებული თუ მართალი არის, ამას კაის გზით შეურიგდი, თორემ თუ სამართალში ლაპარაკი მოგიხდათ და სამართალში გაგიმტყუნა, ავით მოგივა“ (ექვთ. თაყაიშვილი, საქართველოს სიძველენი, III, გვ. 504, საბ. 523).

¹²² სსციი, ფონდი 1448, საბ. 580.

¹²³ „მე გაგაჯერეთ(თ) თქვენ და თქვენი ყმობიღამ გასვლა მოვინდომე“ (სსციი, ფონდი 1448, საბ. 4325).

¹²⁴ „ამაჩემის ნასყიდობის წიგნი ქონდათ, ველარ წაგიველ, შენ ბატონი და მე ყმა, ბატონყმობის რიგზე უნდა გემსახურო“ (სსციი, ფონდი 1448, საბ. 4325).

დ ი თ. ახლა ამ წერილის მირთმევით ჩვენი თავი ასე მოგვიცია ყმათ, რომ დღეის იქით როგორც ბატონყმობის კანონი არის იმ რიგად თავდადებით (და) ერთგულად უნდა გემსახუროთ შენცა და შენს შთამომავალსაცა“¹²⁵.

გამარჯვებით არც ღვთისავარ, გიორგი, ჭავთარა, ჭიმშიტა და გოგოლა ჭიმშიტაშვილების საქმე დასრულებულა. „პირველადე, — ნათქვამია მათსი გელში ქაიხოსრო ჩოლოყაშვილისადმი (1783 წ.), — თქვენი მამა-პაპის სამკვიდრო ყმანი ვიყავით დღევანდლადინ. დღეს ჩვენის ცოდვით... თქვენ ის ყმობი დამ განთავისუფლებამოვანდომეთ... ბატონთან (ე. ი. მეფესთან—ი. ა.) გიჩივლეთ და უნაშავებლად და უსამართლოდ. სხვა რიგათაც თქვენთან მრავალ ფერად დანაშაული გქონდა. ჩვენი შეცოდების პასუხად ბატონი გაგვიწყრა, დაგვიჭირა და ჭინჯილხანაში ჩაგვყარა. მოვედით..., სამი კაცის პირით და თავდებით ჩვენის დანაშაულის მიტოვებასა და მეფესთან შუამდგომლობას გვეუდრენით. თქვენ დანაშაული ...გვაპატიეთ, დღეის იქით... როგორითაც ბატონყმობის რიგია... ისე გემსახუროთ“¹²⁶.

1784 წელს, ურჩობა დაუწყია იმავე ქაიხოსრო ჩოლოყაშვილის გლეხს დოიჯაშვილს. ბატონს გასცლია, თბილისში გაპარულა და ყმობიდან გასვლა მოუნდომებია, მაგრამ სამეფო ხელისუფლებას მისთვის მხარი არ დაუჭერია და დამარცხებულა¹²⁷. ყმურ მდგომარეობაში ყოფნა არც ოპანენა და ვართან დოსტიაშვილებს ნდომიათ. უარუყვით სოლომონ თარხნიშვილის ყმობა¹²⁸, მაგრამ მიზნისათვის ვერ მიუღწევიათ¹²⁹. 1787 წელს მთავარეპისკოპოსი

¹²⁵ ს ს ც ი, ფონდი 1450. დავთ. 23. საბ. 70, ფონდი 1449, საბ. 2443.

¹²⁶ ს მ ა ხ ი, ფონდი Hd, საბ. 2834.

¹²⁷ „პირველთვანე, — ნათქვამია დოიჯაშვილის მიერ ჩოლოყაშვილისათვის მოცემულ წიგნში, — თქვენი მკვეცილ რე ყმა ვიყავ, ურჩობით ქალაქს ჩამოვედი. მის სიმაღლეს მეფესთან ვიჩივლე და თქვენის ყმობიდან განთავისუფლებამოვანდომეთ და გასვლა მოვიწოდებ. ეს თქვენ იწყინეთ, არც მათმა სიმაღლემ მეფემ დაგიპირათ ჩემი თავი. ამ ურჩობის მიზეზით დამიპირეთ და ჭინჯილ ხანაში ჩამაგდეთ... ამხედ თიანეთის მოურავს ქაიხოსროს შეეხვეწე და თავდებათ მოგართვი, რომ ამჟვარი ურჩობა ჩემან აღარც გაიბდოს, აღარ ვქნა და გულშიც (არ) გავიელო და რომელიც მკვეცილ ბატონყმობის რიგი იყოს, ისე ერთგულობით გემსახუროთ“ (სმახი, ფონდი Hd, საბ. 3485).

¹²⁸ „ჩვენ შენ აღარ დაგიღეთ თავი“ (სმახი, ფონდი Hd, საბ. 2677; ნ. ბერძენიშვილი, დსი, II, გვ. 134).

¹²⁹ „მისმა უმალესობამ ჩვენი თავი ისე შენ გიბოძა“ (სმახი, ფონდი Hd, საბ. 2677; ნ. ბერძენიშვილი, დსი, ტ. II, გვ. 134).

იოსები ერეკლე II-ს შესჩიოდა: ოთხი წელიწადია თქვენგან ეს თანამდებობა მებოძა და ამ ხნის განმავლობაში გორელი ტატინა-შვილები ჩემთან არც ერთხელ „არ მოსულან“ და თავი „ყმად არ გამოუცხადებიათ-ო“¹³⁰. ცხინვალიდან კახეთში გადასახლებულ ვინმე სესიასა და ნინიას სოლომონ ბებურიშვილისათვის, რომელიც მათ დასაკუთრებას ლამობდა, მოკლედ უთქვათმთ: „შენი ყმანი არა ვართ“¹³¹. მცხეთის მოურავი ვინმე დავითი 1791 წელს მეფეს მოახსენებდა: ყმები „თავს ძალით გვართმევენო“¹³². ერთი წლის მოგვიანებით კი, ზაალ დავითაშვილი კიდევ უფრო საგანგაშო ფაქტს აცნობებდა ერეკლეს: „ოცი წელიწადია... თავს გაწყენ, ზ ა რ დ ი ა-შ ვ ი ლ ი ჩ ე მ ი ყ მ ა ა რ ი ს დ ა მ ძ ლ ა ვ რ ო ბ ი თ თ ა ვ ს მ ა რ-თ მ ე ვ ს მ ე თ ქ ი“¹³³.

თავისუფლების მოსაპოვებლად გლეხები თითქმის არაფერს ერიდებოდნენ. როგორც ზემოთაც აღვნიშნეთ, ტყუილსაც იგონებდნენ და აღამიანის ღირსების შეურაცხმყოფელ ფაქტებსაც ასახელებდნენ. ტყუილი მოიგონა, მაგალითად, ვინმე ფაფაკარაშვილმა და ამ გზით მოინდომა გიორგი თარხნიშვილისაგან თავის დაღწევა, მაგრამ საქმე ბოლომდე ვერ მიიყვანა, დამარცხდა. 1794 წელს, დამარცხების შემდეგ, თარხნიშვილისადმი მიცემულ პირობის წიგნში, თავისუფლების მაძიებელი აღიარებს: „მე თქვენი მემკვიდრე ყმა ვარ და არც არავის ჩემთან შენს მეტს ხელი არავის აქვს... ბატონთანაც ბევრჯელ ვილაპარაკე და არა მეშველა. ბატონიშვილმა გიორგიმაც გამამტყუნა, ღვთის წინაშე, მეც ვ ტ ყ უ ო დ ი, მაგრამ ახლა ღვთის მგმობელი ვიყო და მეფე ერეკლეს შემეცოდე... თუ ღლეის იქით ან ვილაპარაკო ან გაგექეც სადმე“¹³⁴.

¹³⁰ სსცია, ფონდი 1449, საბ. 284.

¹³¹ ი ქ ვ ე, საბ. 1210, 1793 წ.

¹³² ნ. ბ ე რ ძ ე ნ ი შ ვ ი ლ ი, დსსი, ტ. II, გვ. 159.

¹³³ ი ქ ვ ე, გვ. 167.

¹³⁴ ნ. ბ ე რ ძ ე ნ ი შ ვ ი ლ ი, დ ს ს ი, ტ. II, გვ. 172—173.

ჩანს, ტყუილი მოიგონეს გიორგი, ქავთარა, ჭიშხიტა და გოგოლა ჭიშხიტაშვილებმაც. 1783 წელს ქაიხოსრო ჩოლოყაშვილისათვის მიცემული პირობის წიგნში ისინი წერენ: „პირველადვე თქვენი მამა-პაპის სამკვიდრო ყმანი ვიყავით ღლევიანდლომდინ. დღეს ჩვენის ცოდვით — თქვენის ყმობიდან განთავისუფლება მოვიწოდეთ და ბატონთან (ე. ი. მეფესთან — ი. ა.) გიჩივლეთ და უ ნ ა შ ა ვ ე ბ ლ ა დ და უ ს ა-მ ა რ თ ლ ო დ და ს ხ ვ ა რ ი გ ი თ ა ც თ ქ ვ ე ნ თ ა ნ მ რ ა ვ ა ლ ფ ე ნ ა დ დ ა ნ ა შ ა უ ლ ი გ ე ქ ო ნ დ ა... ჩ ე ვ ე ნ ი შ ე ც ო დ ე ბ ი ს პ ა ს უ ხ ა დ ბ ა ტ ო ნ ი ვ ა გ ე ო ო ო რ ა და დ ა გ ე ო ო ო რ ა. მოვედით და რადგან ჩვენი მემკვიდრე ბატონი იყავით,

კიდევ უფრო „არასაკადრისი“ საქციელი ჩაიდინა ერასტი გოსტაშაბიშვილისაგან თავისუფლების მაძიებელმა კალატოზმა სტეფანემ. არ მოერიდა მშობლების შეურაცხყოფას და სასამართლოს განუცხადა, რომ იგი დედამისს შეეძინა არა კანონიერი მეუღლისაგან, არამედ საყვარლისაგან. 1790 წელს ამ საქმესთან დაკავშირებით მსაჯულთა მიერ შექმნილ დოკუმენტში ვკითხულობთ: „ერასტი (გოსტაშაბიშვილი) ასე ჩიოდა: ეს სტეფანე (კალატოზი) წერაქველი ჩემი ყმის შიხუაშვილის მარტირუზას შვილი არისო, აქამდინ ყმურად მემსახურებდაო, ახლა თავს მართმევსო, სამართალს ვითხოვო. სტეფანე ასე ჩიოდა: მართალია დედა ჩემი. ამ მართირუზასი სჯულღერი მეუღლე იყო, მარა... დედა ჩემს მანდ. უაშვილი დასწოლოდა და იმ მანდ უაშვილს შევექენ“¹³⁵.

პრაქტიკულად შეუძლებელია ყველა იმ საბუთის აქ მოტანა, რომელიც აღძრულ საკითხს ეხება¹³⁶ და ამიტომ მოტანილით დაეკმაყოფილდებით, მით უმეტეს, რომ სურათი, ვფიქრობთ, ნათელია. დასტურდება სოფლის მშრომელი მოსახლეობის მიერ მასობრივად თავისუფლების ძიების ფაქტი. მართალია, „ბატონყმობის რიგის“ მტკიცედ დამცველი ხელისუფლების სოციალური პოლიტი-

სამის კაცის პირით და თავლებით ჩვენის დანაშაულის მოტყუებასა და მეფესთან შუამდგლობას გვეუდრენით. თქვენ... ჩვენი დანაშაული... გვაპატიეთ. დღეის იქით... როგორითაც ბატონყმობის რიგია... ისე გემსახუროთ“ (ს მ ა ხ ი, ფ. Hd, საბ. 2834).

¹³⁵ ნ. ბ ე რ ძ ე ნ ი შ ვ ი ლ ი, დ ს ს ი, ტ. II, 157. საქ. სიძველენი, I, გვ. 160—161.

აქვე შევნიშნავთ, რომ სამართალმა სტეფანე გაამტყუნა და იგი ერასტი გოსტაშაბიშვილის ყმად სცნო. მსაჯულთა დადგენილებაში ნათქვამია: „სამართლის ძალით ეს სტეფანე ერასტის დარჩა ყმად. პირველად ასე რომ ამ მარტირუზას მეუღლისაგან ყოფილა შობილი; მეორედ ასე რომ მამა ამისმა ცრემლით სამართალს მოახსენა, ეს ბიჭი ჩემგან არის შექმნილიო და ჩემის სჯულიერის მეუღლისაგან არის შობილიო; მესამედ... იოანე (ამქარბაშმა) თქვა: (აღრე) ვკითხე (სტეფანეს) ვისი ყმა ხარ, მითხრა ერასტის ყმა ვარო; მეოთხედ ასე რომ აქამდინ მდივანბეგს თეიმურაზს ექირა წერაქვი, ეს ბიჭი... თეიმურაზს უმსახურია ყმურათ. მერე წერაქვი რომ ერასტიმ დაიჭირა, ეს სტეფანეც კახეთილად ერასტის მოსვლია: რადგან წერაქვი შენ დაინებოო, მეც იქაური და შენი ყმა ვარო. ამ საბუთებით დარჩა ერასტის ყმად ეს სტეფანე“ (ნ. ბ ე რ ძ ე ნ ი შ ვ ი ლ ი, დ ს ს ი, ტ. II, 157).

¹³⁶ მსგავსი საბუთები იხ. ნ. ბ ე რ ძ ე ნ ი შ ვ ი ლ ი, დ ს ს ი, ტ. II, საბ. 110, 173, 216, 219, 226; ო. ს ო ს ე ლ ი ა, „მასალუბი“, გვ. 30, საბ. 25; ГКГ, გვ. 27; ს მ ა ხ ი, ფონდი Hd, საბ. 513, 3321, 4838, 14. 285; სსცია, ფონდი 1448, საბ. 226, 1145, 4380; ფონდი 1450, დავ. 21, საბ. 36; დავთ. 23, საბ. 77; დავთ. 26, საბ. 1, 114, დავთ. 33, საბ. 260.

კისა და ქალაქური ცხოვრების შედარებით სუსტად განვითარების შედეგად ბრძოლა ბატონყმური ურთიერთობისაგან თავის დასაღწევად. როგორც წესი, წარმატებას მოკლებულია. ზოგჯერ იმეამულია-საგან დიდი ხნის გაქცეული და ფაქტიურად თავისუფალი გლეხი, თვით ყმობიდან კანონიერად განთავისუფლებულიც კი, ბევრი ხეტიალისა და წვალების შემდეგ, იძულებული ხდება ისევ ბატონს დაუბრუნდეს და ყმური სამსახური იკისროს¹³⁷, და მაინც ქართველ გლეხთა აღნიშნული მოძრაობა ფრიად საყურადღებოა და ქვეყნის სოციალურ ცხოვრებაში მიმდინარე ცვლილებების მკაფიო დადასტურებაა. ყოველივე ეს იმის მოწმობაა, რომ XVIII საუკუნის მეორე ნახევრის საქართველოში გაბატონებულ კლასს ჩვეულებრივზე მეტად უჭირდა თავისი მდგომარეობის შენარჩუნება, ხოლო გლეხობას ამკარად არ სურდა ძველებურად ეცხოვრა. და თუმცა წინა საუკუნეებისათვის უცხო და ახალი ნიავის დაბერვით გამოწვეული ეს მისი განწყობილება ჯერჯერობით გარდაუვალი დაღუპვით არ ემუქრებოდა ძველ წყობილებას, მაგრამ იგი მაინც ერთგვარ საფრთხეს უქმნიდა მას და ნიადაგს ამზადებდა ახალი ურთიერთობის გასამარჯვებლად მომავალში.

* * *

ნაშრომის ამ ნაწილში ჩვენ მსჯელობა გვექნება კლასობრივი ბრძოლის უფრო მაღალ ფორმაზე, გლეხთა ისეთ მოძრაობებზე, რო-

¹³⁷ გლეხი სიმონ გოცირიძე, რომელმაც დასტოვა მემამულე სოლომონ თარხნიშვილი, დიდი ხნის ხეტიალის შემდეგ ისევ მას დაუბრუნდა. „ხ ა ნ ს ა დ ა რ ვ ი დ ე ქ, ხ ა ნ ს ა დ, — ნათქვამია გოცირიძის მიერ გაცემულ პირობის წიგნში, — ამ დენი წელიწადი ვიარე აქა იქ, (მაგრამ) ვერსად დე- (ე) ტია ჩემი გული, გამიქირდა, თქვენ... (მოგმართე(თ), ჩემი თავითა და ცოლშვილითა გეყმე“ (ს ს ც ი ა, ფ. 1450, დავ. 26, საბ. 118, XVIII საუკ. 80-იანი წლები);

ქოჩორაშვილი გოგია, რომელიც, ეტყობა, თავისუფალი იყო, ვალით შეწუხებული იოსებ და სტეფანე ყორღანაშვილებს ეყმო (1794 წ.), „ჩემი თავდები მოვიდა, — წერს იგი თავნასყიდობის წიგნში, — მ ე ა რ ს ა დ ი ლ ა ჯ ი ა რ მ ქ ო ნ დ ა, რ ო მ მ ი მ ე უ ა, მოველ და შემოგებეწე და შენც შენის ღთის გულსათვის ჩემი სახსარი თორმეტი თუმანი მიეცი და მეც ჩემი თავი ჩემის შვილებით ხეჩატურათი და ავეტიქათი თქვენ მოგყიდეთ“ (ს ს ც ი ა, ფ. 1450, დავ. 6, საბ. 83, 1794).

მიზანს, როგორც ჩანს, ვერც გოგია და ანდრია ეკლესიურებმა მიაღწიეს. „ურჩობაში ვიყავით და ბატონყმობის სახით თავს არ გიდებდით“, ბუერს ვეცადეთ, მაგრამ „ყ მ ო ბ ი დ ა მ ვ ე რ წ ა გ ი ვ ე დ ი თ ო“, სწერდნენ ისინი თავიანთ ბატონს დავით ელიოზის ძეს 1799 წელს (ს ს ც ი ა, ფ. 1449, საბ. 2443).

მელთაც შედარებით მასობრივი და შეიარაღებული გამოსვლის ხასიათი ჰქონდათ. ასეთი გამოსვლები კოლექტივის ძალას ემყარებოდა, მეტ-ნაკლებად ფართო წრის მონაწილეობას გულისხმობდა, გარკვეული ორგანიზებულობით გამოირჩეოდა და ამდენად გაბატონებული კლასისთვის უფრო საშიშსა და საგანგაშო მოვლენას წარმოადგენდა. ზოგ მათგანზე ჩვენ აქ შევჩერდებით ქრონოლოგიური თანმიმდევრობის დაცვით.

განსახილველი პერიოდის პირველი მასობრივი მღელვარება დაიწყო კახეთში 1700 წელს და დაკავშირებულია ბოდბის მონასტრის გლეხების სახელთან. მოძრაობის საბაზად ხსენებული გლეხების „ძროხის რიგის“ გადასახადით დაბეგვრა გამხდარა, რაც ითვალისწინებდა ყოველწლიურად ძროხის გარკვეული რაოდენობის მირთმევას მონასტრისათვის. ამ ფაქტს ყმებში დიდი უკმაყოფილება გამოუწვია და მათ, დოკუმენტის სიტყვით, „ბუნტი უქმნიათ“¹³⁸. მდგომარეობა ისე გართულებულა, რომ მონასტრის შესვეურებს უკან დახევა და „ძროხის რიგზე“ ხელის აღება გადუწყვეტიათ, მაგრამ საქმეში მეფე ნაზარ-ალი-ხანი¹²⁹ (იგივე ერეკლე I) ჩარეულა და ამ გადაწყვეტილებებს ბოლომდე მიყვანა ჩაუშლია, ურჩი გლეხების დაპატიმრება, მათი დაჯარიმება და გადასახადის უყოყმანოდ აკრეფა უბრძანებია¹⁴⁰. უფრო მეტიც. კახეთის მმართველს საგანგებო სიგელის გაცემით დაუკანონებია მონასტრის ყმების „ძროხის რიგის“ გადასახადით დაბეგვრა მომავალშიც¹⁴¹. ძალას, როგორც ჩანს, თავისი გაუტანია და „ბუნტის“ მქნელნი დაუმორჩილებიათ, მაგრამ ეს დროებითი გამომდგარა. მღელვარება ისევ დაწყებულა კახეთის დროებითი მმართველს ნაზარ-ალი-ხანის უმცროსი შვილის — თეიმურაზის (მერე მეფე თეიმურაზ II-დ ცნობილი) ღროს, რომელიც 1711—1716 წლებში მართავდა ქვეყანას¹⁴². ე. ი. გლეხთა მოძრაობის მეორე ტალღას შეიძლება გადაეგლო არა უადრეს 1711 და არაუგვიანეს 1716 წლებისა.

¹³⁸ ნ. ბ ე რ ძ ე ნ ი შ ვ ი ლ ი. დ ს ს ი, ტ. I, გვ. 384, საბ. 535.

¹³⁹ ნაზირ-ალი-ხანი, ქართლის მმართველი, ამ დროისათვის შაჰმა კახეთის მმართველად აღანიშნა.

¹⁴⁰ С. Н. Какабадзе. Крестьянский вопрос и крестьянские движения в Восточной Грузии в XVIII веке, ИКБЗ, стр. 168—169. ნ. ასათიანი, ფეოდალურ საქართველოში კლასობრივი ბრძოლის ისტორიიდან.

¹⁴¹ ი ქ ე ე, გვ. 169.

¹⁴² 1703 წელს შაჰმა ნაზარ-ალი-ხანის თხოვნით, კახეთის მმართველად მისი უფროსი შვილი იმამ-კული-ხანი (იგივე დავითი) დანიშნა. 1711 წელს იგი ირანში გაიძახეს და იქ 5 წელი დატოვეს. სწორედ ამ დროს, ე. ი. 1711—1716 წლებში, მართავდა ქვეყანას მისი უმცროსი ძმა თეიმურაზი.

აჯანყებულებს მტკიცე უარი უთქვამთ გადასახადის გადახდაზე და წინააღმდეგობა გაუწევიათ ძროხების წამოსაყვანად მისული პირებისათვის. ეტყობა, ისე გამოუსტუმრებიათ მოსულები, რომ თვით მათ უშუამდგომლიათ ბოდბელის წინაშე გადასახადის აკრეფისაგან თავის შეკავების შესახებ. საგონებელში ჩავარდნილა თეიმურაზი და ეპისკოპოსისათვის უბრძანებია: „ცოტა ხნობით დააცალოს გამორთმევა“¹⁴³. ეპისკოპოსი დათანხმებულა და, როგორც პროფ. ს. კაკაბაძე ფიქრობს, საგარანტიო სიგელიც კი მიუცია გლეხებისათვის „ძროხის რიგისგან“ მათი განთავისუფლების შესახებ¹⁴⁴ ამ ნაბიჯმა აჯანყებულები დაამშვიდა, მაგრამ უკმაყოფილო დარჩა მოწინააღმდეგე მხარე, რომელიც დათმობაზე წასვლას, როგორც დროებით მოვლენას ისე უყურებდა და საბოლოოდ თავის განზრახვაზე ხელის აღებას არ ფიქრობდა. ამას ადასტურებს თეიმურაზის სიგელი ბოდბელისადმი, რომელშიც, სხვათა შორის, ნათქვამია:

«Если бог даст и наш брат¹⁴⁵ вернется (из Персии), он все урегулирует и взыщет (с виновных крестьян), как это раньше сделал наш отец¹⁴⁶ а то через некоторое время мы сами взыщем (с них) и урегулируем это дело так, как это должно быть согласно гуджару (грамоте). Никто в этом не может препятствовать. Если кто-либо предъявит грамоту Бодбели (т. е. грамоту бодбийского епископа об отмене требования доставки коров — И. А.), то эта наша запись да аннулирует подобную грамоту»¹⁴⁷.

რა მოხდა მერე, ჩვენ დანამდვილებით არ ვიცით საბუთების უქონლობის გამო. პროფ. ს. კაკაბაძის აზრით კი, გლეხებს მაინც თავისი გაუტანიათ, რადგანაც «даже много позже названная подать в пользу бодбийского епископа с них не взыскивалась»¹⁴⁸.

1735 წელს აჯანყებულან ალავერდის მიტროპოლიის ხელქვეითი გლეხები და აზნაურები სოფ. საყდრიონსა და მის ახლომახლო ადგილებში. მათ დაუტოვებიათ თავიანთი საცხოვრებელი და ტყეში გაქცეულან. კახეთის მეფეს მუქარით აღსავეს წერილით მიუპარტავს მოძრაობის მონაწილეებისათვის და სრული მორჩილება

¹⁴³ ნ. ბ ე რ ძ ე ნ ი შ ვ ი ლ ი, დსი, ტ. I, გვ. 384, საბ. 535.

¹⁴⁴ ს. კ ა კ ა ბ ა ძ ი ს დასახელებული წერილი, ИКБЗ, გვ. 168.

¹⁴⁵ მხედველობაშია მისი ძმა იმამ-კული-ხანი (დავითი).

¹⁴⁶ ე. ი. ნაზირ-ალი-ხანი (ერეკლე I).

¹⁴⁷ მომაქეს ს. კ ა კ ა ბ ა ძ ი ს წერილიდან, ИКБЗ, გვ. 168.

¹⁴⁸ ს. კ ა კ ა ბ ა ძ ე, დასახ., წერილი, ИКБЗ, ვ. 169.

მოუთხოვია: „ეს ამდემი ხანია, — ნათქვამია იქ, — ჩვენს ქვეყანაში¹⁴⁹ ხან ლეკობა და ხან ურუმობა (იყო). არაოდეს თქვენ ეგ ჩვენი სპაფლაო არ დაგიგლიათ¹⁵⁰ და მანდაურობას არ გასცლიხართ¹⁵¹. აწე რა მღერთი გაგიწყართ, რომ ეგ აღგილი ასე წა(ა)ხდინეთ. სად უნდა წამსვლიყავით, ტყეში დამალვა¹⁵² როგორ იქნება? ახლა საყდრიონის... საქმის გარიგება ბეჟან მგალობლიშვილისათვის გვიბოძებია და მანდა გამოვისტუმრეთ. ამას აქეთ¹⁵³ მანდაურს საქმეს და გარიგებას ამას ვკითხავთ. თუ... კარგად გაირჩებით და იმსახურებთ¹⁵⁴ კარგს წყალობას იშოვით, თუ არა და ხათრიჯამი¹⁵⁵ იყავით ცაში რომ ახვიდეთ, იქაც ვერ მოგვირჩებით, ღვითთა და ბედნიერის ხანის... ძალით ხელში ჩაგიყროთ და... (მკაცრად) გარდაგანდევინებთ. უბრალოდ ტყეში, კლდეში ხეტიალი¹⁵⁶ თქვენ არას გამოგადგებათ, ისევ თქვენს ალაგს დაგროვდით და რაც სამსახური გებძანოთ... (შეასრულეთ). ფიქრი (ნუ გაქვთ), როდესაც გინდათ ჩამოდით, გვიახელით, გასარიგი საქმე გქონდესთა გაირიგეთ და ისევ წადით. რადგან თქვენი... უფროსობა ბეჟან მგალობლიშვილისათვის მიგვიცია — იმის რიგსა და სიტყვას ნუ გარდახვალთ“¹⁵⁷.

შემდეგი მეტ-ნაკლებად მნიშვნელოვანი მღელვარება ისევ კახეთში დაიწყო 1775 წელს. ის დაკავშირებულია პორტაიტის მონასტრის ყმების გამოსვლასთან¹⁵⁸, რომლის შესახებაც ჩვენ ზემოთ გვქონდა ლაპარაკი სხვა საკითხის განხილვისას.

მომდევნო 1776 წელს მორჩილებიდან ისევ საეკლესიო გლეხები გამოსულან, მხოლოდ ამჯერად ქართლში — ურბნისის ეკლესიის ყმები. მათ უარი უთქვამთ გადასახადის გაღებაზე. ეპისკოპოს

¹⁴⁹ „ჩვენს ქვეყანაში“-ს მაგიერად ტექსტში წერია სხვა სიტყვები, რომლებიც ჩვენ ვერ ამოვიკითხეთ.

¹⁵⁰ ტექსტში წერია სიტყვა, რომელიც დაზიანების გამო არ იკითხება, აზრით კი უნდა იყოს „დაგიგლიათ“.

¹⁵¹ საბუთში წერია „არ გაეცალეთ“.

¹⁵² საბუთში წერია „დამალვით“.

¹⁵³ საბუთში წერია „აქათ“.

¹⁵⁴ ტექსტში წერია „იმსახურებით“

¹⁵⁵ ხათრიჯამი — დარწმუნებული.

¹⁵⁶ ტექსტში წერია სიტყვა, რომელიც „დავლა“-დ იკითხება.

¹⁵⁷ ს ს ც ი ა, ფონდი 1448, საბ. 348; ეს საბუთი პირველად ს. კ ა კ ბ ა ძ ე მ გამოიყენა თავის წერილში «Крестьянский вопрос и крестьянские движения...» (1930.).

¹⁵⁸ Д. Пурцеладзе, ГКГ, გვ. 27.

ურბნელს დახმარება ერეკლესათვის უთხოვია, რომელსაც „წესრიგის“ აღდგენა ამილახვრისათვის დაუვალებია. საქართველოში არავის გაუვონია, რომ ვინმეს თავი აერიდებინოს საეკლესიო გადასახადებისათვის — სწერდა მას მეფე¹⁵⁹.

საინტერესო მოძრაობას ჰქონდა ადგილი 1777 წელს ქსნის ერისთავოში (ქართლი). საბაბი გამხდარა გლეხებში გავრცელებული ხმები, თითქოს, ერეკლეს გადაეწყვიტოს ქსნის ერისთავებთანათვის აღრე ჩამორთმეული და სახაზინოდ დაღებული ყმა-მამულების დაბრუნება. ამას გლეხობაში დიდი შეშფოთება გამოუწვევია, რადგან მათთვის სამეფო უწყებაში ყოფნა უფრო ხელსაყრელი იყო, ვიდრე კერძო მებატონეთა ყმობა. ერისთავებს არაფრით არ დავემორჩილებითო, — განუცხადებიათ აჯანყებულებს. მეფეს მოწოდებით მიუმართავს მღელვარების მონაწილეთათვის: «Осегины и грузины! Ксанское и Лиахвское ущелья... мы положили в казенное ведомство. (Поэтому) никто другой до вас дела не имеет... Заверяем вас клятвой, что из ксанского и лиахвского ущелья ни один дым не будет отдан никому. В этом пусть все (жители названных ущелий) будут убеждены. Ни один (из этих жителей) пусть не беспокоится. От нас вы ждите только милость. Завтра мы прибудем в Ахалгорн и вы тоже явитесь к нам по одному человеку с каждого дыма ... (и) если ... что имеете сказать, доложите Приходите старшие и служилые люди, попусту простой народ не беспокойте, пусть будет дома... Мы вас заверяем клятвой, что вы никому (в крепостные) не будете отданы»¹⁶⁰.

ეტყობა, ერეკლემ, რომელიც ოდნავადაც არ იყო ერისთავების გაძლიერებით დაინტერესებული, მართლაც არ დაუბრუნა მათ ყმა-მამულები და ამით აჯანყებულები დაამოშშინა¹⁶¹.

დაახლოებით ასეთივე ხასიათისა იყო 1780 წლის მახლობლად ქართლში, მემამულე ჩხეიძეების სოფელ ფონაში მომხდარი მღელვარება. XVIII საუკუნის 50-იან წლებში ჩხეიძეებს ყმა-მამულები ჩამორთმევიანთ, მაგრამ შალე რაჭის ერისთავის შუამდგომლობით დაკარგულის უკან დაბრუნება მოუხერხებიათ. ამას მისი ხელქვეითი გლეხები — ნოზაძეები¹⁶² უარყოფითად შეხვედრიან, რადგან

¹⁵⁹ Д. Пурцелазе, ГЦГ, გვ. 27.

¹⁶⁰ ს. კ ა კ ბ ა ძ ე, დასახ. წერილი, გვ. 187.

¹⁶¹ ერისთავებმა ერეკლეს მიერ კონფისკებული ყმა-მამულები დაიბრუნეს მხოლოდ 1803 წელს რუსული მმართველობის წინაშე განსაკუთრებული დამსახურებისათვის (ს. კ ა კ ბ ა ძ ე, დასახ. წერილი, И К Б З, გვ. 187).

¹⁶² მათი რაოდენობა 65 კომლს უდრიდა.

სახაზინო უწყება უფრო აწყობდათ, ვიდრე ზემოთ დასახელებული ტლანქი და უხეში მებატონე. ისინი აყრილან თავიანთი საცხოვრებელი ადგილებიდან და გაქცეულან. უპირატესად იმერეთში გადახვეწილან. ჩხეიძეებს მოლაპარაკება გაუმართავთ მათთან, მაგრამ უშედეგოდ. 1788 წელს საქმეში ბატონიშვილი იულონი ჩარეულა, გლეხები თავისი ძმის ვახტანგის საკუთრებად უცენია და სახლებში დაბრუნება მოუთხოვია. ამის შესახებ მათთვის სათანადო საბუთიც კი მიუცია. „ჩვენ ბატონიშვილმა იულონი, — კვითხულობთ ამ დოკუმენტში, — ესე წყალობის წიგნი გიბოძეთ თქვენ ფონელებს, ასე რომ ჩვენი ძმის ნეტარ ხსენებულის ბატონისშვილის ვახტანგის წიგნიცა გაქვსთ..., რომ ძველთაგან საბატონიშვილი ყოფილხართ, ახლა ეს ჩვენი წიგნი რომ ნახოთ., ვინც იმერეთს იყენეთ, აიყარენით და სურამს გადმოდით და საცა თქვენი ნება იქნება იქ დაგაყენებთ... ხათრიჯამი იყავით, რომ თქვენ არც ჩხეიძეებს მიგცემთ და არც არავის თქვენთან საბატონყმით საქმე ექნება. ძველთაგან ჩვენი ყმანი ყოფილხართ და ახლაც ჩვენი ყმანი იქნებით“¹⁶³. ეტყობა, გლეხები უნდობლად მოჰკიდებდნენ ბატონიშვილის ამ დაპირებას და რამდენიმე წელი კვლავ ტყეში უხეტილიათ, ხოლო 1794 წელს ფონაში დარჩენილ ნოზაძეებს ერეკლე II-ისათვის შემდეგი თხოვნა-საჩივარი მიუერთმევიათ: „ამას მოგახსენებთ, (რომ) ძველთაგან თქვენი სახასო ყმანი გახლავართ. ჩვენი გვარი კაცი სამოცდა ხუთი (65) კომლი გახლავართ, ათი კომლი სურამში და ქართლში..., სხვა იმერეთსა და ოსმალში არიან დაფანტული. ჩვენი გვარის კაცი მეფე ვახტანგს ჩხეიძეებისათვის მიეზარებია... დღეს ახლა ისე გავგიჟირდა ჩხეიძეებისაგან, რომ დაკარგვის მეტი ღონე არა გვაქვს. მოგეხსენებათ სურამი, ხეფინისხევი და ფონა ერთი ბატონის ყმა ყოფილა (და) სახასოთ (ითვლებოდა). ახლა თუ ჩვენ ჩხეიძეების ხელისგან გვეშველება და ერთს და ერთს ბატონიშვილს მიგცემთ და ერთი ბინა მოგვეცემა, (პირობას ვიძლევი) რაც ჩვენი გვარის კაცი დაფანტული არის იმერეთსა და ოსმალში სულ ჩვენ მოგართვათ სადაც თქვენი ნება იქნება. და თუ თქვენი საფარველი ჩვენ არ დაგვადგა, ჩვენც დავიკარგებით. ნება თქვენი სიმაღლისა აღსრულდეს“¹⁶⁴.

¹⁶³ სსცია, ფ. 1450, დავთ. 25, საბ. 65 ს. კ ა კ ა ბ ა ძ ე, დასახ. წერილი, И К В З, გვ. 188.

¹⁶⁴ ი ქ ვ ე, საბ. 66.

ერეკლემ ნოზაძეები ხაზინის საკუთრებად აღიარა და ჩხეიძეების პრეტენზიები უსაფუძვლოდ ჩასთვალა. ამ გადაწყვეტილებით კმაყოფილი გლეხები დაშოშმინდნენ და დაუბრუნდნენ თავიანთ საცხოვრებელ ადგილებს. 1798 წელს, ჩხეიძეებმა ისევ დასვეს ეს საკითხი. სასამართლომ, რომელსაც ბატონიშვილი იოანე ხელმძღვანელობდა, სარჩელი მებატონეების სასარგებლოდ გადაწყვიტა¹⁶⁵. სადაც არ უნდა იყვნენ ნოზაძეები, მონახეთ, დააბრუნეთ და წინა ჩხეიძეს ჩააბარეთ, — ნათქვამია ხსენებული წლის 21 სექტემბრის სასამართლოს დადგენილებაში.

ასე დამთავრდა თითქმის ორ ათეულ წელს გაგრძელებული გლეხთა მღელვარება.

1786 წელს (ამ წლის მახლობლად) აჯანყებამ ისევ კახეთში იფეთქა. მას შედარებით მეტი ტერიტორიაც მოუტაცეს და უფრო ორგანიზებული ხასიათიც ჰქონია. მოძრაობის მონაწილე გლეხებს ფიცი დაუდვიათ ერთობლივი მოქმედებით საქმე ბოლომდე მიყვანათ. ხალხის „დიდი მღელვარებით“ შეშფოთებულ თავადაზნაურობას მეფისათვის სასწრაფო დახმარება და კახეთის სოფლებში ნორმალური მდგომარეობის აღდგენა უთხოვია¹⁶⁶. მასალების უქონ-

¹⁶⁵ სსციი, ფ. 1450, დავ. 25, საბ. 6. ს. კ ა კ ა ბ ა ძ ე, დასახ. წერილი, 83. 189.

¹⁷⁹⁹ წლის 2 აპრილს სასამართლოს ეს დადგენილება დაატმკიცა მეფე გიორგი XII-მ (სსციი, ფ. 1450, დავ. 25, საბ. 63).

¹⁶⁶ ერთადერთ დოკუმენტში, რომელშიც დაცულია ცნობა ამ აჯანყების შესახებ და რომელიც წარმოადგენს ოთხი კახელი თავადის 1786 წლის 16 თებერვლის წერილს ერეკლეს სასახლეში მყოფი ზაქარია ანდრონიკაშვილის, ივანე შალიკაშვილისა და დავით ქობულაშვილის სახელზე, ნათქვამია: «Так как вы сыны нашего края и вместе с тем с большим положением, то вы обязаны заботиться о Кახетии. Мы видим и слышим, что население в большом волнении и в состоянии брожения. А в некоторых местах целые деревни присягнули друг другу в церквах (стоять заодно), в иных местах дело доходит до взаимных убийств и поранений, в некоторых местах перестали соблюдать посты и ведут себя вне путей, установленных церковью. Все эти беспорядки как будто продолжают еще более усиливаться. Мы этим очень были встревожены, но не имели возможности приехать и доложить его высочеству (царю), или повидать вас. Царице мы отправили прошение и послали к ней нашего брата (шуа-мтинского) настоятеля, доложили ей о вышензложенном и просили прислать нашим управителем одного из своих сыновей. Вам ведь хорошо известно, что подобные явления случались в Кახетии и раньше, но государи умиротво-

ლობის გამო ჩვენ არ ვიცით, თუ რა ბედი ეწია ამ გამოსვლას, მაგრამ მისი დამარცხება ეჭვს არ იწვევს.

იმავე 1786 წელს იმერეთის გლეხებიც აჯანყებულან. მოძრაობაში მონაწილე ყმებს, რომელთა რაოდენობა 4 ათასს უდრიდა, გაუძარცვავთ ლოსიათ ხევისა და არგვეთის პრივილეგიური წოდების ოჯახები. მათ, პოლკოვნიკ ბურნაშოვის ცნობით, მეფე დავითისათვის თავად-აზნაურთა ყმობისაგან სრული განთავისუფლება მოუთხოვიათ, წინააღმდეგ შემთხვევაში სხვა მეფის არჩევით დამუქრებიან. ამით გაბრაზებულ დავითს ძალა გამოუყენებია და მოძრაობა ჩაუქრია, რომლის დროსაც ორი მისი მონაწილე მოუკლავთ, ხოლო თვრამეტი — დაუტყვევებიათ¹⁶⁷.

მიუხედავად იმისა, რომ ამ აჯანყებაში პრივილეგიური წოდების წარმომადგენლებიც მონაწილეობდნენ, თავისი ხასიათით ის ანტიბატონყმური უნდა ყოფილიყო. არ არის საფუძველი ეჭვის ქვეშ დავაყენოთ პოლკოვნიკ ბურნაშოვისა და მისი ინფორმატორის კრასინკის ცნობა, რომ მოძრაობაში მონაწილე გლეხების ძირითადი მოთხოვნა თავადაზნაურობის ყმობისაგან მათი სრული განთავისუფლება იყო. მართალია, ასეთი რამის მოთხოვნა მაშინდელ საქართველოში, როგორც ჩვენ მიერ ზემოთ მოტანილი მასალებიდან ჩანს და სხვების მიერაცაა სამეცნიერო ლიტერატურაში მითითებული¹⁶⁸. მთლად უჩვეულო და მოულოდნელი არ იყო, მაგრამ ის მაინც XVIII საუკუნის მეორე ნახევრის სიახლეს წარმოადგენდა და სწორედ ამიტომ მიიქცია თანამედროვე დამკვირვებელთა განსაკუთრებული ყურადღება. რა თქმა უნდა, არაა გამორიცხული, რომ იმერელ გლეხებს სამეფო (სახაზინო) უწყებაში გადარიცხვა მოეთხოვათ, როგორც ფიქრობს ზოგი ავტორი¹⁶⁹, მაგრამ, ჯერ ერთი, საკითხთან დაკავშირებული ძუნწი მასალა ამის საფუძველს არ იძლევა და, მეორეც, ბურნაშოვ-კრასინკისათვის ეს ომდენად სენსა-

ряли беспорядок. Теперь его высочество изволить пребывать вдали от нас (т. е. в Тифлисе) и поэтому мы просим его прислать одного из своих сыновей... для успокоения (страны) и... управления нами. Докладывая вам об этом крепко и убедительно, просим поддержать наше донесение перед царем» (ს. კ ა ვ ა ბ ა ძ ე, დასახ. წერილი, ИКБЗ, გვ. 191—192).

¹⁶⁷ ამ აჯანყების შესახებ იხ. А. Соколов, Путешествие мое в Имеретию, М., 1874, გვ. 53; Б. ქო რ თ უ ა, იმერეთის გლეხთა ერთი აჯანყების შესახებ [მ ს კ ი, ნაკ. 34, გვ. 195—200]; სიხ. ტ. IV, გვ. 736—738.

¹⁶⁸ სიხ, ტ. IV, გვ. 737.

¹⁶⁹ სიხ, IV, გვ. 737.

ციური არ იქნებოდა, რამდენადაც პირველი, რადგანაც მეორე ტენდენცია, მართალია გაცილებით უფრო მკრთალად, ადრეც შეინიშნებოდა და იგრძნობოდა.

1800 წლის ზაფხულზე იარაღი აღუმართავთ სოფ. კალაურის (კახეთი) გლეხებს მებატონე ჯანდიერების წინააღმდეგ. როგორც უკანასკნელთა მიერ გიორგი XII-ისათვის მირთმეული საჩივრიდან ჩანს, შეიარაღებულ გლეხებს დაუქავებიათ ჯანდიერების მამულები, დაპატრონებიან მათ ტყეებსა და საყანე ადგილებს, მოუხნავეთ კიდევ უა მტკიცედ გადაუწყვეტიათ ფეხი არ მოეცვალათ იქიდან. სავარგულებსკენ მიმავალი გზები ისე შეუქრავთ, რომ კაცის გასვლა შეუძლებელი გამხდარა. „შფოთის“ მონაწილეებს სიტყვა მიუციათ ერთიმეორისათვის, არ დაეთმოთ მემამულეებისათვის, დაკავებულ ადგილებზე არ გაეტარებინათ მათი კაცები და წინააღმდეგობის შემთხვევაში მოეკლათ ისინი. ხელქვეითების ასეთი საქციელით შეწუხებულ თავადებს გიორგი მეფისათვის მიუმართავთ. გლეხები „შფოთზე დგანან“¹⁷⁰, ჩვენ უხნავ-უსარჩოთ ვიკარგებითო. შეუჩივლიათ მათ უმაღლესი ხელისუფლისათვის და სახიფათო მდგომარეობაში ჩავარდნილი „ქრისტიანებისათვის“ დახმარების მიცემა უთხოვიათ¹⁷¹. მეფეს თავისი შვილისათვის—ბაგრატიანისათვის—უბრძანებია (1800 წლის 21 აპრილი): „თავადთა და გლეხთა ასე რომ მოუხსენებიათ, შენ ყადაღა უნდა უყო, რომ შფოთი არ მოუვიდესთ რა. ის მამული ორთავ ხნას მანამდის ჩვენ კახეთში მოვიდოდეთ და როდესაც ჩვენ მოვალთ მანდ, ჩვენ მოვარიგებთ“¹⁷².

* * *

ნაშრომის ეს თავი შეიძლება შემდეგი დასკვნებით დავამთავროთ:

1. ფეოდალურ-ბატონყმურ ურთიერთობათა წინააღმდეგ ბრძოლაში სოფლის მშრომელი მოსახლეობა სხვადასხვა ფორმას და საშუალებას მიმართავდა, ყველაზე გავრცელებული აყრა-გაქცევა იყო, რომელსაც გლეხი ადრეც მიმართავდა, მაგრამ მასობრივი ხასიათი მან XVIII საუკუნის მეორე ნახევარში მიიღო. აყრა-გაქცევა

¹⁷⁰ ტექსტში წერია „დგან“.

¹⁷¹ ეკვთ. თ ა ყ ა ი შ ვ ი ლ ი, საქართველოს სიძველენი, ტ. III, გვ. 183, საბ. 199.

¹⁷² ი ქ ვ ე .

ბატონისათვისაც საშიში იყო და ყმისთვისაც, ის ეკონომიური განადგურებით ემუქრებოდა ერთსაც და მეორესაც, მაგრამ მჩაგვრელთა ძალმომრეობით შეწუხებული უშუალო მწარმოებელი მას მაინც მიმართავდა და ხშირად საკმაო წარმატებასაც აღწევდა, რაც მისი შრომისა და ცხოვრების პირობებს ერთგვარად აუზჭობესებდა.

2. პრივილეგიურ წოდებასთან გლახთა ბრძოლაში მნიშვნელოვანი ადგილი ეკირა პროტესტს საგადასახადო ტვირთის წინააღმდეგ. პროტესტს აცხადებდა გლეხი ახალი გადასახადების შემოღების, წინანდელი ნორმების გადიდების, უღების დაღების, ერთხელ აღებული სხელმეორედ აღების და ა. შ. წინააღმდეგ. ბრძოლა საგადასახადო ტვირთის შემსუბუქებისათვის, რა თქმა უნდა, რადიკალურად ვერ ცვლიდა გლეხის სოციალურ-ეკონომიურ მდგომარეობას, მაგრამ საბოლოო ჯამში ის მაინც ქვეყნის წინსვლა-განვითარების საქმეს ემსახურებოდა.

3. განსახილველ ხანაში შედარებით მასობრივი ხასიათი მიიღო წინა პერიოდში ოდნავ საგრძნობმა ისეთმა მოძრაობამ, როგორცაა ბრძოლა სამეფო (სახაზინო) უწყებაში გადასვლისათვის. მართალია, ამ უწყებაში იგდასვლა არ ათავისუფლებდა გლეხს ფეოდალურ-ბატონყმური ჩაგვრისაგან, მაგრამ რამდენადმე მაინც უმსუბუქებდა მდგომარეობას. სახელმწიფო უწყების კაცს, როგორც წესი, მეტი თავისუფლება და მატერიალური უზრუნველყოფა ჰქონდა. სწორედ ამიტომ უნდოდათ გლეხებს მებატონეთაგან თავის დახსნა და სახაზინო უწყებაში გადასვლა.

4. სრულიად ახალი იყო XVIII საუკუნის, უპირატესად ამ საუკუნის მეორე ნახევრის საქართველოს სინამდვილეში კლასობრივი ბრძოლის ისეთი ფორმა, როგორცაა ყმური დამოკიდებულების სრული უარყოფა გლეხების მიერ. ისინი, საბუთების დასტურით, „განზე იწვედნენ“, ბატონებს არ სცნობდნენ, ყმურ სამსახურზე უარს აცხადებდნენ და თავისუფლებას იჩემებდნენ. თანაც ყოფილივე ამას აკეთებდნენ ხშირად ყოველგვარი მოტივირების გარეშე ან კიდევ ყალბი ცნობებისა და ცრუ მოწმეების დასახელების გზით. მართალია, სოფლის მშრომელი მოსახლეობის მოქმედება ამ მიმართულებით, როგორც წესი, წარუმატებელი იყო, მაგრამ ის მაინც ფრიალ საყურადღებო და იმ ცვლილების მკაფიოდ დამადასტურებელი მოვლენა იყო, ჩვენი ქვეყნის სოციალურ ცხოვრებაში რომ მიმდინარეობდა მაშინ.

... იგი იმის მოწმობა იყო, რომ XVIII საუკუნის მეორე ნახევრის საქართველოში გაბატონებულ კლასს ჩვეულებრივზე მეტად უჭირ-

და თავისი მდგომარეობის შენარჩუნება, ხოლო გლეხობას არ სურდა ძველებურად ცხოვრება. და თუმცა წინა საუკუნეებისათვის უცხო და ახალი ნაივის დაბერვით გამოწვეული ეს მისი განწყობილება ფერჯერობით გარდაუვალი დაღუპვით არ ემუქრებოდა ძველ წყობილებას, მაგრამ მაინც ერთგვარ საფრთხეს უქმნიდა მას და ნიადაგს ამზადებდა ახალი ურთიერთობის გასამარჯვებლად.

5. ფეოდალურ-ბატონყმურ ურთიერთობათა საფუძვლის ყველაზე საგრძნობი შემრყეველი, ცხადია, გლეხთა შედარებით მასობრივი გამოსვლები, აჯანყებები იყო. მათი სიხშირე XVIII საუკუნეში (განსაკუთრებით კი ამ საუკუნის მეორე ნახევარში) და, რაც მთავარია, ზოგი მათგანის (მაგალითად, 1786 წლის იმერეთის აჯანყების) ანტიბატონყმური ლოზუნგით წარმართვა, ძველი წყობილების არასაიმედო მდგომარეობის აშკარა მაჩვენებელი იყო.

6. ქართველი გლეხის კლასობრივი ბრძოლა, რომელიც განსაკუთრებით XVIII საუკუნის მეორე ნახევარში გამწვავდა, წარმოდგენდა აქტიურად მოქმედ ძალას. იგი ძლიერ ზემოქმედებას ახდენდა მის წარმომშობ ბაზისზე, ხელს უწყობდა და აჩქარებდა ქვეყნის სოციალ-ეკონომიურ ცხოვრებაში მიმდინარე ცვლილებებს და ამდენად დადებით როლს თამაშობდა.

საერთო დასკვნები

1. XVIII საუკუნის საქართველოს სოციალ-ეკონომიური განვითარების დონისა და ხასიათის შესახებ სამეცნიერო ლიტერატურაში აზრთა სხვადასხვაობა იგრძნობა. მკვლევართა ერთი ნაწილი ძალზე გადაჭარბებულად წარმოგვიდგენს ამ დონეს და მიაჩნია, რომ ჩვენთვის საინტერესო საუკუნის მეორე ნახევრიდან საქართველოში უკვე სახეზეა კაპიტალისტური წყობა („უკლად“), რომელიც ინტენსიურად არღვევდა ფეოდალურ-ბატონყმურ ურთიერთობას, მეორე ნაწილი კი, პირიქით, არამცთუ უარყოფს ბურჟუაზიული წყობის არსებობის ფაქტს, არამედ ლაპარაკობს ქვეყნის საზოგადოებრივი და ეკონომიური ცხოვრების დაჩიხულობაზე, რაღაც საოცარ რეგრესზე, რომელიც შეუძლებელს ხდიდა რამე პროგრესული ხასიათის ძვრებსა და ცვლილებებს.

2. ჩვენი აზრით, ორივე თვალსაზრისი ცოდავს ქეშმარიტების წინაშე. ხსენებული ხანის საქართველოში ნაადრევია ლაპარაკი როგორც უკვე ჩამოყალიბებული, საბოლოოდ გაფორმებული ბურჟუაზიული წყობის არსებობაზე, ისე სოციალ-ეკონომიური ცხოვრე-

ბის სრულ დაჩიხულობაზე, უცხო ძალის დახმარების გარეშე წინსვლა-განვითარების შეუძლებლობაზე.

3. მართალია, იმდროინდელი საქართველოს რთული საგარეო მდგომარეობა (ირან-თურქეთის აგრესია, ლეკიანობა) სერიოზულად აფერხებდა ქვეყნის საწარმოო ძალების განვითარებას, მაგრამ მას სრული დამუხრუჭება და პროგრესის შეჩერება არ გამოუწვევია. ხალხი არა მარტო იბრძოდა, არამედ შრომობდა, მატერიალურ დოვლათს ქმნიდა, თავის სამეურნეო ჩვევებს ამდიდრებდა, სი-ახლეს ნერგავდა. ეს განსაკუთრებით დროის იმ მონაკვეთებზე ითქმის, როდესაც, ქვეყანაში შედარებით სიმშვიდე მყარდებოდა (1632—1722; 1748—1784 წლები).

4. მრავალი წარმატებით აღინიშნა, კერძოდ, XVIII საუკუნის მეორე ნახევარი. წარმატება იგრძნობოდა ადამიანის საქმიანობის ყველა სფეროში — პოლიტიკურ, ეკონომიურ და სოციალურ ცხოვრებაში. ქართლ-კახეთის ერთ სამეფოდ გაერთიანება (1762 წ.), ეფექტური ბრძოლა სენიორალური სისტემის წინააღმდეგ და მისი საგრძნობი შეზღუდვა, სასაქონლო წარმოების გაფართოება, ვაჭრობისა (საშინაო და საგარეო) და მრეწველობის (მანუფაქტურული ტიპის) დაწინაურება, დაქირავებული შრომის გამოყენება წარმოებაში, ფულადი რენტის ხვედრითი წონის ზრდა, ანტიბატონყმური მოტივების წარმოშობა-გაძლიერება და სხვა იმის მკაფიო მაჩვენებელია, რომ განსახილველი ხანის საქართველოში მიმდინარეობდა პროგრესული ძვრები და რომ მას არ ჰქონდა დაკარგული შინაგანი განვითარების უნარი.

5. მნიშვნელოვანი ცვლილებები მოხდა ფეოდალურ-ბატონყმური ურთიერთობის ეკონომიურ საფუძვლებში. XVIII საუკუნეში, განსაკუთრებით კი ამ საუკუნის მეორე ნახევარში, რთული მდგომარეობა შეექმნა ფეოდალურ მიწათმფლობელობას. ადგილი ჰქონდა მიწების ამოძრავებას, პრივილეგიური წოდება ხშირად და დიდი მასშტაბით ყიდდა მათ, მყიდველი კი უპირატესად არაპრივილეგიური წოდების წარმომადგენლები (გლეხები, ვაჭრები) იყვნენ. ჩვენი მიახლოებითი გამოანგარიშებით, გაყიდული მიწების 65% საზოგადოების დაბალი ფენების ხელში გადადიოდა, ხოლო 35% — ფეოდალური კლასის¹. აქვე ისიც უნდა აღინიშნოს, რომ მიწებს გლეხებიც ყიდდნენ და ფეოდალებიც, მაგრამ სწორედ

¹ პროცენტები ორივე შემთხვევაში დამრგვალებულია. თვით ძირითად ტექსტში კი შესაბამისად დასახელებულია 65,1 და 34,9 პროცენტი.

უკანასკნელი ქმნიდნენ გამოცემა ველთა ძირითად კონტინენტს. ასეთი ვითარება კი იმის მკაფიო მოწმობაა, რომ ფეოდალური ურთიერთობის საფუძველს — ფეოდალის საკუთრებას მიწაზე ძლიერად უტევდა გლეხობა, რომელიც იძენდა რა მიწას, თავს აღწევდა ამ უკანასკნელით უზრუნველყოფის ბატონყმურ გზებსა და საშუალებებს.

6. სერიოზული ცვლილებები ხდებოდა ფეოდალურ-ბატონყმურ ურთიერთობათა სოციალურ საფუძვლებშიც. მიმდინარეობდა ბატონყმობისაგან გლეხთა თავდახსნის საკმაოდ საგრძნობი პროცესი. თავისუფლების მოპოვების ყველაზე მშვიდობიან და საიმედო გზას გამოსყიდვა წარმოადგენდა. გვიანფეოდალური ხანის სამართალი და სამართლებლივი აზროვნება, რომელიც თავისი არსით ფეოდალურ-ბატონყმური იყო, ერთგვარად ხელსაც კი უწყობდა ამ პროცესის გაშლა-გაფართოებას. ამით სარგებლობდა ქართველი გლეხი და ხშირად დიდი მსხვერპლის გაღებით აღწევდა კიდევ მიზანს. ჩვენ ხელთ არსებული მასალების თანახმად, სულ XVIII საუკუნეში ბატონყმური ურთიერთობისაგან თავი დაუღწევია და თავისუფლება მიუღია 450 კომლს. დაკარგულ-განადგურებული და დღემდე მიუკვლეველი მრავალი საბუთის გათვალისწინებით, ეს რაოდენობა სულ მცირე ორჯერ მაინც გადიდდება და 900 კომლს გაუთანაბრდება. ეს, რა თქმა უნდა, ძალიან ბევრი არ არის, მაგრამ მაინც ფრიად საყურადღებო და ბევრის მთქმელი ფაქტია. თავდახსნილ გლეხთა ნაწილი თავისუფლებას ინარჩუნებდა (ამას, პირველ რიგში, მიწით განთავისუფლებული აღწევდა), ნაწილი კი მას კარგავდა. მათი ხვედრითი წონა, ჩვენი მიახლოებითი გამოანგარიშებით, შესაბამისად 70 და 30 პროცენტს უდრიდა (პროცენტები დამრგვალებულია). ეს კი საკმაოდ დიდი პროცენტია და კარგად შეტყველებს ქვეყნის სოციალ-ეკონომიური განვითარების ხასიათზე, ამ განვითარების მიმართულებაზე. იგი იმის მაჩვენებელია, რომ XVIII საუკუნეში, უპირატესად მის მეორე ნახევარში, მიმდინარეობდა ფეოდალურ-ბატონყმური ურთიერთობის სოციალური საფუძვლების მოშლის მეტ-ნაკლებად საგრძნობი პროცესი (ეს დასკვნა ძალაში დარჩება იმ შემთხვევაშიც, თუკი თავისუფლებაშენარჩუნებულ გლეხთა ხვედრით წონას 50%-ით განვსაზღვრავთ).

7. XVIII საუკუნის ფეოდალურ-ბატონყმური საქართველოს სოციალ-ეკონომიურ ცხოვრებაში მიმდინარე ძვრების ერთ-ერთი გამოხატველი და დამაჩქარებელი იყო ფულადი რენტა-გადასახადების გავრცელება-განვითარება. სასაქონლო წარმოებისა და საბაზრო

კავშირების გაფართოებამ განაპირადაა ისეთი მნიშვნელოვანი მოვლენა, როგორცაა პროდუქტადი რენტა-გადასახადების კომუტაციის შეუნელებელი პროცესი მთელი XVIII საუკუნის განმავლობაში, განსაკუთრებით კი ამ საუკუნის ბოლოსა და XIX საუკუნის დასაწყისში (ეს ითქმის განსაკუთრებით აღმოსავლეთ საქართველოზე). სამწუხაროდ, სათანადო მასალებს უქონლობა არ გვაძლევს საშუალებას ზუსტად და კატეგორიულად განვსაზღვროთ ფულადი რენტა-გადასახადების ზვედრითი წონა, მაგრამ, ვფიქრობთ, ის XVIII—XIX საუკუნეთა მიჯნაზე არ უნდა ყოფილიყო 15-20 პროცენტზე ნაკლები. ეს პროცენტი ბევრად უფრო გაიზრდება, თუ მხედველობაში მივიღებთ სახელმწიფო გამოსაღებებს, სადაც, როგორც ცნობილია, ფულადი სახეობა დომინირებდა.

ფულადი რენტის გავრცელება იმის დამადასტურებელია, რომ განსახილველი ხანის საქართველოში წყალი შეუდგა ფეოდალური ურთიერთობის ერთ-ერთ საფუძველს, ამ ურთიერთობის ერთ-ერთ დამახასიათებელ ნიშანს — ნატურალურ მეურნეობას. ამასთან, რენტის ეს ფორმა, როგორც ცნობილია (ვ. ი. ლენინი, ტ. 3, გვ. 179), მოქმედების გაცილებით მეტ თავისუფლებას ანიჭებდა გლეხს, ასუსტებდა კავშირ-დამოკიდებულებას მასა და ბატონს შორის.

8. ქვეყნის სოციალურ-ეკონომიურ ცხოვრებაში მიმდინარე პროგრესულ პროცესებს აჩქარებდა კლასობრივი ბრძოლა, რომელშიც ასევე გარკვეული სიახლე შეიმჩნეოდა. სრულიად ახალი იყო, მაგალითად, XVIII საუკუნის, უპირატესად ამ საუკუნის მეორე ნახევარში მიმდინარე კლასობრივი ბრძოლის ისეთი ფორმა, როგორცაა ყმური დამოკიდებულების სრული უარყოფა გლეხების მიერ. ისინი, საბუთების დასტურით, „განზე იწვედნენ“, ბატონებს არ სცნობდნენ, ყმურ სამსახურზე უარს აცხადებდნენ და თავისუფლებას იჩემებდნენ. თანაც ყოველივე ამას აკეთებდნენ ხშირად ყოველგვარი მოტივების გარეშე ან კიდევ ყალბი ცნობებისა და ცრუ მოწმეების დასახელების გზით.

9. ზემოთ ჩამოთვლილი ძვრები — სიახლენი შეუქმლებელია მომხდარიყო სრული ღაჩიხულობის ვითარებაში. აღნიშნულ სიახლეთა წარმოშობა, რომელიც, კიმეორებით ისევ, წარმოუდგენელია სოციალ-ეკონომიური ცხოვრების სტაგნაციისა და კატასტროფული უკანსვლის პირობებში, თავის მხრივ ხელს უწყობდა ქვეყნის პროგრესის, მისი განვითარება-დაწინაურების საქმეს. თანაც ეს განვითარება მიმდინარეობდა ფეოდალურ-ბატონყმური ფორმაციის საფუძვლების მეტ-ნაკლებად საგრძნობი შერყევის ნიშნით, რაც ნიადაგს

ამხადებდა ბურჟუაზიული ურთიერთობის გამარჯვებისათვის. მომავალში XVIII ს. საქართველოში მიმდინარე ეს პროცესი მნიშვნელოვანწილად გაღრმავდა 1801 წლის შემდეგ, როდესაც ქართლ-კახეთის სამეფოს რუსეთთან შეერთების შედეგად შედარებით უკეთესი პირობები შეიქმნა ქვეყნის სოციალური, ეკონომიური და კულტურული განვითარებისათვის.

К ВОПРОСУ О ХАРАКТЕРЕ СОЦИАЛЬНО-ЭКОНОМИЧЕСКОГО РАЗВИТИЯ ГРУЗИИ В XVIII ВЕКЕ

Резюме

Та чрезвычайно сложная внешнеполитическая обстановка, в которой оказалась Грузия в XVIII веке, само собой разумеется, сковывала развитие производительных сил, экономический прогресс страны, ее движение вперед. Это особенно чувствовалось во второй четверти указанного века, точнее в 1723—1735 и 1735—1747 годах, когда в Картли и Кахети господствовали последовательно турки и иранцы. Финансово-экономическая политика агрессоров, главная цель которой состояла в получении дани, не считалась с материальными возможностями плательщиков и, облагая последних безмерно, отнимала у них стимул к трудовой деятельности. Благодаря этой разорительной политике почти все отрасли народного хозяйства стали убыточными, народ переставал ими заниматься и, покидая насиженные места, уходил. Появилось (в особенности в Нижней Картли) много «намосахлари»¹, «насоплари»², «накалакари»³, т. е. многие населенные пункты, селения и города стерлись с лица земли, стали развалинами.

В 1747 году Грузия избавилась от иранского господства. Наступило время сравнительно спокойной жизни, охватившее 50—80-ые годы, а также и первую половину 90-х годов. Мы говорим о сравнительно спокойной обстановке, так как полного покоя народ не имел и в эти годы. Постоянные, почти непрекращавшиеся набеги лезгинских феодалов вынуждали народ быть всегда готовым к отражению неприятеля и защите своей семьи и своего движимого и недвижимого имущества.

Следовательно, даже в 50—80-х годах XVIII века, т. е. тогда, когда Картли и Кахети были свободны от господства иноземных завоевателей и пользовались плодами.

¹ Дословно — место, где раньше жили люди.

² Дословно — место, где раньше было село.

³ Дословно — место, где раньше был город.

сравнительно спокойной жизни, не было нормальных условий для развития производительных сил, для полного развертывания трудовой деятельности народа, для беспрепятственного движения вперед экономической жизни страны. И все же народ не сидел празднично, скрестив руки на груди. Он трудился и боролся, боролся и трудился; он и материальные блага создавал и неприятеля отражал, и отечество защищал и честь своей семьи отстаивал. Трудящиеся массы Грузии эффективно пользовались даже небольшими мирными промежутками для восстановления разрушенного хозяйства, для развертывания производственной деятельности. Также поступали купцы, помещики-рационализаторы и др.

В одной докладной записке царицы Дареджан, составленной в конце апреля 1801 года для русской администрации, говорится, что она за свою жизнь восстановила и заселила людьми немало разоренных врагами сел и деревень. В числе них названы Кучатани, Санавардо, Велисцихе, Кукна, Колагир и др.⁴ Привыкший к труду народ, с большим желанием обращался к нему даже после значительных потрясений, лишь бы была надежда на мирную жизнь. Примером этого может служить сравнительно быстрое восстановление Тбилиси после катастрофы 1795 года. «И меня радует, — писал царевич Александр царице Дареджан в 1797 году, — что город, в котором, ко времени моего прибытия, не было ни единого человека и не из одного дома не шел дым, благодаря богу и вам, постепенно заселяется..., ушедшие возвращаются»⁵.

Вот эта кипучая деятельность народа и была одной из главных причин того, что сложная внешнеполитическая ситуация того времени и непосредственное господство иноземных агрессоров и установленный ими тяжелый режим, не сумели полностью затормозить социально-экономическое развитие Грузии. Отмеченные явления, конечно, значительно задержали движение страны вперед, но приостановить это движение они все же не смогли.

Большую роль в этом деле играла политика правительства, центральной власти. Военные и социально-экономические мероприятия («Мориге джари», борьба против сеньориальной системы, отставание «крепостнического распорядка», возобновление старого закона, запрещавшего

⁴ Е. Такайшвилл, Древности Грузии, т. III, стр. 295, 299.

⁵ ДГ, т. III, стр. 226—227.

продажу крепостных без земли, некоторое облегчение податного бремени царских (государственных) крестьян, расширение прав крестьянских и купеческих детей по наследованию отцовского движимого и недвижимого имущества и др.), проведенные Теймуразом II и Ираклием II (особенно последним), ставили задачу создания сильной феодально-крепостнической Грузии, расширения хозяйственной деятельности народа, ликвидации пагубных последствий вражеской агрессии, возмещения понесенных убытков. Этого последнего правительству действительно удавалось добиться, если не полностью, то во всяком случае в значительной мере. Словом, ущерб, причиненный врагом, власти старались (и не безуспешно) компенсировать путем осуществления целого ряда мероприятий, могущих поднять боеспособность страны и стимул к труду народа. Следует, однако, отметить, что объективные последствия этой политики шли дальше, выходили за рамки поставленной цели и способствовали развитию таких явлений, которые, в конечном счете, подрывали основы существовавшего тогда социально-экономического строя.



Ни в первой, ни во второй половине XVIII века, включая даже период господства турок и иранцев (т. е. 1723—1735; 1735—1747 гг.), в Грузии не прекращалось товарное производство, страна не возвращалась к нормам натурального хозяйства. Фактический материал, имеющийся в нашем распоряжении, не оставляет ни малейшего сомнения в том, что в Грузии рассматриваемого периода, несмотря на наличие ряда неблагоприятных обстоятельств, все же происходили определенные сдвиги в социально-экономической жизни, одним из проявлений которых являлось развитие товарного производства и рыночных связей. Внимательное изучение различных источников, в том числе книг расходов некоторых светских и духовных феодалов, приводит нас к выводу о многотоварности грузинского рынка в XVIII веке. Там, по свидетельству указанных источников, продавалось решительно все, начиная от ткемали, кончая местными и импортными драгоценными товарами. Купцы были связаны с Северным Кавказом, Россией, Ираном и другими странами. Через Россию попадали в Грузию предметы, изготовленные во Франции, Испании, Португалии и в других европейских государствах.

Товарную продукцию производили и в торговые операции были вовлечены как крестьяне (часть), так и помещи-

ки-рационализаторы. Они выступали как в роли продавцов, так и в роли покупателей. Продавались не только излишки, но и специально изготовленные для рынка товары. Например, в одном документе самого начала XIX века, в котором дана характеристика хозяйственной деятельности крестьян селений Турисцихе, Санавардо, Кучатани, Чикаани и Гавази, сказано, что жители «означенных селений закупаются хлебопашеством и скотоводством, имеют рогатый скот..., упряжняются в садоводстве и в делании для домашних обиходов и на продажу шелку»⁶.

Развитие товарного производства и рыночных связей в позднефеодальную эпоху являлось важным фактором, подымавшим (вместе с другими моментами) основы старого строя и подготавливавшим почву для победы новой социально-экономической формации в будущем. Оно яркое свидетельство разложения натурального хозяйства, т. е. одного из характерных признаков феодально-крепостнической системы. «Европейский капитализм, — пишет А. Н. Чистозвонов, — вырос из феодализма, на базе определенных предпосылок, из которых главными были: 1) развитие простого товарного хозяйства и купеческо-ростовщического капитала; 2) разложение на этой основе натурально-хозяйственной базы феодального производства»⁷. (Подчерк. мною — И. А.).



Заметные изменения происходили в феодальном землевладении страны. Земли в изучаемое время пришли, если так можно выразиться, в сильное движение, их купля-продажа приняла массовый характер, такой масштаб, какого она никогда до этого не имела. Это явление было обусловлено резким ухудшением материального положения феодалов и крестьян вследствие сложной внешнеполитической обстановки, с одной стороны, и успехами товарно-денежных отношений, усилением торгово-экономических связей Грузии с зарубежными странами, в том числе с уже вставшими на путь капиталистического развития, с другой.

Земли продавали как феодалы, так и крестьяне. В первой половине XVIII века сельское трудовое население чаще

⁶ ЦГВИАМ, ф. ВУА, д. 18480.

⁷ А. Н. Чистозвонов, Генезис капитализма и отражение его в региональных типах крестьянских движений в Европе в XVI—XVIII веках. Жур. «Вопросы истории», 1975, № 1, стр. 75.

выступало в роли продавца, нежели привилегированное сословие. Из тех 1303 случаев продажи⁸, которые, по нашим данным, были совершены в 1700—1751 годах, 50,6% приходилось на крестьян и 49,4% — на феодалов. В купчих же актах их долевое участие соответственно равнялось: 46,7% и 53,3%.

Совершенно иное положение было во второй половине XVIII века. Здесь дворянство опережало сельское трудовое население в продаже земель и, наоборот, резко отставало от него в их покупке. Из 813, датированных 1751—1800 годами, случаев продажи земли и виноградников, 52,2% падало на привилегированное сословие, а 47,8% — на крестьянство. Из такого же количества купчих на долю первого приходилось 35,6%, а долю второго — 64,4%. Из этих добытых и обработанных нами данных ясно видно активное участие сельских труженников в приобретении земель. Они опасно наступали на феодальную собственность.

Крестьяне опережали дворян и по площади купленных земель. Из тех 1102 дгури земли⁹, которые по 310 купчим грамотам были проданы в XVIII веке¹⁰, первым принадлежали 582,5 «дгури» или 52,9% всех проданных земель, а вторым — 519,5 «дгури» или 47,1%. Большая часть пущенных в торговый оборот земли — 716,5 «дгури» или 65,1%, перешли в руки непосредственных производителей материальных ценностей, а значительно меньшая—385,5 «дгури» или 34,9%—привилегированных сословий. Иначе говоря, крестьяне полностью купили не только земли, проданные их классовыми братьями, но и часть (примерно 25,8%) реализованных дворянством имений.

Землю — это основное средство производства — крестьяне покупали преимущественно мелкими участками, хотя и приобретателей больших участков было не так уж мало. Но независимо от того, какова была площадь покупаемой земли — малая или большая — сам факт получения ее в собственность имел огромное значение. Этим путем непосредственный производитель материальных ценностей избавлялся от феодальнокрепостнических способов обеспечения се-

⁸ Здесь имеются в виду не все грамоты первой половины XVIII века, а лишь датированные конкретно каким-либо годом. А таких — 1303 штуки.

⁹ Дгури — площадь земли, равная 0,5 дес.

¹⁰ Имеются в виду грамоты, в которых обозначена площадь проданной земли.

бя землей, подрывал основы феодальной собственности на землю, создавал реальную угрозу дворянской монополии и способствовал становлению новой, буржуазной собственности, зарождению капиталистических отношений.

Активное участие в земельных покупках одной части феодального класса было обусловлено развитием товарно-денежных отношений, желанием в соответствии с этими отношениями изменить характер хозяйственной деятельности. Не один представитель привилегированного сословия мечтал организовать крупное, основанное на рациональных началах и производившее товарную (рыночную) продукцию хозяйство и, надо сказать, что некоторым из них это действительно удалось¹¹. Этим они волей или неволей содействовали развитию явлений, противостоявших существовавшей в то время социально-экономической формации.

*
* *

Грузинский крестьянин долго мечтал об избавлении от феодально-крепостнической зависимости, о получении полной свободы. Наиболее законным и мирным путем достижения этой заветной цели являлся выкуп, но он был доступен лишь незначительной части сельского трудового населения, а абсолютное большинство вынуждено было искать другие пути и средства. Подачей жалоб в различные инстанции, нередко ложными свидетельскими показаниями, ссылкой порой на сомнительные аргументы и факты старалось крепостное крестьянство доказать несостоятельность помещичьих претензий. Достижения той же цели добивалось оно, прибегая к таким формам классовой борьбы, как неповиновение, бегство и отказ от выполнения возложенных на него обязанностей. Особенно массовый характер эти явления получили именно во второй половине XVIII века.

Из всех путей, ведущих к свободе, наиболее надежным, повторяем еще раз, было освобождение от зависимого положения путем выкупа. Позднефеодальные право и правовое воззрение, которые в сущности своей были феодальными, в какой-то мере способствовали даже расширению и углубле-

¹¹ Н. Г. Кантария, Хозяйство грузинского помещика в XVIII веке (автореферат кандидатской диссертации), Тбилиси, 1955; Г. Акопашвили, Хозяйство Манучара Туманишвили (вторая половина XVIII века — начало XIX века). Напечатано в сборнике «Вопросы истории народов Кавказа» (Тбилиси, 1966, стр. 405—411).

нию этого процесса. Этим пользовался грузинский крестьянин и нередко ценой больших жертв достигал цели. Из наших, не претендовавших на полноту, материалов видно, что в XVIII веке от феодально-крепостнической зависимости освобождилось 450 дымов. С учетом же потерянных, а также не выявленных до сих пор документов, число откупившихся от крепостного состояния крестьян увеличится по крайней мере вдвое и составит не менее 900 дымов. Это конечно, не много, но само по себе чрезвычайно интересный факт, требующий соответствующей оценки.

Часть освободившихся от крепостной зависимости крестьян сохраняла свободу, часть же теряла ее. Их удельный вес, по нашим приблизительным подсчетам, равнялся (соответственно) 70 и 30 процентам (округленно). Первый из этих процентов достаточно убедительно свидетельствует о характере социально-экономического развития страны, о направлении этого развития. Это яркое свидетельство того, что в XVIII веке, преимущественно во второй его половине, в Грузии протекал более или менее заметный процесс разрушения социальной основы феодально-крепостнических отношений¹².

*
* * *

Денежная рента (повинности), которая, как правило, переплеталась с другими формами ренты, была довольно распространена в Грузии в XVIII — начале XIX века и в социально-экономической жизни страны играла значительно больше роли, чем это до сих пор предполагали ученые. Она не была чужда ни Восточной, ни Западной Грузии, но по степени своей распространенности первая намного опережала вторую. Специальное изучение вопроса показывает, что на всем протяжении интересующего нас периода (за исключением некоторых отрезков времени) происходил непрерывный процесс коммутации, т. е. замены продуктовой ренты денежной, что в ряде случаев соответствовало не только желанию помещиков, но и отвечало также интересам сельского трудового населения.

Означенная тенденция замены натуральных повинностей денежными стала особенно заметной в конце XVIII века. Тогда денежная форма ренты, по нашим наблюдениям, в экономической жизни страны твердо заняла второе место.

¹² Это заключение останется в силе и в том случае, если даже удельный вес крестьян, сохранивших свободу, определим не более 50-ти процентов.

Первое и третье места соответственно занимали продуктовая и отработочная ренты, однако тенденция развития, как уже отметили, была явно в пользу денежной ренты, что в конечном счете вызывало рост его общего удельного веса. При этом все больше и больше сокращался разрыв между продуктовой рентой, занимавшей первое место, и денежной, находившейся на втором месте.

Отсутствие необходимых материалов не позволяет точно определить удельный вес денежных повинностей, но, надо полагать, что он на рубеже XVIII—XIX веков был не менее 15—20 процентов. Этот процент значительно возрастает, если принять во внимание государственные подати, в которых, как известно и отмечено в работе, доминировала денежная форма.

*
* *

Имущественная дифференциация крестьян, характерная для всей феодальной формации, особенно углубилась в позднесредневековый период. Связанные с данным вопросом документы единогласно свидетельствуют о наличии в Грузии изучаемой эпохи различных крестьянских групп, отличных друг от друга своими экономическими возможностями. Наряду с безземельными, ничего не имевшими труженниками, источники называют крестьян, с избытком обеспеченных средствами производства. Они превосходили своих соседей как по размеру землевладения и числу скота, так и по масштабу и объему и других видов имущества.

Однако имущественная дифференциация, как известно, не всегда перерастает в классовую. Для этого необходимы определенные объективные условия, одним из которых является развитие товарного производства и рыночных связей. «Эти полярные течения, — пишет В. И. Ленин, — возникают и усиливаются там и постольку, где и поскольку развивается и упрочивается товарное производство»¹³. В Грузии интересующего нас периода, разумеется, нельзя говорить о далеко зашедшем процессе дифференциации крестьян, но и нельзя отрицать в ней наличия зачатков этого явления.

Выясняется, например, что часть богатых крестьян в XVIII веке и в начале XIX столетия устраивали сравнительно крупные хозяйства, производившие не только потребительскую, но и меновую стоимость. Товарную продукцию изготовляли они как вовлеченным в это дело членам семьи, так использованием вольнонаемного труда. Последнее, согласно

¹³ В. И. Ленин, ПСС. I, стр. 193.

свидетельству источников, было довольно распространенным явлением в тогдашней Грузии. В стране, как видно, было немало бедноты, продававшей свою рабочую силу, равно как и богатых, покупавших ее. К числу последних относился, например, крепостной крестьянин Акулашвили (XVIII в.), оказавший сказочный прием царю Теймуразу II, его многочисленной свите и войску. В его хозяйстве, которое, по явно преувеличенным данным Александра Орбелиани, в течение трех дней без труда роскошно содержало целую армию людей, было много наемных рабочих, выполнявших различные работы¹⁴. Без наемного труда не обходился, надо полагать, и пшавский крестьянин Бодали, который, как видно, был обладателем нескольких тысяч голов овец¹⁵. То же самое нужно сказать о Пордашвили и Шихинашвили, отбывавших ежегодно повинность, равную (соответственно) стоимости 260 и 1000 голов овец. Туда же надо отнести Феодора Хаханашвили, Стефана Дарчиашвили, Тамаза Бичикашвили, Георгия Марташвили и многих других выделявшихся своим состоянием крестьян. Никто из них, надо думать, не обходился без наемного труда.

Именно им (а также помещикам-рационализаторам) предлагали свою рабочую силу безземельные и малоземельные крестьяне. «Живем поденной работой, так как бедны и несостоятельны», — писали метехские крестьяне в прошении, поданном царю Ираклию II в 1789 году¹⁶. «Этот человек, — читаем в письме вдовы какого-то Тер-Петрузы от 21 мая 1807 года, — четырнадцать лет (начиная с 1793 года) был пастухом моего скота. За эти четырнадцать лет он ежемесячно... получал от меня плату»¹⁷.

Еще чаще стал применяться наемный труд в начале XIX века. Это очень наглядно подтверждается материалами камерального описания Телавского и Сигнахского уездов 1804 года. О шести дымах Курдгелаурских безземельных крестьян, подвластных кн. Давиду Корчибашеву, там, например, сказано, что они живут «работой у других»¹⁸. Также «работой у других» поддерживали свое существование крестьяне, принадлежавшие Каихосро Корчибашеву¹⁹, Гла-

14 Ал. Орбелиани, Крепостное право в Грузии в прошлом. Жур. «Цискари», 1859 г., ноябрь месяц.

15 Д. Пурцеладзе, ГКГ, стр. 75—76.

16 ДГ, т. III, стр. 50.

17 МЭИГ, т. II, стр. 182.

18 ЦГИАГ, ф. 254, оп. 1, д. 52, л. 17 об.

19 Там же.

хе Корчибашеву²⁰, Георгию Корчибашеву²¹, Дмитрию Корчибашеву²², Ревазу Вахвахову²³ и другим крепостникам селения Курдгелаури.

Эти и подобные им факты, приведенные в работе в большом количестве, не позволяют, конечно, делать далеко идущие выводы, но они дают все основания говорить о зачатках классовой дифференциации крестьян, о появлении первых признаков этого процесса во второй половине XVIII — начале XIX века.

*
* * *

В борьбе против феодально-крепостнических отношений сельское трудовое население прибегало к различным формам, среди которых наиболее распространенным было бегство. Крестьяне к нему и раньше обращались, но особенно массовый характер оно получило именно в XVIII веке, точнее во второй его половине. Уход крепостных с насиженных мест чреват был тяжелыми экономическими последствиями как для них самих, так и для помещиков, но непосредственный производитель, поставленный в тяжелое положение феодальной эксплуатацией, все же прибегал к нему и нередко в конечном счете достигал облегчения своей участи, некоторого улучшения условия жизни и труда.

В борьбе крестьян с привилегированным сословием важное место занимали протесты против податного бремени. Протестовали они против таких ставшими массовыми в XVIII веке явлений, как введение новых повинностей, увеличение ранее существовавших норм, повторное взимание раз уже отбытых податей и т. д. Борьба за облегчение податного бремени, конечно, не могла радикально изменить социально-экономическое положение крестьян, но она все же служила делу прогресса, содействовала хозяйственному и иному развитию страны.

Сравнительно массовый характер в рассматриваемое время получила еще заметная до этого борьба помещичьих крестьян за переход в разряд царских (казенных). Правда, переход в царское (казенное) ведомство не освобождало их от феодально-крепостнической эксплуатации, но он все же

20 Там же.

21 Там же.

22 Там же.

23 Там же, л. 18.

несколько облегчал их положение. Крестьянин, феодально зависимый от царя (казны), имел, как правило, больше свободы и лучшее материальное обеспечение. Этим и объясняется усиленное стремление помещичьих крестьян к переходу в разряд царских (казенных) крестьян.

Совершенно новой была появившаяся в XVIII веке, преимущественно во второй его половине, такая форма классовой борьбы, как полный отказ от крепостнической зависимости вообще. Крестьяне, согласно документам, не признавали своих господ, настойчиво уклонялись от выполнения возложенных на них обязанностей, объявляли себя свободными и т. д. К тому же делалось все это порой без всякой мотивировки или путем представления подложных документов и сомнительных свидетельских показаний. Правда, деятельность сельского трудового населения в этом направлении, как правило, была безуспешной, но она все же чрезвычайно интересна как свидетельство изменений, происходивших в социальной жизни нашей страны. Она является ярким показателем того, что во второй половине XVIII века господствующему феодальному классу было труднее обычного сохранить свое прежнее положение, а крестьянство не желало жить по старинке, по нормам крепостнической системы. И хотя это его настроение, чуждое более раннему периоду и обусловленное отмеченными в работе сдвигами в социально-экономической жизни, пока еще не угрожало неизбежной гибелью старому строю, оно все же в известной мере противопоставлялось ему и подготавливало почву для победы новых отношений в будущем.

Наиболее чувствительно, однако, основы феодально-крепостнических отношений расшатывали массовые крестьянские выступления, восстания. Сравнительная частота этих выступлений в XVIII веке (в особенности во второй его половине) и ярковыраженный антикрепостнический характер некоторых из них (например, имеретинского восстания 1786 года), наиболее верный показатель непрочного положения феодального строя.

Классовая борьба грузинского крестьянства, особенно обострившаяся во второй половине XVIII века, представляла собой активно действовавшую силу. Она оказывала сильное воздействие на породивший его базис и ускоряла процессы, происходившие в социально-экономической жизни страны. В целом классовая борьба играла значительную и весьма положительную роль в подготовке условий, приведших впоследствии к гибели феодально-крепостническую систему.

Собранный и изученный автором фактический материал привел его к выводу, что Грузия второй половины XVIII века (включая и последнее десятилетие) не находилась в состоянии застоя, не зашла в тупик в своем движении, не была лишена внутренних возможностей развития. При этом это развитие шло под знаком разрушения социально-экономических основ феодальной формации. Разрушительное действие сдвигов, происходивших в рассматриваемый период в различных сферах жизни, было еще слабо, но оно все же, несмотря на наличие многих препятствующих обстоятельств, набирало силу и уже в начале XIX века, в новых условиях, под благотворным влиянием присоединения Грузии к России, дало более ощутимые результаты.

მიღებული შემოკლებანი

- სინ — საქართველოს ისტორიის ნარკვევები.
- მსკი — მასალები საქართველოსა და კავკასიის ისტორიისათვის.
- კხის — კავკასიის ხალხთა ისტორიის საკითხები (წერილების კრებული).
- სს — ექვთ. თაყაიშვილი, საქართველოს სიძველენი.
- დსსი — ნ. ბერძენიშვილი, დოკუმენტები საქართველოს სოციალური ისტორიიდან.
- ქსძ — ი. დოლიძე, ქართული სამართლის ძეგლები.
- ნფხსგი — ნარკვევები ფეოდალური ხანის საქართველოს გლეხობის ისტორიიდან (წერილების კრებული).
- მსეი—ნ. ბერძენიშვილი, მასალები საქართველოს ეკონომიური ისტორიისათვის.
- დსსს — ს. კაკაბაძე, დასავლეთ საქართველოს საეკლესიო საბუთები.
- სსცია — საქართველოს სახელმწიფო ცენტრალური ისტორიული არქივი.
- სმახი — საქართველოს მეცნიერებათა აკადემიის კ. კეკელიძის სახელობის ხელნაწერთა ინსტიტუტი.
- ქიემ — ნ. ბერძენიშვილის სახ. ქუთაისის ისტორიულ-ეთნოგრაფიული მუზეუმი.
- სსმ — საქართველოს მეცნიერებათა აკადემიის ს. ჯანაშიას სახელობის საქართველოს სახელმწიფო მუზეუმი.
- АКАК — Акты, собранные Кавказской археографической комиссией.
- ИКБЗ — История классовой борьбы в Закавказье (წერილების კრებული).
- ДГ — Е. Такаишвили, Древности Грузии.
- ГКГ — Д. Пурцеладзе, Грузинтские крестьянские грамоты.
- ГЦГ — Д. Пурцеладзе, Грузинские церковные грамоты.

შ ი ნ ა ა რ ს ი

შესავალი (ისტორიოგრაფია)	33- 5
თავი I. XVIII საუკუნის მეორე ნახევრის საქართველოს საერთო მდგომარეობის ზოგადი დახასიათება. ცენტრალური ხელისუფლების სოციალურ-ეკონომიური პოლიტიკის ხასიათი .	28
თავი II. სასაქონლო წარმოებისა და საბაზრო კავშირურთიერთობათა განვითარება XVIII ს. მეორე ნახევრის საქართველოში .	48
თავი III. ცელილებები XVIII საუკუნის საქართველოს ფეოდალურ მიწათმფლობელობაში	64
თავი IV. ცელილებები XVIII საუკუნის საქართველოს ფეოდალური ურთიერთობის სოციალურ საფუძვლებში	87
თავი V. საბატონო ფულადი რენტა-გადასახადები XVIII საუკუნისა და XIX საუკუნის დამდეგის საქართველოში	96
თავი VI. გლეხობის ქონებრივი დიფერენციაცია. კლასობრივი დიფერენციაციის საწყისები (XVIII ს. მეორე ნახევარი, XIX ს. დამდეგი)	143
საერთო დასკვნები	210
Резюме. К вопросу о характере социально-экономического развития Грузии в XVIII века	214